



OL 39/214

225⁵⁰

(M. books 1

HUBERT GOLTRIUS

C. IULIUS CAESAR

BRUGES, 1571.



DUKE
UNIVERSITY
LIBRARY

Treasure Room

GOLTZIUS, HUBERT. C. Iulius Caesar sive
Historiae Imperatorum... ex antiquis numismati-
bus restituae Liber Primus. Accessit C. Iulii Cae-
saris Vita et Res Gestae. With engraved title-page,
(browned and restored on right margin), 57 plates
reproducing Roman coins. Folio. Contemp. blind-
stamped pigskin. Bruges, 1571.

The fine engraved title-page and the plates of Roman
coins are the work of the author of this work about the
Roman Emperors.

no 83

Frider. Aug. Menke.
1811.



C·IVLIVS CAESAR
SIVE - HISTORIAE
IMPERATORVM CAESARVMQVE ROMANORVM
EX ANTIQVIS NVMISMATIBVS RESTITVTAE
LIBER PRIMVS

ACCESSIT C·IVLII CAESARIS VITA
ET RES GESTAE

HVBERTO GOLTZ·HERBIPOLITA VENLONIANO
AVCTORE ET SCVLPTORE

Sum Johannis Henrici Goltz



BRVGIS FLANDRORVM
ANN·M·D·LXXI



SERIES EORVM QVAE HOC LIBRO
CONTINENTVR.

C. Iulij Cæsaris numismata.

Bruti, & Cassij, aliorumque Cæsaris percussorum, & coniuratorum numismata.

M. AEmilij Lepidi numismata.

M. Antonij numismata.

C. Iulij Cæsaris vita & res gestæ.

Compendiaria eorum quæ à cæde Iulij Cæsaris, vsque ad
Triumviratum gesta sunt, narratio.

C. Iulij Cæsaris genealogia.

Fastorum, magistratuum, & triumphorum Ro. pars, quæ ad
tempora Iulij Cæsaris pertinet.

In aliquot eorundem Fastorum locos animaduersiones.

Notarum & litterarum singularium, aliorumque compendio-
sius scriptorum explicatio.

Dictionum Græcarum in numismatibus occurrentium inter-
pretatio.

Tituli Cæsaris varij, qui pluribus in nummis diuisim leguntur.

Partes numismatum auersæ, suis quæque capitibus attributæ.

Index rerum memorabilium, & priorum nominum, quæ
in ipsis numismatibus spectantur.

Index eorum, quæ in reliquo opere memoratu & obseruatione
digna leguntur.

Epistola ad eos, quorum opera & studio auctor se adiutum
agnoscit, cum eorundem nomenclatura & catalogo.

GVILIELMI PANTINI MEDICI

Brugensis, frontispicij operis explicatio, ad

HVBERTVM GOLTZIUM HERBIPOLITAM

Antiquarium auctorem.

ROMA potens septem subiectis collibus, ~~Orbem~~
Donat potenti Iulio:
Cui flauus flauis Tyberis subterfluit vndis
Flauo superbus alueo.
Stat lupa cis colles nutrix, trahit vbera fratre
Cum Romulo frater Remus.
Subter & his ales, Mauortia signa Quiritum,
Rostro rapax, trux vnguibus:
Et tamen expansis eadem mitissima pennis,
Solis ferox rebellibus.
Hinc pater armipotens, hinc cum genitrice Cupido,
Sortem augurantur Iulio.
Horrida bella, feras gentes, fera praelia, fausta
Sed ominantur omnia.
Vrbs dabit imperium: virtutem Marsque, Venusque:
Fortuna contuebitur.
Sors, Iuli, & virtus tua te vocat: i pede fausto,
Perrumpe robur hosticum.
Iulius it: terror quacunque incedit, & acris
Aut obsecratio, aut fuga.
Germanas acies prostratas cernis, & Anglas,
Actasque prædas Gallicas.
Et proiecta iacet mœrens Hispania: solus
At Orbe regnat Iulius.
Iulius it, videt, ac vincit: solusque triumphos
Adornat: & ouat vnicus.
Flent, plorant alij, quorum ora superba recusant
Lupata ferre Cæsaris.
Luget & Oceanus, fluuijque dolore liquefcunt,
Spoliati opibus amplissimis.
Sic quoque lugebunt non pauca numismata, HVBERTE,
Tua hæc vbi conspexerint.
Hactenus in vulgus studio, ingenti que labore
Malè sana quæ profugerint.
Scilicet hæc tua barbaries illa est, feritasque
Culti, vt vocant, si Dis placet.
Inclyta Belgarum, ac Flandrorum vrbs inclyta BRVGAE,
GOLTZII labores quæ foues,
GOLTZII Romanæ summa quæ stemmata gentis
Solertia & opè promouet.

Promo-

Promouet & densis tenebris illustria Regum,
 Ac Imperatorum domi
 Et foris acta: decus Romanis vnde petitem,
 Ut Orbis exstarent caput.
 Quò dubitem, G O L T Z I I superet laus, an ñe Quiritum,
 Quam luce donat mortuam.

ΕΙΣ ΤΟ ΑΥΤΟ

ΦΡΑΓΚΙΣΚΟΥ ΝΑΝΣΙΟΥ ΙΣΕΜΒΕΡΓΕΩΣ
 ΦΛΑΝΔΡΟΥ.

ΡΩΜΗ λαμπροτάτη πολίων κόσμοιο ἀπασῶν,
 Καὶ βασίλισσα μόνη, κράτεος μεγάλοιο τυχοῦσα,
 Θαυμασῇ βλαβεροῦς ἀλκῇ δαμάσατα τυράννοις,
 Ἐνθα καθεζομένη ὅτι οὔρεος ἑπτακορύμβου,
 Παυσομένη καμάτου παύεσθ βούλεται ἀρχῆς.
 Εὖ δ' ἐκαθεσταμένη τὰ ἑαυτῆς, ἀνέρα ζητεῖ
 Οὐτινος εὐνοίῃ ἀρετῇ τε πεφραγμένη εἴη,
 Μή τι φοβῇ ἐχθροὺς ἀσεβεῖς, καὶ ἀνδρας ὁμοίους
 Οἱ φιλέουσιν ἔριν τε κακὴν, πολέμους τε μάχας τε,
 Καὶ κραδίηφιν εἴη αἰὲν κακὰ μηχανώωνται.
 Ὡς δ' οὐχ ἰεμένη χρονιώτερον ἡγεμονεύειν,
 Αἰσασίως τε φιλῶς τε ἐὼν κράτος, ἡμὲν ἑαυτῆς
 Σκῆπτρον ὅλης ἀρχῆς βασιλείον δῖα ποροτίνει
 Τῷ μεγάλῳ κείνῳ τῷ Ιουλίῳ εὐμενέοντι
 Καίσαρι, ὡς ὑφ' οἷσιν χαρίεντί τε πολλά:
 Ἀνδράσιν ὅς πολλοῖσι καὶ ἰφθίμοισιν ἀνάσων,
 Αἰὲν ἅπαντ' ἔχει ἀν βασιλείης ἔργα διοίκειν
 Θαρσαλέως τε σφῶς τε ἄτερ θορύβοιο κακοῖο,
 Καὶ φοβεροῖς ἐχθροῦς ἐπιδόντας ὅπλοισι δαμάζειν,
 Τῷ τ' ἄρ τῆς πόλιος κοινῷ τὴν ὕβριν ἀμύνειν
 Δυσμενέων ἀνδρῶν φρεσὶν ἐν κακὰ λυγρὰ νοούντων,
 Τοῖς τ' ἄλλων σκῆπτροις παρεχόντων πράγματα πολλά.
 Ἐλλαβε τοῦτο πορόφρων ὁ Ιούλιος, ἐννόων περ
 Αὐτοῦ τοῖς ὅμοις ὅπλ' φορτία δευὰ τίθισθαι,
 Καὶ φθόνον ἀλλοδαπῶν μερόπων τάχ' ἀν αὐτῷ ὀπηδεῖν.
 Ἡύτε δὴ μήτηρ μέλεται ἀπαλοῖο γόνουιο,
 Τὸν παίδων ἄλλων πάνυ ἔξοχα ἀμφαγαπᾶσθαι:
 Ὡς Καῖσαρ Ρώμην ἀρήϊον ἱφίσταόζει
 Δῖος ἀνὴρ, μὴ τήνδε κακῶν βλάβει τίς ἀνδρῶν.
 Ἡ παραδοῦς αὐτῷ πολυμερμέρου οἴακας ἀρχῆς,
 Καὶ οἱ ὑπερχομένη ἀντὶ σκληροῖο πόνουιο
 Λαμπροτάτην φήμην ὧσα' ἐσσομένοισι βροτοῖσι,
 Εἰς ἀρετὴν ποτρέπει καὶ αὐτομάτως ποττρέχοντα,
 Ἰεμένον τε τυχεῖν δόξης μάλα δητὰ μενούσης,
 Γινώριμον ἢ δὲ βροτοῖς πᾶσ' ἔμμεναι ἀλλοδαποῖσι,
 Τοὺς δ' ὑπὸ χερσὶν ἑαῖς ἀπιθείας κρατερῇσι δαμάσσαι:

Καὶ μάλα ἐυχόμενον περὶ πάντων ἔμμεναι ἄλλων,
 Πάντων τε κρατέειν μερόπων, πάντεσσι τ' ἀνάσσειν
 Οἰσὺς ἡέλιος ἐπαυγάζουσιν ὅπως αἶ.
 Ταῦτ' οὖν σκηπτρα λαβὼν ὁ Ιούλιος, ἦρχετο ἐυθύς
 Ἡθεα παμπόλλου τοῦ πλήθεος φαῦλα διορθοῦν,
 Συγκαλέσας φρονίμους συμμήτορας, ἠδ' ἐγεραίους:
 Ὡν ἐπικουρῶντων ταχέως ἔϋ ἤρμοσε πάντας.
 Ἡ δ' ἐλύκαινα γέρον διδύμω θηλάζει ἀδελφῶ,
 Ρώμυλον ἠδ' ἐρέμον, παρὰ Ρώμῃ: ἢ ἐκ τόσον ἦρε
 Τὴν κεφαλὴν ἐν ταῖς πόλιν μέγα ἕξοχος ἄλλαις,
 Οἶσον ὁ ἥλιος νικᾷ τοὺς ἀσέρας ἄλλους.
 Παῖδε τὸ μὲν πρῶτον μάλα νηπίω, αὐτὰρ ἔπειτα
 Καρτίσω πόλιος θεῖης ἐπαμύντορε ἄμφω:
 Ἡ καὶ σφέων ἀουδῇ παρώπῃσιν ἀπασα τέτυκτο.
 Πάρ δ' ἐτὶ ἄγχ' ῥέει ποταμὸς πόλλ' ὕδατα φύων,
 Κύματά τ' ἐκχεύων ἀφρώδεα, ἠδ' ἐθύελλας,
 Θύμβρις ἀπ' ὑψηλοῦ Ἀπεννίου ὄξυς αἴσων,
 Θύμβρις ὁ σκηπτοῦχος, ποταμῶν βασιλεύτατος ἄλλων,
 Θύμβρις ὁ αἰπὺν ῥέεθρον ἐπιπροῖεις ἀλλ' ἰδία,
 Θύμβρις ὁ ὠκύπορος, ῥείων ὡς ὠκύς οἷσος
 Ἐπτατο ἐκ χειρῶν ἀνθρώπου τοξοβόλοιο.
 Νηὺς δ' αὖ ποντοπόρος Κρόνον ἡμὲν ἀγῆνορας ἀνδρας
 Ἐνθάδε ἐλθέμεναι δηλοῖσι νηυσὶν ἐῆσιν,
 Τῶν πολυευκτοτάτη Ρώμην μάλ' ἀέξεν ἀφιζίς
 Παντοδαποῖς λαοῖς, δυνάμει τε κλυτῇ ὑπὲρ ἄλλων
 Τῶν πολλῶν, δμήτειραν ὅλης γαίης τε αἰὼς τε,
 Τὴν πάντες λαοὶ, παῖσά τε σέβουσι γένεσθαι.
 Τῷ δ' ἐκάτερθεν ὁρᾷς, Ἀφροδίτην ἡμὲν Ἀρηα,
 Δαίμονέ ἐισ' αὐτῆς ἐπαμύντορε ἠδ' ἐπικούρω,
 Τὴν ἐπὶ συμμαχοῖς αἰεὶ ὀφθαλμοῖσιν ὁρῶντε,
 Μή τι κακὸν παρέχη αὐτῇ πολυπαίπαλος ἐχθρός.
 Τοῖνδ' ἐγὼ σωζόντοιν, χωρὶς λυπυροῦ φόβοιο
 Ἰσάται, οὐδέ τις ἀν' τολμήσαι βλαπτέμεν αὐτὴν,
 Οὐδέ κατ' ἄρ' σεμνῆς βουλῆν δολόεσσαν ὑφαίνειν.
 Εἰωθὼς δ' ἐφέρειν μεγάλου σημῆϊα Ζηνός,
 Ἐνθάδε Ρωμαίοισι διοτρεφέεσσι πάρεςιν
 Αἰετὸς ὑψιπέτης ταυσιπτερος, ἀγλαὰ νίκης
 Σύμβολα βασιλῶν μεγαθύμοις, ἠδ' ἐθελιάμβω
 Παμμεγέθεος, ζῶειν τε ἄτερ συγεροῦ κελεύων
 Πένθεος, οὐδέ τρέειν μερόπων τινὰ ἐλλοχοάντων,
 Οὐδέ γ' ἐγὼ τολμῆν τε μένος καὶ ἀγῆνορα θυμόν.
 Εἴτα κάτ' ἐφορᾷς λαῶν φῦλ' ὅσαστε Καῖσαρ
 Αἶμαλέοις νίκησεν ὅπλοις, κρατερῇ φὶ τε χειρί.
 Ἀχρῦμενοι κέινται, καὶ σφέων φίλον ἦτορ ἔδοντες,
 Οὐνεκα τοῦ βαρέος πολέμου κακὰ μυρὶ ἔπασχον,
 Ὅς πολλοῖς αὐτῶν πολυπενθέα θῆκεν ὄλεθρον:

Κελλοῖ

Κελτοὶ βῆσιζάμενοι πολυποίκιλον ἔργον Ἀρης,
 Ἡμὲν Βρεττανοὶ ναίοντες ἐπ' ἔσχατα γαίης,
 Εσπερίων τε γονῇ, καίπερ μαχίμωτάτη οὔσα,
 Καὶ ἑτέροι πολλοί, τῇ δ' ἡ κράτος ἐπλετο πολλόν,
 Στήθεος ἐκ σοναχᾶς, καὶ δάκρυα θερμὰ χέοντες
 Οφθαλμοῖσιν ἑοῖς, ἀτυχέες παλάμη τε βίη τε,
 Ἡδ' ἐμαχέσσάμενοι Ἀρεῶς σφισιν ἀχθομένοιο.
 Ωκεανὸν τε μέγαν πολλὰ πείθεσθαι ἀνάγκη
 Ρωμαίων υἱοῖς μεγαθύμων ἀλκιμάχοισι.
 Ως δ' ἅπαζ εἰπεῖν, ὅσπον πᾶνδ' ἄνθρωπος ἄρουρα
 Τίπτει, καὶ ποταμοὶ πολὺ βενθέες, ἡδ' ἐθάλασσα
 Ατρύγετος, πείθει τῷ Ρωμαίων βασιλῇ
 Ἡγεμόνων ἄλλων φρονιμώτερα κοιρανέοντι.
 Ρωμαῖοι τόνινυ μὴ δῆϊος ἐχθρὸς ἀφαιρῇ
 Τμὴν τὸ σκῆπτρον μάλ' ὀράτε, θεοὺς δ' ἐσέβεσθε
 Τῶν διατῶν μοῦνοι τῆς γαίης κοίρανοί εἰσε,
 Ἡδ' ὑμᾶς τιμᾷ παντοίων ἔθνεα λαῶν.
 Δῆμοι δ' ὑμετέρῳ βασιλεῖ ὑπακούετε ἐκόντες,
 Μὴδ' ἐποτ' ἀντιμάχεσθ' ἢ μὲν λόγῳ, ἢ καὶ ἔργῳ.
 Οὕτως ὑμείων ἀρχὴ διάπαντος ὑπάρξει
 Ολβιος ἔρχομένοις τε καὶ ἀρχόντεσσιν ὁμοίως.

IN IDEM,
 IACOBI CRVQVII MESSINII
 PROFESSORIS BRVGENSIS.

CONSONA mens Diuūm cælos moderatur & ignes
 AEthereos, elementaque mundi:
 Arbitrio quorum terrena humanaque cuncta
 Stant, nunc interitura vicissim.
 Et nihil æternum, nisi quod virtute paratum,
 Fortuna comitante labores.
 Sic tu Cæsar habe iussu patris altitonantis
 Imperium sine fine superbum:
 Quo te Roma potens, Romanæ gloria gentis,
 En tanto veneratur honore.
 Mars iubet esse ratum, probat hoc Cythereia, benigni
 Romulidum AEneadumq; parentes.
 Hoc duri casus meruere, hoc fortia facta,
 Hoc labor, indefessaque vita.
 Gallia mœsta gemit, falcatis curribus, eheu,
 Incumbens lacrymosa fatiscit.
 Hoc germana dolet, deuicta quoque arma fatetur,
 Oceanus Tethysque Britanni.
 Ponte gemit Rhenus, Rhodanus tua iussa capeßit,
 Belgæ refert tibi Scaldæ triumphos.

Certatim tua gesta canunt Galli, Itali, Iberi,
Certatim tibi lauream adornant.
Quare agè, mactè animi, tellus tibi cedit habenas,
Teque patremque Deumque salutat.
Te virtus, te LAVRVS amat, te GOLTZIVSVS
Miratur, laudat, veneratur:
Ingenio, arte, manu, contestans posteritati
Iulia corda, animosque perennes.

IN IDEM,

IOAN. CASIMBROTTI BRVGENSIS

O D E.

VT stetit excelfo spectans è vertice montis
Septem distincto collibus,
Roma potens, populi dominantis more sinistro
Mores & crimen arguit.
Arguit inuicto genio, fusoque dolore
Tristis, luget rerum vices.
Quærit opem, & dubiæ quæ sit via certa salutis,
Alto versat consilio.
Interea rupis rugoso in margine prodit
Fortis bellator Iulius.
Euocat illustrem meritis, vt nobile capet
Orbisque Vrbisque imperium.
Accipit imperium, testatur numina Diuum,
Fausto vt cedat suffragio.
Mars pater, alma Venus, spondent, gnatusque Cupido,
Felix vouent præsidium.
Cæsar abit, mox arma tonant, queis tendere in hostem
Consuebat dextra vindice.
Fit via vi, rumpitque aditus, omnisque recedit
Longè fæmineus timor.
Dirum carpit iter, rarisque habitata colonis
Sulcata inuadit littora:
Hesperiamque omnem, & gentes discrimine vasto, &
Toto distinctas spacio.
Cogere Romanum imperium, sceptrumque vereri,
Fascesque horrere Cæsaris.
Et mare contremuit, cælumque solumque subactum
Victori cedunt Iulio.
Sic voti compos, peregrinæ incommoda terræ
Expertus, retro properat.
Dij patrij, quorum auspicijs stat maxima Roma,
Victori applaudunt reduci.

Et pa-

Et patres, primique ducum, lectique Senatus,
 Clarique in rostris proceres,
 Pontificis titulo, formidandisque thiaris,
 Illustrem signant Cæsarem.
 Commotæ extemplo Parcæ, fallaxque rotatu
 Fortuna, expers constantiæ,
 Conspicuum populo, suprema in sede locatum,
 Virtutem exosæ, rapiunt.
 Cui nocuere nihil, viuit iam fama superstes,
 Et sortem, & mortem negligens.
 Viuit, ait, viuit, lauro redimitus & auro,
 LAVRINI & GOLTZI auxilio.
 Viuit, & æternos æui venientis honores
 Vobis defert auctoribus.

ΕΙΣ ΤΟ ΑΥΤΟ
 ΑΔΟΛΦΟΥ ΜΗΚΕΡΧΟΥ ΒΡΟΤΓΙΕΩΣ
 Τ Μ Ν Ο Σ.

Ὑμνεῖ Μοῦσα πόλιν Ρώμην τὴν παρβασιλείαν,
 Ἐπτάλοφόν τε, τυραννοκτόνον τε, καὶ ὑψιμέδουσαν
 Ἡ ἀρχῶν ἐκ μικροτάτων ὑπὲρ οὐρανὸν ἦρε
 Τὴν κορυφὴν, χθονὸς εὐρείης κεφαλὴ κληθεῖσα.
 Καὶ γὰρ ἔπει Τροίης ἱερὸν ποτολίεθρον ἔπερσεν
 Ζεὺς ὑψιβρεμέτης τὰ δόλυμνια δώματα ναίων,
 Αἰνείας Ἰάδεος, τὸν Δαρδανίῳ Ἀγχίση
 Χρυσεῖν κυθήρεια Διὸς θυγάτηρ κρονίωνος
 Ἐν φιλότῃ μιγεῖσα τέκεν Σιμόντος ἐπ' ὄχθῃ,
 Σὺν τοῖς πατράσιν θεοῖς μεγάλοισί τε, Τρῶας
 Λείψανα τῆς Δαναῶν εἰσήγε Λατινίδι γαίῃ
 Νηυσὶν ἐνῆς, κατὰ κῆμα πολυφλοίσβοιο θαλάσσης.
 Ἀλλὰ δ' ὅγ' ἐν πόντῳ πάθεν ἄλγεα, πολλὰ δ' ἐγαίῃ
 Αἱματόεντος ἐν ὁσμίνῃ κρατερῇ πολέμοιο.
 Ἐνθα μετ' Ἀσκανίῳ ἐοῦ κεχαρισμένου ἱοῦ
 (Τὸν μὲν ἐώθασ' Ἴλον μητέρες Ἰλίου ἐντὸς
 Ἰλιάδες καλέσαι, νῦν δ' ὀνομα αὐτῷ Ἰούλος)
 Τῇ Πριάμου γενεῇ βασιλείαν ἥρξατ' ἐγείρειν
 Καινὴν, ἐν Λατίῳ ἐριβάλακι βωτιανείρῳ:
 Ἰφὶ δ' ὁμοῦ Τρῶων τε ἀνάσσειν τῶν τε Λατίνων,
 Μακρὴν σφιν πόλιν Ἀλβὴν οὐρεὸς ἐς πόδα τεύξας.
 Οὐ δὴ Αἰνείας βίη, κλυτοῦ ἡμῶν Ἰούλου,
 Καὶ παῖδες παίδων, καὶ οἱ μετόπισθε γέγοντο,
 ἥρξαντ' ἐθνεῖ τῶνδε τριηκοσίους ἐνιαυτούς:
 Ἰλία ἕως βασιλίας ἱερεῖα παῖς Νυμίτωρος,
 Ἀρσὶ Ρώμυλον ἠδ' Ῥέμον διδυμάονε παῖδ'

Εἰρηκος

Εγκυος οὔσα τέκεν. Τῷ δ' ἀρπτόκω παῖδά δελφος
 Λυγρὸς Αμούλιος, οὐνεκ' ἔην μαλαχόμορος κῆρ,
 Θύμβριδος ἐς τὰ ῥέεθρα βρέφει κατὰ δ' ὕν' ἐκέλευσεν.
 Ἀλλ' Ἀπεννίνιο κατ' ὕψηλοῖο καρηνῶν
 Βᾶσα λύκαιν' ὀρεσέβροφος ἄμφω θρέψατο μαζοῖς,
 Εασομένω σώσασα δ' ὕψι κοσμήτορε λαοῦ.
 Τοῖν δ' ἀποβησάμενοι εἰς ἀνέρε, τείχε' Ἀρης
 Ράμυλος ἐξάνγειρεν, ἀπ' οὐνόματος σφετέροιο,
 Ἡ φῶδ' αἰ, ὡς φάσκουσ' ἱεῖς, ῥάωσιν τε βίαντες
 Τόωμοι δούε. Τὰ δ' ἐ Ζεὺς Κρονίδης, καὶ δαίμονες ἄλλοι,
 Ἡὺς δ' ἐ μάλιστ' ἀφίλησεν Ἀρης, καὶ κῆδετο Κύπρις
 Αἰδοίη, χρυσοσέφανος, καλὴ Ἀφροδίτη.
 Εξ δ' ἐ μόνον βασιλῆες ἔσαν μετὰ Ράμυλον, ἀλλὰ
 Σύγκλητος δ' ἦμος θ' ἄμα, πράγματ' ἅπαντα, καὶ ἄστυ
 Εἰρήνη πολέμῳ τε διωκῆκας: ὑπάτοι γάρ
 Τὴν ὑπάτην μεγαλοφροσύνην, ῥάβδους, πελέκεάς τε
 Δῶκαν ἔχειν, κατ' ἔτος δ' ἐ θέσαν τὰ ποιμένε λαοῦ.
 Τῆς δ' ἐ πολιτείας δημοκρατικῆς κρείουσας,
 Ρωμυλιδῶν ἀρῆιφίλων μέγα κοιρανέοντων
 Νωλεμέως ἀπέραντον αἰὲ κῦδος τ', αἰετός τε,
 Καὶ νίκαι πεπτότηντο διὰ κλυτὰ πείρατα γαίης,
 Ἡελίου Φαέθοντος ἀπ' ἀντολῆς ἐπὶ δυσμᾶς.
 Ἐν δ' ἄλλοις προγόνους Τρῶας κολάσαντες, ἔπεσαν
 Ἀστιά τ' Ἀργείων, Ἀγαμέμνονιάς τε Μυκῆνας,
 Πύρρον τ' Αἰακίδην, κρατεροῦ γένος ὄντ' Ἀχιλλῆος.
 Ὡς δ' ἦδη γῆρα προβέβηκεν πότνια Ρώμη,
 Ἔργα τε νῦν πολέμου πολυαῖκος κατέπαυσε,
 Πολλῆς θ' ἡσυχίης ἔτυχεν, πολλῆς τε γαλήνης:
 Ὡς φιλοτεκνοτάτῃ μήτηρ παῖδά πάντα,
 Βασιλικὸν μέγεθος, δύναμιν, σπῆνξόν τε, καὶ ἀρχὴν
 Καίσαρι δῶκεν ἔχειν τῷ Ιουλίῳ, ἥν τε τέκνω:
 Τρῶς ὅτ' ἔλυ γένεσιν, πολλῶν τ' ἀντάξιός ἀνδρῶν,
 Ἀμφότερον, βασιλεύς τ' ἀγαθός, κρατερός τ' αἰχιμητής.
 Ὅς γε τὸν Ωκεανὸν τε δάμασσε τὸν ἐννοσιγαῖον,
 Ῥῆνον τὸν ποταμὸν, Σκάλδιν, Τάμεσιν τε, καὶ ἄλλους:
 Ουρεὰ Πυρραῖά τε, καὶ βαθυάγκυας Ἀλπεῖς.
 Ἰππομάχων πυκινὰς Βρετανῶν κλονέουσε φάλαγγας,
 Ἀρματα Κελτῶν δρεπανοειδέα, φάσγαν Ἰβήθων,
 Τὴν πόλιν ἀντιβίων σέφας πλείεσσιναι βοεαῖαις.
 Ἐντεῦθεν δ' Αὐγούστως ἐμοιωάρχησε, καὶ ἄλλοι
 Καίσαρες οἱ μετὰ τόνδε, κακοῖσι μεμιγμένοι ἐσθλοί.
 Οἷον γὰρ μερόπων, τοῖον γένος ἐστὶν ἀνάπτων.
 Οἱ δ' ἐπεὶ Ρώμῃ ποτ' ἐπὶ ξυροῦ ἵστατο ἀκμῆς,
 Ἀψ' ἀκλόν ἡμᾶρ ἀμύμον μητέρι, τιμήσαντες
 Δεσποιναν κόσμου. Τῇ καὶ ΜΑΡΚΟΣ πολυτίμων,
 ΓΟΛΤΖΙΟΣ ἡδ' ἀνέθηκεν ὑπέρτατος εἰκόνα τήνδε.

I N I D E M,
IOAN. CASTELII CHELVI
FLANDRI.

ASPICE, Roma caput, vastique potentia mundi,
Collibus hinc septem corpore nixa sedet.
Illa quidem grauida imperijs, rerumque potita,
Qua nitet Eous, Hesperiusque dies.
Iam velut emerita, atque onere hoc cessura quiescit,
Consortemque sui deligit imperij.
Iulius ergo sacra præclarus origine Cæsar
Illius hinc astat cominus ante pedes,
Sacra triumphali redimitus tempora Lauro,
Romanique habitu cinctus ad arma Ducis.
Cui populi fasces iam tradit, & orbis habenas,
Et sua committit sceptrum tenenda manu.
Nostra capeffe libens regna, inquit, & istius idem
Terminus Imperij, terminus Orbis erit.
Hoc etenim duce te mihi longè augustius, atque
Auspicijs surgent aurea sæcla tuis.
Ergo agè, macte tua virtute, agè maxime Cæsar,
Aggredere hoc tanti numinis auspicio.
Aggredere, ô, magnos inuicto corde labores
Imperij, & curas concipe mente graueis.
Sic te certa tuæ celebris præconia famæ,
Æternusque, mihi crede, manebit honos.
Officijque sui memor, & tibi grata rependet
Posteritas meritis præmia digna tuis.
Postmodò Diuus enim toto applaudente Senatu
Cælitibus superis annumerandus eris.
Idque olim Idalio cælum testabitur astro,
Supremo instabunt cum tibi fata die.
Ecce etiam pueros nutrit hinc lupa raua gemellos,
Atque in quos patruus sæuijt, illa fouet.
Hinc Remus, hinc manibus prægestit Romulus, altè
Lactantisque feræ pendet ab ubribus.
Nunc pueri, ast olim magni primordia Regni,
Et quorum auspicijs condita Roma fuit.
Haud procul inde caua Tiberinus valle recumbit,
Fultus arundifera membra supina manu.
Cuius, ut è pleno thesauros Copia cornu,
Diues inexhaustas vrna perennat aquas.
At vicina ratis classẽ notat amne receptam
Parrhasij iuuenis, falciferique senis.
Quorum euasit adhuc tenuis Roma auctior olim,
Et gemina tellus hospita creuit ope.

Præteream prudens, extremo in margine quæ sunt
 Hic sita cælicolûm numina bina Deûm?
 Hinc Mars, inde Venus, veluti Urbis vterque parentes,
 Et quorum semper numine tuta fuit:
 Mars pater infestis præformidabilis armis,
 Ipsaque cum puero præpete nuda Venus,
 Hanc procul obseruant oculis, curaqué fideli,
 Præsentiqué augent, atque tuentur ope.
 Quæque etiam latè geminas Aquila explicat alas,
 Quæ solet arma Ioui, hîc Romula signa refert,
 Insignem veluti victrix super alta triumphum
 Nubila depulsis hostibus vndique, agat.
 Inde vides, bello Cæsar quos vicerit hostes,
 Quasque armis gentes fortibus exuerit.
 Debellata sedet, lachrymosaque bella perosa,
 Atque triumphato Gallia mœsta Duce.
 Illa etiam Orbe procul semota Britannia nostro
 Depresso capite hîc tristia fata gemit.
 Vtraque victa dolet, spolijsque exuta, suasque
 Ingemit, heu, duras sub iuga missa vices.
 Oceanumque patrem tergo hîc vehit horrida Pistrix,
 Dum suspensus aquis ocia remus agit.
 Et famulas submittit aquas, Aquilæque ministras,
 Ac se Romano subijcit imperio.
 Hîc Tagus aurifluus, Rhodanus, Rhenusque bicornes,
 Flexiuagoque piger tramite lapsus Arar,
 Schaldaque magnanimis Belgarum nobilis oris,
 Atque parùm noto nomine turba minor,
 Victricique Aquilæ, & Tusci nunc Tybridis vndis
 Assurgunt, domitis & famulantur aquis.
 Singula quæ veterum, Lector, tibi schemate prima
 Fronte libri graphicè picta tabella dedit.

E I V S D E M.

Aetis bisseis ter quinque ad sæcula lustris,
 Cumque secunda gelu nos grauis vrget hyems,
 Prodibat GOLTZI Brugis opera, atque labore,
 LAVRINI studio, ac sumptibus, istud opus.

IN C. IVLIVM CAESAREM
studio atq; opera M. Laurini Domini de Wateruliet
ab Huberto Goltzio Herbipolita
restitutum.

ARNOLDI MOTORII BLANKEBERGANI
Flandri D. Donatiani Brugis Canonici.

ARCTOIS olim terna trieteride in oris
Auspicijs Martis tutus vbique fui,
Omnia præpetibus loca dum præteruolat alis,
Accepit famam Iulius, atque dedit:
Nam Diuûm ad sedes, ac magni templa tonantis
Hinc sibi strauit iter, Cæsaribusque suis.
Hinc facilem vinci totus se præbuit Orbis,
Tantum tunc instar Gallia victa fuit.
Fortibus & partum est nomen memorabile Gallis,
Quòd tali ad tempus vel restitère viro.
Omnia fors versat: mutantur tempora rerum:
Et vix stare valent maxima quæque diu.
Credere quis posset? consumpta est morsibus æui,
Totaque defecit cum duce Roma suo.
Iulius in tenebras, fama super æthera notus,
Abscessit: solùm nomen inane manet.
O faciles hostes, ò candida pectora. sola
Victorem illustrat Gallia victa suum.
Maiestas redijt, veteres redièrè triumphij:
Notaque vix vlli reddita Roma tibi es.
Nunc omnes dominam credunt, rerumque potentem,
Eorū gentes, Hesperiaque simul.
Flandrica Laurus eat circum tua tempora Iuli,
Atque triumphatæ munera gentis habe.
Laudetur Daphnis: Belgarum gloria Bruggæ
Laudentur, tantum quæ peperère decus.
Hoc Nympha Hydrorhoe dum se iactabit alumno
Perpetuò felix Oceanitis erit.

ARNOLDI BARZII I.C. BRVGENSIS.

In Laurum Daphnem versam cùm fleret Apollo,
Hæc in prorupit carmina mœstus amans:
Qua mihi nulla frui per fata superstite fas est,
Hanc vel in obductam cortice depereo.
Æternùm te nostra chelys cantabit, & arbor
Viuentis specie munia obibis, ait.

Iure tuo Laurus monumenta perennia Regum,
 Iure tuo Laurus quæque trophæa feres.
 A te pendebunt Aquilæ, Mauortia signa,
 A te pendebunt arma micante cono.
 Te redimita gerens victricia tempora, Romam
 Curribus auratis ingreditur ouans.
 Delphica ut hæc credas oracula, præstat id vnum
 Eximium Daphnes posteritatis opus.
 Quod non ostentat laceras, sanieque fluentes,
 Sanguine nec tinctas exhibet exuvias:
 Sed rediuiua tibi Romani Cæsaris ora,
 Spirantisque habitum reddit & effigiem.
 Aetati veteris quæcunque numismata census
 Restituit, tantum quo stetit imperium.
 Hoc in præsentem quasi rem tu tramite ductus,
 Te multis sæclis iam superesse putes.
 Quam nec olympiades multæ, nec lustra pararent,
 LAVRINI est opera tradita cognitio.
 Tradita cognitio, qua quid ne illustrius esset,
 Ingenij hubertas fecit HVBERTÆ tui.
 Hæc coniuncta manus cum dexteritate politæ,
 Tanta est, ut Belgis inuideat Latium.

IACOBI RAEVARDI I. C. BRVGENSIS.
 ad Cæsarem rediuiuum.

Viuere te video, verum est, nam viuida virtus
 Te decus, & patriæ sustinet esse patrem.
 Sed (fateamur enim) cùm te tua Roma reliquit,
 Viuius, & ut viuius, semi ita viuius eras.
 Ast simul ut vitam tibi GOLTZIVS arte perenni
 Integram, veras vertit in effigies:
 Cæsar iure modis superest tibi vita duobus,
 Nomine viuis enim, viuis & effigie.

ΝΙΚΟΛΑΟΥ ΔΡΟΥΜΑΙΟΥ ΒΡΟΥΓΓΕΩΣ.

Φέρτερος ἀθανάτων, ἔσσημος τ' ἀργυρότοξος
 Ἔργον θαυμάζων ἔβλεπε ΓΟΛΖΕΙΟΝ.
 Οὐδέποτε θαμβός καλλίσω γέγραφ' Ὀλύμπω,
 Νῦν πάλιν Ἰφθυίως Καῖσαρ ἐς ἄστρα ἀνεί.

IDEM LATINE.

Cælicolum Princeps acri spectabilis arcu
 GOLTZIAM admirans aspiciebat opus.
 Tandem perplexus stellato scripsit Olympo:
 Nobilis eni rursus Iulius astra petit.

ADOL-

ADOLPHI MEKERCHI I. C. BRUGENSIS.

Aureus auratas voluit Pæstolus arenas,
Argentum profert India, ut ara Cyprus:
Hubertas, HVBERT E, tua hæc huberrima, multò
Huberius cèrtè fluminis huber habet:
Nam vehit argentum, vehit æs, aurum vehit aluæ
Omne, quod AEnæadum prisca moneta tulit.
Protegit hoc flumen Laurus viridante sub umbra,
Vndifluas Laurus confita propter aquas.
Cui non vlla suos vis perturbabit honores,
Non Auster virides auferet imbre comas:
Sed patulis fulgur ramis, sed dira venena
Arcet; & à ripis noxia quæque fugat.
Naiades hoc, Satyri, Dryades, Pan, Phæbus, Athena,
Hoc Charites gaudent flumine, & Aonides.
Vos me, Pierides, quoque in hæc damnate metalla,
Has studio ut venas huberiore colam.

GEORGII CASSANDRI.

Nulla per Ausonias quod præstitit hætenus vrbes,
Hoc nunc, Roma, tibi Flandrica Bruga parat.
Digni perpetua redimiri tempora lauro,
LAVRINI per quos nobile surgit opus.
Nec minus HVBERTI doctissima dextra meretur,
AVREVS ut volitet docta per ora virum.

MARTINI SMETII FLANDRI.

GOLTZIVS hæc plano sculpsit Germanus in ære,
Quæ paulò antè agili pinxerat ipse manu.
Prælum, operas, atque impensas suffecit opimas
LAVRINVS, Brugæ gloria magna suæ.
Barbara quæ quondam fuit, en Germania nunc est
Nobilis ingenijs, artibus, atque viris.
Quæque olim incultus fuit horrida Flandria siluis,
Tales nunc fructus edere culta valet.
Ne tamen inuideas nobis, docte Itale, nostras,
Quas nunc post alios fata dedere vices.
Græcia prima artes coluit doctissima cunctas:
Quæ post cesserunt, maxima Roma, tibi.
Tu deinde imperium nostras dum mittis in oras,
Huc etiam dotes fersque locasque tuas.
Linguam, inquam, moresque tuos, artesque politas,
Et cultus quicquid splendidioris habes.

Hæc vbi nos studio tandem percepimus acti,
Non nobis solis addidicisse sat est:

Sed tua dona tibi ferimusque accepta, damusque
In lucem, vt constet pluribus esse tuam.

ΙΑΚΩΒΟΥ ΠΛΑΓΚΙΟΥ ΒΡΟΥΓΙΕΩΣ.

Φοῖβος ἰδὼν ὄυβέ'ρτε σφέων λατρίῃν ἐπεσπιδὼν,
Φησὶ, τί λήφονται ἀντὶ πόνου βαροῦς;
Εἰπέ τις ἐκ χαρίτων, αὐτοῖς δώσωμεν ἀέθλον.
Ἄξιον, ἀχρεῖοι μὴ δοκέωσι φίλοι.
Ευφημοῦσι θεοὶ πάντες πᾶσαι τε θεαί, αἰετῶναι,
Ἀιδεῖσθαι τούτους ἀνέρας ὡς ἀγαθοὺς.
Ζητοῦσιν σπάνιον σπανίοις ᾧ δαδούναι ἀέθλον.
Τοῖς ἐταροῖς. ᾧ τις πάγκαλα δῶρα φέροι.
Οἱ μὲν τῇ αὐτῶν κεφαλῇ πῆρικαλλέα μύρτον,
Οἱ δ' αὖ τὴν δάφνην, ἀγλαὰ δῶρα θεῶν.
Ὡς μὲν ἅπαρ εἰπέιν, φέρεται κειμήλια μουσῶν
Ἄξια, θυγατέρεσσιν αἰγιόχοιο Διός.
Ἰούλιος εἰσαχθεὶς Καῖσαρ διὰ φαίδιμα ἔργα
Οὐρανὸν εἰς εὐρύν, φοῖβε εἰπέ πάτερ,
Οὐπω τίς δ' ᾔκεν τῶν ἔργων ἄξια κἀλῶν;
Αὐτοῖς δὲ μάλλον τῷ νομα Ἀθάνατον.
Ἡμιθέων κρατερῶν τ' ἀνδρῶν ὅτι παράγματ' ἔγραψαν,
Ὡν κλέος ἦδ' ἐθεοῖς γνῶριμον, ἦδ' ἐβροτοῖς.
Φοῖβος ἔφη σὺν πᾶσι θεοῖσι, δοθήσεται αὐτοῖς
Ἀθάνατος εἴφανος, τῷ νομα ἦδ' ἐθεοῦ.

ALEXANDRI COLONAEI I. C. BRUGENSIS.

GOLTZIVS arte, manu, digitisque sequacibus vsus,
Hoc tibi conscripsit, candide Lector, opus.
Gallia miratur, stupet Itala terra, suorum
Tot tibi signa ducum, tot simulachra dari.
Ecce reuiuiscunt veteres in imagine Reges,
Ni manibus tangas, viuere posse putes.
GOLTZIVS exsculpsit, dedit æs LAVRINVS: vterque
Nobilis ingenio, clarus vterque manu.
Ille manu summè pollet sculptrice: benigna
Hic (si animum spectes) explicitaque valet.
Ille opera, hic opibus opus hoc confecit: & amplas
Ingenij vires ambo dedere sui.

IN

IN HISTORIAM IMPERATORVM

Cæsarumq;, & Fastos magistratuum Ro. ex antiquis numismatib. opera & studio M. Laurini

Domini de Wateruliet, ab Huberto

Goltzio Herbipolita restitutos.

ΑΔΟΛΦΟΥ ΜΗΚΕΡΧΟΥ ΒΡΟΥΤΙΕΩΣ.

Αἰ βίβλοι, τίνες ἐστὶ; τί κέν θετέ; θυγάτηρες μὲν
ΟΥΒΕΡΤΟΥ ΧΡΥΣΟΙΟΥ, τὸν Ερβίπολιν τέκε δὶ τῆς
Εν κόλποις δ' ἰδίοις ἔαφ' Ἀυρῖνος ἀμύνων,
Δαφνίκομος ΛΑΥΡΙΝΟΣ ὁ δέσποτα τοῦ πτολιέθρου,
Ο φλάνδροι καλέουσιν ἀφ' ὕδατος ἀμφὶ ρέοντος.

Τὴν Ρώμην λέγομεν, Ρώμην τὴν κυδανείραν,
Τοὺς πολέμους, νίκας τε, βοτταῖά τε τῆς βασιλῆαν
Αὐσονίδων, τὰ θέαζα πελώρια, τοὺς τε θριάμβους,
Αρχόντων ράβδους, τιμάς τε, καὶ ἱερὰ λαοῦ,
Δαίμονας ἢ δὲ θεοὺς ἰδίους, ἀναθήμαθ', ἑορτάς,
Τὰς πόλιος πανηγύρεας, κρατερῶν τε ἀγῶνας,
Αθλά' τε, χ' ἡρώων περικαλλέ' ἀγάλματ' ἀγαυῶν,
Καὶ πάντως Λατίου τὰ περικλυτ' αἰείδομεν ἔργα:
Ὡς τοι σημαίνει τὰ νομίσματα μυρία ταῦτα,
Χρύσεια σὺν χαλκοῖσι, τὰ χάλκεά τ' ἀργυρέοισιν:
Αρχαίου ξύμπαντα χρόνου, ξύμπαντά γε γαίης
Εκ βάθρων ὀρυγέντ', ἀγαθῶν μνημεῖά τε ἀνδρῶν.
Ἡμᾶς Ρωμαῖοι γοῦν ἴλασθ' (ὅθ' ἴσορες ὑμῶν
ἔσμεν) σὺν Κρίσῳ, Λιβίῳ Τρόγῳ τε πάλαιοις.

IOAN. GELRII RVSSELLANI FLANDRI

ad Romam.

Debita quæ semper præconia reddere laudum,
Claraque pro meritis præmia Romæ solēs
Iam tua LAVRINOS rara manus alma corona
Exornet, sed ne frondea dona paret.
Non Iouis, aut Bacchi, Veneris, non Palladis arbor,
His poterit dignum conciliare decus.
Et si longæua circumdes tempora lauro,
Non hoc apta satis tempore laurus erit.
Phœbus enim teneris sibi notus semper ab annis
His pridem LAVRI nomen habere dedit.
Post ubi Phœbeas coluisset vterque Camænas,
Implicuit doctis laurea ferta comis.
Ergo ut nunc meritum capiant virtutis honorem,
Aurea laurigera munera fronte gerant:
Per quos tota vires, & per quos AVREVS ille
Exercet mira GOLTZIVS arte manum:

Quæ nitor ille tibi, quem longa aboleuerat ætas,
 Redditur & Latio Roma vetusta solo.
 Vt tua non tantum veteris tibi gloria regni,
 Et ducibus redeat splendor honosq; tuis,
 Quorum iterum antiquos titulos, celebresq; triumphos
 Cernas, & varijs parta trophæa locis:
 Sed quoque nunc priscis ob cusa numismata formis,
 Nil sit Romana notius historia.
 Inunc, & cultos solos dic esse Latinos,
 Et Germana tibi barbara terra fiet.
 Qui fuit Herbipoli Germanis natus in oris,
 Vt modò sis tanto culta decore facit.
 Quo si non meruit statuam de marmore viuo,
 Quæ proftet medio conspicienda foro,
 Hoc saltem, G O L T Z I sis felix, dicito, qui me
 Erigis, & penitus nec cecidisse finis.

IACOBI RAEVARDI I. C. BRVGENSIS.

Quem mihi Musa virum memoras? est G O L T Z I V S. ille?
 Illène tam insignis qui facit artis opus?
 Ecquid agit? viuit? viuit. & imagine viua
 Expressit viuam Cæsaris effigiem:
 Occultis celebres (ô factum nobile) signis
 Fastos Roma tuos hac simul arte notans.
 Ille potestatum lauros, fascisque figuris
 Lustrat, & innumeris ornat imaginibus.
 Dixi, & te docui scrutari rudera Lector,
 Quæ doctam cernes restituisse manum.

IACOBI CRVQVII MESSINII FLANDRI
 bonarum litterarum publici apud Brugenles pro-
 fessoris, in Romam reuiuiscensem.

Sic fatum melius fauet
 Humanis studijs, atque laboribus,
 Vt nolit penitus mori,
 Quæ sunt mole sua visa minarier
 Casum, atque interitum grauem.
 Vt quondam imperitans gentibus omnibus,
 Et virtute potentior
 Roma & nobilior, quæ rettulit suum
 Acceptum superis genus:
 Hinc à Marte ferox Romulidum tribus,
 Hinc Iuli imperium ab Ioue.
 Verum vt primus honos, atque potentia,

Nec

Nec non ambitio grauis,
 Valdè concutiunt Regia stemmata,
 Et magnum populi decus:
 Sic concussa diu Roma tumultibus,
 Ciuili fremitu ruit.
 Sic rerum domitrix, & metus hostium,
 Olim fascibus incluta,
 Turpatis titulis, & genere attauo,
 Multo tempore sorduit,
 Nec planè ausa fuit tollere lumina,
 Sequè ostendere publicè:
 Donec pulueribus turpibus eruta,
 Ornatum caput extulit.
 Quod munus meritò, L A V R E A nobilis,
 Immortale tibi refert:
 Cuius viuida vis perpetuò viret,
 Computrescere nescia.
 Sic æterna iubet L A V R V S Apollinis,
 Sic vult A V R E A S A E C V L I
 H V B E R T A S decorans pristina marmora.

ΤΟΤ ΑΥΤΟΤ.

ΕΙΣ ΡΩΜΗΝ ΑΝΑΒΙΩΣΑΝ.

Οὐ θαυμασὸν ἔνν' ἡ Ρώμη ποτνὶ ἀνίστη,
 Ἡ δ' εἰ πολλὰ ἔτη ἐν σποδία ἔλαθεν.
 Οὐνομα γὰρ ταύτῃ ἀπὸ τῆς Ρωμῆς τε βίασε
 Αἷς οὐδ' ἂν θάνατος βλάψειεν οὐδ' ἐμός.
 ΜΑΡΚΟΣ ἄθρην γε ΤΑΛΑΥΡΙΝΟΣ κόνιν ἐγκατέσσε
 Πρῶτος, ἐλευθερώων ἐκ ῥυτίωντος ἄχους.
 Ἐντ' ΟΥΒΕΡΤΟΣ ἰὼν δαυδάλλει ΧΡΥΣΕΟΣ εἶδος,
 Εἶδος κάλλισον, σεμνοτατοντε ῥέθος.
 Ἀττα ἴδ' κέραν πλήρει σοὶ ΧΡΥΣΕ' ΑΙΩΝΟΣ
 ΕΥΦΟΡΙΑ πλήρει φίλτατε χειρὶ χέει.

IDEM LATINE.

Nil admirandum si splendida Roma resurgat,
 Quæ latuit multo puluere tecta prius.
 Huic etenim nomen virtus dedit atque potestas,
 Quæ nec mors vnquam fatæue obesse queant.
 Huic MARCVS cineres LAVRINVS dispulit atros
 Primus, & ereptam sordibus expolijt.
 Post formam accedens HVBERTVS GOLTZIVS ornat,
 Formam perpulchram, corpus & eximium.
 En pleno cornu quæ largiter A V R E A S A E C L I
 H V B E R T A S plena fundit amice manu.

ADOL.

ADOLPHI MEKERCHI I.C. BRUGENSIS.

Roma vetus quondam miseras perpeſſa ruinas
Concidit, & Romæ diruta Roma iacet.
Colligit hanc, priſcamque nouæ (mirabile) Romæ
Reſtituit Romam Flandrica Bruga ſuam.

MELCHIORIS BARLAEI ANTVERPIANI.

Conciderant fato, quoniam rapit omnia fatum,
Iulius, Hubertas, Romulidæq; duces.
Iuppiter indoluit, mœſtusq; eſt iſta locutus:
Omnia (quid faciam?) mors animata rapit.
Audivit hæc poſtquam diuinæ G O L T Z I V S artis,
Quod mors non lædat nos faciamus, ait.
Invidit fatum, tenſo demiffa ſed arcu
Irrita ſunt damno tela repulſa ſuo.
Deſpondensq; animum, cùm cæla ſubiſſe papyrum
Viderat, in multos non abolenda libros,
Vincimur exclamat, vincens licet omnia, Temꝑus,
Nam modò concedent, dixerat, æra mihi.
Viuito Roma tuiſ igitur cum gentibus, in vos
Nunc aliquid tempus, mors neque iuris habent.

IMP. CAESARI FERDINANDO
AVSTRIO PIO FELICI PERPE-
TVO AVGVSTO

HVBERTVS GOLTZIUS HERBIPOLITA
VENLONIANVS

S. P. D.



Ertas quasdam nationes omni tempore ceteris omnibus longè ingenio atq; prudentia antestetisse, nō mihi dubium fit, quin Sacratissima Maiestas tua tantarū vfu rerum exercitata, pro sua incredibili quadam ingenij sagacitate facilè in animum inducere, sibiq; persuasum habere possit: in quibus primas tenuisse Chaldaeos & Ægyptios, inde Græcos, postea Romanos, omnium verò postremò Germanos, pro ordine & successione monarchiarum, veteres historiæ atque antiquitatū reliquiæ demonstrant. E quibus ipsis id etiam perspicui faciliè potest, prudentiam in hominibus ingenijque acumina, successu ipso temporum, maiora subinde rerum incrementa cepisse: vsque dum adulta paulatim, ad postremum quasi in arcem ipsam scientiæ Romani imperij viribus perducta fuerunt. Nec sanè eius rei, si quæras rationem aliam, quàm in prouidentia populi Ro. cōstituas: qua suam rem publicā prouinciasq; omnes, moribus, institutis, latisque legibus prudentissimè gubernarunt, inque pulcherrimum ordinem descripserunt: quantiscunq; tandem initio rerum difficultatib. atque impendiis exhausti conflictatiq; fuerint, quoadusq; sibi tantum monarchiæ robur munire atque ornare potuerunt. Nullum enim magnum & memorabile imperium vlla in natione vnquā nisi è duris extitisse initiis meminimus. Eandem Roma quoq; fortunam habuit, priusquā

se illi tota daret: nam vti est à Marcellino memoriæ proditū, quum primū orbem vniuersum Roma nominis sui splendore percelleret, vt se perpetuæ pacis fœdere icto in summū honoris culmen subuectam fisteret, quæ ferè disiunctæ aliàs, tum verò vtraque VIRTUS & FORTUNA conspirauêre. Quòd si id temporis alterutra abfuisset, nunquam profectò tanta imperij moles ad perfectū peruenisset. Cuius quidem veluti incunabula ad annos trecētos multis circa prælijs, ijsq; sub ipsis adeò vrbis mœnibus, debellata, infesta, atque implicata fuêre. Adultæ verò iam ætas firmior, post superata tot tamq; grauius bella, ad septentrionem Alpes transgressa, in occidentem fretum vltra Herculis prouecta est. At postquam inde iam in virili robore staret, tum verò ex omnibus planè orbis partibus laureas triumphosq; rettulit Senectus verò quum id denique cōferret, vti hostes sola nominis fama perstrictos sæpenumero profligaret, faciliè hinc euenit, vt in ea nominis auctoritate, velut imprimis securo atque oportuno felicitatis portu, conquiesceret. Quum itaque vrbs omnium præstantissima, gentes indomitas, moribus feras, natione barbaras planè subegisset, institutis & legibus ornasset, fundamenta simul æternæ pacis ita iecisset, vt conuelli q̃d difficilimè possent, tum verò demum in morem piæ sollicitæque matris in Cæsares tanquam optimos filios suos, omne sui patrimonij ius, rerumque summā transduxit. Quid enim intestinis bellis miserè per tot annos exagitata vexataque totius corporis sanitate, ad quietem atque *εὐπαςίαν* quasi quandam oportunius sibi comparare aut comminisci poterat, quàm vt afflictâ exuctaque membra in posterum deinceps vni alicui è suorum numero liberorum vicissim curanda fouendaque traderet: qui superiorum temporum calamitatibus edoctus, id sedulò cauere, ne iterum partium contentione, vti antea, Reipub. veluti corporis compages miserrimè dissoluta fatisceret.

Quem

DEDICATORIA.

Quem verò alium C. Iulio Cæsare præstantiorem, omnibusq; imperandi artibus ornatorem, ac rerum gestarum gloria clariorem reperisset, cui prima potissimum gubernandi rudimenta tutiore præsidio committi posse viderentur? Ille igitur maximo orbis bono à Deo ipso tantis rebus administrandis delectus, præclaras naturæ suæ dotes in eo ita explicuit, ut urbem imperiumq; Romanum constituerit sapientissimè, tempora, religiones, leges scitissimo ordine describendo, singulari prudentia atq; industria in omnem partem adhibita, suo denique atque solido robore ad nominis perpetuitatem fundauerit. Qua quidem virtute atque scientia gubernandi nihil inueniri posse præstantius & Aristoteles acutissimus rerum æstimator, & res per se ipsa satis declarat: ut omittam illud de œconomico Xenophontis: *Imperare liberis & volentibus Dei ipsius numen attingere.* planè ut mihi optimo iure Rei pub. gubernatores saluberrimis quibusdam fontibus comparare posse videar, unde in tot hominum milia sani consilij recteq; sapiendi riuuli manarint. Quæ res illis præclara ista nomina peperit, ut HEROES, PATRES PATRIAE, CONSERVATORES CIVIVM, VRBIVM, POPVLORVMVE audierint, marmoreisq; honoribus consecratos titulos ad vltimam posteritatem transmiserint. Nempe hæc illa est horum effectrix *Sapientia*, quam Regum omnium excellentissimus Salomon à folio suo Regio nunquam abesse summis votis exoptabat, quamque suis in prouerbijs hunc in modum loquentem inducit: Meo afflatu aucti gubernant principes, & per me potentes iustitiæ patrocinium obeunt. Quandoque igitur in administratione rerum rationes omnes, & momenta consiliorum *Sapientiæ* regula metimur, continuo necesse est cōsequi pulcherrimam ac salutarem illam rerum omnium *εὐταξίαν*, & tanquam è copiæ cornu beatissimo rerum abundantiam latè diffundi. Per eos igitur qui hæc ipsa & fa-

puerunt, & re ipsa præstiterunt, principes viros, Dei Opt. Max. providentia atque benignitate, Romani imperij monarchia instituta, atque in hunc ipsum cuius modò speciem admiramur, perducta est ordinem, quæ priores omnes magnitudine atque diuturnitate imperij anteit. Quum itaque ab ineunte adolescentia per annos aliquot variarum lectione historiarum, quæ vel veterum memoriam, vel res nouas, siue externas siue domesticas celebrarent non infima fortassis industria atq; sagacitate vsus, rerū noticia animum excoluisssem: idq; me demum profectò affecutum esse ac deprehendisse profiteri possim, non aliunde certiora rerum gestarum documenta, atque inductiones secundum historias, quàm ex antiquitatum reliquijs, omniumq; præcipuè è numismatis antiquorum percipi atque hauriri posse, mirificatum verò in animum quoque meum incessit cupiditas illustrandæ antiquitatis amore accensa, vnà cum alijs aliquot, vtriusq; illis quidem tam illustris quàm tenuioris conditionis hominibus nummis illis conquirendis vndique, noscendisq; pro mea virili incumbere. Quod cum facio sedulò, magis magisq; indies ea mihi de illis confirmatur opinio, vt non solùm existimem numismata monumentis historiarum esse plena, sed etiam perinde, vti rerum gestarum testimonem fidelissimam continerent, ita veterum errata atque indiligentiam scriptorum clarissimè cōvincere: planè vt ita in animum inducam, multoq; id nunc etiam edicam certius, sicuti alijs olim in libris à me proditum memini, si se pleriq; commentatores, atque interpretes veterum auctorum seu Græcorum seu Latinorum, paulò accuratiùs in hac antiquitatis cognitione exercitassent, solidiorem profectò ad perpetuum honorem, frugemq; aliorum industriæ atque laboris sui fructum fuisse capturos, eademq; effecturos opera, facillimè vt foedas auctorum dissensiones, veterum præcipuè

num

nummorum testimonio optimè composuissent: quum præfertim nusquam illi sibi ipsis repugnantes atque aduersi reperiantur: quosque constat singulari quadam attentione, summaque auctoritatis prærogatiua, Senatusconsulto in perennia rerum gestarum monimenta esse procusos: vti hæc ipsa meritò veras atque expressas rerum figuras, mutosque testes appellare liceat, qui ad rerum memoriam multo quam charta atque atramentum, quàm ad longinquitatem temporum fidelius, quàm ad veritatis testificationem, non paulò tutius conseruandam nati factique fuerint. Quippe ea geniti natura omnes sumus, vt in scribendo sæpe nos affectus transuersos agant, multaque passim à plerisque tum dicantur tum silentio obducantur ad gratiam partium, quò eos animus videlicet vel inclinarat, vel abduxerat potentiùs. Id quod verissimè Liuius, eò nimirum inclinari fermè scribentium animos, vt multa ex vano hauriant. Vt omittam interim quanta labes comparata sit historiæ tum incuria perfidiaque eorum, qui de antiquis exemplaribus noua negligenter descripserunt: quò factum est, vt dum frequenter hîc quiddam omissum, illic adsutum, sæpe glossema quodpiam de margine in ipsum historiæ quasi contextum transductum sit: magnæ demùm auctorum controuersia ex eo fonte extiterint: quas quidem si quis alio pacto rectius intui, certioremque fidem aliunde se adserere, quàm ex lemmatis & argumentis vetustorum numismatum posse putet, mea quidem sententia vehementer erret. Historias enim ad fidem nummorum oportet, non è diuerso nummos ad illarum rationem accommodare: propterea quòd hi sint penè simul cum re ipsa nati, ipsisque historiis, vti vetustate, ita & fide potiores, vel ob id ipsum maximè, quia non temerè adulterari citra perspicua doli argumenta possunt. Nec mihi fit dubium, quin omnem planè rerum Romanarum seriem è solis per se numismatis

haurire atque percipere potuissemus, etiamsi, quod Deus nolit, scriptæ nos historiæ defecissent, si non & longinqui temporis labes, & barbarorū atrox atque Ro. nominis detritrix iniuria, magnam numismatum partem posteritati interceptissent. Quibus illud quoque postea accessit incommodum, ut in reliquias ipsas ignorantia simul & auaritia hominum miserum in modum sæuierint: qui simul atque numisma aliquod siue aureum siue argenteum nacti essent, cum in rei signatæ non minùs quàm omnis antiquitatis crassa ignoratione vnum materiæ precium censerent, ad fabros statim argentarios videlicet ut conflarent, detulerunt. Quo factum est, ut memoria antiquitatis tam malè vndique accepta, manca penè ad nos peruenerit, quæ alioqui integra magno cum fructu ac voluptate spectari potuisset. Nam id feriendis nummis summo studio Romani perfecerant, ut quidquid dignum censerent, quod ad posteritatis memoriam transmitteretur, id in numismatis quamscitissimè deformatum darent. Quod ego hoc in libro perpetua quadam historiæ deducta serie, quod ad Iulij Cæsaris res gestas attinet, sub aspectum ita subiecturum esse confido, ut omnibus iam perspicuum esse possit, non ociosas figuras, sed rerum gestarum monimenta, & ea quidem sæpe ab historiographis aliis intacta, his veterum nummis comprehendendi. Nam ut cetera præteream, apud quem auctorum legimus Cæsarem in Augurum collegium fuisse cooptatum: quod nummi non semel nobis inculcant. Vbi legimus L. Munacium Plancum Præfectum vrbs fuisse nisi in nummis nostris. Quumque vel Romani & antiqui scriptores Cæsaris nostri patrem Lucium appellent, in numismatis certè, uti & in antiquissimorum marmorū inscriptionibus non Lucius, sed disertè Caius vocatur. Qualia permulta planè & in aliorum Imperatorū historiis & ipsis Consulibus aliorumque

Magistratum Fastis arguentur, illis ex libris quos deinceps in animo habeo in publicum emittere. Nam illud S. tuæ M. studiosisquæ omnibus testatum esse cupio, nihil me antiquius ducere, quàm fidem meam summo studio atque diligentia semel liberare. Recepi autem iis in libris quos in nomine Illustrissimi Regis Romanorum Maximiliani filij tui his annis superioribus euulgavi, facturum me, uti isto ipso cuius nunc initia damus exprimendi modo, omnes passim antiquitatis amantes vetustorum numismatum exemplaribus circumfluerent. Idq; ut quamprolixissimè præstarem, priusquam me ad tam præclarum opus moliendum darem, nullis sumptibus, laboribus, vigiliis peperci, quin relictis omnibus, quidquid alicubi esset, quod in celeberrimis Europæ regionibus nostro instituto opportunum haberetur, atque adseruaretur, per Germaniam, Italiam, Gallias, diligenter, ne dicam curiosè, prorsus exquirerem. Quumquæ per Germaniam iter facerem Italiam cogitans, per commodè accidit, ut tuam ibi S. M. in conuentu principum Germanorum, qui anno M. D. XLIX. ineunte, Augustæ Vindelicorum indictus habebatur, à prima salutatione benignissimam aduersum me meaquæ studia experirer. Quum enim mihi instructissimos illos tuos antiquitatû thesauros recludi iuberet, mequæ singula quantum vellem, quantumq; opus haberem inspicere ac tractare patereris, magnas ea re mihi commoditates comparasti, in tam facili copia tot Græcorû ac Romanorum numismatum, tam Consularium, quàm à Cæsaribus cuforum, nihil ut instituto meo persequendo opportunius accidere potuerit. Cuius quidem benignitatis nomine, cum me tuæ S. M. vehementer obstrinxeris, aptissimum esse existimaui cuiuimodi gratiæ reponendæ loco, hasce quasi quasdam primitias operum meorum, quod ad Cæsarem attinet in S. M. tuæ nomine euulgare: quo se

EPIST. DEDICAT.

patrono certissimè tutissimeq; niti atq; tueri posse viderem.
 Quis enim ea Cæsaris monumenta quæ Cæsari placerent,
 cauillari auderet? Aut cui ea magis in oculis ferre consenta-
 neum sit, eius inquam Cæsaris monumenta, qui Romanæ
 istius auctor genitorque monarchiæ fuit, cuiusque nomen
 omnes ab eo principes quasi hæreditario ac successorio iure
 sibi manciparunt, perinde ac si & ipsi quoque in familiam
 atque gentem Cæsaris, ipsis suscepti imperij auspicijs ado-
 ptati fuissent. Quum itaque Dei prouidentia clarissimum
 Cæsaris nomen, pulcherrimaque Monarchiæ successio ad
 S. tuam M. pertineat, eiusdemq; benignitate, præstanti pru-
 dentia laude, aliisque præclaris naturæ in tuas laudes profu-
 sæ dotibus, maximo Reipublicæ bono & commodo luculen-
 ter instructus atque ornatus sis, simulque historiarum atque
 antiquitatis cognitione, quæ sapientiæ omnis momenta con-
 tinet, & abundes ipse, & præclarè in ea versatos præcipuo
 fauore complectaris, fit, vt magna me fiducia teneat,
 hunc meum laborem referendæ gratiæ vice S. M.
 tuæ non ingratum fore, quo me pignore ad
 paratissima tuæ M. obsequia quoad
 vixero dehinc totum lubens
 dico consecroque.

Brugis Flandrorum

Kal. Septemb.

M. D. LXIII.

IMPERATORI MAXIMO FERDINANDO
AVGVSTO, IOAN. SAMBVCVS PANNONIVS
TIRNAVIENSIS.

QVANTA sit monumentorum vetustatis vtilitas, atque etiam voluptas, non solum memoria litterarum, sed quoque antiqui operis numorum studium, & cum historijs contentio, satis ostendit. Quot enim historiae & praeclara exempla aut valde obscura essent, aut nisi horum testimonio ac lumine accenderentur, prorsus laterent? ut merito ἀντίστροφος cognitio τῶν ἱστορίων esse videatur. Consulares historiae damno de Liuij libris accepto fuissent caecae, nisi Cassiodori quaedam diligentia, nunc verò etiam marmorum reliquiae nobis animum addidissent, atque in copulandis cum Annalibus numorum testimonijs spem ostendissent breui ut pauca lateant fore. Multas ego, & memoria reliqui temporis dignas historias vel de meis numis, ut Tua Maiestas optimè nouit, amore & tot peregrinationibus collegi, quae commoditate patriae, rerumque mearum aliquando, & cum tua celebritate legentur. Certè qui de ratione militari; & signis eius, de triumphis. &c. scripsere, ipsisque libris tantum, non etiam peruestigationi marmorum, & numismatum studuerunt, dum obeuntis Solis imperium cum Oriente miscent, nec consuetudini mutatae plus, quam vocum notionibus tribuunt, longè interdum à scopo aberrare cum intelligentium visu animaduerto: quod ipsi aliquando nec admoniti varia & pertinaci sua professione corrigent. Atque illud T. M. testatum firmumque habeat, nisi diuturna inspectione vniuersae antiquitatis, & ad lectionem recta & artificii comparatione, laudem ab hoc nomine qui ferat iustam, fore neminem. Perpetuum enim à libris subsidium, illustrem & iucundam reddit cognitionem: sed inspectio, & tractatio monumentorum, adeoque iudicium dextrum & facile, nisi illa efferat, inque vitam probam reuocet, ut à fictoribus hodie avaris secura sit scriptio, aeternitatem labor non modò non intuebitur, sed ne diuturnitatem quidem assequetur ullam. Ea re T. M. in cogendis omnis generis numismatis, non leuem curam, maximos sumptus ponit, multosque suo exemplo ad has cogitationes indies excitat. Quos inter hic Hubertus Goltzius est, homo Germanus, sed voluntate ac industria media in Roma natus: qui ingenio, longinquis itineribus, singulari industria, manuum facilitate, usuque plurimum est consecutus: idque non meo testimonio, quod in hac professione non omnino nullum est, sed omnium per Italiam, ubi ista praesertim vigent, Galliam, & Germaniam virorum celebri fama, atque literis auctoritatem qui sibi constituere. Nam cum in Gallias rediissem, tertioque Italiam inuiserem, apud omnes

eius diligentiam gratam, & memoriam frequentem sentiebam : ac nihil quod ad illustrandam hanc pulcherrimam, totque annis desertam cognitionem pertinere ratus est, vspiam neglexit : ilicò ædibus nobilium peruestigatis, omnia inspicere, intima, & quæ pro foribus, & temerè locata sunt, voluit, annotavit, inque vsum atq; ordinem seuocavit. vt nulum in Europa locum sciam, quem sibi reliquum fecerit, & vbi præsens non fuerit, multò verò magis accurata eius, & multis extollenda nominibus inquisitio quò non pertinuerit. Offert T. M. specimen illustre, & (nisi me indulgens amor fallit) hoc in genere adhuc præcipuum, longeque maiora daturus est, si vita illi, tuæque M. gratia, ad quam hoc suo opere nititur, commodè suppetat. Varium est studium & amplissimum, sed quod à priuatis, nisi T. M. similes accedant, sustineri vix queat. Commendo igitur M. T. Goltzium, vtque patrocínio iusto comprehendat, supplico : ac spondeo, multis partibus rem ac inuestigationem antiquitatis Hubertum breui cumulaturo, cuius ego sensus & conatu in-
dicia non pauca nuper Brugis apud nobilissimum & vetustatis aman-
tissimum Marcum Laurinum Dn. à Watervliet, ipse vidi. Tuam M.

Deus nobis conseruet, vtque perpetuus sit erga τὰ πα-

λαιὰ καὶ ἀξιομνημόνευτα fauor, Deum comprecor.

Datum Antuerpiæ .i x. Kal. Octob.

M. D. LXIII.

ERRATA QVÆDAM CORRIGENDA.

Pag. 154. versu. 8. lege Cæsare

Pag. 199. versu. 43. lege VII M. AIMILIUS

/ F. / N. LEPIDVS

Pag. 217. versu. 29. lege Consulatu

ibid. in col. prima, versu. 35. lege feriundo.

Pag. 220. versu. 17. lege primæ

Gg. colum. secunda, Bellona in bigis. lege. xi. 1.

ibid. verso, colum. prima, Cæsar Id. Mart. occi-
sus, lege. xxi. 1.

Gg ij col. prima, versu. 27. lege Iligneæ.

ibid. col. secun. Fulminis figura. lege. xxxiij. 9.

aa iij col. prima, versu. 16. lege Manderfcher

ibidem, versu. 21. lege Schortzius

aa iij verso col. prim. versu. 18. lege Masselortanus

ibidem, versu. 44. lege Græuenstain

bb col. secunda, versu. 22. lege Kneurlinger

bb ij col. prima, versu. 7. lege Robertellus

ibid. verso, col. prima, versu. 4. lege Dominica

bb iij col. secunda, versu. 35. lege Antinous

ibid. verso, col. secunda, versu. 11. lege Octavius

bb iij col. prima, versu. 7. lege Antoninus

ibid. versu. 46. lege Triffa

ibid. col. secunda, versu. 34. lege Franciscus

Valeriola, Medicinæ Doctor

ibid. verso, col. secunda, versu. 3. lege Vertranius

cc iij verso, versu. 2. lege Περιπλεκοντα

ibid. versu. 10. lege Οἶον

dd iij versu 35. lege numismatis

IN HI.

HVBERTI GOLTZII HERBIPOLITAE VENLONIANI
IN HISTORIAM IMPERATORVM CAESARVMQ. RO.
EX ANTIQVIS NVMISMATIB. RESTITVTAM
P R A E F A T I O.




I cui mortalium vel tantillum supra vulgus sapere cōtigit, hoc facile præstat cū ratio ipsa, tum iudicium à natura insitum, vt quanquā re ipsa quidem aliter in plerisq; & maiori forsā hominū parte euenire soleat, sentiat tamen & intelligat, animum melioremq; & interiorem sui partem corpori & sensibus exterioribus meritò præesse atq; imperare debere: quod pars illa longè præstantior, & diuinæ particeps auræ, si commissio sibi totius hominis imperio, proq; suo quo in hoc microcosmo fungitur munere, nihil nisi adhibita in consilium fidissima cōsultrice ratione, qua sola prædita est, agat aut instituat, efficit, vt & pars illa inferior atq; ignobilior, quā corpus appellari diximus, in rebus prudenter & moderatè gerendis (in quo mira virtutis & sapientiæ vis & laus elucescit) nescio quid diuinū & supra hominem præ se ferat. Quæ alioqui ex elementis concreta & cōcinnata, vbi mentis & rationis imperio consilioq; destituta, ignaua cupiditate & ocio implicatur, nihil arduum, nihil præclarum, nihil laude dignum, sed ea quæ ventri tantū & gulæ, ac somno brutæq; voluptati inferuiunt, meditari, consecrari, & præstare animaduertitur, vt hoc ipso à pecudum ingenio & natura quāminimū abesse videamur: quos tamen Deus erecto vultu cælos, & res æternas intueri iusserat, non in humū pronos ventri & gulæ iucunda exquirere. Ita vt meritò cum pecudibus & brutis nihil cōmune, nisi quantum alendo & sustinendo corpori impendi necesse est, habere nos deceat: sed animū & mentem, cuius originē diuinitus nobis infusam intelligimus, ita in nobis præesse, omniaq; sic administrare & moderari, vt dum membra cuncta sensusq; exteriores vniuersi ipsi obtemperant & famulantur, honestis artibus & actionibus studiisq; præclaris incumbentes, ad virtutē ipsam, solidamq; & veram laudem cōtendamus: ne nulla nostri memoria post mortem relicta, quasi nunquā nati decedamus: quales Sallustius ac si nō fuissent, fuisse censet: sed potiùs re aliqua præclara vtiliq; ad posteros transmissa, non vixisse solū, sed nec nobis nec aliis inutiles vixisse testemur. Vt enim homo humanitate omni exuta, homini (quod dici solet) lupus est: ita vicissim dum mente ac ratione duce atq; imperatē humanitatis officia exequitur, homini, sibiq; quasi numen quoddam ac Deus. Et sicut præsens hæc vita caduca prorsus & brevis est, & rursum nihil magis fluxū quā valetudo, robur, forma, & decor, aliæq; corporis cum ipso mox corpore delapsuræ dotes, non minùs quā ipse in quo illæ insunt homo verè bulla: ita animus, & quæ in animo præcipuè elucescit virtus, æterna & immortalis est. Quo maiori nobis studio elaborandum, nō tam vt robore aut aliis corporis dotibus excellamus, quā vt virtute & rectè factis (quæ nomē famamq; pariunt immortalem) ad verā laudem viam nobis sternamus. Quæ quidem iam olim à teneris vnguiculis accrescente intellectu, & iudicio simul cum atate sensim maturescente mecū in animo reuoluens, frequēter votis anxiis insignium huiusmodi virtutis ornamentorū me fieri quandoq; participem exoptauī. Et quia omnē operam, industriam, ac studium naturæ quadam inclinatione genijq; impulsu ad pingendi artem olim applicuerā, ad eamq; artem nō vtilem solū, sed & necessariam quoq; aliquam, saltem Poëtices, historiæ, & partim ipsius Philosophiæ cognitionem esse satis intelligerē, nulla tunc profectò illius cognitionis adipiscendæ cōmodior mihi ratio videbatur, sedula & diligenti antiquitatis indagazione. Cui studio cū me totū tradidissem, eoq; nihil vberius, nihil suauius re ipsa cōpenissem, illud tunc etiam præter voluptatē illam accessit emolumentum, vt excellentissimis præceptis & exemplis, tam Philosophicis quā historicis & Poëticis, rudis etiamnum intellectus mediocriter informaretur. Vnde tandem euenit, vt feruore quodā singulari propensior erga hoc studium mihi redderetur & accenderetur animus,

simul

AD LECTOREM

simul etiā iudiciū ipsum magis ac magis excoleretur, cōfirmareturq; . Quod studiū cū mihi cū plurimis nec parui nominis, nec mediocris fortunæ aut eruditionis viris cōmune esset, nō solum ad ipsorū noticiā viam mihi aperuit, sed & quotidiana ferē arctissimāq; cōsuetudine & necessitudine cū iisdē cōiunxit. Qui cū nō semel, nec ita nuper me rogarint, hortati sint, & pro suo in me iure flagitarint, vt quā ego hoc in studio cognitionē ipsis cōsecutus videbar, quamq; beneficio picturæ adiutus haud magno cum labore pluribus & innumeris facillē communicare posse videbar, eam aliis non inuiderem: addentes, turpissimū, imō iniustum fore, si quæ nec magna, nec egregia aliqua laude digna ducere, ipsi verò permagna & rei antiquariæ studiosis non minūs grata quā vtilia existimarent, mecum intermori sinerem, vel in lucem proferre recusarem. Maximē quū non pauci quidem passim reperientur, qui eruditione & antiquitatis cognitione excelleret, nulli tamen aut pauci admodum, qui ipsi ea cognitione instructi fideliter, & nitidē, graphiceq; penicillo aut calamo eandem antiquitatem ad viuū quasi oculis subiicere possent. Voluisse sanē complures aliquid tale præstare, absoluisse tamen aut præstitisse paucos, aut potius, quod illi affirmabant, nullos: propterea quod ipsi grauioribus addicti studiis artem pingendi nō addidicissent, & proinde dum indoctorū ineptorumq; artificum, qui ipsi authorū suorum mentem non assequerentur, opera vt coguntur, factum est, vt quæ ab ipsis quanquam alioqui peritissimis hoc in genere hætenus tentata sunt, aut in lucem emissā, nec ipsis authoribus, nec aliis paulō exactioris indicij hominib. satisfecerint. Horum itaq; ego tum autoritate tum ratione inductus, quicquid diuturno indefessoq; labore, perugili studio, & assidua inuestigatione sum assecutus, præsertim in re nummaria, animū induxi meum in publicū producere, omnibusq; mecū huiusce studij cultorib. amatoribusq; cōmune facere: mercedem nullam maiore, aut laudem expectaturus, quā vt hæc qualiacunq; tum amicis impulsorib. hortatoribusq; grata habeantur, tum rerū quoq; earundē studiosis nec iniucunda, nec verò inutilia censeantur.

AD LECTOREM.



VAE CVNQVE toto hoc libro continentur numismata, in plura, vt vides Benigne Lector, distributa sunt Capita, secundum eos qui in infima cuiusq; tabulæ ora signati sunt, numeros: quæ quidem Capita nunc singulas, nunc plures etiam tabulas cōplectuntur, ita vt primum quodq; ex his capita ipsa & vultus tam Lepidi & Antonij q̄ Cæsaris tibi exhibeat: sequēria verò partes auersas siue diuersa rerum simulachra & symbola, quæ in posteriore numismatum parte spectantur, tibi proponant: in eum ordinem quā eius fieri potuit à nobis digesta, quē temporis & rei gestæ ordo, & ipsa argumentorū similitudo exigere videbatur. vt quęcunq; ad religionem siue res sacras spectarent, in vnum caput: quę verò ad res profanas, rem militarem, res gestas, magistratus, aut aliud aliquod argumentum pertinerent, alia in alia capita congesta sunt. Subiectaq; ipstabus paucissimorū verborum sententia, quid potissimū vnæquæq; illarum contineret indicauimus, non inutili, nec tibi, vt spero, ingrato consilio. Quod superest litteræ illæ numerales, siue notæ arithmeticæ his tabellis, quæ in ipsa tabulæ ora siue margine dextris singulorū numismatū lateribus affixæ sunt, inscriptæ, significant quem quæq; in suo Capite ordinem teneant: ita vt semper cū nouo Capite numerus primarius repetatur. Characteres aut Græci α. β. γ. δ. & reliqui in eisdem tabellis numeris illis subiecti, amplitudinē siue exilitatem ipsius nummi demonstrant: vt scilicet intelligas, nummū cui talis aliquis character adscriptus est, ea esse magnitudine, quantum est interstitium inter primā siue supremā lineam puram scalæ istius quæ hīc inferiūs appicta est, vsq; ad illam lineam cui idem character inscriptus erit, quem ipsi nummo ascriptū videris. Ad quam mensurā exigenda erunt, quęcunq; & in sequentib. deinceps libris à nobis publicabuntur numismata. Alij verò characteres, tabellis quæ nummis incumbunt siue impositæ sunt inscripi, metallum indicāt, quo nummi sub ipsis repræsentati cusi sunt: ita vt *A*uro, *A*rgento, *Æ* ære nummū percussū tibi significet. Et quibus plures huiusmodi characteres superscripti erunt, hos totidem metalli generibus signatos intellige: si duo, duobus: si plures, tribus. Notæ aut arithmeticę in iisdem illis tabellis sub dictis characterib. metallicis adscriptæ in auersarū parrium tabulis, indicant cui capiti siue faciei ex præcedentibus ea pars auersa respondeat, & attribuenda sit. Quę quidem notæ numerales si plures erūt, toti-

AD LECTOREM

totidem etiam capitibus hoc symbolum cui inscriptæ erūt subijci credas. Exemplum tibi sit nummus tertius in prima tabula secundi capitis nummiorū Iulij Cæsaris, qui habet Æneam Anchisen patrem hūmeris, & Palladium dextra gestantē cum litteris Græcis, cui inscriptum est Æ. 24. Hunc igitur nummū scias æreum esse, & caput habere, quod in secunda tabula primi Capitis nummorum Cæsariorū vigesimum quartū in ordine inuenies. Item nummus octauus in eodem secundo Capite, qui habet Cæsarē ante Martis aram sedentem, cui inscriptum est A. 44. & A. 48. Hunc scias tam auro q̄ argento prosum, & duobus subijci capitib., scilicet quadagesimo quarto & quadagesimo octauo, q̄ sunt in quarta tabula primi illius Capitis. Quod nī à nobis ita factum fuisset, præmissis semel & in vnū Caput teorsim coniectis quotquot in nummis occurrebant capitibus, quæcunq; vel in aliquo à se inuicē differebant, singulis nummis sua fuissent iungenda capita siue vultus: nec sine maximo temporis dispendio nulloq; cū fructu, & summo cum fastidio, idem caput sæpius repræsentandum: quando sæpē, imò v̄ plurimū vni capiti. x. & plura subinde diuersa subijciuntur symbola: & vicissim vnū idemq; symbolum post plura nonnunq̄ spectatur capita: v̄i passim hoc ipso in libro videre est. Sicubi aurē in his partium auersarum tabulis sub notis metallicis iam dictis, non quidem notas arithmeticas, sed litterā aliquam A. B. C. aut similem conspicies, tum quidem nummus subiectus nō ad aliquod capitum præcedentium referendus erit, sed ad vnū ē symbolis in eadem tabula contentis eadem littera notatū, siue proximo illud loco sitū erit, siue remotiori: ita vt duæ illæ partes coniunctæ, vnū numisma constituant. Et vbi plures istiusmodi litteras superscriptas videbis, intellige partē illam ad plura symbola similibus litteris notata referri debere, quæ singula ad illam parē relata tibi numisma efficient. Exempli loco fuerit, primus nummus in secunda illa numismatum Cæsariarū tabula, cui A superscriptū est, in quo est Æneas patrem gestans, quæ altera pars est nummi proximē sequentis similis littera A notati, qui tibi Veneris caput exhibet. Item quintus nummus in eadem tabula, in quo sunt tres illæ figuræ, signatus B, qui est pars altera illius, quæ septima est in eadem tabula signata B D. in qua spectarū similiter caput Veneris cum litteris L. B V C A. Cui eidem capiti subijcitur & aliud symbolum in eadem tabula xj. loco representatum, in quo est elephas, & litteræ D I C T. Q V A R T. cui littera D est inscripta, vt & huic capiti Veneris. Porro si quibus in nummis characteres ipsos inscriptionū non omnino expressos aut perscriptos, sed vestigia tantum litterarū minutissimis punctis leuiter annotata animaduertes, intellige archetypum ipsum ex quo nummus ille primū descriptus est, vetustate ipsa, temporisq; aut alia aliqua iniuria vel intertrimento ita labefactatum fuisse vel erosum, aut ærugine alijsve sordibus tenaciū inhaerentibus obductum, vt litteras caducas fugientes aut latentes legere vel impossibile vel difficile admodum fuerit. Quod ipsi sic in exemplarib. istis numismatū exactē reddere fidei meæ esse credidi, potius q̄ ex coniectura etiam probabili & verisimili id quod defecisse effluxisseq; videretur substituere. Huius rei tibi exemplum erit, nummus ille Græcus qui Cap. iiii. locum. iij. obtinet, cui sic inscriptum est: ΠΟΥΒΑΙΟΣ ΣΟΥΛΠΙΚΙΟΣ, additis tantum vestigijs dictionis illius ΠΟΥΦΟΣ, quæ in archetypo apparebant, & ita perscriptum fuisse probabile est: Sulpicios enim Rufos fuisse cognominatos nouimus. Quæ ratio cum alijs in locis, tum & nummo. xj. Capitis quinti à nobis obseruata est, vt & in omnibus qui in posterū à nobis edentur libris obseruabitur. Ita vt rationem instituti mei planē ac dilucidē iam tibi cōstare putem, si tamē & hoc te prius monuero, in Capite. viii. numismatū M. Antonij omnes illas partes siue Legionū signa, quæ sunt in prima & secunda tabula, & itē parte tertiæ illius Capitis vsq; ad Legionem Trigesimam, referri debere ad Triremim illam quæ est secundo loco in illo ipso Capite, quo loco Legionis Secundæ signa à nobis consulto prætermissa sunt, vt locū huic Triremi, ad quam omnes illæ partes referri debent, daremus. Et ne quid eorū quæ vel ad ipsorum numismatū intelligētiā aliquid conferre possunt, vel ad historiam Cæsaris quoquo modo perrinēt, meritō à nobis desideres, benigne Lector, simul & quò temporis ratio tibi exactiū cōstaret, operæ precium me facturū credidi, si ea, quæ series eorum quæ hoc opere subiungerem: & inrer cetera tabulam genea-

cōtinentur ipso libri inirio præfixa tibi indicat, logicam gentis Iuliæ, eamq; Fastorū Cōsularium maximē pertinet. Vale Lector, & faue.



C. IVLII CAESARIS
NUMISMATA.



C. Iulius Cæsar Imperator.



C. Iulius Caesar Imp. Pontifex Maximus, Consul iterum & tertium,
Dictator primum & iterum.



C. Caesar Augur Pont. Max. Imp. quartum, quintum & sextum.
 Cos. tert. quart. & quintum. Dict. tert. quart. & perpetuo.
 PARENS PATRIAE.



C. Caesar Dictator perpetuo. Post mortem in Deos relatus.
DIVVS IVLIVS.



Divus Iulius. Et Imp. Caesar Divi F.






Origo prosapiæ Iulij Caesaris à Venere per AEneam.
 Ratio nominis C A E S A R V M, ab Elephanto occiso,
 qui Punica lingua C A E S A R dicitur.



Statuæ & simulachra Veneris Genetricis,
Victricis, & Felicis.



C. Iulij Caesaris Victoriae ac Trophaea de Gallis, de Germanis, alijsque gentibus.




C. Iulij Caesaris Res gestæ in AEGypto bello Alexandrino,
& alibi.



C. Iulij Caesaris Victoria, Triumph,
& Ouatio.



Coloniae sub Iulio Caesare deductae.
Agri Veteranis assignati.



Triumviri & Quatuorviri Monetales sub Iulio Cæsare,
Auro, Argento, AEre, flando, feriundo.



M. Antonij, Lepidi, aliorumque, sub Iulio Caesare
Magistratus, Dignitates, & Officia.



Varia Religionis Sacerdotiorumque insignia,
atque instrumenta sacra.



Tripodes, Sellæ, aliaque tam sacrorum quàm ciuiliū
Magistratuum, Dignitatumque insignia.





BRVTI ET CASSII ALIORVM Q. C. IVLII CAESARIS
PERCVSSORVM ET CONIVRATORVM
NVMISMATA.



C. Iulio Cæsare à Bruto & Cassio cum coniuratis interfecto
LIBERTAS REIPUBLICAE RESTITVTA.



Bellum ciuile Mutinense inter D. Albinum Brutum
& M. Antonium.



Bellum ciuile Philippense contra Brutum & Cassium
ceterosque Cæsaris percussores & coniuratos.

XXIII

M. AEMILII LEPIDI
NUMISMATA.



M. Lepidus Imperator Pontifex Maximus
Triumvir Reipublicæ constituendæ .



M. Lepidus Imp. iterum Pontifex Maximus.
Triumvir R. P. C. primū & iterum.







M. Lepidi AEdilitas, operaque publica in ipsius AEdilitate refecta.
Eiusdem sub Iulio Caesare Praefectura vrbis.



M. Lepidi cum M. Antonio & C. Cæsare in Repub. constituenda,
viciscendaque Iulij Cæsaris morte, concordia.



Triumviratus R. P. C. inter Lepidum, Antonium & Caesarem
iteratò initus.

Lepidus Pontifex Maximus, Antonius Augur, Caesar Pontifex
cum signis instrumentisque pontificalibus auguralibusque.



M. Lepidi Res gestæ, Victoriæ, & Triumphi ex Hispania,
statuæque equestres.



Alexandria & Prouinciarum Africa, quæ diuiso in Triumuiratu Imperio, Lepido obtigerat, administratio.



Tripodes, Sella, aliaq; magistratuum, honorum, & Sacerdotiorum insignia.
Lepidi habitu Pontificali, Vestæ, aliorumq; Deorum
statuæ & simulachra.



M. A N T O N I I
N V M I S M A T A.



M. Antonius Imperator, qui & Imperator Reipublicæ constituendæ
appellatus est.



M. Antonius Imperator iterum & tertium
Triumvir R. P. C.



M. Antonius Imperator, Augur,
Triumvir R. P. C.



M. Antonius Augur, Imp. tertium, Consul designatus iterum & tertium,
- IIIvir R. P. C. cum Cleopatra Regina coniuge.



M. Antonius Augur, Imp. quartum, Cos. design. tertium,
IIIvir iterum R. P. C.





M. Antonij cum M. Lepido & C. Caesare in Republica constituenda,
vindicandaq; Iulij Caesaris morte, concordia.



M. Antonij, Lepidi, & Caesaris Triumviratus Reipublicæ constituendæ.
 Antonius Augur, Lepidus Pontifex Maximus, Caesar Pontifex,
 cum signis instrumentisq; auguralibus pontificalibusq;.



Triumviratus R. P. C. inter Antonium, Lepidum, & Caesarem, iteratò initus.
 Tripodes, sellæ, aliaque honorum & Sacerdotiorum insignia.




Solis, Iovisque Ammonis seu Lybici capita,
Antonijque habitu augurali statua.




L. Antonij fratris M. Antonij, aliorumque magistratus & officia.



M. Antonij in Asia aduersus Parthos & Armenios res gesta, Victoriz,
 & Trophæa. Ventidijque, qui ab Antonio in Parthos
 missus fuerat, Triumphus Parthicus.



Legionum Romanarum, Cohortiumque Praetoriarum & Speculatorum
 Aquila & signa militaria.
 Exercituumque & Praetorianorum
 fides & concordia.



Duodecim primarum Legionum Ro. è triginta
Aquilæ & signa militaria.



Reliquarum . XII . Legionum à duodecima ad quartam & vicesimam
Aquilæ & signa militaria.



Legionum Antiquarum, item Classicæ, Lybicæ, & Hispanicæ,
Aquilæ & signa militaria.



M. Antonij in AEgypto res gesta.
Eiusdem cum Cleopatra
Regina coniugium.



Numismata in honorem M. Antonij à Cæsariensibus
& Luguduni percussa.





NOBILI ATQVE ERVDITO MARCO LAVRINO,
DOMINO DE VVATERVLIET, PATRONO SVO,
HVBERTVS GOLTZIUS HERBIPOLITA,

S. D.



VANQVAM absoluto primo hoc Imperatoriorum numisma-
tum libro, Laurine ornatissime, vel ardentissimo desiderio tuo, quo
nihil tibi hactenus fuit optatius, quàm vel tandem exire aliquid ope-
ris haud infeliciter tuo potissimum hortatu, tuisque auspicijs insti-
tuti, magna ex parte à me satisfactum facile mihi persuaserim: simul
etiam non immeritò videri possim auspiciatissimis hisce laborū meo-
rum primitijs, datam fidem, conceptamque de me opinionem ali-
quatenus impleffe: mihiq; deinceps vix dubitem polliceri, opus non
infantis auibz cœptum, secundioribus indies adiutum suc-
cessibus, (modò supremi numinis aspiret clementia) aliquando ad optatum finem perdu-
ctum iri: neutiquam tamen me aut isti in te animo satisfecisse, aut omnino grati hominis
officio perfunctum esse, apud me statuere potui, nisi præterea gratiam omnem & honorem;
qui abs rei antiquariæ studiosis (quibus hîc, vti spero, non infructuosè desudatum erit) mihi
quoquo modo affluere posset, in te nomenq; tuum, quâ eius fieri poterit, vel lubentissimè
patiar deriuari. Quod haud obscure profectò fiet, si omnes intelligant, te quidem primum
& præcipuum opificem, & tanquã patronum siue nauclerum huius operis ducendi, me verò
tanquam instrumentum quoddam, aut certè remigem, cuius opera tantum, siue adminiculo,
te ad gubernacula sedente, totiusq; operis clauum tenente, è medijs infinitarum difficulta-
tum fluctibus & procellis, ad optatum portum appellere cōcessum sit. Nam quemadmodum
hoc mihi de tua humanitate, tuoque candore facile ausim polliceri, haud inuitum nobis hoc
daturum, te sine commodo instrumento, ea quæ tu iam olim de tali opere cudendo, animo
concepta habuisti, difficulter admodum in effectum deducturum fuisse: ita & ego non pos-
sum non officiosè agnoscere, me tali destitutum patrono, tali duce atque auspice, nō dicam
optatum euentum, sed ne felicem quidem tantis meis conatibus atque ausis successum, vn-
quam vel sperare potuisse. Nam vt grauissimos, meisque facultatibus longè impares præ-
teream sumptus, tot ac tantæ ipso statim operis initio primisq; aggressibus vndique se obie-
cère difficultates, vt non sine maximo cum rei, tum nominis dispendio, contra fidem alio
quodam libro ante annos aliquot à me datam, aliquoties coactus fuisset vel primis conati-
bus subsistere, ipsoque, quod aiunt, portu naufragium facere: ni tu, tanquam numen aliquod
præsens & propicium, animum collabentem, ac tantum non deiectum, consilio, hortatu, eru-
ditione, omni denique ope & subsidio subinde subleuasses, erexisses, fulcissesque. Hinc me-
ritò gratissimæ & acceptissimæque mihi fuere litteræ illæ tuæ, quas tu ante annos quattuor Bru-
gis Antuerpiam peropportune ad me dedisti: quæ nihildum tale cogitanti, multò minus ex-
pectanti, ad promotionem operis à me animo concepti, omne studium omnemque operam
tam benignè & liberaliter offerebant: & quò ea mihi paratiora magisque ad manum essent,
propositis haud pœnitendis conditionibus, Antuerpia Brugas euocabant. Quod quidem
consilium, vtpote instituto meo non tam cōmodum, quàm necessarium, obuijs, quod aiunt,
vlnis amplexus, relicto haud grauatim nobilissimo totius inferioris Germaniæ emporio, vbi
annos duodecim continuos plus minus vitam haud illiberaliter exegeram, in Flandriam cum
vniuersa statim familia Brugas, inter cætera totius Belgicæ oppida vel olim celeberrimas, ad
te commigraui. Eadem ratione factum est, vt & mox postea haud inuitus, eademque animi
alacri-


alacritate paruerim serio & accuratè monenti, non esse quòd sperarem me absolutius aliquid in hoc argumento præstiturum, nec proinde solidam aliquàm inde laudem consecuturum, ni comparata prius idonea tanto operi materia. Proinde cùm angustis nimium partim inferioris nostræ Germaniæ, partim Belgicæ finibus circumscriberer, longius etiam in exterarum prouincias huius rei ergò mihi excurrendum, Germaniam videlicet, Galliam, & Italiam: quæ cùm omnigenis antiquitatis monumentis felicius longè atque vberius, quàm aut nostra hæc Belgica, aut inferior Germania instructæ sint, copiosiores proculdubio proposito operi materiam suppeditaturas. Quòd cùm mihi facilè persuaderi passus essem, primum apud te quadrimestri eo amplius spacio, infinitæ cuiusdam multitudinis numismatum antiquorum, tam Græcorum, quàm Romanorum, tam Imperatoriorum, quàm Consularium (quæ tu non minori iudicio, quàm sumptu & labore conquisita, pari studio & religione conseruas) exemplaria, nò solùm te præsentè & inspectante, sed & singulos calami ductus, singula lineamenta curiosius obseruante, maximà cum diligentia excepi. Quæ quidem prima numismatum delineatio, tanti mihi ad hanc rem fuit momenti, vt nihil vnquam magis. Nam præterquàm quòd hac ratione factum est, vt parata iam non pœnitenda futuro operi materia, minus mihi fuerit temporis ponendum in iisdem quorum apud te exemplaria descripseram, postea apud alios imitandis: hoc quoque ex illa tam varia & multiplici numismatum apud te delineatione accessit compendij, quòd parta iam non omnino nulla antiquitatis cognitione, facilè mihi deinceps fuerit etiam longissimè à te remoto, non solùm symbola ipsa, rerumque simulachra & argumenta numismatibus expressa, probè & fideliter reddere, sed & fugientes caducasque tam Græcorum quàm Latinorum nummorum inscriptiones & titulos legendo assequi. Hinc postea etiam in ipsa Italia plures istiusmodi nummi mihi oblati, prius à nullis, vel certè paucissimis lecti, nedum intellecti, & proinde neglecti, à me calamo fideliter & dilucidè descripti & delineati, à clarissimis quibusdam, & primis in hoc studio viris, antea tantùm non contempti & abiecti, nunc summo in precio habentur & seruantur. Testis mihi huius rei præter cæteros, clarissimus ille Andreas Lauredanus Patricius Venetus, alijsque complures, tum Patauij, tum Romæ, tum Neapoli, tum alijs alibi per Italiam locis. Absoluta iam igitur quadrimestri illa numismatum tuorum delineatione, vel media vrgente hyeme, per niues, & intensissima frigora, te potissimum quanquam currenti calcaria subdente, maxima alacritate animiq; cōtentione, primò vniuersam ferè percurri Germaniam: inde superatis Alpibus, per celeberrima quæque Italiæ loca & oppida, Neapolim vsque profectus sum. Ab hac rursus diuerso per Italiam itinere, per Ligures, per Insabres, in Galliam Transalpinam transiens, per Prouinciam, Galliam Narbonensem, Allobroges, Lugdunensem, AEduos, perque innumera ferè, eademque nobilissima Galliæ loca, perlustratis vbiq; non ociose, nec oscitanter, quibuscunque venerandæ antiquitatis vestigijs & monumentis, post octauum decimum quàm iter ingressus eram mensem, Brugas tandem Christo O. M. reduce reuersus sum. Et quemadmodum me nec ipse difficillimi longissimiq; itineris labor & molestia, vnquam à proposito detertere potuit, quò minus quod in me esset, aliquid ad hoc studij conferrem: ita nec à te vel grauissimis comparciturum est impendijs, quò minus ea quibus ad iter haud illiberaliter & securè conficiendum opus esset, prouidè & liberaliter subministrares. Nam vt de viatico taceam, tuis potissimum literis, tuaq; opera, apud primos quosque in vniuersa ferè Europa viros, aditus mihi concessus est: quorum sanè beneuolentia atq; humanitate factum est, vt quemadmodum de te liberè ausim profiteri, non temerè alium in hac nostra Europa, vel inter eos qui fortunarum splendore, & facultatum magnitudine te longè superant, reperiri posse, qui ad instaurandam, illustrandam, atque à temporis iniuria vindicatam, in cōmunem Antiquariorum rem & vsum, è profundissimis tenebris in lucem & vitam quodammodo reuocandam hanc rei antiquariæ partem, tantum publicè contulerit operæ, quantum tu hætenus ferè vnus, vt hinc

maximo

maximo tuo merito, vel omnium calculis & suffragijs, immortalis tibi, nominiq̃ue tuo ab omnibus antiquitatis cultoribus debeatur honos & gratia: Ita & de me citra omnem arrogantiam vel ostentationis notam, non iniuria possim gloriari, à nemine hæctenus in hoc nostro orbe, tam multa tamq̃; varia omnis generis numismata, siue aurea, siue argentea, siue ærea, tam Græca, Romana, quàm prouincialia, peregrina, & barbara, inspecta, attrectata, imò delineata, quàm à me intra paucos hosce annos factum sit: quando per eas quas recensui prouincias, vix vllum fuerit tam instructum, tam reconditum, tam deniq̃; secretum supellectilis antiquariæ, potissimum autem nummorum antiquorum, scrinium aut armarium, quod vel tandem mihi non patuerit, quodq̃; à me non fuerit vel curiosissimè perlustratum: vt qui quoscunq̃; etiam primarios tam ecclesiasticæ, quàm profanæ dignitatis viros, atque adeò ipsam Imp. Maiestatem, tam propensos atque inclinatos erga me meumq̃; hoc institutum expertus sum, vt non solum inspectione numismatum suorum me dignati sint, sed & in communem omnium passim antiquariorum vsum, etiam exemplaria ipsorum calamo à me excepta, communicare minimè recusarint, atq̃; inter hos nonnulli, qui sua prius ægrè ab alijs vel inspici passuri fuerant. Ita accidit, vt post prædictam decem & octo plus minus mensium, per varias diversissimasq̃; regiones & prouincias peregrinationem, vel plura volumina multis omnigenum numismatum milibus referta, domum ad te reportarim. Quæ quidem post tam longæ expectationis tædia, obuijs amplexibus à te, fratreq̃; tuo Guidone Laurino excepta, vel ipso primo aspectu vsque adeo grata fuere, vt sumptus in eam rem ad illum vsque diem impenso, quamuis ingentes, exiguos tamen aut planè nullos censueris, postquam accepto tali thesauro, quod omnem facile æstimationem superaret, spem expectationemq̃ue tuam non tam impletam, quàm superatam vidisti. Nec his contentus, qui est animi tui candor & beneficentia, non es arbitratu solidum hoc tibi fore gaudium, nisi quicquid id erat, quantum in te esset, omnibus statim eiusdem tecum studij sectatoribus per me commune faceres. Omnibus igitur quæ tibi tanto operi idonea & necessaria visa sunt, quamprimùm suppeditatis, à me vicissim indefessa diligentia, summaq̃; vt ita dicam, laboris improbitate, non tantum primus hic liber feliciter ad calcem perductus, post multam multorum expectationem diu votis expetitus, in lucem tandem prodijt: verum etiam interea temporis dum hic sub prælis sudat, non poenitendi à me progressus facti sunt & in altero illo (quem meritò primum emitti oportebat) fastorū Consularium libro: quem à te tam è fastis Capitolinis, quàm nummis Consularibus, mira quadam ordinis congruitate atque elegantia concinnatos atque digestos, plures iam menses præ manibus habeo, ita vt vel intra annum, modò cœptis D. O. M. aspiret, facile promulgandos sperem: opus, ni me fallit coniectura, omnibus quidem studiosis longè gratissimū, ijs autem qui vetustioris historiæ cognitionem cum numismatum studio coniungere volent, plusquam necessarium. Cui quidem postquam supremam manum imposuero, ad Augustum statim, reliquosq̃ue deinceps ad Domitianum vsque Cæsares, redire decretum est: qui & ipsi cum iam pridem in suum redacti sint ordinem, opinione forsan citius in publicum prodibunt. Interea quod à te in Consularibus Imperatorijsq̃ue Ro. numismatibus ad Iustinianum ferè vsq̃; iam præstitum est, poteris & in doctissimis illis argutissimisque Græcanicarum prouinciarum & ciuitatum nummis quàm commodissimum & maximè appositum ordinem dispicere, quem & in his exprimendis sequamur. Quorum quidem publicationem, tum propter raritatem ipsam, tum propter argumenti atque artificij varietatem atque elegantiam, (quibus Ro. illa numismata, vt multum ab his differunt, ita & omnium ferè iudicio longè superantur) cum sciam auidissimè à non paucis passim desiderari, nō ingratum fore putavi, si eam. XII. primis Cæsaribus subiecero, aut prius forsan, post Augustum videlicet, aut Neronem certè, emisero. Quibus omnibus suo quæq̃; tempore & ordine, modò vitam tandiu proroget qui solus vitæ auctor & fons est, sub aspectum publicū deducendis, eris mihi magni cuiusdam numinis loco:

neque cōmitteres, vti spero, vt post tam splendida & magnifica promissa, opera illa tua & studio, quæ mihi primo hoc volumine tam benignè præstitisti, destituto, meritò obijci possit illud: *Quid dignum tanto tulit hic promissor hiatus?* Aut illud, si mauis: *Parturiunt montes. &c.* Ego vicissim, cū non ignorem quā parum, aut potius nihil sine te possim, subtractaq; ope tua, quā mihi non semel ab incepto resiliendum fuisset, foretq; deinceps: profiteor sanè haud inuitus, me in his omnibus vix minimum aliquid meum agnoscere, cunctaq; tibi vni facile accepta ferens, omni & gratia & honore, quæ quoquo modo huic operi deberi posse videbitur, tibi animo perquā lubenti cedo. Certus interea te nihil tale expetentem, nedum expectantem, præter publicum antiquitatis studiosorum cōmodum & vtilitatem, aliud nihil hac in re tibi proposuisse, neutiquam in hoc à maioribus gentilibusq; tuis degenerans. Nam vt ceteros præteream, quid M. Laurino patruo tuo, Collegij Diui Donatiani Brugis quondam Decano, suauius, benignius, aut hospitalius repèri poterat? qui dum in viuis ageret, ipse haud vulgariter eruditus, eruditorum omnium feliciūq; ingeniorum admirator atque obseruator eximius, eorundem apud suos fautor & Mecænas vnicus penè extitit: quod & plurimi, nō parui in re literaria nominis viri, scriptis suis posteritati testatissimū reliquere. Quid iterum Hieronymo Ruffaldo auunculo tuo, S. Vedasti etiamnum apud Atrebatum Abbate, candidius atq; humanius? quem præter spectabilem, nulliq; non compertam in egenos & Christi membra pietatem, singularis quoque in viros doctos ac studiosos affectus & studium, ac denique propensa in quoduis hominum genus liberalitas, meritò summis & imis gratum & charum reddidit. Quid denique, ne omnes recenseam, Maximiliano à Bergis consanguineo tuo amito, Episcopo Cameracensi, illustrissimo, generosius, beneficentius, aut in eos quos præter vitæ morumq; probitatem & pietatem, etiam doctrina commendat, propensius? Qui cū inter ceteros istius prouinciæ Proceres vel primum pro sua dignitate in Curia locum facile obtinere possit, neglecto tamen splendore aulico, probi pastoris officio perfungi præoptans, custos gregis sibi cōmissi vigilantissimius, ne latum quidem, quod aiunt, vnguem, ab ouilibus sui conspectu, nisi quantum res & vsus exigit, discedere curat. Vnde etiam spes est nomen istorū pro suis in rem literariam meritis, simul etiam Laurinæ gentis memoriam, plurimis doctissimorum huiusce tempestatis hominum monumentis celebratam, apud posteros pluribus etiam sæculis superfutura. Quod & ego, Mecænas optime, pro maximis tuis in me beneficijs, & tibi per me repositum velim, si quā id tu de me, deque omnibus in vniuersum rei antiquariæ studiosis longè optimè meritis es, tam id mihi in manu esset. Verū quando ne minimas quidem vices, quas pro tua in me beneuolentia mereris multò maximas, remetiiri valeo, illud saltem me consecuturum spero, ne apud eos, quibus tuus ille animus, tuumque in me studium perspecta atque explorata sunt, ingratitude aut ambitionis notam incurram. Interim hoc à te petens, vt hoc meum quale quale non vsquequaq; inofficiosum epistolium, animi in te mei minime ingrati pignoris loco apud te esse patiaris, donec, si non parem meritis tuis, plenior certè, & exactior, pro maximis plurimisque tuis in me beneficijs, gratiam referendi vberior & commodior sese offeret occasio. Pariter & illud postulans, vt quando animū istum tuum tam generosum, planè cognoui strenuum omnis laudis & gloriæ contemptorem, saltem in mei apud inaleuolos purgationem, nominisque conseruationem, epistolium hoc calci istius libri affigi æquo animo concedas. Quod superest, quemadmodum & me, & mea omnia tuæ illi mihi probè perspectæ humanitati cupiam esse quā commendatissima, ita vicissim eadem arbitrio tuo, tuisq; imperatis iam olim esse addictissima expositissimaq; omnino tibi persuadeas velim. Vale Patrone vnice obseruande, idemque omnis antiquitatis censor atque assertor præstantissime.

Brugis Idibus Ianuar. M. D. LXII.



AVCTOR LECTORI.

POETAE, ut scribit Lyricus, aut prodesse volunt, aut delectare: sed ego eos imprimis laude dignos censuerim, qui cum delectatione vñsibus humanis quàmplurimum simul afferunt vtilitatis & commodi. Quare, benigne Lector, ne tibi inanis atq; ociosa prorsus foret hæc numismatum spectatio, quando ita demum eam cum voluptate fructus etiam non minimum allaturam credidi, operæprecium duxi, vitam & seriem rerum à Iulio Cæsare gestarum, è probatissimis antiquissimisque; quibusque scriptoribus concinnatam, hñc subtexere. Ita fiet, ut numismatibus & historia inter se collatis, dum alterum alteri plurimum & lucis & intellectus conferet, primum nummi ipsi fructuosius à te spectentur, quorū argumenta, alioquin obscura, ex historia adiuncta facilius à te intelligentur. Rursus, historia maiori cum fide simul & voluptate tibi lectitabitur, postquam videris antiqua illa numismata, non sine publicæ auctoritatis suffragio signata, cum historia ipsa per omnia ferè conuenire, fidemque adeò ipsi historię plurimum astruere. Dumque quod historica narratio animi sensibus factum aut gestum aliquando proponit, idem elegantissimis appositissimisque argumentis, rerumque simulachris & symbolis, in ipsis numismatibus oculis repræsentatum, coram tanquam nunc gereretur, tibi spectare videberis. Quare si quidem in præcedenti numismatum delineatione, palatò tuo aliquatenus à me satisfactum fuerit, spero te, beneuole Lector, nec hunc historię contextum stomacho fastidienti excepturum.

Sis felix.

C. I V L I I C A E S A R I S

V I T A E T R E S G E S T A E.

PER HVBERTVM GOLTZIVM HERBIPOLITAM
VENLONIANVM.



VLIAM gentem per AENEAM Veneris & Anchisæ filium, cuius in parentem Deosque Penates nota est pietas, à Dijs ipsis, Ioue nimirum & Venere, originem ducere, & ipse Cæsar aliquando gloriatus est, & ab historicorum vetustissimis literis proditum: auctore gentis totius Iulo, AENEÆ & CREUSÆ filio, vt quibuldam grauissimis scriptoribus visum est, qui eundem & ASCANIUM fuisse credidère. Alijs

GENS IV-
LIA.

non leuioribus auctoribus, Iulum AENEÆ ex ASCANIO nepotem fuisse placuit. Hoc inter omnes conuenit, Latij regno penes LAUINIÆ filium relicto, Sacerdotium amplissimum, Sacrorum caeremoniarumque curam & administrationem, apud Iuli sobolem permanisse, à quo sunt Iulij. Hæc gens postea, ALBA (quæ relicto LAUINIO Regni Latini tunc sedes erat) diruta, à TULLO HOSTILIO cum alijs plerisque clarissimis Latij familijs ROMAM traducta, Patribusque inserta, serius ad magistratus, illustrioresque dignitates euecta, diu tantum non priuata honestaque vita contenta remansit, inter maiorum gentium PATRITIOS tantum non postremis annumerata. Sub annum demum ab Vrbe condita ducentessimum sexagesimum quartum, Consulatum, Decemuiratum, aliosque dehinc omnis generis honores & magistratus nacta est: ita tamen vt intra mediocritatem & opum & rerum gestarum, diu consisterent. Tandem C. IULIUS CÆSAR, qui patriam antea ab exactis Regibus ad sua ferè tempora liberam, primus subegit, occupato vi & armis principatu, Regnum genti suæ, si nomine minus, re ipsa certè quodam modo restituisse visus est.

Fuit in gente Iulia & Cæsarum familia, quo cognomine primum vsum tradunt SEX. IULIUM CÆSAREM, qui anno belli Punici secundi vndecimo, M. CLAUDIO MARCELLO T. QUINCTIO CRISPINO Coss. Siciliam Prouinciā Prætor obtinuit, ab hoc in vniuersam familiam cognomen defluxisse. Cognominis rationem alij aliam tradunt: quidam, quod qui primus Iuliorum sic dictus est, cæso matris vtero natus sit: alij, ab elephanto occiso, qui lingua Punica Cæsar dicitur. Quorum sententia vt probabilior videri possit, facit, quod matris vtero cæsos proprio & Romano vocabulo Cæsones dici certum sit: tum quod ipsa terminatio dictionis Cæsar, Romanis auribus insolita, Punicum nescio quid sonet, vt AMILCAR, & similia nomina. Certè inter Cæsarum nummos non pauci spectantur cum nota elephanti: inter ceteros vnus, Punicis litteris circa ele-

CAESARES.

A

phan-

phantū inscriptus: vt meritò videri possit Cæsar, ea ratione suæ familiæ cognominis originem publicare voluisse, præsertim nullo alio euidente alicuius rei gestæ argumento, quare elephantum in nummis suis signarit.

C. IULII
CAESARIS
ORTVS ET
NATIVI-
TAS.

CAESAR
FLAMEN
DIALIS.

CAESARIS
PRIMA MI-
LITIA.

CAESAR
TRIBV-
NVS MI-
LITVM.

Ex hac gente & familia genus trahens C. Iulius Cæsar, Romæ natus est, C. Mario. vi. L. Valerio Flacco Cofs. patre C. Iulio Cæsare viro Prætorio: auum habuit item C. Cæsarem, nullo magistratu gesto insignè: proauum verò Sex. Iulium Cæsarem Consularè, eius Sexti qui primus Cæsar dictus est, filium: matrem autem Aureliam C. Aurelij Cottæ filiam, apud quam puer educatus est. Ceterum mortuo Pisis, dum manè calcearetur, patre, Flamen Dialis annum agens .xvi. factus, ob vxorem Corneliam Cinnæ iiii. Cofs. filiam, ad arbitrium Sullæ non dimissam, & ob Marij per Iuliam B amitam affinitatē eidem Sullæ Dictatori suspectus & inuisus, Sacerdotio & gentilitijs hæreditatibus ab eo priuatus est. Cumq; latè vagante Sullæ potentia & crudelitate, Cæsar mutatis per singulas ferè noctes latibulis, quanq̃ quartana interim febris vexatus, nūc prece, nunc precio, furori eius se subtrahere cogeretur: tandem Mamerci Æmilij, & Aurelij Cottæ, viro- rum clarissimorum affinium suorum, Sullæ verò amicissimorum, simul etiam virginum Vestalium assiduis validissimisq; precibus, à Sulla tantum nō coacto cōdonatus est, hoc addito, Cæsari multos inesse Marios, eumq; pro quo tam pertinaciter intercederent, optimatum partibus exitio quan- doque futurum. Exinde omnes militiæ numeros sub M. Thermo in C Bythinia, sub P. Seruilio Isaurico in Cilicia strenuè impleuit. Mortuo de- inde Sulla mox Romam redijt: ibi quasi vitandi ocij causa, Cn. Cornelium Dolabellam virum Consularem & Triumphalem repetundarū, non sine laude eloquētiæ, accusauit, ita tamen vt eo absoluto, nō minus inuidiæ sibi conflaret: cui vt se subduceret, Rhodum, tanq̃ litteris & Moloni Rhetori operam daturus, secessit. Quò dum hyberno tempore nauigare festinat, captus à Cilicibus piratis circa Pharmacusam Insulam, postq̃ dies quadra- ginta & amplius in eorū potestate cum vno atque altero comite perman- sisset, allata à seruis amicisq;, quos in id dimiserat, pecunia, quinquaginta talentorum summa se redemit. Liberatus, statim magno studio nauibus D in portu Milesiorum instructis, deductisque, prædones persecutus, in po- testatem redactos, iugulari, crucibusque affigi iussit. Quod dum apud eos maneret, quasi per ludum iocumq; facturū se non semel minatus fuerat. Infestabat per id temporis proximam cōtinentem Asiam crebris popula- tionibus Mithridates, quare ne per ocium Rempub. sociorumq; discrimē solus negligere videretur, in Asiam transgressus contractis subito auxilijs, pulsoque Regis Præfecto, Prouinciam metu & periculo liberauit. Ro- mam deinde reuerso, primus honor populi suffragio Tribunatus militū obtigit: in quo Tribunitiam potestatem, cui Sulla multū detraxerat, sum- mo

Amo studio restituere contendit, eiusq; restituendæ auctores omni ope iu-
uit. Hinc Tuberoni Prætori Quæstor datus, in Hispaniam profectus
est. Sed inde missione ante tempus à Senatu petita, tanquam parum i-
doneam extendendæ famæ materiam nactus, cupiens vberiore rerum
gerendarum occasione inclarescere, Romam redijt: vbi visus sibi per so-
mnium cum matre concumbere, in amplissimam spem erectus est, tan-
quam sibi hoc visum orbis imperium portenderet. Mox multis mo-
lestijs suspicione coniurationis Pisonianæ purgata, qua cum primarijs ali-
quot viris magna quædam moliri, atque ipsius Reipub. statum peruertere
voluisse visus erat, Ædilis cum M. Bibulo creatus est. Quo magistratu non
B tam communibus collegæ & suis, quàm proprijs impensis magnificentis-
simè profusissimeque administrato, Vrbe insuper plurimis sumptuosissi-
misq; ædificijs exornata, populi fauorem sibi mirè conciliauit: ita vt com-
munium etiam impensarum gratiam solus assequeretur. Hinc in spem
venit, opera Tribunorum plebis ex Plebiscito, Ægyptum Prouinciam ex-
tra ordinem se facile obtenturū, quòd Alexandrini Regem suum, socium
& amicum populi Rom. expulissent. Sed quò minus eam assequeretur,
optimatum factione impeditus est: vnde & in vindictam inuidiamq; Se-
natus, C. Marij statuas, imagines, & trophæa de Cimbris Teutonibusque,
à Sulla paulò antè disiecta, restituit: aliâque quamplurima in odium opti-
C matum tentauit. Ægypti obtinendæ spe frustratus, superatis facilè duo-
bus potentissimis competitoribus, Q. Catulo, & Isaurico, qui & ætate &
dignitate longè antecellebant, summo populi studio, & suffragiorum con-
sensu, sed non absque profusissima largitione, in locum Metelli Pij defun-
cti, Pontifex Maximus creatus est. Eodem medio mox Prætor factus,
detecta coniuratione Catilinaria, vniuerso Senatu supremum supplicium
in coniuratos decernente, ipse solus suadere ausus est, ne capite in eos ani-
maduerteretur, sed vt bonis publicatis municipatim custodiendi traderen-
tur: persuasurus procul dubio, plerisq; iam in suam sententiam pertractis,
nisi nutantes iam & inclinatos, acerbissima & vehementissima oratione
D confirmasset erexissetq; vir grauissimus M. Cato. Quanquam ne sic qui-
dem de sua contentione quicquam remisit, priusquam ab equitibus, qui
ad Senatus præsidium astabant armati, strictis intentisque gladijs petere-
tur: ita vt eum quidam assidentium obiectu togæ atque amplexu vix pe-
riculo eriperent: tum demùm destitit, & curia diu abstinuit. Metello de-
inde Nepoti Tribunò plebis turbulentissimis legibus collegarum suorum
intercessionem, ac Rempublicam perturbanti, non fautorem modò, sed
& propugnatorem sese præstitit: tam pertinaciter, vt & ipse & Metellus
decreto Senatus magistratu abire iuberentur. Sed non prius ius dicere &
magistratum gerere desijt, quàm vi & armis compelleretur: tum demùm

QVÆ-
STOR.

ÆDILIS.

PONTI-
FEX MA-
XIMVS.

PRÆTOR.

dimissis lictoribus, abiectaꝫ; prætexta prætoria, clàm domum se recepit. A
 Multitudinem autem, quæ biduò pòst ad eum confluit, operam suam
 in tuenda dignitate vltro offerentem, tumultuosiusq; instantem, oratione
 composita sedauit. Quæ res non minus grata Senatui, q̃ inexpectata acci-
 dit: quare & per viros clarissimos actæ sunt ei gratiæ, & in curiam reuoca-
 to, verbisq; amplissimis collaudato, magistratus restitutus est. Haud
 ita multò pòst grauiori implicitus suspicioni, aliud discrimen subiit: dela-
 tus apud Nouium Nigrum Quæstorem, & apud Senatum, à L. Vectio &
 Q. Curio indicibus, tanquam conscius & particeps coniurationis Catili-
 nariæ: quo multum permotus Cæsar, nec tantum dedectus ferendum ra-
 tus, implorato innocentia suæ teste Cicerone, cui tum Consuli ipse vltro B
 quædam de coniuratione detexerat, repulsis acerrimè accusatoribus, disci-
 men euasit: Vectio in carcerem coniecto, atq; adeò ipso Nouio Quæstore,
 quod maiorem magistratum apud se accusari passus esset: Q. verò Curius
 præmijs à Senatu decretis, quod coniuratorum consilia primus detexisset,
 priuatus est. Prætori Hispania vltior fortitò obuenit: in quam ille
 properè, non expectato dum Prouinciæ ordinarentur, profectus est: Pro-
 uinciamq; ad Oceanum vsq; domitis Calecis, Lusitanis, alijsq; gentibus,
 pacatam, & populo Ro. fidelem reddidit, primusq; eam gentem subegit;
 Insulas etiam nonnullas in Oceano cepit: vnde & Imperatoris titulo, ob
 rem bene gestam, honoratur. Rebus itaque feliciter gestis, compo- C
 sitaq; Prouincia, non expectato etiam successore, præter morem, pari qua
 venerat festinatione, Prouincia decedit: triumphumq; petiturus simul &
 consulatum, Romam reuertitur. Verum triumphum petitioni consulatus
 obstare intelligens, cum nisi legibus solutus vtrumq; assequi posset: quò
 minus aut legibus solueretur, plures obstarent: triumpho in præsens post-
 posito, consulatum solum petere instituit, quem non sine largitione à L.
 Luceio competitore còmuni nomine facta, cum M. Bibulo, multum in-
 uito ac reluctante Catone & optimatibus, adeptus est, opera potissimum
 & studio tam Pompeij, quàm Crassi. Hos Cæsar pridem ex consulatu ma-
 xima diffensione gesto inter se dissidentes, summa contentione primùm D
 sibi mutuò reconciliauit: cumq; & opibus & auctoritate ceteros facilè su-
 perarent, quò sibi aduersus optimatum factionem robur aliquod & præ-
 sidium pararet, simul etiam & futuræ dominationi, quã iam animo conce-
 perat, quædam quasi fundamenta iaceret, horum sibi potentiam quoquo
 modo iungendam putauit. Cum Crasso autem illi vel antea satis pulchrè
 conuenerat, eumque prorsus suarum partium habuerat, cum paulò ante
 Ædilitatem, eiusdem conspirationis participes fuisse crederentur. Crassi
 etiam interuētū & sponsione, creditorum, qui se Prætorem in Hispaniam
 Prouinciam properantem remorabantur, importunitatem à sese reppulit;
 Pom-

HISPANIA
 PROVIN-
 CIA.

IMPERA-
 TOR.

CONSULA-
 TVS CAE-
 SARIS.

A Pompeium autem omnibus studijs, omniq; officiorum genere sibi conciliare non cessauit. Cum utroque denique pactus est, ne quid in Repub. ageretur statuereturve, quod alicui ex ipsis non probaretur. Hac quasi conspiratione fretus Cæsar, hisce fultus subsidijs, multis contra ius & æquum, contra morem & præter exemplum actis, consulatum suum aduersarijs grauem, & obrectationibus obnoxium, reliquis verò suspectissimum reddidit. Inter cetera consulatus sui acta, quibus populum sibi deuinxit, optimatum verò ordinem offendit, fuit lex agraria: hanc ille diu multumque repugnante Bibulo collega, summa contentione, nec sine armis, suffragantibus vbique & per omnia, vti conuenerat, Crasso & Pompeio, tandem pertulit. **B** Hac lege diuisi sunt populo omnes agri publici, electis per Cæsarem in id XXviris, qui eam agrorum diuisionem ex lege facerent. Ager etiam Campanus eodem decreto trium liberorum & plurium parentibus, distributus est: Capuaque ipsa Colonia deducta, & Iulia Fœlix appellata. Præter hanc agrariam, & alias quamplures leges tulit, plerasque quidem vt populo non ingratas, ita patribus satis iniquas: quanquam initio consulatus, vt & optimatum partibus studere velle videretur, professus se nihil promulgaturum, quod non in rem ipsorum foret. Equitibus autem, qui vectigalia omnia populi Rom. redemerant, quò & illum ordinem sibi deuinctum haberet, tertiam partem eius quod ex redemptione vectigalium debebant, remisit: quod illis sæpè à Senatu flagitantibus, Catone præter alios pertinaciter reluctante, semper negatum fuerat. Omnia denique acta Pompeij, quæ Senatus antea rata habere dubitauit, nemine prorsus repugnante, confirmauit. Ita vt vnus & solus quasi Rempublicam ad nutum potius administrare, quàm boni Consulis officio fungi videretur: adeò vt collegam Bibulum promulgationi legis agrariæ obnunciantem, vi & armis foro pellere veritus non sit: quem ita terruit, vt reliquo consulatus tempore, ad extremum vsque anni diem domi latitans, publico abstineret, nec nisi per edicta partes suas tutaretur, Cæsarisq; actis obnunciaret. M. quoq; Catonem virum grauissimum, & vel præcipuæ propter morum seueritatem & constantiam auctoritatis, sibi minus assentientem, per licctorem in carcerem abduci iussit. L. deinde Lucillum & ipsum liberius dissentientem ita minis suis perculit, vt supplex veniam à Cæsare petierit. Ciceroni etiam maximis in Rempublicam meritis clarissimo, & clàm & palàm iniquissimus, Clodium illi inimicissimum fouit & sustinuit, atque à patribus ad plebem traduxit, Tribunatumque ei confecit, vt sic demùm Trib. pleb. factus, perniciem Ciceroni facilius machinaretur. Omnibus deniq; perterritis & consternatis, nemine contrahenire audente, quæuis quibuscumque dilargitus est. Consul etiam nùm Galliam Cisalpinam lege Gabinia cum Illyrico & tribus legionibus à populo

LEX CAESARIS AGRARIA.

AGRI DI-
VISI.CAPVA CO-
LONIA IV-
LIA FELIXGALLIAE
ET ILLY-
RICVM

PROVIN-
CIAE CAE-
SARI DE-
CRETAE.

IMPERIVM
QVINQVEN-
NALE CAE-
SARI DE-
CRETVM.

pulo accepit: Comatam deinde, siue Transalpinam, cum altera legione, **A**
à patribus: metuente nimirum Senatu, ne & hanc se inuito populus da-
ret. Galliam autem prouinciam, tanquam futuro triumpho, cui auidis-
simè inhiabat, maximè præ ceteris oportunam, sibi potissimum elegerat.
Sed antequam consulatu abiret, & in prouinciam proficisceretur, vt re-
bus suis vndecunque prospiceret, haberetque per quos absens partes suas
tueretur, L. Pisonem sibi in consulatu successurum, ducta in vxorem Cal-
purnia ipsius filia, socerum sibi deligit. Cn. quoque Pompeium, præter
cetera officia, ætiori sibi affinitatis vinculo deuinciendum ratus, Iuliam
filiam, quamuis prius Q. Seruilio Cæpioni desponsatam, illi nuptui tradit:
atque ex hoc Pompeium deinceps primum sententiam rogare cœpit, cum **B**
antè Crassum soleret. Pompeius vicissim socero quouis modo gratificari
studens, foro armatis militibus completo, vt populares Cæsaris leges con-
firmarentur, vtque imperium in quinquennium, cum prouincijs Gallia
Comata, Cisalpina, Illyrico, & quatuor legionibus, ei decerneretur, vel
præcipuus auctor fuit, accedentibus vbique Crasso & Pifone socero.
Ceterum consulatu iam defunctus Cæsar, cognitione de actis suis, quæ à
L. Domitio & C. Memmio Prætoribus in disquisitionem vocabantur,
Senatui delata, festinabundus in prouinciam proficiscitur: obtento prius,
vt dum ipse Reipub. causa abesset, reus ne fieret: iam enim L. Antistius
Trib. pleb. eum postularat. Hinc metuens ne sibi absenti negocium fa- **C**
cesseretur, nève quippiam aduersum se à Senatu decerneretur, nihil ma-
gis studuit, quàm annuos magistratus quoquo modo sibi obnoxios red-
dere. Quinimò è competitoribus & candidatis nullos suo suorumque suf-
fragio iuuit, cum quibus prius non pepigisset, dignitatem suam absente
se defensuros. His fultus subsidijs, quò vires suas etiam aliunde augetet,
præter eas quas à Senatu populoque acceperat, nouas statim pro arbitrio
conscripsit legiones, quasdam publico, alias verò priuato sumptu. Inter
ceteras vnam ex Transalpinis, quam vocabulo quoque illarum gentium,
Alaudam appellauit, instructam tamen & eruditam disciplina cultuque
Romano, quam & ciuitate postea donauit. Hæc & prima, & non obscu- **D**
ra, quasi regnum affectantis animi, dedit indicia. Ceterum cum
primo in prouinciam ingressu omnia pacata inuenisset, metuens ne in
pace degenti, rerum gerendarum, & triumphi tam impotenter desiderati,
ocasio materiaque deesset, omnem prorsus occasionem belli, etiam in-
iusti & periculosi, captabat, omnibus sine discrimine insultans, propriaque
auctoritate suisque auspicijs, non expectato Senatus decreto, bella vel con-
tra fœderatos suscipiens. Vtebatur autem tum in itineribus conficiendis,
tum reliquis, celeritate quadam admirabili: ita vt octauo postquam Ro-
ma discessisset die, ad Rhodanum vsque peruenerit. Primum autem
bellum

A bellum Cæsari cum Heluetijs Tigurinisque fuit. Hi hominum multitudi-
dini non sufficiente solo patrio, incensis oppidis, vicis, ædificijsq; proprijs,
suasore primùm & duce Orgetorige, inter Heluëtios facilè nobiliss. locu-
pletissimoq; domo profecti, vberius solum quærere, sedesque suas aliò
transferre instituerant. Adiunctis itaque sibi gentibus finitimis, Boijs sci-
licet, Rauracis, Tulingis, & Latobrigis, primùm Rhodano traiecto, per
Allobroges, qui in fide populi Ro. erant, pars prouinciæ Galliæ, iter facere
constituunt: transitu quidem prius à Cæsare petito, sed vt non statim ne-
gato, ita nec obtento. Cæsar enim cùm parùm tutum, ac præter dignita-
tem populi Ro. iudicaret, pati tantam hominum multitudinem per pro-
uinciam suam iter facere, nihil prius habuit, quàm pontem Rhodani re-
scindere, cæteraq; quæ transitum impedire quoquo modo possent, anteq̃
Heluetijs postulata negaret, quàmprimum expedita & parata habere, de-
liberare se interea simulans. Post paucos igitur dies Heluetiorum legatos
ad se redire iubet, ductaq; interim ijs locis quæ transitui videbantur maxi-
mè oportuna, fossa, muroq; .XVI. pedum, à lacu Lemano ad Iuram mon-
tem vsque (qui Sequanos ab Heluetijs diuidit) exstructo, præsidia dispo-
nit, castella communit. His constitutis, Heluetij responso à Cæsare longè
alio quàm expectarant accepto, omnibus quæ Rhodano transeundo ne-
cessaria erant, comparatis, instituto per Allobroges pergunt itinere. Cete-
rùm cùm hîc, vel in primo conatu à Romanis repellerentur, transitumq;
vel difficilem, vel omnino interclusum conspicerent, iter in Sequanos, He-
duosque conuertunt. Quod vbi Cæsari nunciatum, T. Labieno muni-
tioni præposito, magnis itineribus in Italiam profectus, duas ibi de nouo
legiones conscribit, tres item circum Aquileiam ex hybernis deducit, &
quàm breuissimo per Alpes itinere, cum quinque his legionibus in vlti-
orem Galliam contendit, pulsus ex itinere pluribus prælijs Alpestribus
aliquot gentibus, quæ è locis superioribus Romanos transitu prohibere
conabantur, Centronibus scilicet, Carocelis, & Caturigibus. Interea Hel-
uetij, concessio sibi à Sequanis (intercedente Dumnorige Heduo, qui Or-
getorigis Heluetij filiam in vxorem duxerat, & gratia apud Sequanos plu-
rimùm valebat) vt per fines eorum exercitum ducerent, iam angustias &
fines Sequanorum transierant, Heduisq; appropinquabant. Sed cùm po-
pulabundi contrà quàm conuenerat, fines & agros eorum transirent, He-
dúi Legatis ad Cæsarem missis, auxilium aduersos Heluetios petunt. Cæ-
sar æquissimum ratus amicis populi Rom. subuenire, veritus etiam ne si
& hi conspiratione facta, Heluetijs se iunxissent, bellum sibi aduersus o-
mnes grauius suscipiendum foret, facilè petentibus auxilium concessit:
Heluetiosq; in transitu Araris (quod Sequanorum flumen est) impeditos
inopinatosq; aggressus, tertia copiarum parte, quæ nondum flumen trans-
ierat,

ierat, caesa profligataque, ponte opere subitaneo in Arari excitato, exerci- A
tuque traducto, reliquos qui iam traiecerant, repentino suo aduentu ita
terrui, ut ultro sedes, in quas se reciperent, à Caesare peterent. Quas cum
nisi datis obsidibus se daturum negaret, illi indignati tali responso, cum
Caesare manus conferere ausi, cum secundioribus aliquot praelijs animis
efferrentur, tandem fugientes Caesar ad carros & impedimenta usque per-
sequutus, difficili & laborioso praelio superat, impedimentisque & castris
ipsorum potitur. Helvetij ea clade accepta, pars conditionibus sibi à Cæ-
sare praescriptis, in suas sedes domosque paulò antè à se vastatas atque incen-
sas, reuersi sunt. Alij Rhenum versus, unde antiquitus egressi creduntur,
proficiscentes, ab amicis sociisque populi Ro. per quos iter habebant, par- B
tim capti, atque ad Caesarem perducti, partim in itinere interfecti sunt.
Numerus autem tam Heluetiorum, quam aliarum gentium, qui domo
profecti, huic bello interfuerunt, fertur fuisse. CCCLXVIII. milium: eorum verò
qui praelio superfuerant, domum à Caesare redire iussi, c. & x. milia.

BELLVM
GERMA-
NICVM.

Hoc itaque victoriarum principio, ac velut instrumento, in speciem qui-
dem tanquam sociis & amicis populi Ro. Heduis petentibus gratificatu-
rus, revera autem gloriae propriae augendae, rerumque gerendarum cupi-
dine ductus Caesar, bellum in Germanos parat. Cuius quidem occasio
altius repetenda. Sequani & Aruerni dum simul de Galliae potentatu cum
Heduis pluribus annis certant, Germanorum auxilia mercede conducta C
ad se accersuerant. Hi Rheno transito, homines natura feri, vbertate Gal-
lici soli, & cultu deliciisque Gallicis illecti, cum pauciores primum, forsitan
xv. milia transissent, Iulio Caesare Galliam provinciam obtinente, facile
ad centum & xx. milia transierant, Heduos, eorumque clientes continuo
bello una cum Sequanis, à quibus patrijs sedibus euocati fuerant, incessen-
tes. Hinc Hedui pluribus ab eis praelijs superati, magna calamitate accepta,
Sequanis nobilissimos quosque suae gentis obsides dare cgebantur, quos
Ariovistus Germanorum per id tempus Rex, praelio ad Amagetobriam
superatis superbè & crudeliter imperabat, barbarè in eosdem saeviens, si
quid praeter eius sententiam ab Heduis fieret, aut statim ad nutum non D
fieret. Ceterum cum Sequanis ipsis quamvis victoribus nihilo agebatur
mitius, quam cum Heduis victis: quod Ariovistus non contentus tertiam par-
tem agri Sequanici, qui vel totius Galliae optimus erat, occupasse, de alte-
ra tertia eos decedere iuberet, ut & viginti quatuor milibus Harudum, qui
paulò antè è Germania ad ipsum venerant, sedes pararentur. Atque hoc
gravior erat Sequanorum quam aliorum conditio, quod Ariovisto Ger-
manisque intra fines suos receptis, ne in occulto quidem queri, nedum auxi-
lium implorare audebant. Sic ut imperium eius & Heduis victis, & Sequa-
nis victoribus, graue iuxta atque intollerabile esset. Hæc Hedui simul &
Sequani

A Sequani, habito totius Galliae concilio, eoq; iam dissoluto, per Diuitiacum Heduum (utpote liberum iureiurando, quo se obstrinxerat vniuersa Heduum ciuitas, nec obsides repetituros, nec populi Ro. opem imploratos) secretò postea Cæsari exponunt, auxiliumque aduersus hæc à Cæsare populoque Rom. petunt: quod nisi maturè præstetur, periculum esse, ne Heluetiorum exemplo Germani quoq; Rheno transito, vniuersam mox Galliam occupare conentur. Cæsar benignè responso dato, pollicetur hanc rem sibi curæ fore. Concilioq; dimisso statim Ariouistum (qui paulò antè Cæsare etiamnum Consule, ipsoque adeò Cæsare auctore, in amicum sociumq; populi Ro. acceptus, & Rex declaratus fuerat) per legatos ad se euocat. Legatis ab Ariouisto superbè responsum, posse Cæsarem si quid vellet, ad se venire. Cæsar missis secundò legatis, obsides Heduum repetit, neve Heduos, Heduumve socios vlla iniuria laceßat, vllamve in posterum hominum multitudinem Rhenum transducatur, edicit: ni pareat, sociorum populi Ro. iniurias se non neglecturum. Ad hæc non minùs arroganter & ferociter quàm priùs Ariouistus respondet. His ad Cæsarem perlatis, eodem ferè tempore Hedui Treueriq; per legatos conqueruntur. Hi quidem Sueuorum pagos centum ad ripam Rheni consedisse, iam transi-turos, nisi impediuntur. Illi verò, Harudes fines suos Ariouisto conueniente & permittente populari. His permotus Cæsar, primò magnis itineribus, diurnis nocturnisq;, Vefontionem maximam Sequanorum urbem, quò & Ariouistus ex aduerso tendebat, præoccupat: præsidioq; constituto, rei frumentariæ, com meatibus, alijsq; quæ huic bello videbantur necessaria, parandis instruendisq;, dies aliquot ibidem moratur. Interea fama de incredibile Germanorum virtute, corporum mole, & virium præstantia, ad exercitum Cæsaris perlata, militem Romanum vsque adeò terruit, ut plurimi metu perculsi, alij aliud caussati, missionem petere non dubitarent. Quo intellecto Cæsar, conuocato Centurionum omniumq; ordinum concilio, habita oratione pauidos verbis castigat & increpat: hoc addito, si ceteri pugnam detrectent, se vel cum sola decima legione, de cuius fide & virtute minimè dubitabat, hostem intrepidè aggressurum. Hac oratione cōuersi mirabiliter militum animi, magnaque alacritas in locum prioris trepidationis successit. Ita confirmatis omnibus, duce Diuitiaco Heduo, in Ariouistum Cæsar proficiscitur. Ille cognito Cæsaris aduentu, colloquium, de pace acturus, petit. Vbi ad colloquium ventum, cum Cæsar cuncta quæ priùs per legatos, tum quoq; præsens imperaret, Ariouistus contrà obtemperare nollet, illis etiamnum colloquentibus, equitatus Ariouisti propiùs accedens, colloquium dissoluit. Post diem vnum atque alterum Ariouisto iterum colloquium postulante, ut cœpta inter eos absolueretur, Cæsar per legatos tutius ea se cōfecturum existimans, legatos ad Ariouistum mittit:

quos ille speculandi animo ad se venisse caussatus, cathenis oneratos in carcerem conijci iubet. Hinc Cæsar castris propius admotis, Germanos crebris insultibus laceffere non desijt, facto etiam in munitiones ipsorū impetu, donec tandem iritati, castris ad pugnam capeffendam se proriperent. Copijs itaq; vtrinque eductis tanto impetu concursum est, vt pilis, quibus iaciendis locus non fuerat, reiectis, statim gladijs cominus acriter pugnātū sit. Germani demū in fugam versi, non prius fugere destitēre, quā ad Rhenum ventum esset: Cæsar fugientes persequutus, magna edita strage, campos longē lateq; armis cadaueribusq; occisorum resperfit. Ariouistus ceteros in fuga præcurrens, nauiculam fortē in ripa nactus, Rheno traiecto, euasit. Reliqui ferē omnes, paucis qui partim natatu, partim lintribus flumen transierant, seruatis, ab equitibus Rom. interfecti sunt. Cæsarum numerus octuaginta milia fuisse fertur. Fuēre autem in Ariouisti exercitu Harudes, Marcomanni, Triboces, Vangiones, Nemetes, Sedusij, & Sueti. Prælio facto captiui duo à Germanis recepti, M. Valerius Procillus, & M. Titius, quos Ariouistus ad secundum colloquium à Cæsare missos, tanquam exploratores in vincula coniecerat. Audita hac Germanorum strage, Sueti, qui ad ripam Rheni conuenerant, minimē sibi cunctandum rati, statim Rheno relicto domum reuersi sunt. Territos & discedentes Rheni accolæ insēcuti, plurimos ex his occidēre.

Duobus hisce bellis vna æstate confectis, postquam exercitum Cæsar maturē in hyberna in Sequanos deduxisset, in citeriorem Galliam ad conuentus agendos profectus est. Plurimis interim è Roma ad ipsum visendum, salutandumque quotidie eò confluentibus, alijs quæcunque postulabant magna facilitate concedens, alios largitionibus maximis ex hostili pecunia, quæ affatim ex præda suppetebat, prosequens, nihil omittebat, quò sibi omnium animos ac studia quoquo modo conciliaret.

Hyeme ad hunc ferē modum exacta, partim frequentibus rumoribus, partim ex Labieni literis, quem Cæsar in Gallia Transalpina hybernis præfecerat, intelligit Belgas, qui tertiam Galliæ partem incolebant, defecisse. Belgarum quidam, vt & aliæ Galliæ ciuitates, populo Romano confœderati erant, quidam verò nullo fœdere iuncti. Hi successibus Cæsaris permoti, veritique ne pacata vniuersa Gallia, in ipsos Cæsar arma conuerteret, sollicitatis finitimis sibi populis, datis acceptisque hinc inde obsidibus, aduersus Romanos inter se conspirant: nihilò magis illos in sua Gallia tolerandos, quā Germanos Heluetiosque dictitantes. Ducem huic bello Adram præficiunt. His nuncijs permotus Cæsar, conscriptas in citeriore Gallia duas legiones, ineunte statim æstate in vltiorem Galliam cum Q. Pedio legato mittit: ipse cū primū potuit subsequutus, omnium opinione celerius ad hostium fines peruenit. Rhemi qui ceteris Belgis in conspiratione non

con-

- A** consenserant, per legatos se suaq; omnia Cæsari permittunt, parati obsides dare, ceteraque imperata facere, ceteros Belgas in armis esse nunciant. Ille Rhemorum obsidibus acceptis, simul de viribus & numero ciuitatum quæ conspirauerant ab ijs edoctus, quò tantam hominum multitudinem distineret, Diuitiaco Heduo negocium dat, vt in Bellouacos (qui & ipsi Belgæ sunt) copias suas ducat. Ipse Axonam flumen, quod est in Rhemorum finibus, cum exercitu traicit: castraque, præsidio ponti imposito, ad flumen locat. Q. autem Titurium Sabinum in altera ripa cum sex cohortibus relictum, sua ibi castra munire iubet. Ceterum Belgæ, dum coactis omnibus copijs ad Cæsarem tendunt, Bibractis Rhemorum oppidi expugnatione ex itinere frustra tentata, (quòd oppidanis Cæsar subsidia miserat) Rhemorum agros, vicis ædificijsq; passim incensis, depopulati, equestribus aliquot prælijs à Cæsare lacerati & superati, tandem vadis repertis Axonam flumen & ipsi transire conantur, castellum cui Titurius Sabinus trans flumen præerat oppugnandi consilio. Sed Cæsar confestim exercitu per pontem in alteram fluminis ripam iterum traducto, impeditos in flumine aggressus, magnam hostium cædem facit, ita vt corpora cæsorū aggesta, reliquis transitū faciliorem præstarent. Sic interfectis qui iam primi transierant, ijs autem qui transire conabantur facile telorum multitudine repulsis, Belgæ vbique spe sua frustrati, deficiente frumento, cognitoque
- C** Diuitiacum Heduum finibus suis accedere, communi consilio in suam quisque domum vnde digressi erant, reuerti constituunt. Secunda itaque vigilia magno cū tumultu nulloq; ordine castris effusi, fugæ verius quam profectiōis speciem dedere. Cæsar autem nunciata sibi à speculatoribus Belgarum fuga, præmisso cum omni equitatu Q. Pedio & L. Aurunculeio Cotta legatis, T. verò Labieno cum tribus legionibus subsequi iussu, fugientes per plura passuum milia vsque ad serum diei persequutus, incredibilem stragem edidit: posteriorib. quidem Belgarum, Romanorum impetum fortiter sustinentibus: prioribus autem exaudito à tergo clamore, turbatis ordinibus sese præcipientes in fugam dantibus. Post hæc Cæsar
- D** Nouiodunum Sueffionum oppidum, ipsosque Sueffiones obsidibus armisque omnibus prius traditis, in deditionem accipit. Hinc Bellouacos, & hominum multitudine & auctoritate inter Belgas ferè primos, Diuitiaco potissimum atque Heduis intercessoribus, sexcentis obsidibus traditis, armisque omnibus collatis, in fidem recipit. Hos sequuti Ambiani, se suaque omnia Cæsaris arbitrio permittunt. His gentibus contermini Neruij, Belgarum ferocissimi bellicosissimi que, syluas incolebant densissimas. Hi ceteris Belgarum suam exprobrantes ignauiam, quòd se Romanis dedidissent, filijs, vxoribus, mulieribus, ætate prouectioribus q̃ vt bello habiles essent, omni denique suppellectile intra paludes, æstuarialia,

& profundissima nemora abditis, Atrebatibus Veromanduisq; populis sibi finitimis in societatem communis belli pertractis, vltro Romanos castra ad Sabim fluuium munientes, nihil dum tale expectantes, maxima celeritate, ac incredibili animorum promptitudine duce Boduognato adorti, equitatu Cæsaris in fugam verſo, duabus legionibus circumuentis, Centurionibus pluribus etiam intra caſtrorum munimenta occiſis, magna deniq; ſtrage edita, omnino eo prælio ſuperiores euafuri fuerant, ni Cæſar tandem in aciem procedens ſua virtute maturè ſubueniſſet, confirmatiſque militum animis res labantes reſtituiſſet, atque alia ex parte Labienus hoſtium caſtris antè potitus, in tempore cum ſubſidio adſuiſſet. Sic prælio horum ſuperuentu redintegrato, acerrimè dimicatum eſt. Tanta autem Neruiorum cædes facta eſt, illis potiſſimum nuſquam loco cedentibus, ſed ſtrenuè vel ex tumulo coaceruatorum cadauerum ſe defendentibus, vt è ſexaginta hominum milibus, vix quingenti ſuperfuerint. Hoc nuncio accepto, qui ſe in ſyluis æſtuarijsq; continebant, ſtatim per legatos ſe ſuaque omnia Cæſari dedunt. Ille in fidem receptos, ſuis finibus, ſuisque oppidis vti permiſit. Neruios Aduatici excepere. Hi Neruijs opem laturi, audita ex itinere ipſorum clade, domum ſe recipiunt: oppidisque reliquis & caſtellis omnibus relictis, ſe ſuaque omnia in vnum oppidum ſitu muniſſimum conferunt. Id Cæſar expugnare omni ope aggreditur. Aduatici crebris excuſſionibus factis, leuib;que aliquot prælijs cum Cæſare commiſſis, tandem vbi machinas & opera propius ſibi admoueri vident, legatos de pace mittunt: armorumque parte è muris in foſſam proiecta, tertia verò parte retenta & celata, à Cæſare in deditiōem accipiuntur. Verum nocte proxima reſumptis ijs quæ ſibi retinuerant armis, incautos opprimi poſſe ſperantes, caſtra Romanorum petunt. Ceterum cum excubias non fallerent, indicio ignibus facto, præſidia ex proximis caſtellis accurrunt, pugnatumque eſt quamacerrimè, ab Aduaticis præſertim, quibus in ſola virtute omnis ſalutis ſpes reſoſita erat. Cæſa ſunt Aduaticorum quatuor milia, reliquis in oppidum retruſis: poſtridie oppidum ipſum nemine defendente captum, militibusque intromiſſis cum ſuis ciuib; diuenditum, quorum numerus relatus milium quinquaginta trium. Sub idem tempus Cæſar per P. Craſſum legatum, Venetos, Vnellos, Curioſolitas, Oſiſinos, Seſuuios, Aulercos, Rhedones, aliasque ad Oceanum Galliæ ciuitates, in poteſtatem ditionemq; populi Ro. redegit. Tranſrhenani verò populi his rebus geſtis permoti, obſides tradere, ceteraque imperata facere paratos, Cæſari miſſis legatis nunciant. Ille in Illyricum Italiamq; properans, exercitum in hyberna deducit in Carnutes, Andes, & Turones, ciuitates ijs locis vbi bellum geſſerat finitimas. His tot tantisque rebus geſtis, ſubactisque plurimis diuerſiſſimiſque gentibus, populo Ro. antea ne vel

A nomine cognitis, quindecim dierum supplicatio, nequicquam M. Catone & Fauonio reclamantibus, Cæsari decreta est. Interea hyemante in Gallia Cisalpina Cæsare, clarissimi quique & primæ auctoritatis viri è Roma Lucam, quæ & ipsa Galliæ Cisalpinæ erat, maxima frequentia confluerent, tum ad visendum eum, tum ob res prosperè gestas gratulaturi. Ex his plerisque, maximè qui magistratus petaturi, aut gesturi videbantur, donis & muneribus largissimè prosequutus est. Imò qui magistratus dignitatesque ambiebant, eo potissimum largitore populi suffragia emercabantur: siquidem hac ratione se vel absentem dignitatis suæ propugnatores apud Senatū populūque habiturum homines sibi obnoxios sperabat Cæsar. Hoc etiam consilio, metuens ne quod L. Domitius Prætor nequiuerat, Consulatum adeptus perficeret: Crasso & Pompeio, quos vel hac de causa Lucam ad se euocauerat, ut Domitium excluderet, secundi Consulatus petendi auctor fuit: missis etiam Romam militibus, qui illos in petitione Consulatus suis suffragijs iuuarent. Quibus postea iterum Consulibus declaratis, repugnantibus plurimis, imprimis M. Catone & Fauonio, imperium Cæsari in alterum quinquennium prorogatur. Sub id temporis Ser. Galba, quem Cæsar decedens, cum legione duodecima, & parte equitatus, in Antuates, Veragros, Sedunosque (quæ gentes in summis Alpibus degebant) hyematum miserat, secundis aliquot præliis commissis, castellisque eorum expugnatis, easdem gentes subegerat, datisque; obsidibus & pace facta, constituerat in ipsorum agro, vico scilicet Veragrorum Octoduro, hybernare. Sed Romanis supinius tanquam in pace agentibus, atque in ea quæ hybernis erant necessaria intentis, castrisque, quod præcipuum erat, loco iniquiore positis, vniuersa penè legio, Veragrorum Sedunorumque insidijs oppressa est. Sed Galba insidijs per exploratores maturè detectis, barbaros iam castra oppugnantes, eruptione subito castris facta, adortus, circumuenit, partemque; plus tertia interfecta, periculum omne à castris repulit. Horum autem qui castra obsederant, non minor quam triginta milium numerus fuisse perhibetur. Galba cæsis fugatisque; hostibus, mutatis castris

D hyberna in Allobroges transfert. Dum hæc geruntur, Cæsare in Illyricum profecto, alterum subito in Gallia bellum emerfit. P. enim Crassus qui in maritimis Galliæ ciuitatibus hyberna habebat, cum rei frumentariæ penuria premeretur, Præfectos & Tribunos in proximas quasque ciuitates commeatus petendi causa miserat. Veneti qui & auctoritate, & maximè rei nauticæ usu & peritia ceteris præstabant, legatos & milites Romani primi retinere ausi sunt. Horum perfidiam vicinæ quæque; ciuitates, omni ora maritima facile in suam sententiam pertracta, imitatae sunt: hac se potissimum via obsides suos à P. Crasso recepturos arbitrati. Missis igitur communi omnium nomine legatis, vtrò obsides à P. Crasso repetunt, si suos

remitti velit. Cæsar his intellectis, iussis prius in mediterraneis Galliæ, nauibus, remigibus, alijsq; quæ huic bello videbantur necessaria, comparari, cumprimùm per anni tempus licuit, in Galliam, & primùm in Venetos tendit. Illi ex aduerso audito Cæsaris aduentu, quæcunq; ad bellum sustinendum opus esse videbantur, sedulò procurant, sociasq; & vicinas ciuitates ad cômune bellum sollicitant, accersitis etiam è Britannia insula sibi opposita auxilijs. Cæsar quanquam in summis difficultatibus, hanc tamè tantam iniuriam minimè sibi negligendam existimans, vt gentes eas distineret, nè sibi cum omnibus simul decertandum foret, partito exercitu legatorum alios aliò mittit. D. Brutum adolescentem classi, quam partim construxerat, partim vndique contraxerat, præficit: & secundo Ligeri in Venetos tendere iussu, ipse eodem cum pedestrib. copijs subsequitur. Ceterùm oppidis aliquot captis, reliquos verò propter situm in extremis promontorijs, nec peditibus, nec nauibus aditum nisi admodum difficilem præbentibus, sic vt oppugnari commodè nō possent, classe crebris tempestatibus vexata, tardiusque proinde & difficilius accedente, bonam ætatis partem absumpsit. Verùm postquam iam classis Rom. aduenit, quamuis & magnitudine & armamentis Venetorum nauibus longè impar, virtute tamen & industria Romanorum, simul etiam quòd celeribus & expeditioribus nauigijs vterentur, factum est, vt Venetorum naues, quæ propter corporis sui molem in summa tranquillitate ne contis quidem & velis remisq; nisi ægrè admodum propellebantur, facilè à Romanis expugnarentur, cū singulas ex illis fuga disiectas Romani persequerentur. Pugnatum est ab hora quarta vsque ad vespèram, paucissimis è Gallorum nauibus noctis interuentu seruatis. Hoc prælio vniuersum hoc Venetorū bellum, totiusq; adeò oræ maritimæ confectum est: reliquis omnibus qui eo se prælio abstinerant, se suaq; omnia Cæsari dedentibus. Cæsare his rebus gerendis apud Venetos intento, Q. Titurius Sabinus Vnellorum gentem, in quos à Cæsare missus fuerat, simul etiam Aulercos, Eburonices, Lexouios (qui interfecto Senatu, quòd bellum detrectaret, Vnellis se iunxerant) duce Virodouice, qui Vnellorum genti præerat, castra Romanorum oppugnare tentantes, cū simulato prius timore castris aliquandiu se continuisset, omnibus tandem portis eruptione facta, cecidit, profligauitque, paucis qui fuga euaserant superstitibus. Hoc prælio feliciter commisso, reliquæ ciuitates quæ descuerant, Titurio se dedunt. P. verò Crassus, quem in Aquitaniam proficisci Cæsar iusserat, Sontiates primùm, post varia aliquot prælia superior, oppido eorum ex itinere oppugnato, illis quidem fortiter resistentibus, sed eruptione per cuniculos frustra tentata, armis obsidibusq; tandem traditis, in deditionem accepit. Post hos cum Vocontijs, Tarusatibusq; Crasso aliquantò plus negocij fuit, quòd

- A** quòd auxilijs à citerioris Hispaniæ ciuitatibus accersitis iuuarentur, ducibusque, qui sub Q. Sertorio plures annos stipendia meruerant, ac longa militia edocti, disciplinaq; Rom. eruditi, rei militaris peritiam sibi parauerant, vterentur. Hi quòd Romanos vijs obsessis commeatuq; intercluso, facile sine prælio vinci posse crederent, castris se continebant. Sed Crassus summa suorum alacritate castris illorum expugnatis, Gallos per munitiones sese deicientes, & fuga salutem quærentes, apertis campis assequutus, cæsis quàm plurimis, vt ex numero quinquaginta milium vix quarta pars superesset, & hos in potestatem redegit. Hoc rerum successu intellecto, reliquæ ferè omnes Aquitaniæ ciuitates, paucissimis exceptis, obsidibus
- B** sponte missis, Crasso se dedunt. Sic omni ferè Gallia pacata, soli restare videbantur Menapij, Moriniq; . Hi nondum legatos de pace ad Cæsarem miserant, sed omnibus suis in syluas paludesque collatis, Cæsarem obfirmatis animis expectabant. Qui dum ad initia sylvarum castra molitur, subita barbarorum è syluis eruptione, Cæsariani in opere dispersi facto impetu turbantur. Sed Cæsar armis properè sumptis, dum in syluas refugientes auidius per loca impeditiora insequitur, quanquam plurimis hostium interfectis, plerosque tamen è suis desiderauit. Cumque syluas illorum cadere, & è cæsa materia vallum extruere in animo haberet, tempestatis interuentu, simul ipsa operis difficultate re desperata, opus incœptum intermittit: agrisq; & vicis Menapiorum ac Morinorum, qui se in penitiores syluas receperant, vastatis atq; incensis, exercitum in Aulercos, Lexouiosque, quos æstate proxima Titurius subegerat, in hyberna ducit.
- Romanis in hyberna profectis nunciantur Tenchteri & Vsiptes, Germaniæ populi, magna cum hominum multitudine Rhenum transisse, tum quòd à Gallis accerferentur, tum quòd à Sueuis, quæ longè maxima bellicosissimaq; Germanorum gens est, agris auitis pulsi nouas sedes quærerent: quas cum toto triennio per diuersa Germaniæ loca diuagati, non inuenissent, tandem ad Rhenū ijs ferè locis quæ Menapij incolebant, consedère: Menapijsque transitum aliquandiu impredientibus, simulato recessu, iterq; tridui emensi, præter opinionem reuersi, oppressis interfectisque; Menapijs, nauibusque eorum occupatis, Rhenum transeunt. His Cæsar intellectis, Gallicæ leuitati minimè sibi confidendum ratus, ad exercitum properat: delectuq; habito, omnibus bello necessarijs comparatis, rectà in Germanos tendit. Hi iam longius euagati, ad Eburones Condrusosque, qui Treuironum clientes erant, peruenerant. Sed postquam Cæsarem iam appropinquare intellexere, missis legatis, tum alia multa declarant, tum pacem à Cæsare, locumq; vbi sedes figere possint, petunt: aut saltem quem armis ipsi ceperant, vt eum sibi per Romanos tenere liceat, rogant. Ceterum nihil eorum quæ à Cæsare postularant assequuti, postridie datis indu
- cijs

BELLVM
GERMANICVM
ALTE-
RVM.

cijs frequentes redire iussu, equitatum Cæsaris qui agmen antecede-
 tra inducias impetu in inopinatos facto, pluribus interfectis, equisque suf-
 fossis, ad suos refugere cogunt. Hoc hostium dolo indignatus Cæsar, Ger-
 manos, qui postridie, ut conuenerat, frequentes cum suis Principibus, tum
 sui purgandi causa, tum ut de inducijs agerent, in castra sua venerant, ean-
 dem timens perfidiam, vniuersos retineri iubet: copijsq; omnibus eductis,
 acieq; triplici instructa, octo milium itinere quamcelerrimè confecto, ad
 castra Germanorum nihil minus expectantium peruenit: factaque subito
 à peditibus irruptione, nullo illis arma capiendi relicto spacio, maxima in-
 ter carros & impedimenta strages est edita, fugiente passim reliqua multi-
 tudine mulierum & puerorū, qui simul domibus relictis Rhenum transi-
 erant. Germanorum fuisse perhibent. ccccxx. milia. Bello Ger-
 manico confecto, Cæsar quò se Germanis terribiliorem redderet, suisque
 illos rebus timere doceret, omnino Rhenum sibi transeundum existima-
 uit, maximè Vbijs inuitantibus. Hi soli Transrhenanorum, legatis obsidi-
 busq; sponte missis, foedus cum Cæsare fecerant, auxilium aduersus Sue-
 uorum iniurias implorantes: aut si id Cæsari minus commodum esset, ex-
 ercitus saltem Rhenum traducat, rogant: satis hoc fore ad terrendos Ger-
 manorum animos, qui imperium Romanorum Rheno terminari, Roma-
 nosq; Rhenum transire minimè ausuros sibi persuasissimum habebant.
 Verum Cæsar hanc gloriæ augendæ occasionem minimè sibi negligendam
 ratus, cum nauibus, quæ ab Vbijs copiose offerebantur, exercitus trans-
 portare, nec æquè tutum, nec ex dignitate populi Rom. esse existimaret,
 ponte Sublicio opere militari magna celeritate, industriaque, in latissimo,
 profundissimo, simulq; rapidissimo flumine excitato, exercitus facillimè
 traducit, primus Romanorum ducum eum limitem transire ausus. Rhe-
 no transito, præsidium ad vtramq; pontis partem relinquit. Equita-
 tus Vsipectum & Tenchterorum bona pars trans Mosam prædandi & com-
 meatuum causa in Ambiuaritos à suis missa, superiori prælio non inter-
 fuerat. Hi mox cæde & fuga suorum cognita, trans Rhenum ad Sicambros
 perfugerant. Hos Cæsar ut profugos à Sicambrijs per legatos sibi dedi po-
 stulat: quod cum illi facere recusarent, in Sicambros exercitus ducit, plu-
 rimis ciuitatibus ex itinere per legatos in fidem amicitiamque acceptis. Si-
 cambri Tenchteris Vsipectibusque auctoribus, intellecto Cæsarem aduen-
 tare, omnibus suis in sylvas solitudinesque comportatis, finibus suis exce-
 serant. Hinc Cæsar sedes eorum vacuas offendens, ædificijs frumentisque
 incensis, in Vbiorū fines post paucos dies reuersus est. Vbi accepto & Sue-
 uos oppidis suis emigrasse, suaque omnia, coniuges, & liberos, in abditissi-
 mas vastissimasque nemorum solitudines conuexisse, ceteros omnes qui
 armis portandis habiles essent, vnum in locum conuenisse, ibique prælio
 decer-

CAESAR
 PONTE
 FACTO
 RHENVM
 TRANSIT.

SICAM-
 BRI.

SYEVI.

A decertare paratos suum aduentum expectare, satis sibi laudis partum existi-
mans, liberatis metu Vbijs, terroreque; Germanis iniecto, auxilium suum Vbijs
aduersus Sueuos pollicitus, dies. xviii. trans Rhenum moratus, in Galliam
ponte rescisso exercitum reducit. Cæsar cum id quod restabat æstatis,
antequam exercitum in hyberna deduceret, per ocium neutiq; sibi transi-
gendum putaret, in Britanniam nauigare constituit, tum eius gentis & re-
gionis visendæ cognoscendæque; causâ, tum gloriæ ampliandæ studio: quam
non mediocrem expectabat, si vt primus Romanorum Rhenum trajcere
ausus fuerat, ita & occidentalem Oceanum, Atlanticumque; pelagus classe pri-
mus ingrederetur: insulaque; Britannia maxima (quæ non tam cognita, quàm au-
ctorum inter se dissentientium scriptis celebrata erat, quibusdam etiam non
tam re quam nomine vsquam extare credentibus.) subacta, terminos Imperij Ro-
etiam in alterum quasi orbem propagasse videretur. Cumque; ex mercatoribus.
de magnitudine & statu Insulae nihil explorati cognoscere posset, priusquam
se periculo committat, C. Volusenum cum naui longa omnia exploratum,
simul etiam aditus & portus cogniturum, præmittit. Ipse in Morinos, vnde
breuissimus in Britanniam traiectus erat, cum omnibus copijs profectus,
naues vndique ex finitimis gentibus contrahit, classe etiam Venetica supe-
rioris æstatis ad se venire iussa. Pleraque; Britannorum ciuitates, cognito per
mercatores Cæsaris instituto, missis legatis, obsides dare, & iussis Cæsaris
C obtemperare se paratos nunciant. Cæsar liberaliter acceptis ijs quæ offere-
bantur, legatos domum remittit, cumque; ijs vnâ Comium Atrebatem, ma-
ximæ in illis regionibus auctoritatis, quem Atrebatibus superatis Regem con-
stituerat. Per hunc Britannorum ciuitates, vt fidem Romanorum sequi velint,
solicitat. C. interea Volusenus post quintum diem reuersus, ea quæ perspexit
Cæsari renunciat. Qui dum classem apud Morinos instruit, quosdam Mo-
rinorum per legatos de superioribus actis se excusantes, paratosque; iussa exe-
qui, magno obsidum numero imperato & adducto, in fidem recipit. Classe
verò iam parata & instructa, duas legiones equitatumque; nauibus imponit.
Q. autem Titurium Sabinum, & L. Aurunculeium Cottam legatos in Me-
D napios, eosque; Morinorum pagos, qui legatos non miserant, cum parte exer-
citus mittit. P. Sulpitium Rufum cum præsidio portum tenere iubet. Ipse
cum primum per tempestatem licuit, cum tertia vigilia soluisset, sub horam
diei quartam cum primis nauibus Britanniam attigit: expectatoque; in horam
vsque; nonam aliarum nauium aduentu, vbi & hæ appulere, anchoris solutis
aliquantulum progressus, naues aperto ac plano littore constituit. Ceterum
cum à Britannorum copijs quæ in littore constiterant, Romani quod minis
nauibus egrederentur, diu prohiberentur, atque in summis difficultatibus,
tum quod armis prægrauarentur, tum quod è medijs fluctibus illis decer-
tandum foret, minori animorum alacritate pugnam capefferent, tandem

Cæsar longis nauibus, quæ expeditiores erant, propiùs admotis, Britannos A fundis, sagittis, tormentisq; propellit, quibus nonnihil territi substitère. Ibi tum decimæ legionis aquilifer, è naui in fluctus exiliens, aquilam in hostes infert: quæ sequuti vniuersi cùm hostibus appropinquassent, acriter vtrinq; pugnatum est. Sed Romanis maiori vndiq; difficultate laborantibus, Cæsar per speculatoria nauigia & scaphas subsidia mittit: qui simul vt in arido constitère, Britanos impetu facto statim in fugam vertunt. Cæsar equitatu qui nondum aduenerat destitutus, longiùs fugientes persequi noluit. Britanni eo prælio superati, pacem per legatos petunt, obsides se daturos, ceteraq; imperata facturos pollicentur: Comium etiam Atrebatem, quem à Cæsare ad se missum Britanni in vincula cōiecerant, cum legatis remittunt. Sic pace à B Cæsare impetrata, datisq; obsidibus, in suas quisq; ciuitates vnde venerant reuersi sunt. His rebus gestis, tempestate subito in ipso plenilunio coorta, naues illæ. xviii. quibus Cæsaris equitatus impositus erat, aliæ aliò disijciuntur. Reliquæ item naues, tam longæ, q̃ onerariæ, quibus exercitū transportauerat, hac tempestate conflictatæ, partim confractæ, partim armamentis instrumentoq; amissis, nauigationi inutiles factæ, Cæsarem totumq; exercitum valdè perturbarūt. Hac vsi oportunitate Britannorum Principes, rebellionem parant: & conspiratione facta, suos clam ex agris vndiq; educūt. Cæsar, vel per se huic occasione Britannos minimè defuturos cogitans, maxime quòd nondum omnes obsides tradidissent, magno studio ad omnia se C cōparat: frumentum ex agris cōportat, naues reficit. Interea legio septima, quæ frumentatū missa in Britannorum insidias inciderat, plerisq; occisis à Britannorū equitatu & essedarijs circumuenitur. Sed Cæsar epulvere solito maiore id quod erat suspicatus, oportunè cū cohortib. stationarijs suppetias circumuentis tulit: cōtentusq; legionē metu & periculo liberasse, alieno ad pugnam cōmittendam tempore, suos in castra reducit. Britanos postea maiori equitatu peditatuq; coacto Romanorū castra inuadere conantes, Cæsar equites nactus. xxx. quos Comius Atrebas secū adduxerat, cōmisso pro castris prælio fudit: fugientesq; assequutus cōpluribus interfectis, omnibus circumquaq; flamma & ferro vastatis, in castra se recepit. Tunc iterū legatis D de pace missis, duplicato obsidum numero, atq; in continentē adduci iussu, pax Britannis à Cæsare cōcessa est. Cumq; post mediam noctem soluisset, postridie in continentem oppositam suos incolumes exposuit. Ibi tum fortè duabus nauibus onerarijs paulò inferiùs delatis, cū. ccc. ex his milites in terram descendissent, inde ad castra pergentes, à Morinis spe prædæ circumueniuntur: sed Cæsar equitatu maturè submisso, magnoque Morinorum numero interfecto, reliquis in fugam versis, suos discrimini eripit. Postero die T. Labieno in rebelles misso, cū propter siccitates superioris anni, Morini paludum perfugio destituerēt, omnes in potestaté venēre.

Q. verò

A Q. verò Titurius & L. Cotta, quos in Menapios miserat Cæsar, quòd se Menapij intra densissimas sylvas occultarent, agros ipsorum depopulati, vicis ædificijsq; incensis, frugibusque demessis, ad Cæsarem reuersi sunt. AEstate ad hunc modum exacta, Cæsar omnes legiones in Belgis hybernare iubet. Quò duæ tantum Britannorum ciuitates obsides misere, reliquæ Cæsaris imperata neglexere. Hæc vbi Romam perlata, supplicatio altera dierum .xx. Cæsari à Senatu decreta est. Dum hæc à Cæsare in Gallijs geruntur, Iulia, filiam Pompeio prius enixa, puerpera moritur, infante paucissimis diebus matri superstite. Huius morte soluto necessitudinis inter Pompeium & Cæsarem vinculo, paulatim etiam labefactari coepta est & contracta inter eos concordia. Cæsar tamen postea Pompeij affinitatem quoquo modo sibi retinendam ratus, Octauiam sororis suæ neptem, C. Marcello desponsatam, Pompeio obtulit: Pompeij vicissim filiam, quæ Fausto Syllæ destinata erat, sibi dari postulans. Interea Cæsar ex hybernis per Italiam in Illyricum profectus, Pirustas, qui finitimam prouinciæ suæ partem crebris incursionibus vastauerant, imperatis obsidibus de iniurijs illatis satisfacere cogit. Hinc in citeriorem Galliam reuersus, conuentibusq; peractis, ad exercitum in hyberna Belgica redit: classemq; quam ante discessum suum legatis ædificandam instruendamq; mandauerat, cum paratam repperisset, comperto nondum omnes Britannia ciuitates obsides, vt imperatum erat, misisse, arrepta hinc secundæ in Britannos expeditionis occasione, vniuersam classem in portum Iccium, à quo in Britanniam .xxx. milium passuum traiectus est, conuenire iubet. Ipse interim cum quatuor legionibus & equitibus octingentis, in Treuiorum fines proficiscitur: quòd nec conuentibus interesse dignati essent, nec cetera imperata exequerentur, Germanosque, vt Rhenum traicerent, sollicitare dicerentur. Treueri verò Cæsaris aduentu territi, potissimum quòd in duas factiones diuisi essent, principe factionis vnus Induciomaro, alterius Cingentorige, traditis obsidibus .cc. à Cæsare in officio permanere iubentur: Cingentorigem autem præcipuis quibusque Treuiorum peculiariter conciliat Cæsar, quòd auctoritatem illius apud suos, egregiamque ipsius erga se fidem perspectam haberet. Hinc cum vniuerso fere Gallia equitatu, ad portum Iccium, in Britanniam traiecturus, reuertitur: sed iam nauigare parantem Dumnorix Heduis remoratus est. Hic nouarum rerum cupidus, cum ne in Britanniam traiceret, nec precibus, nec alijs caussationib. à Cæsare impetraret, principibus Gallia persuadere conatur, ne Cæsarem in Britanniam comitarentur. Tandem Cæsarianis omnibus naues ascendentibus, ipse clam cum suis Heduis, domum reuerti coepit. Sed Cæsar, misso equitatu Dumnorigem ex itinere retrahi, & si vim paret, interfici iubet. Ita cum reuocantibus resistere q̃ parere potius duceret, ipse

SVPP
LICA
TIO CAE
SARI DE
CRETA.

quidem ex mandato Cæsaris interfectus est, Hedui verò equites ad Cæsarem reuerſi sunt. Cæſar Dumnorige interfecto, relicto in continente cum tribus legionib. & duobus equitum milibus Labieno, ipſe cum quinque legionibus, & pari equitū numero, cū ſub occaſum Solis ſoluiffet, vento ſub mediam noctem intermittente, æſtuq̃ue ſubinde mutato, ſub meridiem demū ſequentis diei in Britanniam appulit. Britanni relicto littore, in ſuperiora atque interiora inſulæ ſe reduxerant. Cæſar autem cohortibus decem equitibꝫ; trecentis cum Q. Atrio nauium præſidio ad mare relictiſ, XII. milibus paſſuum proxima nocte conſectis, in locum vbi hoſtes conſederant, venit. Illi de loco ſuperiori læui cum Romanis prælio commiſſo, in locum tutiſſimum, antea in eum caſum à ſe intra ſyluas præuiſum, ſe recipiunt: quo mox à Cæſarianis capto, pulſi Britanni in fugam vertuntur: fugientes Cæſar per ignota locorum, minore diei parte reliqua, longiꝫ perſequi in ſequentem diem diſtulit. Ceterū dum poſtridie agmine tripartito Britannos inſequitur, nunciato claſſem tempeſtatē noctis ſuperioris conuulſam atque diſiectam, ſuis ex itinere reuocatiſ, ad littus reuertitur: nauibꝫ; omniſ ſubductiſ, caſtriſq̃ue munitiſ, fabriſ & legionarijſ claſſiſ reficiendæ negocium dat: relictoq̃; priorē præſidio, ad hoſtes, vnde venerat, properat. Quò cū maiores vndique Britannorum copię conueniſſent, præfecto vniuerſo exercitui totiꝫ bello Adra, ſiue, vt alij, Caſſiuellauno, præliiſ aliquot & ex itinere, & poſteā commiſſiſ, Romani ſemper ſuperiores fuēre: niſi quòd Britanniſ ex eſſediſ depugnantibꝫ, Romani nouo pugnæ genere attoniti, maiore cum difficultate nec ſine periculo dimicarent. Hinc factum, vt & nonnullos è ſuiſ deſiderarent. Poſtero die Britanni tres legiones, quas Cæſar ſub meridiem cum equitatu, cui C. Treboniuſ legatuſ præerat, pabulatū miſerat, adorti, pulſi à Romanis, magnoq̃ue ſuorum numero interfecto, in fugam ſe præcipites dedēre: omniſq̃; quæ conuenerant auxiliijſ hac fuga dilapſiſ, poſteā iuſto cum Romanis prælio decertare veriti ſunt. Hinc Cæſar in Caſſiuellauni agros ad Tameſim fluuium exercitum ducit, hoſteſq̃ue in aduerſa ripa conſiſtenteſ, flumine maxima cum celeritate atq; impetu tranſito, mox in fugam conuertit. Caſſiuellaunuſ autem, qui cū quatuor circiter eſſedario- rum milibus in loca deſerta, auia, atque impedita ſeſe receperat, ſuiſ ſubinde tanquam ex inſidiijſ immittentſ, Romanos latiꝫ prædandi cauſa excurrenteſ, crebris inſultibꝫ inſeſtabat. Trinobanteſ interim præcipua ferē eiꝫ tractuſ ciuitaſ, traditiſ obſidibꝫ, frumentoq̃; exercitui miſſo, Cæſari ſe per legatoſ dedunt. Horum exemplum & aliæ Britannicæ gentes ſequutæ, Cæſariſ ſe fidei permittunt, vt Cenimagni, Segontiaci, Ancaliteſ, & aliæ pleræque. Cæſar cū oppidum Caſſiuellauni non procul abeſſe intelligeret, admotiſ propiꝫ legionibꝫ, locum & opere & natura muniſſimum

A tissimum, cum à duobus lateribus oppugnare cœpisset, oppidani verò alia parte effusi se in fugam darent, plurimis è fuga captis atq; interfectis, oppido & numerosa pecorù praeda potitur. Dum hæc his locis geruntur, quatuor interea Cantij Reges, Cingentorix, Caruilus, Taximagulus, & Segonax, Cassiuellauni iussu, castra naualia, quæ Romani ad mare habebant, ex improviso oppugnare aggressi, facta à Romanis eruptione, plurimis interfectis, capto etiam Cingentorige, profligantur. His permotus Cassiuellaunus, per legatos de deditione cum Cæsare agit. Ille verò imperatis obsequiis, simul etiam vectigali, quod populo Ro. Britanni singulis annis penderent, constituto, exercitum cum maximo captiuorum numero ad mare

B reducit: quem, postquã secunda vigilia soluisset, prima luce in aduersam continentem exposuit. Subductis nauibus, habito Samarobrinæ totius Galliæ concilio, propter rei frumentariæ angustias, exercitum in diuersas ciuitates in hyberna locat, legionibus cum suis legatis & quæstoribus alijs aliò missis: ita tamen vt excepta vna legione, quæ cum L. Roscio in Efluos missa fuerat, omnia hyberna centum milium spacio continerentur. Cognito autem iam legiones omnes in hyberna deductas, iter in Italiam instituit. Sed quindecim ferè diebus postquam legiones deductæ essent, Ambiorix & Catiuulcus, qui Eburonibus imperabant, impulsu Induciomari Treuiri, suos in Romanos concitant, oppressisq; lignatoribus legionis quæ apud se hyemabat, castra Titurij Sabini & Aurunculei Cottæ legatorum ex inopinato oppugnare aggrediuntur: sed equitibus celeriter emissis, prælio superati, castra oppugnare desinunt. Ambiorix dum videt conatus suos hac via non successisse, ad dolos conuersus, insidias loco opportuno disponit: colloquioq; impetrato, oratione subdola, se quidem de castrorum oppugnatione purgat, sed à ceteris ciuitatibus cauendum monet: quòd communi consilio, oppugnandis hybernis hic dies ab vniuersis Gallis constitutus esset. Expectari etiam Germanos, qui à Gallis conducti, Rhenum iam traiecerant intra biduum affuturi. Proinde suadere se, vt suis hybernis relictis, ad proxima hyberna transientes, Ciceroni se, aut Labieno, qui haud procul aberant, iungant: se memorem beneficiorum à Cæsare acceptorum, officijq; sui, non potuisse non Romanos horum in tempore admonere. Hæc ab Ambiorige dicta, quia verisimilia, facile apud Romanos fidem inueniunt. & quanquam variantibus sententijs inter Q. Titurium & L. Aurunculeium legatos, qui hybernis præerant, hoc censente, non esse iniussu Cæsaris hybernis excedendum: illo verò, præsens periculum tempestiuè declinandum, iunctisq; proximis hybernis communem hunc casum subeundum: vicit tandem post longam disceptationem Sabini sententia, collectisq; magna cum festinatione per noctem vasis, prima luce longo agmine, magnisq; impedimentis, nihil hostile metuentes

BRITANNI
SVBACTI,
VECTIGALIS
QVE
FACTI.

RES GESTAE
CVM
EBURONIBUS,
NERVIIS,
ADVATICIS,
FINITIMISQVE
POPVLIS.

CLADES
TITURI-
ANA IN
EBURO-
NIBVS.

RES CVM
NERVIIS
FINITI-
MIS QVE
GENTIB.
DVCE Q.
CICERO-
NE GE-
STAE.

hybernis excedunt. Cumque in locum insidiarum ventum esset, hostibus A
hinc inde erumpentibus, acerrimè diu ab vtrisque à prima luce ad horam
vsque octauam pugnatum est. Sed quòd loco Romanis iniquissimo ea pu-
gna committeretur, Caesariani cladem longè maximam accepere, interfe-
ctis cum alijs quibusdam viris fortissimis, maioriq; militum parte, Cotta
legatorum altero, qui hanc profectiorem dissuaserat. Q. verò Sabinus ab
Ambiorige ad colloquium fide data euocatus, vbi in conspectum venit,
iussus arma dimittere, cum Tribunis aliquot & primorum ordinum Cen-
turionibus circumuentus, sagittis interficitur. Quicumque Romanorum
huic cladi superfuere, in castra retrogressi, oppugnatione aliquandiu forti-
ter sustentata, tandem in vltimam desperationem redacti, ad vnum omnes B
mutuis vulneribus concidere: pauci praelio elapsi, in Rhemos ad Labieni
hyberna confugere. His successibus elatus Ambiorix, maximis itine-
ribus per diem & noctem in Aduaticos primum, hinc in Neruios profici-
scitur: concitatisque vtrisque populis, simul docens quæ à se gesta essent,
hortatur, ne tantam hanc opportunitatem se in pristinam libertatem asse-
rendi, iniuriasque à Romanis illatas vlciscendi, negligant. Neruij facile hac
oratione persuasi, convocatis exemplò Centronibus, Grudijs, Leuacis, Pleu-
mosijs, Gordunis, (qui omnes Neruiorum parebant imperio) Q. Cicero-
nis (qui in Neruijs hyberna habebat) castra omnium expectatione & opi-
nionem citius, necdum perlato ad ipsum cladis Titurianæ nuncio, inuadunt, C
lignatoribus pabulatoribusq; Romanis ex itinere interceptis, oppressisq;
Neruijs se iunxere Eburones atque Aduatici, ita vt à sexaginta hominum
milibus hyberna Romanorum obsiderentur. Cicero missis confestim his
de rebus ad Caesarem literis, maximis præmijs militi propositis, oppugna-
tionem per plures dies fortissimè sustinuit: maxima celeritate, nulloq; in-
termisso labore comparatis, perfectisque per singulas noctes, quæcunque
operi munitioniq; castrorum, ad oppugnationem sequentis diei toleran-
dam, deesse videbantur: ne ipso quidem Cicerone, quanquam valetudine
afflicta, vllum sibi ad quietem spacium concedente. Neruij cum castris
oppugnandis minùs proficerent, intellecto, quo astu Ambiorix Titurium D
Sabinum circumuenerat, iisdem sibi artibus vtendum rati, facta à Cicero-
ne colloquij potestate, eadem ferè quæ Ambiorix Titurio, ipsi Ciceroni
persuadere conantur, addito etiam de Titurij & Titurianorum cæde. Ce-
terum cum Ciceroni minùs persuaderent, spe sua frustrati, hyberna vallo
.xi. pedum, fossa verò .xv. lata, cingunt, trium horarum spacio decem mi-
lium passuum in circuitu munitione perfecta: reliquisq; operibus, ex mo-
re & consuetudine Romanorum, ad expugnationem excitatis. Hæc ipsi
partim ex superiorum annorum cum Romanis militia didicerant, partim
etiam à captiuis Romanis edocebantur. Sic hybernis Ro. per septem dies
con-

A continuos acerrimè oppugnatis, septimo demùm die, incendio per ignita iacula castris Romanorum iniecto, summa cum difficultate castra à Romanis defensa sunt: cùm intus à tergo flammis torrerentur, pluribusq; simul telis etiam feruefactis incidentibus premerentur: foris verò hostis admotis turribus machinisq; cominùs acriter instaret, ipsiq; vallo inhæreret. Sed tanta fuit ibi Romani militis alacritas, eaq; animi præsentia, vt nemine vel respiciente, sed omnibus fortissimè dimicantibus, plurimis hostium partim vulneratis, partim interfectis, turrequè quam ad vallum adegerant incensa, oppugnatores tandem ab omni parte vallo deturbarentur. Interea Cæsar, interceptis literis, quas Cicero frequentes ad ipsum miserat, tandem literis per Verticonis (honesto apud Neruios loco nati) seruum perlatis, hisce de rebus cognoscit. Cumque nondum in Italiam peruenisset, conuerso extemplò itinere, parte exercitus è proximis quibusque hybernis euocata, cum duabus legionibus, vixque adeò septem hominum milibus, maximis itineribus ad liberandum Ciceronem contendit, aduentu suo prius per literas Græcè scriptas, ne à Gallis intelligerentur, Ciceroni indicato. Galli intellectu Cæsarem aduentare, oppugnatione relicta, cum omnibus copijs, quæ erant milium .LX. Cæsari occurrere constituunt. At Cæsar postquam ex literis Ciceronis, quas idem ille Verticonis seruus attulerat, Ciceronem obsidione liberatum, simul & Gallorum copias in se conuersas accepit: postero die prima luce milia passuum quatuor progressus, cùm castra loco quàm æquissimo muniisset, copias suas quantum potest in angustum contrahit: leuibusque aliquot primò equestribus prælijs commissis, simulatoq; timore, hostem in locum iniquissimum quamproximè suis castris elicit: magno hoc sibi adiumento aduersus tantas hostium copias fore credens, si loco hostibus iniquo pro ipsis castris pugna cōmitti posset. Gallis itaq; propiùs accedentibus, telaq; etiam intra munitiones coniicientibus, ac iam vallum ipsum conuellere, fossasq; implere incipientibus: Cæsar eruptione portis omnibus facta, equitibus, quos habebat ferè quadringentos, emissis, hostem dicto citiùs, nemine obsistente in fugam vertit: plurimis interim occisis spoliatisq;, cùm hostem propter sylvas & paludes intermedias longiùs insequi dubitaret, suis omnibus incolumibus, eodem ipso die ad Ciceronem peruenit. Ibi collaudata tum Ciceronis, tum Tribunorum Centurionumque, atque adeò ipsorum militum constantia & virtute, postero item die habita concione milites vt detrimenta accepta æquo animo perferrent, hortatus est. Dum hæc fiunt, fama de Cæsaris victoria per Rhemos ad Labienum & Induciomarum Treuirum celeritate incredibili perfertur. Induciomarus enim statim cæde Cottæ & Sabini intellecta, cum omnibus copijs aduersus Labienum, sperans & hunc posse ex inopinato opprimi, in Rhemos profectus fuerat. Sed intellecta iam Neruiorum

uorum cæde, castris Labieni, quæ postero die oppugnare decreuerat, relictis, cum vniuersis copijs noctu fugiens in Treuiros reuertitur. Pleræque etiam Armoricæ ciuitates, quæ L. Roscij, qui in Essuis cum legione tertia hybernabat, castra, contractis vndiq; copijs oppugnatum venerant, eodem nuncio de Cæsaris victoria allato cœptis desistentes, fugientibus similes in sua discedunt.

Cæsar propter hos Galliæ tumultus, & quòd Galli necdum quietem acturi viderentur, per eam hyemem in Gallia ad exercitum sibi manendum ratus, C. Fabio in Morinos in hyberna remisso, ipse cum tribus legionibus, tribusq; hybernis circa Samarobrinam hyemare constituit: principibusq; cuiusque ciuitatis ad se euocatis, tum minis, tum cohortationibus bonam Galliæ partem in officio & quiete aliquandiu cōtinuit.

RES ADVER
SVS TRE-
VIROS DV
CE LABIE-
NO GE-
STAE.

Induciomarus autem vnà cum Treuiris, missis ad plerasque Germaniæ ciuitates legatis, præmijs & pollicitationibus Germanos vt Rhenum transirent sollicitare nō destitit: verum exemplo Ariouisti & Tenchterorum adhuc perculsis cum persuaderi non posset, vt Rhenum transirent, Induciomarus ad alia cōuersus, exules omnes & condemnatos per vniuersam Galliam, magnis allectos præmijs sibi adiungit, equos à finitimis parat, quantasque potest maximas copias cogit, cum quibus in Carnutes & Senones per Rhemos iter facit. Cumque ex itinere Labieni castra oppugnare cogitaret, Labienus non tam sibi ac legionibus metuens, quàm vt hostem timoris opinione iniecta securiorem redderet, suos intra vallum continuit. Interea omni equitatu, quem ex finitimis ciuitatibus acciuerat, noctu in castra recepto, Induciomaro pro consuetudine cum suo equitatu sub ipsis castris vagante, equitibusq; Treuiris tela conijcientibus, verbisq; probrosis Romanos ad pugnam prouocantibus, nullo à Romanis ad hæc dato responso, dum sub vesperam dispersi palantesque discedunt, Labienus duabus portis subito omni emissio equitatu, perterritos nec quicquam minùs expectantes in fugam vertit. Edixerat suis Labienus, vt omnibus alijs relictis, cuncti vnum peterent Induciomarum, constituto præmio, quicumq; ipsum interfecisset. Sic omnibus in illum vnum intentis, Induciomarus ab insequentibus in vado fluminis deprehensus, occiditur. Caput eius amputatum ad Labienum defertur. Treuri fugientes ab equitibus Cæsarianis magna ex parte contrucidati sunt. His intellectis, Neruiorum Eburonumq; quæ cōuenerant copiae, in sua discedunt. Cæsar autem, quanquam Gallis his rebus gestis quietius iam agentibus, certis tamen non diu quieturos, maioresq; euidentissimis signis præuidens instare tumultus, in supplementum cum Titurio & Cotta interfectorum, habito per suos delectu, legionem vnā in Gallia Cisalpina conscribit: alteram item à Pompeio, quòd is Reipub. causa eo anno ad Urbem maneret, mutuatur. Treuri interfecto Induciomaro, Ambiorigem ex Eburonibus ad se accersunt: cumq;

à pro-

A à proximis Rheno Germanis auxilium non impetrarent, vltioribus ciuitatibus sollicitatis, quasdam ex illis mercede pacta in societatem belli pertraxere. Alia ex parte Neruij, Menapij, atque Aduatici, iam in armis erant. Senones quoque, & Carnutes, cum vicinis ciuitatibus secretò conspirarant. His Cæsar intellectis, confestim cum quatuor legionibus in Neruios profectus, vastatis ipsorum agris, maxima pecorū praeda abacta, eosdem mox imperata facere, obsidesq; dare coëgit. Hinc, quanquam aliud se agere simulans, in Senones profectus, cum inopinatis superuenisset, Senones missis legatis se purgant: Heduisq;, quorum in fide erant, pro eis deprecantib;, traditis obsidibus veniam à Cæsare impetrant. Similiter & Carnutes intercedentibus Rhemis (quorum in clientela erant) missis legatis traditisq; obsidibus, in fidem recepti. Ab his Cæsar totus in Ambiorigem bellumq; Treuericū conuersus, peracto, quod prius indixerat, totius Galliæ concilio, ciuitatibus nuper in fidem receptis equitatum imperat. Menapij soli ex omnibus Gallis legatos ad Cæsarem de pace mittere neglexerant. Hi locis palustribus ac saltuosis degentes, Eburonibus finitimi, Ambiorigi iure hospitij iuncti erant. In hos cum expeditis legionibus quinque profectus Cæsar, cum imparati ad resistendum, cum omnibus suis in syluas paludesq; se coniecissent, omnibus latè incendio vastatis, coactaq; ingenti hominum & pecorum praeda, pacem per legatos petentibus, obsides imperat: interdicto insuper ne aut Ambiorigem, aut eius legatos intra fines suos admittant: si secus faxint, hostium loco habendi. Treuiri interea cum Labienum, qui cum vna legione in ipsorum finibus hyberna habebat, adoriri constituissent, cognito duas legiones à Cæsare submissas, auxilia sibi Germanorū, quæ aduentare credebant, expectanda censent. Horum vbi Labienus per exploratores certior factus, timorem & fugā simulans, tumultu solito maiore castra mouet, sperans scilicet hostē auiditate insequendi, flumen, quod medium inter utroq; erat, traiecturum, locoq; iniquo prælium commissurum: nec spe sua frustratus, hostibus in transitu impeditis, signa conuerti, atq; in illos inferri iubet: quod cum non segniter à Romanis fieret, Treuiri vix primum impetum sustinentes in proximas syluas fuga se coniiciunt. Quos cum equitatu consectatus Labienus, quàm plurimis interfectis, nec paucioribus captis, vniuersam mox Treuironum ciuitatem in potestatem redigit. Hac clade audita Germani, qui Treuiris auxilium laturi iam iter ingressi erant, comitantibus Indutiomari propinquis defectionis auctoribus, in sua retrogressi sunt. Principatus autem Treuironū Cingentorigi, qui Cæsari semper vel ab initio fidelis fuerat, delatus est. Cæsar è Menapijs in Treuiros profectus, ponte eodem ferè loco, eademq; ratione qua prius breuissimo tempore constituto, præsidio in Treuiris ad pontem relicto, reliquas copias omnes cum equitatu Rhenum secundo trajicit. Ibi Vbiorum

MENAPII
SVBACTI.

TREVIRI
SVBACTI.

RHENVS
SECUNDO
TRAIE-
CTVS.

satisfactione, quòd Treuiros nullis subsidijs iuuerant, accepta, intelligit auxilia à Sueuis submissa. Hi denunciatione passim, quà ipsorum patet imperium, facta, auxilia, peditatus, equitatusq; vnum in locum conuenire iusserant. Sed intellecto postea Cæsaris aduentu, & certiore de viribus ipsius nuncio accepto, in extremos regionis suæ fines cum omnibus copijs sociorumq; auxilijs regressi, ad initia syluæ Bacenis (quæ inter Sueuos & Cheruscos latissimè profundissimeq; patet) Cæsarem expectare constituunt. Hæc postquam ab Vbiorum exploratoribus ad Cæsarem perlata, veritus ne cōmeatibus destitueretur, quòd Germani agros negligentius & rariùs colerent, nec longiùs sibi procedendum, nec vicissim Germanis omnem redditus sui metum auferendum putauit. Parte igitur pontis, qua Vbios attingebat, in longitudinem pedum ducentorū rescissa, tum turri quatuor contignationum in ponte excitata, præsidioq; duodecim cohortium ibidem cum C. Volcatio Tullo relicto, ipse ad bellum Ambiorigi inferendum, Sabini & Cottæ legatorum, totiusque adeò cum ipsis deletæ legionis cædem vindicaturus, in Arduennam syluam totius Galliæ maximam, reliquas copias ducit, præmisso cum omni equitatu L. Minutio Basilio: qui tanta celeritate & temporis oportunitate vsus est, vt non solum nuncium, sed & famam sui aduētus præueniret. Hinc factum est, vt Ambiorigi ab omnibus imparato, in sola fuga omnis spes salutis reliqua fuerit, quam ille equo propere & sine dilatione conscenso arripuit, familiaribus comitibusque impetum Romanorum aliquandiu sustinentibus. Reliqui omnes denunciante Ambiorige sibi consulere iussi, finibus suis egressi, quidam in syluas, alij in paludes, nonnulli etiam in proximas insulas profugere. Segni verò & Condrusi, & ipsi gentes Germanicæ, medijs inter Eburones & Treuiros, legatis ad Cæsarem missis, docent non omnium Germanorum, qui cis Rhenum sunt, vnā esse causam: proinde cum ipsi bello semper abstinerint, nec Ambiorigi auxilia miserint, hostium loco ne habeantur, rogant. Cæsar igitur receptis, qui ad eos confugerant, Eburonibus, purgationem ipsorum accipere se respondit. Hinc impedimentis omnibus in Vatuca (quod castellum in Eburonibus est, vbi prius Titurius & Aurunculeius hybernauerant) collatis, Q. Cicerone cum legione quarta decima equitibusq; ducentis, præsidio impedimentis relicto, exercitu tripartito, T. Labienum Oceanum versus, quā Menapij sedes habent, cum tribus legionibus mittit: C. Trebonium cum totidem legionibus, in regionem Aduaticis finitimam ire iubet: ipse cū pari numero ad Scaldim fluuium, qui tunc Mosam influebat, & ad extrema Arduennæ syluæ, quò Ambiorigem profugisse intellexerat, profectus est: constituto prius, vt post diem septimū, facta latè populatione, & prædis vndique abactis, exploratisq; hostium rationibus, eodem ad Vatuca loco omnes conuenirent, noua pro re nata capturi consilia.

RES IN E-
 BURONIB.
 GESTAE.

Missis

A Missis etiam nuncijs vicinas quasque ciuitates ad deprædandos Eburones euocat. Hac fama exciti Germani qui trans Rhenum erant, inter ceteros Sicambri cum duobus equitum milibus, Rheno transito in Eburonum fines perueniunt: pluribusq; Eburonum è fuga exceptis, & copiosa pecorum armamentorumq; præda ditati, intellecto Cæsarem longiùs abesse, Romanorum verò impedimenta & commeatus intra Vatumacum castellum conuecta modico præsidio adseruari, spe opimioris prædæ, relictis Eburonibus ad Vatumacum contendunt. Cicero autem cum Cæsarem longiùs progressum ad diem præscriptum, qui iam aduenerat, minimè adfuturum crederet, quinque cohortes frumentatum mittit. Has sequuti & alij veterani

B trecenti sub vexillo, calonum præterea magnus numerus. Germani, qui sylvarum obiectu tecti sub vallum ipsum iam peruenerant, antequam aduentus ipsorum à quoquam perciperetur, castra ex inopinato irrumperere conantur. E Romanis qui in castris relictæ erant, egrè impetum hostium sustinuerunt: donec tandem exaudito ab his qui frumentatum ierant in reditu clamore castrensi, discrimineq; suorum cognito, veterani, qui sub vexillo cum frumentatoribus castra egressi fuerant, duce C. Trebonio equite Ro. per medios hostes perrumpentes in castra incolumes perueniunt, sequentibus eodem impetu calonibus, equitibusq;: parte tamen eorum qui colliculum medium inter locum frumentationis & castra occupauerant,

C nec cum ceteris perruperant, interfecta. Sic Germani Vatumacæ expugnandæ spe deiecti, cum præda in Eburonibus collecta, quam in syluis, dum ad Vatumacum tendunt, occultauerant, trans Rhenum se in sua recipiunt: Romanis ne sic quidem metu liberatis, donec Cæsar vastatis longè lateq;ue agris hostilibus, ipse tandem in castra redisset. Ambiorige autem nusquam inuento, quòd quatuor solùm comitantibus, latebris ac tenebris inuestigantium se diligentia eriperet, exercitum in Durocortum Rhemorum oppidum deducit. Ibi concilio totius Galliaë habito, in Acconem Senonensis & Carnutensis conspirationis principem, tum in alios plerosque more maiorum animaduertit. Reliquis legionibus alijs aliò in hyberna concedere

D iussis, commeatuq;ue instructo, in Italiam ad conuentus proficiscitur. Sub id tempus turbata Romæ P. Clodij cæde Republica, Cæsar vt ea quæ Romæ interea agerentur, citiùs & tutiùs ad se perferrentur, simul ipse si opus videretur, maturiùs accederet, minùs sibi longè ab Vrbe recedendum existimauit. Hinc tanquam negocijs citerioris Galliaë procurandis intentus, solito diutiùs intra Italiam se continuit. Inde rumoribus in Galliam Transalpinam perfertur, Cæsari propter vrbanos tumultus necessariò intra Italiam manendum: qui rumores maximorum statim in Gallia motuum causa extitère, dum Galli tantam pristinaë libertatis recuperandæ occasionem sibi tam oportunè oblatam minimè prætereundam censent.

Posse absente Cæsare omnes legiones, quæ passim apud se in hybernis e- **A**
 rant, opprimi, Romanorumq; iugum semel ceruicibus suis excuti. Con-
 uocato igitur super hac re Galliæ totius concilio, dubitantibus reliquis, Car-
 nutes pollicentur se belli initium facturos. Hi quod verbis promiserant,
 vt & facto præstarent, Cotuato & Conetodunò ducibus, Genabum pro-
 fecti, ciues Rom. qui eo loci negociabantur, inter alios C. Fusium Cottam
 equitem, præfectum rei frumentariæ, occidunt, diripiuntque. Carnutum
 audaciam duce Vercingetorige sequuntur & Aruerni. Hic Rex à suis appel-
 latus, Senones, Parisios, Pictones, Cadurcos, aliasq; plurimas ciuitates haud
 inuitas suo iungit imperio: maximoque coacto exercitu in Bituriges pro-
 ficiscitur, sollicitatis ad defectionem tum Heduis, tum alijs plerisq; populo **B**
 Rom. confœderatis gentibus & ciuitatibus. Hæc vbi ad Cæsarem perlata,
 confestim Italia relicta, in Galliam Cisalpinam cum supplementis profici-
 scitur: intellectoq; Lucterium Cadurcum (qui à Vercingetorige in Rhu-
 tenos missus, eorundem ciuitatem in partes Aruernorū traxerat) alijs ple-
 risque gentibus sibi conciliatis, cum magnis copijs ad Narbonem iter ha-
 bere, nihil sibi ad extremā diligentiam reliqui fecit, vt quoquo modo Nar-
 bonem ipse prior occuparet. Quò postquam peruenit, confirmatis Narbo-
 nensium animis, præsidia locis finitimis prouincialibusq; disponit. Hinc
 in Heluios Aruernis cōterminos cum parte copiarum & supplemento Ita-
 lico proficiscitur, superatoq; Gebenna, monte inter Heluios Aruernosque **C**
 medio, viaque per niuem, quæ vel ad sex pedum altitudinem iacebat, sibi
 patefacta, tandem in Aruernorum fines exercitum non sine summis diffi-
 cultatibus perducit: equitatuq; latè regionem omnem populari iussu, ma-
 ximum Aruernis terrorem iniecit. His nuncijs Vercingetorix è Biturigibus
 domum retrahitur: quem Cæsar cum omnibus mox copijs adfuturū exi-
 stimans, maioribusque sibi ad resistendum viribus opus fore intelligens,
 biduum in Aruernis commoratus, relicto ibi cum copijs Bruto adolescente,
 magnis nocturnis diurnisque itineribus primò Viennam pro recenti e-
 quitatu, tum ad alia legionum hyberna se confert, missisque ad quas ipse **D**
 adire non poterat legiones nuncijs, non antè quieuit, quàm omnes vnum
 in locum coëgit, etiam priusquam Aruernis de aduentu ipsius plenè con-
 staret. Vercingetorix alia parte per Bituriges ad Gergobiam Boiorum op-
 pidum oppugnandum, exercitum ducit: Huc & Cæsar, præmisso prius de
 aduentu suo ad Boios nuncio, qui illos tantisper in fide contineret, profi-
 ciscitur. Ceterum ne hostibus à tergo relictis comineatus & frumenta dif-
 ficilius subueherentur, Vellaunodunum Senonum oppidum triduo postq̃
 ex itinere oppugnari cœptum, in deditionē accipit. Similiter & Genabum
 Carnutum: vbi, exercitu per pontem Ligerim flumen traiecto, in Bituri-
 ges peruenit. Vercingetorix nuncio de Cæsaris aduentu accepto, relicta Ger-
 gobia

A gobia Cæsari cum exercitu occurrere statuit. Cæsar tum Nouiodunum Biturigum oppugnabat, iamque oppidani missis legatis, conditionibus præscriptis, plerisque etiam Cæsarianorum intra oppidum admissis, Cæsari se dediderant. Sed postquam Vercingetorigem procul è mœnibus aduentantem conspexere, mutata protinus sententia, in spem auxilij sublatis, armis resumptis, portas claudunt, murosque reparant. Cæsar suis qui in oppido fuerant receptis, prælio equestri auxilio equitum Germanorum feliciter commisso, Gallos in fugam coniicit. Hinc oppidani, auctoribus secundæ istius defectionis ad Cæsarem perductis, iterum sese dedunt. Ab his Cæsar ad Auaricum, oppidum Biturigum longè maximum munitissimumque; oppugnandum se accingit. Vercingetorix, cum ubique viribus & fortuna impar, non alia se ratione Romanos superare posse confideret, quàm si pabulatione commeatuque; destituerentur, habito suorum concilio, omnibus consentientibus, vicos, ædificia, atque oppida quæcunque, quæ neque opere neque situ ad sustinendum Romanorum impetum munita satis videbantur, longè lateque; incendit: idque; non in Biturigibus solum, incensis vno die plus .xx. urbibus, sed & in reliquis passim ciuitatibus: ut vix Auarico ipsi, quæ & amplitudine & pulchritudine ceteras ferè totius Galliæ vrbes superabat, deprecantibus suppliciter Biturigibus, parcitum sit. Cæsar interea, qui Auaricum ipsum obsidebat, omnibus circumquaque incensis, in maximas rei frumentariæ angustias coniectus, oppugnationem oppidi dimittere constituerat, nisi milites ipsi summa animi constantia & fortitudine tantam ignominiam deprecati, quiduis potius perpeffuros, quàm re infecta discessuros occlamassent. Vercingetorix verò castra propius Auaricum admouerat, Romanos uti sperabat postridie in pabulatione per insidias oppressurus. Sed Cæsar intellecto hostium consilio, nocte media silentio castris egressus, cum hostium copias loco munitissimo dispositas videret, ut non sine præsentis periculo prælium committi posse videretur, ad Auarici oppugnationem reuertitur. Quod cum aliquandiu non minori constantia & virtute, nec minoribus operibus ab oppidanis defenderetur, quàm à Cæsarianis non sine summa difficultate, in extrema rerum omnium penuria strenuè oppugnabatur: tandem Cæsar vsus oportunitate imbris subito cum magna venti violentia effusi, qui propugnatores aliquatisper à muro submouerat, iubet & suos languidiùs in opere versari, donec tandem propugnacula viris nudata conspiciens, præmio ijs qui primi murum conscendissent proposito, signo dato muros oppidi inuadi iubet. Hinc subito Cæsarianis omni ex parte magna animorum incitatione, murum defensore vacuum occupantibus, totoque; mox oppido circumfusus, oppidanis omnis fugæ spes eripitur: qui dum abiectis armis fugam angusto portarum exitu frustra tentant, sine sexus aut ætatis discrimine omnes ferè contrucidantur,

AVARICVM
CAPTVM.

vix octingentis è quadraginta milium numero reliquis, qui primo clamore audito tempestiuè se ab aduersa oppidi parte muro deiecerant, atque in Vercingetorigis castra peruenerant. Vercingetorix hac clade accepta nihilo animo deiectionior, conuocato concilio suos consolatus, & ne animũ desponderent cohortatus, castra muniri iubet: & quò damna accepta sarciret, reliquas Gallia ciuitates, earumq; Principes donis pollicitationibusque quoquo modo sibi iungere contendit: ita factum, vt copiarum prioribus cladibus accisæ, multumque imminutæ, breui tempore supplerentur. Cæsar dum Auarici aliquandiu moratur, vt militem inedia, egestate, & labore defatigatum reficeret, orta in Heduis inter duos primi apud eos nominis, Cottom scilicet, & Conuictolitanem, dissensione, de summa potestate, quæ antea prius apud vnum esse solebat, nunc penes duos erat, per legatos à Principibus Heduorum reuocatur. Hinc statim in Heduos profectus, conuocato Senatu, ijsq; inter quos controuersia erat, Coto abdicare coacto, magistratum Conuictolitani confert. Sic ea dissensione composita, Heduos ad concordiam exhortatus, equitatum omnem & peditum decem milia ab eisdem sibi deposcit. Exercituq; bipartito, Labienum cum quatuor legionibus & parte equitatus in Senones & Parisios ire iubet: ipse cum reliquo equitatu & sex legionibus in Aruernos ad Gergouiam secundum flumen Elauer tendit. Eodem mox Vercingetorix cum suo exercitu ab altera ripa, medio inter vtrumque exercitum fluuio Elauere, cuius pontes omnes prius resciderat, iter facit, castraque Cæsaris castris aduersa in opposita ripa locat. Sed Cæsar parte copiarum sibi retenta, reliquis legionibus iter consuetum conficere iussis, medio ferè itinere subsistit: vnoque è pontibus ab Vercingetorige dirutis, cuius pars inferior integra adhuc remanserat, celerrimè refeito, iisque quas secum habebat copiis flumen traductis, loco castris idoneo delecto, reliquas item copias quamprimùm ex itinere reuocatas traducit. Vercingetorix intellecto Cæsarem transmissis copiis tergis suorum imminere, cum se dubio pugnae euentui committere nollet, Gergouiam magnis itineribus præcurrit. Eodem Cæsar, mox cum omnibus copiis subsequutus, postquam peruenit, vrbis situm in editissimo montissimoq; monte contemplatus, omni subitaneæ expugnationis spe deposita, longiori obsidione opus esse intelligit, leuibusq; ibi primùm hinc inde equestribus præliis concursum. Interea apud Heduos Conuictolitanes, cui Cæsar supremum apud suos magistratum adiudicarat, pecunia ab Aruernis corruptus, Litaico fratribusq; eius nobilissimis adolescentibus, perfidia socijs atque ministris, nouorum tumultuum nouæque defectionis auctor extitit. Auxilium illud decem milium peditum, quod Cæsari ab Heduis mittendum fuerat, Litaico ducendum tradi curat. Litaicus fratribus suis cum alijs quibusdam à se subornatis ad Cæsarem præmissis,

A sis, atq; ad se redire iussis, cum iam non amplius triginta milibus passuum ab Gergouia abesset, fingit sibi ab illis quos pramiserat nunciatum, equitatum Heduarum, tum alios plerosque suae ciuitatis nobilissimos, proditionis falso insimulatos, à Cæsare indicta causa necatos, in his Eporedorigem & Viridomarum Principes ciuitatis, fratres item suos quos pramiserat. Hæc pro concione coram vniuerso exercitu, per quosdam qui ab ipso prius edocti fuga eadem se euasisse comminiscabantur, pronuntiari iubet: iritatisq; hoc mendacio suorum animis, vt se Aruernis iungant facile persuadet. Quin etiam missis nuncijs, eadem vniuersæ Heduarum ciuitati nunciat, sperans se, quos prius ad violandam fidem inducere non poterat, hoc
B saltem mendacio ad vliscendum tam atroces iniurias concitaturum. Sed Cæsar hac Litaici fraude per Eporedorigem ipsum detecta, confestim cum quatuor legionibus expeditis ad Heduarum agmen proficiscitur: interdictoq; suis ne quenquam Heduarum interficerent, Eporedorigem & Viridomarum, quos Litaicus interemptos mentitus fuerat, procedere, suosq; appellare iubet. Ea ratione Litaici perfidia vniuerso exercitui manifestata, Hedui poenitentes supplicesque veniam armis proiectis petunt. Litaicus autem cum aliquot e suis clientibus Gergouiam ad Aruernos fuga se recipit. Cæsar nuncijs hac de re sine mora ad Heduos missis, intellectoque medio ferè itinere, castra se absente non sine summo periculo oppugnata,
C eundemq; casum suos etiam in posterum diem manere, maxima cum festinatione vel ante ortum Solis cum suis in castra peruenit: paruaq; Gergouiae expugnandae spe reliqua, cum maiores in Gallia motus timeret, exercitum inde deducere cogitabat: oblata tamen occasione, & oportuno usus stratagemate, trinis hostium castris, quæ vacua conspexerat, potitur. Sed iniquitate loci paulò post perspecta, veritus ne spe prædæ, simul pugnandi studio miles maiori se periculo inconsideratius obijceret, receptui cani iubet. Ceterum tantus fuit militum ardor, vt nō audito tubæ sonitu, ad Gergouiam ipsam expugnandam raperetur. Et iam L. Fabius Centurio manibus suorum sublatus, primus murum occupauerat. Reliquis dehinc
D extemplò subsequutis, parum abfuit quin oppidum eo impetu caperetur, ni Romani, quanquam virtute superiores, numero tamen & loco, quo iniquissimo constiterant, inferiores, auctis superuentu Vercingetorigis hostium copiis, ab oppidanis repulsi, acerrimam ac difficillimam Gergouiae oppugnationem relinquere coacti fuissent, accepta clade non parua, desideratisq; e suis plus minus quingentis. Inter quos præter L. Fabium, & M. Petreium Centuriones, qui fortissimè dimicantes, hostium multitudine oppressi, in ipsis muris occubuere, & alij Centuriones. XLVI. interfecti sunt. Cæsar postridie pro concione increpata primum militum temeritate, quod proprio vsi consilio, spretoq; ducis imperio, ad signum receptus non substi-

tissent,

tissent: postea confirmatis eorundem animis, ne hoc casu deijceretur, duobus praeliis cum Vercingetorige prosperè commissis, castra in Heduos mouet, quòd ne nunciis quidem Caesaris ad se missis, quietem acturi videntur, Litauiico praesertim cum omni equitatu, ad concitandos in Caesarem totius ciuitatis animos profecto. Eporedorix verò & Viridomarus, sub praetextu ciuitatis contra Litauiici perfidiam in officio & fide retinendæ, in Heduos se à Caesare praemitti petunt: quibus ipsis quanquam Caesar non usquequaq; fideret, cum iustis tamen de causis minimè retinendos putaret, commemoratis prius suis in Heduos meritis, cum certis mandatis à se dimittit. Illi impetrato comœatu digressi, postquam Nouiodunum Heduorum oppidum peruenissent, interfecto, oppidanorū auxilio, praesidio Romanis ciuibus item & negociatoribus Romanis, praedam omnem inter se partuntur. Hanc ibi copiosissimam offenderunt, quòd Caesar & obsides & pecuniam publicam, tum frumentum, ceteraque exercitus impedimenta, magnumque adeò equorum ad bellum coemptorum numerum ibi deposuerat. Ipsum autem oppidum, ne eo belli receptaculo Romani vterentur, incendunt: pertractaque in societatem rebellionis vniuersa ciuitate, hostili prorsus in Romanos animo cuncta gessere. Caesar autem quò minus exercitum in Heduos perduceret, Ligèri flumine, qui hybernis auctus niuibus in immensum excreuerat, impeditus, mutato consilio, conuersoque itinere ad Labienum in Senones nocturnis diurnisque itineribus contendit. Labienus dum ea quae supra commemorata sunt à Caesare geruntur, Lutetiae Parisiorum expugnatione frustra tentata, castris summo silentio egressus, Melodunum Senonum oppidum, in Sequanae insula, ut & Lutetia situm, concesserat: profligatisque oppidanis, oppidum ipsum cum vniuersa insula occuparat, ponteque quem hostes paulò antè resciderant, restaurato, exercitum iterum Lutetiam versus duxerat. Parisij intellecto Labieni aduentu, ponte rescisso, oppidoque incenso, intra paludes, quae Sequanam influunt, se receperant. Ceterum Labienus nuncio sub hac de Heduorum defectione accepto, praelio ex itinere cum Camulogeno Aulercō, qui summam imperij apud Parisios tenebat, non infeliciter commissio, omni que ferè hostium multitudine cum ipso duce Camulogeno interfecta, Agendicum, ubi totius exercitus impedimenta erant, reuersus, inde cum omnibus copijs ad Caesarem pergit. Hedui interea sollicitatis omnibus ferè ciuitatibus, plurimisque ex his in suam sententiam pertractis, cum in imperium sibi in reliquas ciuitates deposcerent, reliquis dissidentibus, habito demum super hac re totius ferè Galliae concilio, omnium consensu Vercingetorix huic bello Imperator deligitur, inuitis tamen taciteque indignantibus, principatum sibi ereptum Heduis: quos vel hinc maximè sui consilij poenitere coepit, Eporedorigem imprimis & Viridomarum, summo apud Heduos loconatos

RES APUD
PARISIOS
DVCE LABI-
E-
NIENO GE-
STAE.

HEDUO-
RVM DE-
FECTIONE.

BELLVM
GALLICVM.
DVCE VER-
CINGETO-
RIGE AR-
VERNO.

A natos adolescentes. Vercingetorix summo iam imperio accepto, obsides reliquis ciuitatibus, Heduis Segusianisq; pedites imperat: fratremq; Eporodorigis in Allobroges, alios in alias populi Ro. prouincias, ad bellum inferendum, agrosque depopulandos mittit. Cæsar verò cum interclusis omnibus itineribus, neque ex Prouincia, neque ex Italia auxilia commodè submitti posse videret, equites & leuis armaturæ pedites è Germania transrhenana accersit. Qui vbi iam aduenère, exercitum statim per Lingonum fines, & per Sequanos Prouinciam versus ducit. Vercingetorix sperans Romanos, ne in Prouinciam suis opem laturi peruenirent, itinere intercludi posse, agmine tripartito Cæsari in Sequanis obuiam progressus,

B Romanos transitu prohibere cœpit. Cæsar ex aduerso equitatum quoque suum tripartitum in hostem immittit: factoque concursu acerrimè vtrinque dimicatum est, donec tandem Galli ab equitibus Germanis, qui & corporum mole & robore præstabant, loco pulsi, plurimis passim interfectis, nobilissimisq; aliquot Heduatorum captis, & ad Cæsarem perductis, in fugam vertuntur. Vercingetorix fuso omni suo equitatu, pedestres copias in oppidum Mandubiorum Alexiam celeriter perducit: quem Cæsar quamproximè potuit assequutus, tribus hostium milibus è nouissimo agmine occisis, postridie & ipse castra ad Alexiam locat. Id oppidum edito colle situm, cum non nisi longa obsidione capi posse videretur, vallum ipsi Cæsar circumducit. Vercingetorix autem sub ipso oppidi muro intra fossam & maceriam sex pedum altitudinis suas copias habebat, munitionibusque Romanondum absolutis, equestri prælio in planicie, quæ ante Alexiam in longitudinem trium milium passuum extendebatur, summa contentione vtrinque commisso, Vercingetorix, cum impetum eorum, quos Cæsar suis subsidio miserat, Galli non sustinerent, plurimis suorum cæsis, nec paucioribus præ timore in oppidum irrumpentibus, omnibus denique fuis fugatisque, tandem toto prælio superatur: pabuloque & reliquis com meatibus destitutus, nocte omnem à se equitatum ad suam quemque ciuitatem dimittit, reliquas omnes copias in oppidum recipit. Hæc vbi Cæ

D sari nunciata, ne quæ oppidanis exitus pateret, oppidum nouis inusitatisq; operibus cingit: similibusq; ferè munitionibus & ab altera parte quattuordecim milia passuum complexus, castra aduersus exteriorem hostem tutatur, prospecto sibi prius de triginta dierum pabulo & frumento. Interea communi omnium Galliæ Principum consilio, non quidem, vt Vercingetorix per equites suos mandarât, omnes qui per ætatem armis habiles essent, conuocantur: sed omnibus ferè ciuitatibus, non solùm Galliæ, sed & Heluetijs, Rauracis, alijsque aliquot Germanicæ gentis ciuitatibus, auxiliorum certus numerus indicitur: ita vt peditum coacta sint ducenta quadraginta, equitum verò octo milia. His omnibus in Heduatorum finibus con-

uenire iussis, cum summa imperij præficiuntur Comius Atrebas, Viridomarus & Eporedorix Hedui, & Vergasillaunus Aruernus Vercingetorigis consobrinus: qui hoc cum numero copiarum, summa omnium alacritate, victoriam vel certissimam spe gestiente præcipientes, Alexiam rectè contendunt. Interim deficiente Alexiæ omni re frumentaria, cum dies, quo auxilia adesse iussa erant, iam effluxisset, varijs inter obsessos sententijs certabatur, quibusdam deditionem, alijs eruptionem suadentibus: tandem ut rei frumentariæ penuriam subleuarent, Mandubios, quorum oppido recepti erant, cum liberis, vxoribus, ceterisque bello inutilibus expellunt: qui cum nec à Romanis, quibus & ipsis commeatus angustior erat, reciperentur, inter hostes & suos fame & inedia confecti, longè miserrimo mortis genere perire. Hæc dum Alexiæ geruntur, Comius & reliqui, qui iam cum omnibus auxiliorum copijs aduenerant, occupato colle, quingentis nec amplius à Romanorum munitione passibus confidunt. Die postero equitatu hinc inde producto, acerrimè à meridie ad Solis usque occasum dubio euentu pugnatum est: donec tandem Germani confertis turmis, impetu in Gallos facto, circumuentis cæsisque Gallorum sagittarijs, qui inter equites cum aliquot leuis armaturæ peditibus versabantur, reliquos in fugam vertunt. Parte alia eodem ferè tempore Cæsariani Gallos cædentes in castra usque propulerant. Hæc ab Alexianis è locis superioribus despecta, non minoris tristitiæ oppidanis occasionem dedere, quàm antea auxiliorum aduentantium aspectus lætitiā excitarat: desperataque iam victoria in oppidum, unde prius ad primum auxiliorum & Romanorum concursum egressi erant, se recipiunt. Sub medium noctis sequentis Galli maximo apparatu exteriores Romanorum munitiones expugnare parant: eodem tempore & Vercingetorix, significatione foris per clamorem facta, alia ex parte in obiectas oppido munitiones insultum factururus, suos oppido educit. Sed Galli cum eminus è turribus & propugnaculis crebris assiduisque telorum iactibus, quò minùs propius munitiones Romanorum accederent, prohiberentur: rursus in scrobes & foueas, quas Romani ante munitiones perfercerant, leuique cespite & vimineis cratibus intexerant, frequentes passim deciderent, stimulisque & stipitibus acutis occultè in terra defixis seipsos induerent: postquàm nihil à se profici vident, veriti Romanorum sub diem è castris eruptionem, antequam ad munitiones peruenirent, pedem referunt: similiter & oppidani ab altera parte, ubi suos discessisse vident. Postea, re ad hunc modum bis infeliciter gesta, Galli consilio aliter inito, castra munitionesque tribus lateribus oppugnare aggrediuntur: uno, à campestribus, siue exterioribus munitionibus. unde & priorem oppugnationem tentarant: altero, à colle, qui ad Septentrionalem castrorum plagam eminebat, què Romani suis operibus circumdare non poterant: tertio, per Vercingetorigem à parte oppidi.

Pugna-

A Pugnatum est diu & acriter omnibus locis, summa cum difficultate, maxime Romanorum, quod illi totis munitionibus distracti, diuerso distinerentur. Tandem virtute Cæsaris & Labieni legati, eruptione è munitionibus facta, Galli in fugam vertuntur: quibus in equitatum, quem Cæsar à tergo in hostes miserat, incidentibus, maxima est edita strages, Sedulio Lemouicūm Principe præter ceteros occiso, Vergasillauno capto, signisque; hostilibus septuaginta quattuor ad Cæsarem perlatis, paucissimisque ex omni numero superstitibus, reliqui qui in castris remanserant, fuga salutem quæsiere. Qui verò in postremo agmine hærebant, ab equitatu Cæsaris, pars capti, pars occisi, reliqui fuga alij aliò elapsi, in suas quisque; ciuitates peruenire. Oppidani fuga & cæde suorum perspecta, & ipsi à munitionibus in oppidum regressi, postridie missis legatis, vel ipso Vercingetorige auctore, armis traditis sese dedunt: Cæsarique; pro castris intra munitiones sedenti, Principes Aruernorum atque Hedui adducuntur, inter ceteros ipse Vercingetorix. E captiuis, Hedui Aruernique, obsidum loco, donec ciuitates reciperentur, futuri, retenti sunt. Ex reliqua turba vniuerso exercitui singula capita prædæ nomine distributa. Cæsar hinc in Heduos profectus, mox vniuersa ciuitate recepta, similiter & Aruernis imperata facturos per legatos pollicentib., magno obsidum numero imperato, captiuorum Hedui & Aruernorum plus minus viginti milia ciuitatibus suis reddi iubet. Vercingetorix, quanquam supplex Cæsari, propter ingratitudinem tamen, quod magnis à Cæsare beneficijs affectus fuisset, in vincula coniectus, postea in triumphum productus, occidi que iussus est. Obsessorum intra Alexiam numerus centum & septuaginta milium fuisse creditur, præter eos quos vel sexus, vel ætas, bello inutiles reddebat. Cæsar his rebus gestis, legatis alijs aliò cum legionibus in hiberna missis, ipse Bibractem Hedui oppidum hibernatū concessit. Romæ verò propter eius annis prosperè & feliciter gestas, viginti dierum supplicatio ipsi decreta est. Post hæc Cæsar, cognito plerasque Galliæ ciuitates, repetitis conspirationibus, noua belli consilia capere: nihil prius duxit, quàm initijs ipsis occurrere, Gallisque; ex inopinato oppressis, omne consilij, si non capiendi, saltem in effectum deducendi, spacium præcidere. Hinc M. Antonio Quæstore hibernis præfecto, pridie Kal. Ianuarias in Bituriges, qui conspiratione facta iam bellum parabant, exercitum ducit: itinereque celerimè confecto, nulla aduētus sui significatione, dum suos incendijs abstinere iubet, facta, Bituriges equitatu suo prius oppressit, quàm illi ex agris in oppida se recipere possent: qua festinatione, facile eos quasuis pacis conditiones, vel lubentissimis animis accipere coëgit. Militibus autem in premium laborū, quos illi itinere difficillimo per intensissimum frigus hiberno tempore maxima diligentia confecto, perpessi erant, viritim ducenos sestertios, Centu

ALEXIA FV
SO, GALLO
RVM EXER
CITV CA-
PTA.

HEDVIRE
CEPTI.

SUPPLICA
TIO .XX.
DIERVM
DECRETA.

NOVI IN
GALLIA
MOTVS.

ANTONIVS
QVÆSTOR.

CAESARIS
IN MILI-
TES LIBE
RALITAS.

rionibus duo milia nummum in prædam diuisit, legionibus quadragesi- A
 mo post die Bibractem in hiberna reductis. Hac Cæsaris diligentia & ce-
 leritate & aliæ passim ciuitates permotæ, belli consilia deposuere. Haud
 multo post, Cæsare iam in hiberna reuerso, legati à Biturigibus missi, auxi-
 lium aduersus Carnutes, à quibus bello laceffebantur, petunt. Hos Cæsar,
 cum duabus legionibus in ipsos profectus, primo aduentus sui nuncio ita
 terruit, vt relictis vicis oppidisque passim per agros dispersi profugerent.
 Cæsar occupato Genabo Carnutum oppido, milites aduersus durissimas
 hiemis tempestates, intra tecta Gallorum recipit. Equites verò, peditesq;
 auxilarios, ad persequendos Carnutes mittit. Qui cum proprijs tectis eie-
 cti, nec à terrore hostium insectantium, nec à cæli hiberni iniurijs, tutum B
 vsquam perfugium inuenirent, magna suorum parte amissa, à vicinis qui-
 busque ciuitatibus è fuga excipiuntur. Dum hæc geruntur, Rhemi
 missis legatis nunciant, Bellouacos inter ceteros Belgas virtute bellica pri-
 mos, cum finitimis ciuitatib. duce Corbeo Bellouaco & Comio Atrebate,
 copias cogere: Sueffionibusque, qui in Rhemorum clientela, eorumq; fra-
 tres & consanguinei erant, præcipuè minitari. C. igitur Trebonio cum dua-
 bus legionibus Genabi in hibernis relicto, reliquis verò legionibus ex di-
 uersis hibernis ad se euocatis, in Bellouacos tendit. Ibi à speculatoribus ho-
 stium cognoscit, Bellouacos omnes qui arma ferre possent, vnum in locum
 conuenisse: cumq; finitimis ciuitatibus, Ambianis, Aulercis, Caletis, Velo- C
 cassijs, & Atrebatibus, loco edito paludeque cincto castra posuisse, impe-
 dimentis omnibus in siluas conuectis: multitudini autem Corbeum Bel-
 louacum, flagrantem insigni po. Ro. odio, præesse: Comium verò Atreba-
 tem ad auxilia Germanica dimissum: constituisse præterea Bellouacos, re-
 liquis ciuitatibus consentientibus, si modò cum tribus tantum legionibus
 occurrisset Cæsar, prælio decertare: si cum pluribus, eo quem castris elege-
 rant loco, se continere, auxiliaq; expectare. Hinc Cæsar, cum aciem ita in-
 struxisset, vt paucitate suorum, quæ quattuor tamen vt quàm minimùm
 legionum erat, ad Bellouacos relata, hostem ad pugnam elici posse spera-
 ret: illi tamen acie pro castris instructa, loco se minimè mouerent, miratus, D
 castra hostium castris aduersa ponit, valloq; duodecim pedum, & fossa du-
 plici pedum quindecim, turribus alijsq; maximis operibus munit: cumq;
 leuibus tantum prælijs subinde inter vtraque castra commissis, nunc Ro-
 manis, nunc Gallis paludem transeuntibus, Bellouaci obstinatiùs loco mu-
 nito se continerent, nec quod Cæsar imprimis optabat, iustæ pugnæ pote-
 statem facerent, maiorib. sibi ad oppugnanda hostium castra copijs opus
 esse cognoscit. C. itaque Trebonium cum duabus legionibus è Genabo,
 T. verò Sextium cum vna è Biturigibus ad se euocat. Pluribus interim
 diebus per istiusmodi velitationes inter vtraque castra consumptis, Rhe-
 morum

BELLVM
 CVM BEL-
 LOVACIS
 BELGIS'Q.
 FINITI-
 MIS.

A morum tandem equitatus, qui in exercitu Cæsaris erat, pabulationi præsidio missus, Bellouacorum insidijs circumuentus, interfecto ipso ciuitatis Principe Vertisco, opprimitur. Quo successu Belgæ animis efferuntur. Sed cognito mox nouarum legionum, quas Trebonius adducebat, aduentu, Alexianæ obsidionis exemplo territi, omnes ætate & viribus bello impares nocte à se dimittunt. Quod vbi orto iam die Cæsar intellexit, palude quæ media interiacebat, pontibus strata, exercitūque magna celeritate traducto, legiones propius admouet, ita vt tela tormentis in hostes mitti possent. Cumq; acie instructa, hostes quoque in acie pertinaciter permanere videt, nec aliter præliari paratos, quàm si Romanus collem subiret, castra eo loco munit. Dumq; opere iam absoluto, instructis legionibus, equitibusq; pro vallo dispositis, Bellouaci Cæsarem ad se insequendum paratum vident, stratagemate vsi, Cæsarem eludunt. Quemadmodum in exercitu Romano, Triarijs à tergo aliorum post principia altero genu innixos, altero verò poplite porrecto subsidere moris erat: ita & posterior agminis Gallici pars, dum prior in acie stat, post alios fascibus è virgultis insidere solebat. Hos fasces Bellouaci per manus à posterioribus traditos, qui primi in acie consistebant, ante se locant, & signo dato ignem sub vesperam omnibus simul iniiciunt: sic obiectu fumi atque flammæ conspectu sui, simulq; insequendi facultate Cæsarianis erepta, concitatissimo cursu sese proripientes, nulla accepta clade, milia passuum decem progressi, loco non minùs tuto castra locant. Ibi cum subinde ex insidijs Romanos in suis pabulationibus infestarent, tandem Cæsar, hostium consilio, locoq; insidiarum cognito, maioribus solito copijs pabulatum eductis, post longam pari Marte & contentione dimicationem superior, maiori hostium parte à suis in prælio interfecta, ceteros in fugam versos, alios aliò disijcit: plurimisque etiam ex his ab insequentibus occisis, dux ipse Corbeus fortissimè dimicans, non paucis à se in prælio vulneratis, cum se dedere nollet, à Cæsarianis occiditur. Comius verò Atrebas ad Germanos, quorum auxilia adduxerat, profugit. Reliqui Bellouaci, communi ceterorum Belgarum consilio, legatis ad Cæsarem de pace missis, culpam deprecantur. Cæsar responso dato, satisfactū sibi ea poenā quam iam exsoluissent, imperatis obsidibus, legatos remittit. Bellouacorum exemplum & reliquæ mox ciuitates sequutæ sunt. Hoc bello confecto, Cæsar exercitum plures in partes dimittit. Ipse retento sibi cum legione M. Antonio Quæstore, euocatoq; T. Labieno, in Eburnes ad depopulandos Ambiorigis fines proficiscitur. Qui cum Romanorū manibus fuga se semper subtraheret, ita vt capi non posset, Cæsar finibus ipsius flamma & ferro latè vastatis, maximo Eburnum numero tum capto, tum interfecto, T. Labienū in Treuiros, quod imperata minùs promptè obirent, cum duabus legionibus mittit: quos ille prælio feliciter com-

BELLOVA
CI CVM FI
NITIMIS
SVBACTI.

TREVIRO
SVBACTI.

misso, pluribus interfectis, Principibusq; ipsorum captis, facile in potesta- A
 tem redegit. Interea in Pictonibus à C. Caninio & C. Fabio legatis,
 aduersus Dumnacum hostium ducem, qui Duracium amicum Po. Ro. ad
 oppidum Lemouicum obsidebat, res prosperè & feliciter geruntur, Dum-
 naco obsidionem relinquere coacto, atque in fugam verso, prædaque co-
 piosissima, & magna suorum cæde multato. Is equitatu suo ex fuga in Ro-
 manorū equitatum se infectantem conuerso, prælio decertare ausus, post-
 quam diu acriter hinc inde pugnatum, tandem legionum aduentu in fu-
 gam conuersus, ampliùs duodecim milibus interfectis, omnibus impedi-
 mentis exiit, solusq; finibus suis pulsus, errabundus in extremas Galliæ
 ciuitates profugit. C. Fabius alter legatorum, cum parte copiarum in Car B
 nutes aliasque ciuitates, quæ Dumnaco subsidia miserant, profectus, datis
 obsidibus, Carnutes reliquasq; ciuitates maritimas, quæ Armoricæ appel-
 lantur, statim in potestatem redegit. C. verò Caninius ad persequendum
 Drapetem Senonem, qui fuso fugatoque Dumnaco, cum duobus homi-
 num milibus è fuga collectis, iuncto sibi Luçterio Cadurco, in Romano-
 rum Prouinciam iter habebat, vt eum à Prouincia auerteret, cum duabus
 legionibus proficiscitur. Quem vbi aduentare Luçterius & Drapes cogno-
 uere, occupato Vxelloduno oppido Cadurcorum munitissimo, subsistunt:
 copijsq; intra oppidum receptis, opera potissimum Luçterij, qui rebus in-
 tegris auctoritate apud suos valebat, oppidanorum animos sibi conciliant. C
 Caninius postquam eò cum exercitu venit, conspicatus oppidum præru-
 ptissimis rupibus situm, ita vt vel nemine defendente, ascensus armatis dif-
 ficillimus videretur, trinis castris loco excelsissimo locatis, oppidum vallo
 cingere aggreditur. Ibi oppidanis, reuocato in memoriam Alexianæ obsi-
 dionis euentu, metuentib. ne & sibi frumento destitutis, similis casus sub-
 eundus foret, proxima nocte Drapes & Luçterius, duobus milibus in vrbe
 relictis, ceteros omnes educunt: comparataq; quàm maxima frumenti co-
 pia, cum decem ferè passuum milibus ab oppido castra haberent, Drapes
 præsidio castris relinquitur, Luçterius verò cum reliqua copiarum parte
 hora noctis ferè decima, occultis angustisque itineribus, frumentum vrbi D
 inferre conatur. Ceterum cum vigiles exploratoresq; Ro. minimè falleret,
 Caninius suis è castellis proximis celeriter eductis, facto in frumentarios
 impetu, vniuersa ferè multitudine interfecta, ipsum Luçterium cum pau-
 cis fuga salutem quærere cogit, nemine ex omni numero in castra reuerso.
 Hinc cladis nuncio nondum in castra perlato, Caninius præmisso equitatu
 peditibusq; Germanis, cum parte copiarum castra hostium versus suble-
 quitur. Cumq; inopinantibus inexpectatus superuenisset, acri prælio cõ-
 missò, omnibus partim occisis, partim cum ipso Drapete duce captis, ho-
 stium castris maxima cum præda potitus, ad obsidionem Vxelloduni suos
 inte-

A integros, nemine vel desiderio vel saucio, reducit: quò cùm eodem die C. Fabius cum suis copijs accessisset, oppidum & is alia parte circumfedit. Hæc vbi Cæsar dum in Carnutibus moratur, ex literis Caninij cognoscit, motus Vxellodunensium contumacia, simul metuens ne hæc & reliquæ Galliæ ciuitates in exemplum traherent, cum omni equitatu in Cadurcos profectus, C. Calenum legatum cum duabus legionibus iustis se itineribus subsequi iubet. Cumq; Vxellodunum venisset, situm oppidi contemplatus munitissimum, vt quanquam maximis cinctum operibus, oppugnari tamen posse parùm spei superesset: intellectoque oppidanis de frumento abundè prospectum, vt ne diuturna quidem obsidione ad deditiorem compelli posse viderentur, neque ideo tamen ab obsidione recedendum existimans: hoc solùm restare videbatur, vt aquatione oppidanos prohiberet: quod cùm auerso fluuio, qui ad imas montis radices fluebat, minùs liceret, sagittarijs funditoribusq; loco idoneo dispositis, oppidanos à flumine, quò ipsis ex prærupto monte non sine summa difficultate descendendum erat, arcebat. Ceterùm cùm accessu fluminis prohibiti, aquatione fontis, qui sub muro ciuitatis maximus erat, vterentur, Cæsar operibus maximis excitatis, oppidanos similiter fontis aquatione prohibere conatur. Hæc cùm sine intermissione ab oppidanis ferro & flammis magno cum Romanorù detrimento oppugnarentur, tandem simulata à Cæsare ab omni parte oppidi oppugnatione, hostes ab impugnatione operum ad muros defendendos retrahuntur. Romani interim incendio, quo maior operum pars iam correpta erat, restincto, cuniculisque actis, fontem venis intercisis exhauriunt. Hinc oppidani cùm non homines solùm, sed & pecora reliquaq; iumenta siti conficerentur, in summam salutis desperationem adducti, Cæsari se dedunt. Ille, quò diuturniore exemplo reliquos Gallos à simili perfidia deterreret, omnibus qui arma sumpserant, manus abscindens, vitam concessit. Drapes autem, partim tædio captiuitatis victus, partim peiora metuens, inedia seipsum confecit. Luterius verò ab Epasnaeto Aruerni amico po. Ro. cuius se potestati permiserat, Cæsari traditus est. Hæc vbi confecta, reliqua Gallia iam pacata, Cæsar in Aquitaniam, quam ipse nunquam adierat, sed per legatum tantùm P. Crassum subegerat, proficiscitur, missisq; legatis & obsidibus omnes facilè Aquitanix ciuitates dicto audientes habuit. Hinc æstate exacta Narbonem, quæ & ipsa suæ prouinciæ erat, cum equitatu petens, reliquum exercitum cum suis legatis in diuersa hiberna, in omnes ferè Galliæ partes mittit. Ipse rebus omnibus constitutis, in Belgium ad quattuor legiones, quas eò cùm quattuor legatis miserat, Nemetocernæ hibernaturus confedit. Hæc ferè sunt, quæ nouem annorum spacio Cæsar in Gallia, tum per se, tum per legatos gessisse traditur, subactis trecentis, vel vt alij tradidère, quadringentis Galliæ populis, oppidis

VXELLO-
DUNUM
CAPTVM.

RES A CÆ-
SARE IN
GALLIA
GESTAE.

dis octuaginta vi captis, prælijs triginta commissis, vniuersa denique Gallia A
Pop. Ro. subiecta, atque in prouinciæ formam redacta. Quibus rebus fel-
licissimè & fortissimè gestis, absoluto ferè altero imperij sui quinquennio,
cùm tempus, quo sibi prouincia excedendum, exercitusq; dimittendus fo-
ret, instare cognosceret, nihil tam studuit, quàm prouinciam quoquo mo-
do in fide & quiete continere, ne qua ingruens belli necessitas, suum in Ita-
liam discessum moraretur. Singulas itaque ciuitates honorificè appellan-
do, Principesq; earum præmijs & muneribus prosequutus, atq; adeò omni
parendi cōditione leuiori effecta, vniuersam Galliam quoad potuit in pace
continuit. Hieme his fermè rebus extracta, in Italiam quamprimùm pro-
ficiscitur, M. Antonio Quæstore ad petitionem Auguratus præmissio: quem B
quum Antonius frequentissimis municipiorum & coloniarum suffragijs,
vel ante Cæsaris in Italiam aduentum adeptus esset, Cæsar singula muni-
cipia, singulasque colonias adiens, pro officio Antonio ad postulationem
suam in petitione Sacerdotij præstito, gratias agit: simul etiam petitionem
suam secundi Consulatus in sequentem annum eisdem commendat.

A quibus honorificentissimè maximisque studijs exceptus, quum vniuer-
sam propè Galliam Togatam, magna cum festinatione peruagatus esset,
T. Labieno eidem Galliæ præfecto, ibiq; relicto, Nemetocernam ad exer-
citum reuersus est. Ibi exercitum bipartitus, quattuor legiones cum C. Tre-
bonio in Belgio collocat, totidem cum C. Fabio in Heduos mittit, præsi- C
dijsq; ciuitatibus impositis, obsidibus tributisq; imperatis, ipse in Italiam
redit.

Hæ quanquam maximæ præclarissimæq; res gestæ, tametsi
Romæ apud populum Cæsaris gratiam gloriamque plurimùm augerent,
apud optimates tamen non eodem ab omnibus animo accipiebantur.
Pompeius inter alios, qui amissa Iulia coniuge, (firmissimo inter se & Cæ-
sarem dum viuebat necessitudinis vinculo) Crasso item apud Parthos in-
terfecto, (qui medius inter vtrumque mutux inter ipsos dum viueret ami-
citix quasi sequester fuerat) multum iam de suo in Cæsarem studio depo-
suerat, crescentem indies Cæsaris tum gloriam tum potestatem suspectam
habere cœpit, eamq; non tam palàm quàm clam impugnare deprimereq; D
studebat. Senatus quoque maior pars alienioribus in Cæsarem animis, in
Pompeium erat propensior. Cumq; in vrbe per id tempus & iudicia & co-
mitia largitionibus corrupta essent, nec magistratus per suffragia populi,
sed profusissimis largitionibus, sæpè etiam per vim & arma fœda concerta-
tione peteretur: ita vt turbato ciuitatis statu, respublica primis aliquot anni
mensibus & Consulib. & alio omni magistratu caruerit. Hinc omnia ple-
na factionibus, cædibus, & maleficijs, interfecto inter cetera à Milone in via
Appia Clodio Consulatus competitore: vnde maximi statim in vrbe tu-
multus excitati, septimoque demùm mense, neque sine maximis turbis,

A Cn. Domitius Calvinus, M. Valerius Messalla Coss. creati sunt. His tantis malis hoc solum remedij videbatur restare, vt ad vnus alicuius arbitrium summa potestas deferretur, qui tantos reipublicæ motus sua prudentia sedare posset. Ad quam rem, quanquam Cæsar, qui maximis rebus gestis vel Pompeij gloriam adæquarat, præ ceteris maximè idoneus plerisque videretur, proinde Dictatorem esse creandum: Senatus tamen Cæsari iniquior, Pompeium potissimum, cui eam Dictaturam deferret, elegit: quam cum verbis quidem Pompeius recusaret, re vera autem affectaret, Cato tandem auctor Senatui fuit, vt Dictator ne fieret, sed sine collega Consul dictatoria potestate crearetur. Ita Pompeius præter exemplum

B primus Romanorum consulatum solus adeptus, omnia vicissim ex Senatus sententia administrabat: multaque in restitutionem iudiciorum, & ad ambitum reprimendum, inhibendasque munerum corruptelas, promulgauit. Legem præterea de comitiis & iure magistratuum tulit, quæ omnes deinceps magistratû petituos comitiis interesse iuberet, absentium rationem haberi vetaret. Sanciuit quoque, vt quicumque à primo suo consulatu in illum vsque diem magistratus gessissent, actorum rationes reddere cogerentur: frementibus atque ægerrimè vtrumque; hoc Pompeij decretum ferentibus Cæsarianis, quod priore quidem Cæsar à secundi consulatus petitione summoueretur, altero verò, acta consulatus eius in disquisitionem

C vocarentur. Præter hæc, M. quoque Marcellus, qui Pompeio in consulatu cum Ser. Sulpitio successerat, Pompeijque partes sequebatur, nondum expleto altero imperij Cæsari decreti quinquennio, ad Senatum retulit, vt bello iam confecto, exercitus Cæsari adimeretur, prouinciaque discedere iusso ante tempus succederetur, eiusque absentis ratio in comitiis ne haberetur: quanquam hunc Pompeius postea nominatim in lege sua excepisset. Coloni insuper, quos Nouumcomum Cæsar paulò antè in Alpibus deduxerat, vt iure Latij, quo Cæsar eos donauerat, priuarentur, retulit. Sed hæc quò minùs perficerentur, Pompeius obstitit, non tam quòd dignitati Cæsaris consultum vellet, quàm simulatione amicitiae: quodque maximis

D eius in rempub. meritis indignum videretur, si nulla legitima causa, aut delicto subsistente, imperiû illi ante tempus abrogaretur: interim hoc agens, vt statim absoluto legitimo tempore, priuatus, armis depositis, dimissoque exercitu, in urbem redire iuberetur. Quare Pompeius, quum etiamnum Cæsari amicus videri vellet, eumque per alios quàm per se in priuatorum ordinem redigi mallet: C. Claudium C. F. Marcellum, Cæsari quidem affinitate iunctum, sed aliàs inimicissimum, L. item AEmilium Paullum, & ipsum Cæsari infestissimum, Consules in annum proximum designari curauit. C. verò Curionem, qui eloquentia & gratia apud plebem plurimum valebat, & Cæsarem iam pridem odio prosequeretur, ad Tribunatum plebis

CN. DOMIT.
CALVIN.
M. VALER.
MESSALLA.
COSS.

POMPEIUS
COSS. .III.
SINE COLLA.

M. CLAUD.
MARCELL.
SER. SULP.
RVFVS.
COSS.

C. CLAUD.
C. F. MAR-
CELL.
L. AEMILI.
PAVLVS.
COSS.
DES.

euexit, Cæsaris utique dignitatem & potentiam se per hos facile impugnatum, infracturumq; sperans. Interim sub specie belli Parthici legiones duæ in Syriam ad Bibulum, qui id bellum administrabat, mittendæ S. C. decernuntur: vna à Pompeio, altera à Cæsare. Pompeius itaque legionem, quam pridem Cæsari post Titurij Sabini & Cottæ cladem comodatò miserat, repetit. Hanc Cæsar viritim ducenis quinquagenis drachmis donatam remittit, simul etiam vnam è suis. Hæ cum nullo apud Parthos periculo Capuæ hiemassent, postmodum à C. Marcello Cos., intellecto Cæsarem aduentare, Pompeio traditæ sunt. Cæsar contrà, qui vel statim à Iuliæ morte hæc euentura multò antè animo præfagienti præsenferat, feruente adhuc Romæ cædis Clodianæ tumultu, intellectoq; consulatum à Senatu vni Pompeio sine collega deferri, missis legatis eundem cum Pompeio consulatum petierat. Ceterum, quanquam Pompeio minimè repugnante, reliquis tamen reclamantibus, non obtinuit: opera tamen Tribunorum plebis, qui illum Pompeio collegam destinarant, hoc affecutus est, ut absenti sibi secundi consulatus petitio concederetur. Præterea, quò se contra Senatus inuidiam, aduersariorumq; iniurias muniret, nullo non officiorum & largitionis genere vnumquemque tum publicè tum priuatim sibi deuincire studuit, ne libertis quidem seruisq; qui apud patronos dominosve gratia valebant, aut obærat prodigisq; imò ne reis quidem (nisi si qui grauioribus implicarentur criminibus) abstinent, quin & hos omnes liberalitate sua subsidioq; subleuaret: omniumq; adeò ordinum, sed populi præcipuè & militum, studia atque animos sibi quoquo modo adiungere obnixè laborauit. Hinc forum cuius aream HS milies comparauerat, maximis impensis de manubiis exstruere cœpit. Munus quoque gladiatorium, & epulum daturum se populo in funere filiæ promisit. Legionariis autem duplex stipendium in perpetuum decreuit. Frumentoq; militibus, quando affluebat, sine modo & mensura distributo, aliisque munificentia generibus eorundem animos mirè sibi conciliauit. Tyrones quoque, quibus priùs in ludis publicis disciplina tradi solebat, priuatim domi per Equites & Senatores rei militaris peritos, erudiendos curauit. Pompeij autem necessitudinem quò sibi retineret, neptem suam Octauiam, quamuis Caio Marcello elocatam, ei obtulit: filiam ipsius vicissim, Fausto Syllæ desponsatam, sibi vxorem dari postulans. Nec his contentus, Reges quoque & prouincias vniuersas, sibi quauis ratione demereri non cessauit: & præter Italiæ, Galliæ, atque Hispaniæ vrbes, plurimas quoque Asiæ & Græciæ maximis operibus ædificiisque exstructis exornauit. Quæ omnia, quum propria auctoritate, & sine Senatus aut populi decreto ab illo fierent, vel hinc potissimum factum est, ut plerique successorem ei ante tempus mittendum censerent.

Non

A Non ignorans autem Cæsar, Romæ hoc vnum & à Senatu, & ab aduersarijs agi, vt omnino in priuatorum ordinem redactus, omnique potestate priuatus, actorum suorum rationem reddere cogeretur: quum aliquandiu per Ser. Sulpitium M. Marcelli collegam restitisset, intellecto tandem Consules insequentem annum, qui sibi decreti imperij postremus erat, designatos, L. AEmilium Paullum, C. Claudium Marcellum: Tribunum item plebis factum C. Curionem, æquè omnes sibi infestos, rebus suis metuens, primum habitis delectibus nouum militem conscripsit, pecuniasque alendo exercitui, & bello, si opus foret, ducendo, vndecunque conflauit. Et ne tandem vi & armis omnia sibi conficienda forent, Consulum quoque & Curionis animos sollicitare non destitit. E quibus Marcellus quidem nec verbis nec muneribus flecti potuit: cum Paulo autem numeratis mille quingentis sestertijs, ne sibi aduersaretur, depactus est. Curionem verò, quem vel ad quidlibet multitudini persuadendum, facundia & gratia apud populum plurimum posse intelligebat, quum graui fœnore atque ære alieno obnoxium liberasset, sibi reconciliauit, dataque mercede acerrimum partium suarum defensorem sibi adsciuit. Qui, ne statim in Cæsaris partes transisse videretur, vtq; dum inter Cæsaris inimicos versatur, eorum quæ in Cæsarem struerentur, conscius esset, occultato proposito sui consilio, initio quidem non minore contentione quàm aliorum quiuis Cæsarem impugnabat: postea ne tam alteri partium, quàm publicæ quieti & tranquillitati studere velle videretur, ad liberandam omni metu Rempub. censebat, vtrique, Pompeio nimirum & Cæsari, imperium abrogandum, exercitumq; ab vtroque dimitti oportere. Sed tandem quæsita quauis occasione, qua meritò à Pompeianis dissidere videretur, Cæsarianarum partium acerrimum propugnatorem sese præstitit, negans omnino Cæsari successorem mittendum, nisi abrogato prius & ipsi Pompeio imperio: ne scilicet non sine periculo penes vnum tantum relinquatur imperium: vtrumque igitur & imperium & exercitum dimittere cogendum: ni Senatus iussis paruerint, ambos potius hostes iudicandos, conscriptisque nouis legionibus

D bello persequendos, quàm vt exercitu & imperio penes Pompeium relicto, Cæsar vtroq; priuetur. Neque enim minùs Reipub. interesse, Pompeium metu Cæsaris in officio contineri, quàm Cæsarem metu Pompeij. His indignatus Pompeius, multaq; prius Curioni stomachabundè & per iracundiam comminatus, Senatu egressus, in subvrbanam villam secessit. Ibi varijs de Cæsare exercituq; eius rumoribus ad se perlatis, tanquam is propter continuos & diuturnos belli labores, manifestissimamque affectati regni suspicionem, non minùs militum suorum quàm populi in se odia pertraxisset: proinde vbi primum è Gallia in Italiam redisset, facilè ad se vel vniuersum Cæsaris exercitum transiturum. His & similibus vocibus delinitus, & in

spem supiniorem erectus, neglectius supiniusque iam agebat, exercitibus A comparandis, quibus Cæsari si opus foret, occurreret, minus intentus: contentus interea nunc sententijs, nunc orationibus infestis Cæsarem oppugnare: quanquam defendentib. Cæsarem L. Paulo altero è Cofs. Lucioq; Pisone tum Censore, nihil aut parùm proficeret. Romæ itaque in Senatu diuersis de Pompeij & Cæsaris imperio sententijs diu variatum est, Curione potissimum pro Cæsare strenuè decertante. In cuius sententiam, censentis vtriq; imperium abrogandum, tandem longè maior Senatorum pars discessit, indignante C. Marcello Cofs. altero, exclamanteque: Vincite tandem, vt Dominum habeatis Cæsarem. Orto dehinc in vrbe falso de Cæsaris ad urbem aduentu rumore, omnibus metu perculsis, Marcellus B cum collega ocius ad Pompeium in subvrbicum pergit: gladioq; illi porrecto, curam custodiamq; vrbis suscipere iubet: traditisq; duabus legionibus, quæ à Cæsare ad bellum Parthicum, vt ille putabat, missæ, Capuæ hibernabant, omniq; adeò exercitu qui vsquam in Italia erat eidem cōcesso, data ad hæc etiam habendorum nouorum delectuum facultate, aduersus Cæsarem proficisci iubent. Quæ cum sub exitum sui consulatus fierent, veritus Marcellus ne parùm firma aut diuturna forent, à L. Cornelio Lentulo, C. Claudio M. F. Marcello Cofs. designatis, quos secum adduxerat, vt eadem Pompeio mandarentur, curauit: qui & legiones, & cetera quæ à Cofs. offerebantur, haud inuitus accepit. Interea Curio, quum parti- C bus suis in defendenda Cæsaris causa pulchrè expletis, nihil sibi ad summam contentionem reliqui fecisset, deplorato apud plebem rerum præsentium statu, postulatoque vt Cofs. edicerent, ne quis Pompeio delectus habenti nomen aduersus Cæsarem daret, quum nō obtineret, metuens ne expleto Tribunatu priuatus in iudicium raperetur, necdum finito magistratu ad Cæsarem properat. Cæsar verò conuentibus in citeriore Gallia iam peractis, cum quinque peditum milibus, equitibus trecentis, quos secum è Gallia adduxerat, intentus ijs quæ Romæ gerebantur, Rauennæ, quæ extrema prouinciæ suæ vrbs erat, subsistebat. Ibi Curionem ad se venientem, pro officio præstito gratias agens, magna cum humanitate excepit: factusq; D ab eo certior de ijs quæ Romæ de se acta erant, quanquam suadente Curione, vt omnibus mox legionibus è Gallia atque Illyrico conuocatis, ad urbem proficisceretur, priusquam auxilium rebus suis ab armis peteret, omnes pacis conditiones tentare maluit. Quare per amicos cum aduersarijs pacisci conatus est, vt Gallia Cisalpina cum duabus legionibus, vel certè Illyricum cum vna, dum Consul crearetur, sibi relinqueretur, ceteris prouincijs reliquoq; exercitu lubenter cessuro. Scriptis quoque ad Senatum & Cofs. literis, post honorificam rerum à se gestarum, suorumq; in Remp. meritorum cōmemorationem, deprecatus est, ne aduersariorum inuidiæ & ca-

A & calumnijs, exercitu imperioque nudatus, obijceretur: sed tantisper dum Consul fieret, exercitum retinere posset, imperiumque ei vel in citeriore Gallia prorogaretur: aut si ne id quidem obtineri posset, vt & Pompeius secum exercitum dimittere, imperiumq; deponere iubeatur, se perlubenter exercitum dimissurum, & imperium depositurum: quod si Pompeius facere recusaret, se quoq; exercitum retenturum, venturumq; propediem ulturum & suas & patriæ iniurias. Literas in hanc sententiam scriptas, Curioni Romam deferendas tradit. Quæ vbi perlata ipsi Kalend. Ianuarijs, quo die noui Coss. L. Cornelius Lentulus C. Claudius M. F. Marcellus consulatum inibant, vix summa M. Antonij Tribunipl. contentione effectum est, vt in Senatu publicè recitaretur. Quibus ferè perlectis, vbi ad postremam earum partem ventum esset, quæ continebat, ni Pompeius exercitum dimittat, venturum Cæsarem ulturum suas & patriæ iniurias, ab omnibus statim conclamatum est, bellum à Cæsare ultro denunciari: variantibusq; subinde sententijs, alijs aliter censentibus, diu in curia decertatum est: donec tandem importunitate Coss. Lentuli imprimis, & M. Catonis, factum est, vt tantum non ab inuitis & coactis iretur in sententiam Q. Metelli Pij Scipionis, socii tum ipsius Pompeij, censentis, Cæsare nisi ad diem certam exercitum dimittat, videri contra Remp. facturum. Cui sententiæ à M. Antonio & Q. Cassio Longino Tribunis pleb. intercessum est, Curionis sententiam probantibus, scilicet, vt vterque imperium deponeret. **C**ui dum contentiosius, quò minùs Metelli sententia perferretur, nequicq; resistunt, tandem curia excedere iussi, veriti ne quid acerbius de se Senatus decerneret, metu etiam Pompeianorum, qui aduentare credebantur, interim & à Lentulo Cos. seorsim moniti, seruili habitu, vehiculoque meritorio sumpto, vnà cum C. Curione ad Cæsarem nocte proxima proficisci festinant. Senatusconsultum itaque in Metelli sententiam factum est. Deinde ante diem. VII. Id. Ianuar. factum est & aliud Senatusconsultum, cui non nisi extremis periculosissimisq; Reipub. temporibus locus esse solet: Darent operam Coss. Prætores, Tribuni plebis, quiq; ad urbem Consulares essent, vt ne quid Respub. detrimenti caperet. Postea & alio S. C. pecunia Pompeio ex ærario dari iussa: simul etiam Gallia prouincia L. Domitio Ahenobarbo decreta, aliæ verò prouinciæ alijs, è quibus Metello Scipioni Syria obuenerit. Consul vterque paludatus, nouo neq; ante illud tempus vsitato exemplo, votis nuncupatis extra urbem proficiscitur, delectus per totam Italiam habentur, pecuniæ per omnia municipia exiguntur, arma imperantur, reliquaq; bello necessaria comparantur. **D** Cæsar interea, qui Rauennæ æquissimis suis postulatis responsum expectabat, intellectis iniquissimis Senatus in se decretis, has sibi vel iustissimas belli ciuilibis causas habere visus, aduocata concione, multa apud milites de Senatus,

L. CORN.
LENTVLVS
C. CLAVD.
M. F. MAR-
CELLVS.
COSS.

BELLI CIVI-
LIS INTER
CAESAREM
ET POMPE-
IUM INI-
TIVM.

Pompeij, aduersariorumq; in se & Rempub. iniurijs conquestus, hortatur A
 ut cuius ductu & auspicijs nouem annis per vniuersam Galliam & Germa
 niam omnia felicissimè & fortissimè gesserint, eius quoque dignitatem &
 auctoritatem ab inimicorum violentia defendant. Ad hæc quum alacriter
 à tertiæ decimæ legionis militibus, qui tum aderant, acclamatum esset, co-
 gnita suorum voluntate, Centuriones cum cohortib. extra prouinciæ suæ
 fines Ariminum pacato habitu & itinere præmittit. Ipse quum per totum
 diem spectaculo publico interfuisset, nec frequenti conuiuio abstinuisset,
 ne quam discessus sui suspicionem daret, cœna nondum absoluta tanquã
 corpore malè affecto digressus, clàm occultis insolitisq; itineribus, iunctis B
 ad vehiculum è proximo pistrino mulis, itineri se cõmittit, paucis quidem
 comitantibus, reliquis verò diuersis itineribus se sequi iussis. Quumq; ex-
 tinctis luminibus per tenebras à via aberrasset, sub ortum Solis, duce itine-
 ris sibi assumpto, relictoq; vehiculo, cohortes ad Rubiconem, qui prouin-
 ciæ suæ terminus erat, Galliamque ab Italia diuidebat, pedibus assequutus
 est. Ibi dum cogitabundus subsistit, subiit animo eius quantum esset id
 quod moliretur, & quantum secum malorum tantilli fluuioli transitus tra-
 heret. Quumque tacitus apud se aliquandiu animi deliberationes ac con-
 silia nunc in hanc, nunc in illam partem volueret, tandem ad Asinium Pol-
 lionem aliosq; amicos astantes conuersus: Etiam nunc (inquit) regredi li-
 berum est, si ponticulum transierimus, cuncta armis peragenda erunt. C
 Dum sic dubitabundus cunctabundusque deliberat, oblato sibi ostento,
 Eamus, inquit, quò Deorum ostenta & inimicorum iniquitas vocat. IAC-
 TA EST ALEA. Sic exercitu Rubiconem traiecto, Ariminum etiam
 ante lucem occupat. Conuocatisque ibi militibus, Tribunos plebis & Cu-
 rionem, qui eò ad se confugerant, vili adhuc habitu indutos, ut specta-
 culi indignitas militum animos magis moueret, in concionem producit,
 eaque quæ Romæ acta erant narrare iubet. Quorum orationi ipse ea quæ
 præsens rerum status exigebat, subiungens, scissâque veste non sine lachri-
 mis fidem militum implorans, animos suorum grauissimis virorum claris-
 simorum iniurijs antea iritados, magis etiam ad vltionem incendit: motisq; D
 castris exercitum, qui tunc aderat, rectà Romam ducit: reliquas legiones hi-
 bernis euocatas, se sequi iubet. Interea legati ad Cæsarem à Pompeio
 missi, L. Cæsar adolescens, cuius pater Cæsaris legatus erat, item L. Roscius
 Prætor: quibus hoc à Pompeio iniunctum, ut purgatione sua apud Cæsa-
 rem facta, viderent, num quibus conditionib. res inter eos componi posset.
 Et certè videbatur Cæsar vel antea non iniquas concordie condiciones ad-
 missurus, Cicerone præsertim tam apud ipsum Pompeium, quàm Cæsaris
 amicos, sedulò adlaborante: nisi inclinatum Pompeij animum, paratumq;
 præter exercitum, cetera omnia Cæsari concedere, Lentulus Cos. qui que
 cum

- A** cum eo Cæsari infestissimi conspirarant, in cōtrariam partem impulissent. Legati eadem quæ Cæsar literis prius à Senatu petierat, ad Pompeium perferre iubentur: quæ si præstentur, omnesque in Italia arma deponant, & Respub. metu libera Senatui populoque; Ro. permittatur, se quoque æquissimo animo quieturum, prioresque iniurias Reipub. condonaturum: addito, velle se cum Pompeio super hisce colloqui, quando ita demum melius omnis illa controuersia componi posse videretur. Ceterum, quum præter dubia & incerta Pompeij promissa, nihil æquioris responsi afferretur, postulantibus Coss. & Pompeio, ut Cæsar dimisso exercitu in Galliam reuerteretur, neque ipsis interea delectum intermittentibus, nullo etiam collo-
- B** quij loco, aut tempore assignato, Cæsar omni spe pacis & concordiae præcisa, Arimini delectibus inuicem habendis insistens, M. Antonium cum quinque cohortibus Aretium mittit: Pisaurum, Fanum, Anconam, singulis cohortibus occupat: Tignium etiam municipium, quod Thermus Prætor cum quinque cohortib. occuparat, summo omnium municipum consensu, fugiente Thermò per Curionem recipit. Inde Auximum profectus, Accio Varo (is municipium præsidio tenebat) à Decurionibus prius excedere, rebusque suis consulere iusso, ab eisdem intra oppidum receptus est. pars militum Varianorum domum reuerſi, pars ad Cæsarem transiēre, actaque; Auximatibus à Cæsare gratiæ. Hæc ubi Romam etiam in
- C** maius perlata, maxima repente consternatio & terror urbem inuasit. Hunc, cum prodigia & signa cælo obseruata, tanquam dira quædam & horrenda vrbi protendentia, tum tumultuosissimæ agrestium omnis sexus, Cæsarem iam cum copijs adesse clamitantium, in urbem commigrationes, mirum in modum auxere. Multa hinc, ut in summa trepidatione rebusque desperatis solet, à ciuibus consternatis pauidisque; Coss. nullo certo firmoque; consilio facta: omniaque; passim fuga, eiulationibus, ploratibusque; miscebantur. Ipse quoque Pompeius, non expectato legatorum à Cæsare reditu, Capuam ad exercitum cum plurimis Senatorij ordinis vrbe excesserat, causatus ibi delectus commodius se habiturum, bellumque; facilius administraturum: re vera autem metu, ne exercitum dimittere cogeretur. Discedens, Consules cum vniuerso Senatu omnibusque; magistratibus subsequi, pecuniamque omnem, ipsaque; adeò donaria sacra è templis secum ferre iubet: impunitateque; omnibus qui se sequerentur concessa, hostium se loco habiturum, quicumque ad urbem remansissent, professus est. Consules itaque Lentulus & Marcellus, allato postridie certiore de Cæsaris aduentu nuncio, cum plerisque magistratuum vrbe relicta Pompeium sequuntur. Senatores autem, quid potissimum in re tam ancipiti caperent consilij, animis suspensi, cum in curia pernoctassent, plerique etiam ex ipsis primo statim diluculo vno quasi agmine & ipsi Capuam rectà ad Pompeium contendunt:

ARETIVM,
PISAVRVM,
FANVM, AN
CONA, RE-
CEPTA.

TIGNIVM,
AVXIMVM
RECEPTA.

tendunt: quidam verò, quòd vel Cæsarianarum partium essent, vel certè A
neutri studerent factioni, in vrbe remansere. Cæsar dum Romæ

CINGVLVM
RECEPTVM

ASCVLVM
RECEPTVM

trepidatur, per vniuersum Picenum ab omnibus æquissimis animis acce-
ptus, rebusque necessariis adiutus, Cingulum etiam (quod oppidum pro-
priis sumptibus Labienus exstruxerat) missis legatis in fidem accipit.
Asculum deinde, è quo P. Lentulus Spinter paulò antè à suis militibus de-
sertus, profugerat, occupat. Ibi Cæsar intellecto Pompeium & Cols. Roma
excessisse, L. autem Domitium, quem successorem sibi Senatus destinaue-
rat, Corfinium cum præsidio triginta cohortium tenere, ne tam Romam
tandem victoriæ præmium, quàm aduersarios petere videretur, missis
passim per vniuersam Italiam litteris, quibus omnes bono securoque ani- B
mo esse iubeat, Corfinium ad Domitium exercitum ducit. Is à Vibullio
Ruso de Cæsaris aduentu certior factus, cohortes quinque præmiserat, qui
ponte rescisso transitu Cæsarianos prohiberent: sed Domitiani prælio ab
antecursoribus Cæsaris commisso à ponte pulsi, in oppidum reijciuntur.
Ita Cæsar duabus, quas secum habebat, legionibus traductis, castra ad mu-
rum oppidi ponit, eaq; per triduum magnis operibus communit, frumen-
taque è municipiis comportari iubet. Aduenerat interea & octaua legio,
cohortesq; è Gallicis delectibus. xxi., equites autem à Norico Rege missi
plus minus trecenti. His Cæsar locum castris ad alteram oppidi partem at-
tribuit, Curionemque iis præficit. Domitius autem, recusante Pompeio C
auxilia quæ per litteras petierat mittere, quòd præter eius consilium se in-
tra Corfinium contulisset, ceterum suadente, vt Corfinio relicto Brundu-
sium ad se cum exercitu properaret: responso Pompeij apud milites in con-
trarium recitato, tanquam mox cum subsidio adfuturi, Pompeio iungi cu-
piens, clam cum amicis fugæ consilium capit. Quo tamen statim euulgato,
milites missis ad Cæsarem legatis, nunciant paratos se ipsum oppido reci-
pere, & Domitium viuum ei in manus tradere, ceteraque imperata facere.
Cæsar tamen, quum oppidum direptioni, & militari licentiæ obicere nol-
let, eos qui ad se venerant collaudatos in oppidum remittit. Postridie quos-
cunque Senatorij atque Equëstris ordinis, Tribunos item militum & De- D
curiones, qui è municipiis plurimi eò confluxerant, ad se produci iubet.
Inter hos erant Domitius & Lentulus Spinter, qui Asculo relicto Corfi-
nium fugerat: item Vibullius Rufus, Sex. Quintilius Varus Quæstor, & L.
Rubrius. Hos pro concione paucis alloquutus Cæsar, de suis in Rempub.
atq; ipsos meritis, deq; inimicorum, atq; adeò ipsorum qui ibi aderant in se
iniurijs, omnes incolumes à se dimittit: facta Domitio potestate, vt siqui-
dem in partibus manere vellet, vtra magis ei probaretur, eam sequeretur,
nisi ab armis decedere, & quietem agere mallet. Quandoquidem Cæsar vel
ab initio professus fuerat, amicorum se loco habiturum, qui neutri partium
adhæ-

CORFINIUM
RECEPTVM.

A adhæſiſſent. HS quoque ſexagies, quod Domitius ſecum ex publico in ſtipendium militum apportarat, ad ſe delatum, Domitio reddi iuſſit. Sed Domitius cum plerique; alijs ad Pompeium ſe recepit. Dum hæc ad Corfiniũ geruntur, Antonius à Cæſare in Sulmonenſes miſſus, ab oppidanis portis apertis obuiamq; progreſſis recipitur. Horũ oppidum C. Lucretius & Accius Varus cũ ſeptem cohortium præſidio tenentes oppidanos, ne Cæſaris poteſtati ſe permitterent, aliquandiu prohibuerant: ſed audito Antonij aduentu ſe de muro deiicientes fuga ſalutem quæſierant. Ex his Accius captus & ad Cæſarem perductus, venia impetrata dimiſſus eſt. Sed poſtq̃ fama de Cæſaris in Domitium Domitianosq; clementia Romam perlata eſt, maxima eaq; inſperata vniuerſam mox urbem inuaſit lætitia, plurimiq; metu exuto è media fuga domũ ſe recepère. Pompeius autem, qui tum fortè Luceriæ erat, intellecto Corfinium circumsideri, pluresq; indies ad Cæſarẽ tranſire, Italiæ retinendæ ſpe deiectus, quũ Cæſare Gallias adhuc obtinente, iter ſibi in Hiſpaniam prouinciam ſuam, vbi exercitũ habebat, intercluſum ſciret, fretus Aſiaticorum Regum populorumq; in ſe ſtudijs, relictæ Italia mare Ionium cum exercitu, ijsq; qui ſibi aderāt Senatorib. traicere ſtatuit. Luceria itaq; primò Canuſium, inde iſſis feralibus .viii. Cal. Mart. Brunduſium pergit, Conſules, quos cum magna parte copiarũ Dyrrachium in Epirum præmittere conſtituit, ſubſequuturus, vbi primũ naues, quæ partem exercitus cũ Coſs. tranſuexerant, rediſſent: ſperans ſcilicet alieno anni tempore per ſummã nauium penuriam neminem ſe trans mare perſequuturum. Ceterũ Cæſar, poſtq̃ Domitianos milites ſuo adegit ſacramento, ſeptimo poſtq̃ ad Corfinium venerat die, caſtris motis in Apuliam proficiſcitur: inde Brunduſium contendit, nihil tam cupiens, q̃ Pompeio Brunduſij vel capto, vel oppreſſo, bellum intra Italiam conficere. Hinc Brunduſium diuerſis operibus oppugnare, Brunduſiniq; portus uſum Pompeianis eripere, exitumq; obiectis molibus intercludere inſtitit. Interim ne à pacis conditionibus abhorre videretur, primũ per Cn. Magium præfectum fabrũ Pompeij à ſuis captũ, tum per Caninium Rebilum legatum, Pompeium ipſum ad colloquium euocat: ſpem faciens non iniquis conditionibus ab armis diſcedi poſſe, ſi colloquij poteſtas fiat. Verũ Pompeius, dato reſponſo, quod Coſs. abeſſent, ſine illis nihil de cõpoſitione agi poſſe, contrarijsq; interim operibus Cæſaris opera & munitiones perumpens & diſturbans, tantisper oppugnationem ſuſtinuit, dum classiſ, quæ exercitum transportauerat, rediret: in quam impositis cum ſilentio militibus, aliquot tamen propugnatorib. in muro & turribus oppidi ad ſpeciem relictis, vrbe inſuper inædificata, & vias ipſas urbis, foſſis tranſuerſim ductis, ſudibus, ſtipitibus, trabibusq; præacutis in terram defixis, aliãve quauis ratione impediens, naues ſub noctem Idib. Mart. ſoluit, propugnatoresq; ſigno quo cõ-

SULMONEN-
SES RECE-
PTI.

BRUNDV-
SIVM RE-
CEPTVM.

SARDINIA
RECEPTA.

CAESARIS
IN VRBEM
ADVENTVS.

uenerat à mœnibus vt simul naues conscendant, reuocat. Cæsar autem A
fuga Pompeianorum per oppidanos, qui in Cæsarem q̃ Pompeium procli-
uiiores erant, è tectis significata, ad .xv. Cal. April. Brundisium recipit. Et
quamuis ad negocium maturè conficiendum q̃ primùm & quasi è vestigio,
Pompeio nondum transmarinis copijs cōfirmato, mare sibi transeundum
censeret, cognito tamē naues omnes sibi à Pompeio præreptas, nec sine lon-
giori mora alias posse cogi, omisso in præsens Pompeium persequendi con-
silio, meliùs duxit Italiam, & quicquid à tergo relinqueretur præsidijs cōfir-
mare, atq; in Hispaniam, quæ à Pompeianis tenebatur, proficisci. Ad Italiæ
itaq; præsidium partem copiarū Brundisij, aliam item Tarenti, Hydrunti
aliam relinquit. Contractisque Brundisij per municipiorum Duumuiros B
quātis poterat nauibus, Q. Valerium legatum cū legione vna in Sardiniam,
quam M. Cotta obtinebat, Q. Curionem Proprætorem cū tribus legionib.
in Siciliam, quæ Catoni obuenerat, mittit: addito, vt Sicilia recepta, exerci-
tum in Africam, quam Tubero sortitus erat, traduceret. Sardi eiecto statim
Cotta, atq; in Africam profugo, Q. Valerium recipiunt. Cato verò appa-
ribus bellicis in Sicilia instruendis intentissimus, audito Curionis aduentu,
multa de Pompeio, qui bellum imparatus ab omnibus temerè suscepisset,
pro cōcione questus, proditum se & Remp. ab eo clamitans, ad Pompeium
se per Corcyram contulit. Cæsar itaq; spacio .lx. dierum vniuersa Italia
citra sanguinem potitus, Romam ante Cal. April. peruenit: pacatioremq; q̃ C
putarat inueniens, Senatum Cal. April. extra pomerium ab Antonio & Caf-
sio coactum, oratione benigna alloquutus est: se non studio patriæ bellum
inferendi, sed quò dignitatem suam aduersus inimicorū iniurias tueretur,
arma sumpsisse: nec tam priuatarum iniuriarum vindictam, q̃ legum mo-
rumq; antiquorum, & pristinæ in comitijs suffragijsq; ferendis, petendisq;
magistratib. libertatis assertionem sibi propositam habuisse: postulationū
præter hæc suarum æquitatem exponit: iniuriarum acerbiter docet: reli-
quaq; quæ ad pacem cōseruandam à se facta erant, recenset: deniq; eun-
dem ordinem vt secum Remp. administrandam suscipiat, hortatur: legatos
etiam ad Pompeium de pace mittendos censet. Populum quoq; ipsum, qui D
frequentissimus extra urbem confluxerat, metu Syllanorum temporū ferè
exanimem, nō absimili oratione confirmat: multaq; priùs de se pollicitus,
deinceps benè sperare iubet, filijs etiam eorū, qui à Sylla proscripti fuerant,
ad honores & magistratus admissis. Quamuis autē Senatui ea quæ à Cæsare
de legatis ad Pompeium mittendis dicebantur, probarentur, metu tamen
Pompeij, qui hostium loco habiturū se edixerat, æquè eos qui Romæ man-
sissent, atq; hos qui in castris Cæsaris fuissent, nemo hanc legationem susci-
pere sustinuit. Sic diebus aliquot frustra consumptis, spe pacis abiecta, Cæ-
sar de pecunijs ex ærario ad bellum gerendum sumendis, rogationem tulit.

Huic

A Huic tamen rogationi, vt & alijs plærifque Cæſaris actionibus, L. Metellus Trib. plebis, ab inimicis Cæſaris inſtigatus, ſua interceſſione obſtitit. Sed Cæſar, quum clauibus non inuentis (quòd has Conſules ſecũ abſtulerant) ſecuribus ærarium perfringi iùberet, Metello pertinaciùs reſiſtenti, mortem, ni deſiſteret, comminatus, ærarioq; recluſo, etiam ſanctiores theſau-
 B ros, in illum vſq; diem intactos, quiq; per Gallicos tumultus in extremam neceſſitatem, etiam cum execratione eius quicumque eos niſi ſolius belli Gallici cauſſa mouiſſet, depoſiti erant, abſtulit: Rempubicam, perdomitis à ſe Gallis, ita vt nihil ab eis ampliùs immineret periculi, religione ſolutam prædicans. Sic pecunia publica potitus, cuius partem militibus, alijsq; di-
 largitus eſt, M. AEmiliũ Lepidum Præfectum vrbis cõſtituit, M. autem Antonium vniuerſæ Italiæ, præſidijsque Italicis præfecit. Prouincias verò, Siciliam Curioni, Sardiniam Q. Valerio, Illyricum C. Antonio, Galliam citeriorem Licinio Craſſo decernit. Claſſes præterea duas, vnã ad inferi, alteram ad ſuperi maris tutelam inſtruit: ex his vni Hortenſium, alteri Do-
 labellam præficit. His rebus in vrbe peractis, confirmataq; ad hunc modum Italia, ipſa quoque Gallia iam pacata, in Hiſpaniam ante omnia, quæ in Pompeium propenſior, à Legatis Pompeianis Afranio, Petreio, & M. Varrone, cum exercitibus veteranis tenebatur, expeditionem parat, pro-
 feſſus ſe ire ad exercitum ſine duce, rediturum verò ad ducem ſine exerci-
 C tu. Pompeius interea poſtquam nocte ſoluiffet cum reliqua parte copiarum, Dyrrachij ſe ſuosq; exponi iubet, pluribus ſtatim vbi appuliſſet aduerſis exceptus om̃inibus: nam præterquam quòd militum plærique in ipſo appulſu fulminis ic̃tu interiẽre, ſigna q; ipſa militaria araneæ inſedẽre, ipſius quoque Pompeij nauem iam egreſſi veſtigium ſerpentes aduoluti confudẽre. Plurima per id tempus & in vrbe obſeruata prodigia, Romanis non parũ terroris iniecẽre. Cicero id temporis Proconſul, tum alij aliquot ordinis Senatorij viri principes, vrbe iam à Cæſare occupata, conſpectui ſe eius offerre veriti, ad Pompeium in Macedoniam proficiſcentes, maiorem tum Senatorum, tum Equitum partem ſecum traxẽre, vel quòd
 D Pompeij cauſſam vt iuſtiorẽ probarent, vel quòd eum ſuperiorem fore confiderent. Cæſar autem dum per Galliam in Hiſpaniam properat, cognoscit Domitium, quem paulò antè Corfinij captum dimiſerat, cum nauibus actuarijs ſeptem ad occupandam Maſſiliam, quã ſibi iter erat in Hiſpaniam, profectum: ipſosque Maſſilienſes, mandatis à Pompeio per legatos nobiliſſimos Maſſilienſium aduleſcentes (quos Pompeius Roma diſcedens ſubornarat atque inſtruxerat) acceptis, portas clauſiſſe, auxilia à finitimis populis acciuiſſe, frumenta reliquumque com meatum intra vr-
 bem conuehere, muros, portas, claſſemque reficere, reliqua q; hoſtilia pa-
 rare & expedire. Hinc Cæſar .xv. Primis Maſſilienſium ad ſe euocatis, ne

M. AEMILIUS
LEPIDVS
PRAEFECT.
VRBIS.

PROVINCIAE
DECRETAE.

ab illis belli initium fiat monet, totius Italiae potius auctoritatem sequantur, quā vnius hominis obsequio se accommodent: addens & alia pleraque, quae res & tempus postulabant. Ad haec à Massiliensibus per legatos responsum: Intelligere ciuitatem, populum Ro. in partes distractum, vnius principem esse Pompeium, alterius verò Caesarem, vtriusque non obscura in se exstare beneficia: ceterum vtra pars potiore iure nitatur, neque se curiosius inquirere, neque sui iudicij causam ipsorum discernere: paribus ipsorum in se meritis, parem etiam ab ipsis gratiam, & aequalia studia deberi: se socios P. R.: si pacati & ut amici veniant, vel vtrumque vrbe recepturos: sin autem bello inter se decertare constituent, se neutrum eorum contra alterum aliqua in re iuuaturos, imò ne intra muros quidem aut portas admissuros.

Domitius tamen, qui iam cum nauibus aduenerat, à Massiliensibus, contra quam se facturos paulò antè professi erant, admissus, accepta totius belli administrandi potestate, vrbi praeficitur. Qua se iniuria affectum Caesar indignè ferens, legionibus propius admotis, turribus, vineisque actis, duodecim praeterea nauibus longis intra dies. xxx. magna diligentia confectis atque instructis, C. Trebonio legato cum tribus legionibus ad vrbis oppugnationem relicto, D. verò Bruto nauibus praefecto, Massilia relicta ipse in Hispaniam ire pergit, praemissoque cum tribus legionibus C. Fabio legato, reliquas legiones quae longius hiemabant subsequi iubet. At Pompeius alia ex parte vel iam antè quum Brundisio discederet, Vibullium Rufum in Hispaniam ad exercitum & legatos Varronem, Petreium, & Afranium miserat: qui cognito Caesarem cum suis copijs aduetare, prouinciam inter se partiuntur. Varro cum tribus legionibus omnem vltiorem Hispaniam tueri iubetur: Petreius autem & Afranius, cum quinque legionibus, auxiliariisque; scutorum citerioris, & cetratorum vltioris Hispaniae cohortibus octoginta, equitum verò ex vtraque prouincia milibus quinque, ad Ilerdam, loco ad gerendum bellum opportuno, castra faciunt, hostiumque aduentum ibi operiri statuunt. C. autem Fabius à Caesare praemissus, confecto maxima celeritate itinere, praesidioque Afranij, ut Caesar imperarat, quod saltus Pyrenaeos infederat deiecto, magnis itineribus Ilerdam ad Afranij exercitum contendit: castraque ibi ad Sicorim fluuium, qui Ilerdam praeterlabitur, ponit. Consumptoque omni cis flumen pabulo, Sicorim duobus pontibus, quattuor passuum milibus inter se distantibus, iungit. Ibi dum quotidie crebris inter Caesarianos & Afranianos pabulatores equestribus praelijs decertatur, duae postea legiones cum omni equitatu pabulatorib. Caesarianis praesidio trans flumen mittuntur. Sed aucto repente hibernis imbribus amne, & ponte tum aquae impetu, tum iumentorum frumentariorum pondere abrupto, equitatus ne legiones quae iam pontem transierant, subsequi posset, intercluditur. Quod vbi Petreius & Afr-

BELLVM
MASSILI-
ENSE.

BELLVM
CIVILE HI-
SPANIENSE
CONTRA
POMPEII
LEGATOS.

RES AD I-
LERDAM IN
HISPANIA
CITERIORE
CONTRA A-
FRANIVM
ET PETRE-
IVM GE-
STAE.

A Afranius è cratibus & aggere pontis abrupti, qui secundo flumine præter Ilerdam ferebantur, intellexere, missis cum omni equitatu quattuor legionibus, duas illas Fabianas legiones equitatu destitutas, cum L. Planco, qui præsidio præerat, penè opprefferant: ni C. Fabius duabus alijs legionibus tempestiuè subsidio missis, pluribus tamen è suis desideratis, prælium diremisset. Cæsar, qui & ipse cum suo equitatu paulò pòst in castra venerat, ponte refecto, præsidioq; sex cohortium ponti & castris relicto, acie triplici instructa, suos sub castra Afranij educit, & pugnae potestatem facit. Quam dum detrectat Afranius, castra Cæsar propius admouet, eaque tertio pòst die vallo communit, tanta celeritate & industria, vt opus magna iam ex

B parte perfectum esset, priusquam ceptum ab Afranio intelligeretur. Castris communitis, id quod restabat copiarum cum impedimentis è superioribus castris ad se traduci iubet. Media ferè planicie, quæ inter Afranij castra & oppidum Ilerdam iacebat, editior surgebat tumulus: hoc Cæsar si prior potiretur, sperabat hostes & aditu oppidi, & com meatu se interclusurum. Hunc igitur tribus legionibus eductis, antesignanos procurrentes occupare iubet. Afraniani contra, re intellecta, & ipsi ad eundem tumulum contendunt, & compendio itineris adiuti priores inuadunt. Cæsarianis primo impetu cedentibus, per quinque horas maxima cõtentione inter Ilerdam & castra pro tumulo dimicatum est, sed Marte vario, euentuq; ita dubio, vt vtrique se superiores discesisse gloriarentur: sic tamen vt Afraniani tumulum quem antè ceperant, repulsis Cæsarianis, operibus munitum, præsidioq; imposito tenerent. Interfecti sunt è Cæsarianis primo cōgressu plus minus septuaginta, inter hos Q. Fulginius primus hastatus legionis quartæ decimæ. Ex Afranianis præter T. Cecilium primipili Centurionē, cum quattuor alijs Centurionibus, desiderati plus ducenti. Per biduum quo hæc geruntur, procellosi continuūq; imbres cælo effusi, niuib. hibernis è circumiacentib. montibus secum abreptis, superatis fluminum ripis, omnem latè regionem inundarunt, pontesque illi duo Fabiani aquæ violentia disiecti sunt. Hinc Cæsar, qui inter duo flumina Sicorim & Cingam,

D angusto triginta milium spacio, castra habebat, in extremas adductus difficultates, parùm ab obfesso differebat: cùm duobus intercluso fluminibus, neque frumenta, aliq; com meatus aliundè supportari, neque hi qui pabulum longiùs progressi fuerant, reuerti, nec deniq; copiæ quæ è Gallia Italiaque maximæ exspectabantur, in castra adduci possent. Huic malo accedebat, quòd Afranius omne ferè frumentum è ciuitatibus ante Cæsaris aduentum Ilerdam conuexerat, vt Cæsar ciuitatibus sibi fœderatis frumento vacuis, pro frumento pecus imperare cogeretur. Afranij contra exercitus & com meatu & pabulo instructissimus, omnibus victui necessariis abundabat: tum quòd antea ipsis affatim prouisum erat, tum quòd per pontem

qui ad oppidum Ilerdam erat, omnia tutò ex vniuersa prouincia compor-
 tarentur: durauitque ea fluminis restagnatio per plures dies, Afranio inte-
 rim dispositis passim ad ripam cohortibus, quò minùs Cæsar pontes restau-
 raret, prohibente, vijsq; omnibus & itineribus per equites militesque suos
 obsessis & obstructis, factum est vt nulli prorsus ad Cæsare aditus patêret.
 Hinc tanta in Cæsaris exercitu annonæ caritas, vt singuli frumenti modij
 denarijs quinquaginta venirent: quæ incommoda quum indies augeren-
 tur, militibus in summa rei frumentariæ aliorumq; commeatum penu-
 ria, fame & hibernis tempestatibus afflictis, vires & animi decresebant.
 Hæc Romam etiam in maius partim rumoribus perlata, partim Petreij &
 Afranij litteris ad amicos perscripta, effecêre, vt nò aliter quàm Cæsare iam
 debellato, ad Pompeium passim plurimis tum Senatorij ordinis, tum alijs,
 qui aduersam eius fortunam paulò antè suspectam habuerât, mutatis ani-
 mis concursus fieret. Cæsar autem in his angustijs extremisq; necessita-
 tibus constitutus, dum nihil sibi ad spem reliquum videt, naues per milites
 è leui materia viminibusq; confici, corioq; integri iubet, quales in Britan-
 nia superiorib. bellis à Britannis ipsis fieri didicerat. Has per noctem .xxii.
 passuum milibus à castris ad ripam auehi curat, militibusq; per hæc naui-
 gia in alteram fluminis ripam expositis, collem ripæ proximum occupat,
 eumq; priusquam ab hostibus sentiretur, communit, legionemque præsi-
 dio ipsius disponit: & ponte intra biduum perfectò, commeatuque & pa-
 bulatoribus tutò ad se receptis, rei frumentariæ se difficultatibus expedit.
 Pars etiam equitatus Cæsariani per pontem eodem die transmissa, hostium
 pabulatores incautos, & securius palantes aggressa, cohorteq; vna circum-
 uenta & interfecta, reliquis fuga dissipatis, maxima cum hominum tum
 iumentorum præda, eodem ponte omnibus suis integris in castra reuertit-
 tur. Sic ponte perfectò, magna & incredibilis secuta est rerum & fortunæ
 commutatio: nam præterquam quòd Pompeiani territi virtute equitum
 Cæsarianorum, minùs libera & angustiore deinceps pabulatione, eaq; per
 plures dies intermissa, & præter consuetudinem etiam nocturna vterentur,
 plæræq; etiam Hispanorum ciuitates, allatis secundis & lætis de rebus Cæ-
 saris ad Massiliam nuncijs, mutatis cum fortuna animis, in Cæsaris partes
 transiêre: præter Oscenses enim, & Calaguritanos, Tarraconenses quoque
 Lacetani, Aufetani, & Illurgauonenses, missis legatis, Cæsaris se mandatis
 obtemperare paratos nunciant. Quibus omnibus in amicitiam receptis,
 Cæsar frumenta imperat: quæ conquisitis vndique iumentis, properè ma-
 gno studio intra castra coportantur. Nèc pauciores postea ciuitates etiam
 longinquiores ab Afranio ad Cæsarem desciscunt, maximè quòd rumor
 de auxilijs, quæ cum Pompeio per Mauritaniam aduentare credebantur,
 iam deferbuerat. Cæsar ne sibi longiore circuitu equitatus semper per pon-
 tem

A tem mittendus esset, auerso Sicori flumine vadum in eo effecit. Hinc ter-
riti Petreius, Afraniusque, quod Cæsar equitatu plurimum valebat, relicto
Ilerdæ duorum cohortium præsidio, traiecto Sicori flumine, in vltiorem
Hispaniam, siue Celtiberiam, ad Iberum flumen, motis noctu castris co-
pias & bellum transferre statuunt: vbi & equitatum recentem, & magna
auxilia se inuenturos sperabant. Cæsar autem, quod suos locorum ignaros
tenebrarum discrimini committere nollit, prima statim sequentis diei luce
equitatu flumen transmissio, postremum hostium agmen moratur: legio-
nibusque; mox eodem vado, quo & equitatus transierat, Sicorim flumen tra-
ductis, incredibili vsus celeritate, equites cum reliquo exercitu assequutus,
B vbi in hostium conspectum venit, Afranium perterritum castra eodem loco
in edito facere cogit. Cæsar quoque castris haud procul inde proximo colle
positis, saltum quâ hostibus necessariò iter erat, præsidio occupat. Ibi quû
fortè Afranius quattuor cetratorum cohortes montem quempiam excel-
sissimum occupare iussisset, sperans si eo potiretur, & reliquas copias eò fa-
cilè traductum iri, cetrati ab equitatu Cæsaris circumuenti, in conspectu
vtriusque exercitus interfecti sunt. Hinc Legatis, Tribunis, Centurionibusque;
prælium committi instantius postulantibus, Cæsar cum nec suos dubio pu-
gnæ euentui obijcere vellet, simul etiam vt à ciuili sanguine temperaret,
quantquam dissentientibus alijs, omnino prælio abstinere constitutum ha-
C bebat: sperans se vel sine vulnere, re frumentaria interclusos facilè in pote-
statem redacturum. Hinc castra quàm poterat proximè hostium castris
constituens, intercluso ad Iberum flumen accessu, non minùs aquatione quàm
frumentatione hostem prohibebat. Summa ex hoc apud Afranios despe-
ratio: dubitantibusque; quid potissimum in tantis angustijs consilij capien-
dum foret, vallum à castris ad flumen duci placuit, vt ea munitione tuti li-
beriore deinceps aquatione vterentur. Eius operis perficiendi causa dum
Afranius & Petreius longiùs à suis discedunt, Afraniani milites ducum ab-
sentia liberiùs degentes, in proxima Cæsaris castra digressi, colloquia cum
Cæsarianis miscere instituunt: dataque à Cæsarianis fide, missisque legatis
D primorum ordinum Centurionibus, de pace cum Cæsare agunt, & se vel si-
gna translaturus pollicentur, modò Petreio & Afranio vis ne fiat, & ipsi cō-
tra Pompeium militare ne cogantur. Quod vtrumque Cæsar pollicitus est,
& præstitit. Hinc summa in vtrisque castris lætitia, tanquam pace confecta:
crebrisque & reciprocis vltro citroque; commorationibus, dum quem quisque;
necessarium, consanguineum, municipem, hospitem, aut alioqui notum
habebat, liberè ad colloquium euocat, factum est, vt non bina, sed vna ca-
stra viderentur. Hæc vbi ducibus Pompeianis nunciata, Afranius in omnè
euentum æquiore animo paratus, Cæsaris se arbitrio permissurus, in castra
reuertitur: Petreius verò indignatus, cum prætoriam cohortem cetratorumque;
mul-

multitudine, ijsque quos secum habebat custodiæ causâ beneficiarijs, in- A
 exspectatus, furibundusque; in castra aduolans, militum colloquia dirimit,
 Cæsarianos à castris & à vallo ferro repellit, occisis etiam sua manu quot-
 quot Cæsarianorum in castris occurrebant: statimque implorata non sine
 lacrymis militum fide, & Afranium ipsum, & milites nouo sacramento adi-
 git, neque se neque Pompeium deserturos: conquistosque; quotquot in ca-
 stris latebant Cæsaris milites, & in prætorium adductos, crudeliter interfici
 iubet. Cæsar ex aduerso singulari in Afranianos clementia usus, quicumque;
 suis in castris remanserant, vel metu delitescabant, magno studio conquiri,
 illæsosque & sine iniuria, nulloque; contra Pompeium sacramento adactos,
 sed liberos remitti iubet. Sed ut Petreio summa crudelitas apud milites o- B
 dij & inuidiæ plurimum conciliauit, ita Cæsari insignis lenitas non parum
 tum ad gloriam, tum ad militum etiam Pompeianorum gratiam, attulit
 momenti: ut multi ex Afranianis, quanquam ab eo dimissi, vltro Cæsaris si-
 gna sequuturi, in castris ipsius remanerent. Sic pace per Petreium turbata,
 conuersisque militum animis, ad priorem belli rationem reditum: Afra-
 nianisque maximis rei frumentariæ aquationisque; angustijs oppressis, plu-
 rimi quotidie in castra Cæsaris transibant. Hinc duces Pompeiani Ilerdam,
 ubi frumenti non nihil reliquerant, reuerti constituunt: sed Cæsar præmissis
 in nouissimum agmen equitatu, ipse cum legionibus subsequutus, ita acri-
 ter proficiscentibus institit, ut Afraniani medio itinere subsistere, castraque C
 loco iniquo, longè ab omni aquatione remoto, facere coacti fuerint. Nec
 ignarus Cæsar quibus Afraniani necessitatibus premerentur, quum iisdem quæ
 supra relatæ sunt de causis, prælio sibi abstinendum existimaret, necessarias
 tamen propter aquationem & pabulationem hostium eruptiones, vallo & fossa
 circumducta, impedire constituit: partemque; operis tertio postquam inceptum
 erat die iam perfecta, Afraniani frustra Cæsaris munitiones impedire co-
 nantur. Nec meliore successu postridie Sicorim vado transire tentant, quod
 ripæ omnes custodijs Cæsaris tenerentur. Quare omnibus circumuenti ma-
 lis, per summam pabuli, frumenti, ligni, & aquæ inopiam adacti, colloquium
 petunt: quod ubi dato obsidis loco Afranij filio, impetratum, pacem sup- D
 plices petunt: quæ tandem à Cæsare, postquam ea quæ ad causæ suæ æqui-
 tatem, probandasque inimicorum in se iniurias spectare videbantur, pro-
 lixè satis exposuisset, concessa est, ijs ferè conditionibus, quibus prius con-
 uenerat: scilicet, ut Hispania Cæsari cederet, duces Pompeiani exercitum
 dimitterent, ipsique si videretur, ad Pompeium pergerent. Milites Hispani
 statim exauctorati, domum quisque suam remitterentur: Romani verò &
 Itali ad Varum flumen, qui Galliam Narbonensem diuidit, deducti, sacra-
 mento soluti dimitterentur. Hæc dum in Hispania ad Ilerdam ge-
 runtur, Massiliæ interim L. Domitius, qui à Massiliensibus receptus erat, expe-

A expeditis nauibus longis septemdecim; additis pluribus minoribus nauigijs, sic vt iustæ classis faciliè speciem præberet, Cæsaris naues, quæ in opposita Massiliæ insula in stationibus erant, quibusque D. Brutus præerat, aggre-
ditur. Numero quidem nauium Brutû superabat Domitius, ceterum virtute & robore militum longè inferior. Armamentis quoque & harpagonibus manibusque; ferreis Cæsarianâ, quàm Domitiana classis instructior erat. Brutus comperto Massiliensium nauium aduentu, naues suas portu educit, factoque congressu acerrimè vtrinque conflictum est. Massilienses, quod & celeritate nauium, & rei naualis peritia valerent, procursu celeri Cæsarianos eludebant, earumque impetus excipiebant. Ceterum Cæsaria-
B næ naues, si quando propiùs accedebant, iniectis hinc inde harpagonibus, & manibus ferreis, faciliè singulæ binas distinebant, retentaque, vtraque naui cum Massiliensibus stataria hinc inde pugna præliabantur, transcendentesque; in hostium naues, interfecto maximo Massiliensium Albicorumque auxilium numero, ix. hostium naues partim captæ, partim in profundum demersæ, reliquæ Massiliam in portum repulsæ sunt. Et hæc est illa Massiliensis victoria, quam suprà Cæsari in Hispania ad Ilerdam nuntiata, mutati plurimarum Hispaniæ ciuitatum in Cæsarem animi, caussam fuisse relatum est. C. verò Trebonius legatus, quem Cæsar ad Massiliæ oppugnationem reliquerat, quanquam maximis operibus urbem op-
C pugnare instituisset, frustrâ tamen fuit omnis labor, quod Massilienses ab omni apparatu bellico instructissimi, faciliè opera Cæsarianorum validissimis tormentis aut perfici impedirent, aut perfectâ perfringerent: ita tamen vt factis in opera Romanorum crebris eruptionibus, non sine cæde suorum Albicorumque auxilium in oppidum reiecti sint. Interim L. Nasidius Domitio Massiliensibusque; à Pompeio cum classe nauium se-
decim auxilio missus, vt additis auxilijs suis, altera cum Bruti classe pugnam committeretur auctor fuit. Nasidij consilio ab omnibus magna animi promptitudine assensum, ventoque vñ secundo, portu egressi, se ad pugnam comparant. Brutus quoque auctus numero sex nauium, quas à
D Massiliensibus ceperat, non minori spe & fiducia se quos integros priùs vicerat, iam semel deuictos faciliùs superaturum, suas quoque naues omnibus rebus instructas ad pugnam educit. Vbi ad certamen ventum, quamquam Massiliensibus Albicisque nec ignauiter nec imperitè pugnam capeffentibus, fugientibus tamen primo statim congressu Nasidianis, depressisque Massiliensium nauibus quinque, captis autem quattuor, faciliè penes Cæsarianos victoria stetit. Reliquæ Massiliensium naues Nasidianos in Hispaniam citeriorem fugientes sequutæ sunt, vna excepta, quæ Massiliam præmissa, funestissimum tantæ cladis nuncium pertulit. Hinc tanquam vrbe iam capta, magnus in oppido mœror, magna trepidatio.

C. autem Trebonius turri in altitudinem sex tabulorum à legionarijs A
 edueta, additis alijs operibus, ad oppidi oppugnationem redit: quæ qui-
 dem opera, quanquam ab oppidanis strenuè saxis immanibus incendioq;
 & flamma impeterentur, defendentibus tamen non minori studio opera
 Romanis, furcisq; & longurijs ignem remouentibus, propugnatoresque è
 turri illa sex contignationum à muri defensione prohibentibus, suffossaq;
 insuper & disiecta cum parte ipsius muri lateritia Massiliensium turri, op-
 pidani repentina inopinataque ruina territi, vniuersi inermes & insulati
 portis prorumpunt: supplicesq; & humi proiecti à legatis petunt, vt post-
 quam urbem suam captam vident, à direptione oppidi temperetur: se vbi
 primùm Cæsar aduenisset, quæuis imperata animo perquam lubenti obi- B
 turos: ni faciant, se vel extremam fortunam æquo animo perpeffuros.
 Datis itaque Massiliensibus à Legatis quibusdam quasi inducijs, miles ab
 opere & oppugnatione reuocatur, operibus custodiæ adhibetur, cessantq;
 deinceps hinc inde hostilia. Hæ Massiliensium preces eò facilius à Legatis
 admittæ sunt, quòd Cæsar per litteras Trebonio mandarât, malle se oppi-
 do sine vi potiri, ne miles defectione & contemptu sui irritatus, diutinoque
 labore offensus, inclementius in oppidanos, quod interminatus fuerat,
 sæuaret. Sed non diu quieuere Massilienses, quin paucis interiectis diebus,
 captata fraudis occasione, dum Cæsariani armis depositis, tanquam in pace
 liberè & remissiùs agunt, temporeq; diei meridiano alijs languentibus, alijs C
 quietem capeffentibus, eruptione facta, ignem operibus inijcerent: quem
 ventus tum fortè violentius spirans, ita subito longè lateq; sparsit, vt omnia
 priùs conflagraffe, quàm incendij caussam Cæsariani intelligerent. Qui re-
 pentina fortuna permoti, arma quæ possunt arripiunt, hostesq; magno im-
 petu repellunt: sed muro, sagittis, tormentisque fugientes persequi prohi-
 bentur. Idem & postero die à Massiliensibus tentatum, sed frustra, atten-
 tioribus ad omnia Cæsarianis: ita vt oppidani, pluribus amissis, in oppidū
 iterum repellerentur. Trebonius postquam plurium etiam mensium labo-
 res, hostium perfidia momento temporis perijsse videt, indignatus propter
 inducias violatas, simul etiam ne hostibus ludibrio foret veritus, maxima D
 contentione & studio, pariq; militum virtute & industria, alia opera prio-
 ribus longè maiora, insolita prorsus ratione, quanquam in summa difficul-
 tate, & materiæ, vnde agger congeri posset, inopia, breui admodum perfec-
 cit. Hinc hostes mirati tam breui tempore absoluta, quæ ne longo quidem
 spacio confici posse crediderant, dum nec eruptioni, nec perfidiæ locū esse
 vident, simul etiam nec operibus institutis, nec militibus ipsis vi aut igne,
 aut alia quauis ratione noceri posse, urbemque quā à terra aditus erat, vn-
 dique operibus, tanquam muro quodam perpetuo cinctam, præterea ne in
 proprijs quidem muris, aut propugnaculis consistendi potestatem superesse,
 erepto

A erepto sibi insuper propter vicinitatem munitiorum Ro. omni tormentorum usu, iisdem quibus prius conditionibus se dedunt. M. autem Varro, cui in partitione prouinciarum Hispaniæ, vltiorem cum tribus legionibus tuendam obuennisse memoratum est, dum Cæsarem primò ad Massiliam, & postea circa Ilerdam angustijs rei frumentariæ detineri intelligit, & ipse in spem expectationemque elatus, habitis delectibus legiones supplet, alarias cohortes nouas triginta addit, frumentum quod Massiliensibus & Afranio mittatur cogit, pecuniam facit, naues longas atq; alias fieri imperat, ceteraq; bello necessaria comparat. Gades autem præsidij causa cohortes sex mittit, præfecto ipsi insulæ C. Gallonio equite Romano. **P**ostea verò cognitis ijs quæ in Hispania citeriore gesta essent, omnino se bello accingit: & quòd reliquam prouinciam rebus Cæsaris studere intelligeret, Gaditanā insulam belli sedem constituere cogitat. Huc omnia ad bellum ducendum necessaria comportari iubet. Cæsar autem, quanquam Petreio & Afranio debellatis, quum non nisi pacata vniuersa Hispania, quam Pompeio sciebat addictissimam, in Italiam discedere cōstituisset, præmissis in Hispaniam vltiorem cum duabus legionibus Q. Cassio Trib. plebis, ipse cum sexcentis equitibus subsequitur: edicto prius per vniuersam Hispaniam promulgato, vt ad diem constitutam omnes totius prouinciæ magistratus, omnesque ciuitatum Principes, Cordubæ sibi præstò essent. Cui ab omnibus obtemperatū est. Conuentus ipse Cordubensis, retentis sibi præsidij causa duabus cohortibus, quæ Colonicæ appellabantur, Varroni portas clausit. Carmonenses quoque, vel præcipua totius prouinciæ ciuitas, Varronianis cohortibus, quæ præsidio relictæ erant, eiectionis, & ipsi portas claudunt. Varro intellecto plenius totius ferè prouinciæ in Cæsarem studio, Gades cum legionibus properat: verum quorundam litteris ex itinere cognoscit, Gaditanos Gallonio cum præsidiarijs cohortibus excedere iusso, urbem atq; insulam Cæsari seruare. Quæ postquam in exercitu Varroniano percrebuerat, statim ipso præsentem & inspiciente, altera legionum quæ cum eo erant, cui Vernacula nomen, sublati signis è castris ipsius ad Cæsarem Hispalim transit. His permotus Varro, cognito præclusum sibi iter in Italiam, quò proficisci constituerat, Cæsari se cui velit legionem tradere paratum nunciat. Cæsar Sex. Cæsari, quem in id ad Varronem miserat, tradi iubet. Tradita legione, Varro Cordubam se ad Cæsarem cum rationibus publicis, tam pecuniæ, quàm frumenti, & nauium quæ per prouinciam erant, confert. Cæsar dum Cordubæ biduum commoratur, omnibus pro meritis & dignitate tam ciuibus Ro. quàm Hispanis gratias agit. Plurimos interim & publicè & priuatim diuersis honorum generibus prosequitur. Hinc Gades profectus, pecunias ornamentaque, quæ Varro in usum belli è fano Herculis extulerat, in templum referri mandat: ipsumque

RES IN HISPANIA VLTIORE
CONTRA VARRONEM GESTAE.

HISPANIA VLTIORE RECEPTA.

populum Gaditanum ciuitate Rom. donat : præfectoque prouinciæ cum A
 quattuor legionibus relicto Q. Cassio, qui prius Pompeio Hispaniam te-
 nente Quæstor fuerat, nauibus ijs quas Gaditani iussu Varronis nuper fa-
 bricati erant, Gadibus Tarraconem, vbi ab omnibus ferè ciuitatum lega-
 tionibus expectabatur, venit. Ibi simili ferè ratione, qua prius Cordubæ,
 priuatim & publicè plerisque ciuitatibus habiti honores & gratiæ. Tarra-
 cone Cæsar digressus, per Pyrenæos pedibus Narbonem, inde Massiliam ve-
 nit. Dum autem Pyrenæos transit, trophæum quidem ibi constituere no-
 luit, quòd id prius in Pompeio notatum intellexerat: verùm in rerum à se
 gestarum monumentum, aram è lapide polito non procul à trophæis Pom-
 peianis constituit. Cæsar statim vt Massiliam peruenit, cognoscit se Ro- B
 mæ à M. AEmilio Lepido Prætore Dictatorem esse dictum. Massilien-
 ses autem nullis non exagitati calamitatibus, & præter priora mala, absum-
 pto omni ferè commeatu, in extremam rei frumentariæ inopiam coniecti,
 foeda etiam & graui pestilentia lue vexati, omniq; auxiliorum spe deiecti,
 ferio tandem Cæsaris se potestati permittunt, armaq; omnia, & tormenta,
 ceterosq; belli apparatus, naues item & pecuniam, vt imperatum erat, tra-
 dunt. L. autem Domitius paucis antè diebus de Massiliensium voluntate
 certior factus, vsus opportunitate turbidæ tempestatis, cum tribus nauibus
 fugam arripuit: duabusq; ex his à Bruto interceptis, tertia, quæ ipsum vehe-
 bat, euasit. Cæsar relicto Massiliæ duarum legionum præsidio, reliquas C
 in Italiam mittit, ipse ad urbem proficiscitur. Dum hæc à Cæsare in
 Hispania, à legatis ad Massiliam geruntur, C. Curio, quem in Siciliam su-
 præ cum tribus legionibus à Cæsare missum relatum est, recepta Sicilia, vt
 Cæsar imperarat, in Africam cum duabus legionib. & equitibus quingen-
 tis trajicit. Africam tum P. Accius Varus pro Pompeio tenebat, qui Auximo
 prius à Cæsare capto, amissis cohortibus in Africam profugiens, vacuumq;
 propria auctoritate occupans, Tuberonem, cui ea prouincia sorte obtige-
 rat, eò cum nauibus venientem portu atque oppido prohibuerat. L. autem
 Cæsar filius, qui & ipse Pompeianarum partium sectator, fortè cum decem
 nauibus longis Clupeæ erat, intellecto Curionis aduentu, relicta Clupea à D
 proximo littore pedibus Adrumetū, quod C. Confidius Longus vnus le-
 gionis præsidio tenebat, profugit: eòdem & naues postea subsequutæ sunt.
 Sed Curio præmisso rectà Uticam cum nauibus Martio, relicto ad flumen
 Bagradam cum legionibus C. Caninio Rebilo, ipse cum equitatu ad explo-
 randa castra Corneliana (quem locum castris suis quàm maximè idoneum
 iudicabat) proficiscitur. Dumque ibi Vari castra, quæ mille ferè passibus à
 Cornelianis sub ipsis oppidi muris locata erant, conspicit: simul, vt in re-
 pentino tumultu & metu hostili fieri solet, plurima vndique ex agris in vr-
 bem agi, & conuectari videt, equitatum ad depredandum mittit. Sexcenti
 equi-

CAESAR
 DICTA-
 TOR.

MASSILIA
 RECEPTA.

SICILIA
 RECEPTA.

RES IN A-
 FRICA A C.
 CURIONE
 GESTAE.

- A equites Numidæ, peditesq; cccc. à Iuba Rege auxiliij cauſſa Vticam miſſi, ſubſidio ijs rebus quæ in urbem conuehebantur aderant, factôq; inter hos & equitatum Curionis concurſu, interfecti ſunt Numidæ ferè cxx. reliqui pedem referre coacti, in caſtra cõpelluntur. Hinc Curio ad Bagradam flumen ad reliquum exercitum reuerſus, ſtatim facta ab vniuerſo exercitu acclamatione, ob rem bene geſtam Imperator ſalutatur. Poſtridie cum vniuerſo exercitu ad Vticam proſectus, & ipſe alia parte ſub oppidum caſtra facit. Ibi dum militibus operi caſtrenſi intentis nunciatur, maxima tum equitum tum peditum auxilia à Iuba Rege miſſa Vticam venire, Curio opere relicto, dum legiones explicantur præmiſſo equitatu, interfecta magna peditatus Numidici parte, reliq̃tia Regis auxilia facile diſſipat, & in fugam conijcit: ita tamen vt equitatus Regius incolumis per littora in oppidum ſe reciperet. Erat in exercitu Accij Vari Sex. Quinctilius Varus, qui Corfinij à Cæſare dimiſſus in Africam traiecerat. Is quod Curionis exercitum magna ex parte conſtare ſciebât ex his legionibus, quas Cæſar Corfinij deuicto Domitio, cuius tum Quæſtor fuerat, receperat, hunc à duce ſuo alienare, militumque animos ad defectionem ſollicitare conatur, religione prioris ſacramenti, cui ſe prius apud Domitium & ſe Quæſtorem obſtrinxiffent, ſimul etiam ſpe largitionis, ſi Accium ſequi velint, iniecta, opportuna ad id quantum ratio temporis patiebatur, apud milites oratione uſus. Hæc ubi Curioni cognita, concilio ſuper hoc aduocato, quod militum à ſe animos alienatiores, atque in alteram partem inclinatos ſuſpicaretur, alijs alia, quæ Curioni minùs probabantur, cenſentibus, dimiſſo concilio, milites in concionem vocat, vehementiq; apud eos oratione uſus, cum eloquentia & arte oratoria, vt & alij duo in illâ Curionum familia, plurimum valeret, ita militum animos commouit, vt offenſi propter ſuſpicionem infidelitatis, vtrò dicentem ſæpè interpellare conati ſint, concioneq; dimiſſa Curionem obteſtati, vt eductos quamprimùm in prælium, ſuam in ducem fidem facto & opere teſtatam facere concederet. Hanc opportunitatem Curio non eſſe ſibi prætereundam ratus, poſtridie ſuos in aciem producit.
- D Varus ex aduerſo nec ipſe pugnam detrectans, ſuas quoq; copias in aciem deducit, media inter vtrumque valle ſatis exigua. Vbi ad manus ventum, primo ferè congreſſu fuſi Acciani in caſtra refugiunt. Hos milites Curionis ſubſequuti, etiam ſub ipſis caſtrorum portis quamplurimos cecidèrunt: parumq; abſuit, quin eodem impetu & caſtra ipſa caperentur: ſed quod ijs quæ ad oppugnationem caſtrorum neceſſariæ erant, deſtituerentur, Curio à caſtris Accianis ſuos in caſtra reducit, vnico è ſuis, Fabio ſcilicet quodam Peligno, deſiderato. Ex Accianis autem interfecti ſunt plùs minùs ſexcenti, plures vulnerati, qui ſimulatione vulnerum, re vera autem per timorem, in oppidum ſe recepèrunt. Ipſe quoque Varus cognita totius exercitus con-

C. CURIO
IMPERATOR.

sternatione, paucis aliquot in castris ad speciem tantum relictis, tertia ferè A
vigilia silentio totum exercitum in oppidum deducit. Postridie quum Cu
rio urbem obsidere, & vallo cingere instituisset, Vticensis ocio magis quam
bello assueti, animisq; à Cæsare memoria ipsius in se beneficiorum minus
alieni, statim de deditioe agere incipiunt. Interea nuncius de Iuba Rege
aduentante cum magnis auxiliorum copijs perterritos oppidanorum ani
mos confirmat. Curioni autem quanquam eadem nunciarentur, superio
ribus tamen successibus, simul etiam secundiorib. de Cæsaris in Hispania
rebus nuncijs in summam fiduciam erecto, initio quidem minus poterat
persuaderi, Iubam Regem quicquam aduersus se ausurum. Postea autem
certioribus auctoribus intellecto, Regem cum .xxv. millibus iam adesse, B
Vtica relictæ, statim in castra Cornelianæ, vnde prius excesserat, retrocedit.
Hæc, quod & vicinitate maris, naturaq; & situ loci, tum alioqui munitio
ne ipsa bello ducendo quammaximè idonea esse videbantur, omnia bello
necessaria huc vndique comportari iubet: legiones item duas è Sicilia, reli
quumque equitatum ad se quamprimum mitti mandat. Interim ex per
fuga quodam falso intelligit, non quidem Iubam ipsum, sed Saburam præ
fectum eius cum modicis copijs aduentare, Regem ipsum medio itinere
Leptitanorum discordia intellecta, domesticis tumultibus reuocatum, in
regnum reuersum. Curio perfugæ verbis fidem adhibens, equitatum vni
uersum prima nocte ad Bagradam flumen castra Saburæ oppugnatum C
mittit. Hic barbaros somnolentos, & per castra nullo ordine dispersos ador
tus, plurimis interfectis, reliquis in fugam conuersis, alacris tanquã re bene
gesta, dum in castra reuertitur, Curioni, qui cum legionibus sequebatur,
occurrit. Is postquam cognitis ijs, quæ ab equitibus suis gesta erant, Sabu
ram castris præesse ex captiuis intelligit, ignarus Regem cum iusto exercitu
sex milium passuum intervallo post Saburam consedissee, quod præ festi
natione de Rege captiuos interrogare neglexerat, tanquã ad prædam suos
euocans, Numidas in fugam versos cum omni equitatu persequi properat,
ne minimo quidem temporis spacio ad quietem militibus concessio, quo se
à vigilia præcedentis noctis, & confecti labore itineris reficeret, vnde & plu D
rimi qui festinantem assequi nõ poterant, in itinere subsistere coacti sunt.
Iuba econtra, intellecta suorum clade, suspicatus Curionem ipsum cum
reliquo mox exercitu adfuturum, Hispanorum, Gallorumq; equitum duo
bus millibus, parte etiam peditum electorum Saburæ subsidio missa, cum
elephantis .xL. & reliquis copijs lentius subsequitur. His confirmatus Sa
bura subsidijs, intellecto Curionis aduentu, simulato timore & fuga, Cu
rionem ad se ulterius persequendum prouocat. Postea, vbi confecto .xvi.
miliu itinere, militem Curionis persequendo defatigatum cogitat, subi
to è fuga subsistens, in persequentes se conuertit, acieq; instructa, equitatus
in

A in Curionem immittit. Romani, quanquam non minore studio & virtute & ipsi se ad pugnam cōpararent, quòd tamen defessos cum integris, & paucos, scilicet ducentos (reliqui enim prae lassitudine in itinere substiterant) cum plurimis decertare necesse erat, à Numidarum equitatu circumuenti, facile cessere. Huic accedebat, quòd Numidis, dum crebrò auxilia à Rege submittuntur, vires subinde atque animi augebantur: Romanis verò magis ac magis defatigatis, omniq̃ue auxiliorum spe destitutis, decreſcebant. Curio itaq; cū in virtute militum parū sibi spei reliquum videret, collem qui in proximo erat, suos si possent, occupare iubet: sed hunc Saburæ equitatus, qui celeritate facile praeualebat, prior occupat. Hinc Romani in

B summam redacti desperationem, passim fugientes, partim à Numidarum equitatu interficiuntur, partim labore & metu exanimati procumbunt. Curio monitus à Cn. Domitio, vt fuga salutem consuleret, negans se exercitui, quem suæ commissum fidei à Cæsare acceperat, deletum, superuicturum, fortissimè & ipse pugnans cadit: reliqui equites se fugæ mandant. Qui verò defatigati in itinere substiterant, conspecta procul suorum fuga, in castra perueniunt: ceteri ferè omnes interfecti. Qui verò castrorum praesidio relictī erant, consensu per tumultū ijs quæ aderant nauigijs, in Siciliam abnavigare properant: sed pondere & multitudine hominum, qui cateruatim per summā contentionem irruebant, plura nauigia depressa periēre: hinc pauci

C in Siciliam incolumes peruenēre. Quidam qui naues conscendere dubitauerant, postridie missis legatis Varo se dedidēre. Sed hos Iuba, victoriam per se stetisse caussatus, proinde suam esse praedam dictitans, dedi sibi postulat, dispositiq; super mœnia iussu Regis crebris telorum ictibus à Numidis crudeliter confixi, misere periēre: quidam tamē è ceteris electi à Iuba in regnū missi sunt. Curionis verò caput ad Iubam delatum, gratissimum Regi spectaculum praeſtuit, quòd priuatæ ipsi cum Curione intercedebant odiorū caussæ, quodq̃ue Tribunus plebis de publicando ipsius regno legem promulgarat. Iuba itaque paucis diebus Vtica commoratus, constitutisque ijs quæ fieri vellet, cum omnibus copijs in regnum reuersus est. Ceterum

D postquam hæc ad Pompeium in Macedoniam perlata, Iuba à Pompeio & ab his qui cum illo erant Senatoribus (qui facile ducenti erant) plurimis prius affectus honoribus Rex appellatur: Romæ verò à Senatu & Cæsarianis è cōuerso hostis iudicatus est, & in locum Iubæ Bocchus & Bogud, Pompeio inimicissimi, Reges declarantur. Eodem ferè tempore quo hæc gesta sunt, à M. Octauio & L. Scribonio Libone, P. Cornelius Dolabella Cæsaris legatus è Dalmatia profligatur. C. quoque Antonius, dum Dolbellæ subuenire studet, captus in mari supero, cum nauibus .xL. alijsq̃ue quamplurimis Cæsarianarum partium ducibus ad Pompeium à Libone in Macedoniam deductus est. Cæsar autem dum à Massilia ad urbem pro-

DICTATURA
 CAESARIS.

C. IVLIVS
 CAESAR. II.
 P. SERVILIUS
 ISAVRIC. COSS.

PROVINCIAE
 DECRETAE.

proficiscitur, legionem Nonam quæ Placentiæ erat, tumultuosius agere, A
 imperiumq; detrectare intelligit, donatium quod Cæsarem sibi pollici-
 tum dictitabant seditiosius flagitantes: quare ex itinere Placentiam aduo-
 lat, acriq; & seuera oratione militum insolentiam castigans, interminatur
 legionem, à qua seditionis initium factum fuerat, se decimaturum, ægreq;
 tandem exoratus, in . XII. sorte ductos animaduerti iubet: tumultuq; mi-
 litari ad hunc modum composito, rectà Romam pergit. Postquā Romam
 venit, Dictator iam antè comitiorum habendorum feriarumque Latinarum
 causa creatus, Dictaturam iniit, eandemque non minore modestia
 quā clementia administravit. Exules enim omnes, Milone solo excepto
 reuocauit. Eosq; qui lege Pompeia ambitus maiestatis, alteriusve criminis B
 rei aut damnati erant, absoluit & restituit. Quodque in locum eorum qui
 Pompeium in Macedoniam sequuti fuerant, necdum alij surrogati essent,
 magistratus in sequentem annum constituit: Consules autem se. II. & P.
 Seruiliū Isauricum designauit: Pontifices quoque & sacerdotes in locum
 demortuorum suffecit. Populo rei annonariæ angustijs laboranti frumen-
 tum publicè distribuit. Eidemq; ære alieno prægrauato nouas petenti ta-
 bulas, quod propter continua bella, eaq; ciuilia, magna esset rerum vena-
 lium & pignorum vilitas, adeò vt ne pignoribus quidem cessis, creditores
 sibi satisfactum caussati, pecuniam insuper creditam persolui postularent:
 quò & debitoribus & creditoribus æque subueniret, quando utrique ab v- C
 troq; erat periculum, creditori scilicet à fraudibus debitorum, debitori verò
 ab acerbitate creditorum: simul etiam vt fidei publicæ consuleret, sublato
 nouarum tabularum timore, arbitros dedit, quorum iudicio pignora &
 possessiones æstimarentur, quanti quæq; earum ante bellum fuissent: eaq;
 sic æstimatæ, vt creditoribus in persolutionem æris alieni addicerentur:
 deductoque, si quid vsuræ nomine numeratum aut perscriptum fuisset,
 quarta ferè parte, æs alienum imminutum est: edictoque insuper addito,
 modum pecuniæ possidendæ statuit: ne quis in auro vel argento signato
 plus sestertiū sexagies possideret, quæ lex & ante aliquando lata fuerat.
 Prouincijs autem suo potissimū arbitrato, quos voluit, præfecit: In his D
 M. Lepidum, Hispaniæ: A. Allienum, Siciliæ: Sex. Peducium, Sardinia: D.
 verò Brutum, Galliæ Transalpinæ nouæ prouinciæ: Gallis autem Cisalpi-
 nis Padi accolis ius ciuitatis concessit. His rebus in vrbe peragendis, ferijsq;
 Latinis, & comitijs perficiendis, postquam dies omnino vndecim impensi,
 Dictatura se abdicat, Brundisiumque rectà ad exercitum, quem præter e-
 quitatum . XII. legionum habebat, ibique conuenire iusserat, mense De-
 cembri per mediam brumam proficiscitur. Ibiq; dum classē transpor-
 tandis legionibus comparat & instruit, Veris aduentum, tempestatemque
 nauigationi opportunā exspectare constituit. Pompeius interim instructa
 copio-

A copiosissimè per anni spacium sexcentarum nauium classe, quam partim è proximis insulis, maritimisque prouincijs conflauerat, partim ipse fabricandam curauerat, magnam insuper vndique à liberis ciuitatibus, Asiaticisque Regibus & Principibus pecuniarum vim coëgerat, frumentumque quantum vel diuturno bello satis esset, sibi compararat. Et præter legiones Ro. XI. & equitum septem milia, quæ secum habebat, contractis vndique à confœderatis Regibus, vniuersaque ferè Asia, & ea Europæ parte, maximis auxilijs, copias omnes circa Macedoniam & Thessaliam in hiberna distribuerat: classe quoque in plures partes diuisa, singulis suos præfectos constituerat: ita vt nauibus Asiaticis D. Lælius cum C. Triario, Syriacis C. Cassius, Rhodijs cum C. Pomponio C. Marcellus, Liburnicis autem & Achaicis Scribonius Libo & M. Octavius, omnibus verò atq; adeò vniuersæ oræ maritimæ cum summa imperij M. Bibulus præesset. Et quò Cæsarem transitu prohiberet, per omnia ferè quæ ad oram maris Ionij sunt oppida maritima, classem disponi curauerat: ita vt omne illud pelagus, quod Italiam & Macedoniam siue Epirum interiacebat, omniaq; littora Italiæ opposita, Pompeianarum nauium præsidijs tenerentur. His rebus sic constitutis, Pompeius ratus Cæsarem intentum rebus vrbanis, functionibusque consularibus, alieno anni tempore neque se, neque exercitum mari commissurum, Thessalonica securius & remissius quam conueniebat, agebat. Cæsar autem quanquam ante Ver exercitum transmittere non constituisset, intellecto tamen Pompeium longius abesse, littoraque aduersa à M. Bibulo negligentius custodiri, quum celeritatem (quam sibi semper bene cessisse meminerat) si quando aliàs, vel tum inprimis magno sibi ad opprimendum Pompeium vsui esse posse intelligeret, quanquam in summa nauium inopia, neque à comœatu, reliquoque apparatu satis instructus, imò nec omnibus quidem, quas conuenire iusserat, copijs præsentibus, etiam per aduersam anni tempestatem omnino mare traiciendum censuit. Suos itaque pro concione cohortatus, secuta alacri militum acclamatione, cum septem omnino legiones, equites verò sexcentos nauibus, quæ fortè aderant, imposuisset, pridie Non. Ianuar. Brundisio soluens, postridie in continentem oppositam ad locum cui Pharsalia nomen, aut vt alij tradidère, ad montes Coroneos, inter saxa & loca periculosa, tuta tamè & quieta statione, quando portus omnes ab hostibus tenebantur, suos incolumes exposuit, etiam priusquàm nauigaturum vel fama nunciasset. Eadem naues eadem mōx nocte cum Fusio Caleno legato Brundisium, id quod reliquum erat militum transportaturæ, remittuntur. Sed hæc cum solutis tardius quàm Cæsar imperarat anchoris, in M. Bibulum, qui Corcyra cum centum & decem nauibus tenebat, incidissent, ab eodem interfectis nautis, nauiumq; magistris, xxx. ex his incensæ sunt, indignante nimirum

CAESARIS
IN MACE-
DONIAM
TRAIE-
CTVS.

Bibulo, se vacuis, non onustis, quod sperabat, occurrisse: quare arctioribus A
deinceps custodijs portus omnes & stationes à Salonis ad Orici vsque por-
tum occupari iubet. M. interim Octavius, quem Liburnicis & Achaicis na-
uibus à Pompeio præfectum supra retulimus, postquam tentatis sollicita-
tisq; Dalmatarum finitimorumq; populorum animis, Hissanos, qui par-
uam in ora Dalmatica insulam incolebant, à Cæsare in Pompeij studia per-
traxisset, quum Salonenses inconcussa aduersus spem & metum in Cæsa-
rem fide, in sententia perstare videret, oppidum ipsorum quinis castris cir-
cundatum oppugnare aggreditur: sed oppidani quum nihil sibi ad sum-
mam constantiam reliqui facerent, quominus in extremis rei frumentariæ B
angustijs, & maxima suorum paucitate, vel diuturnam obsidionem fortis-
simè sustinerent, tandem manumissis seruis puberibus, eruptione facta O-
ctavius quinis castris exutum, magna edita strage, cum suis qui cladi su-
perfuera, in naues fuga se recipere, atq; inde Dyrrachium ad Pompeium
fugere cogunt. Cæsar autem statim vt in Macedoniam appulit, ne ani-
mum à conditionib. pacis alienum habere videretur, L. Vibullium Rufum
vnum ex præfectis Pompeianis, quem bis in suam redactum potestatem
dimiserat, magniq; à Pompeio fieri sciebat, cum mandatis de pace ad Pom-
peium mittit: nuncians paratum se vel intra triduum exercitum omnem
dimittere, modò idem se facturum Pompeius iurare velit: conditiones au-
tem pacis non alias cupere, quàm quas Senatus ipse populusq; Ro. præscri- C
pturus sit, additis alijs plerisque, quæ ad persuadendum Pompeio videban-
tur q̃ accommodatissima. Ceterum Rufus, quòd Pompeium de Cæsaris
in Macedoniam aduentu certiolem fieri magni interesse crederet, magnis
nocturnis diurnisq; itineribus ad Pompeium contendens, neglectis Cæsa-
ris de pace mandatis, Cæsarem cum exercitu iam in Macedoniam appulisse
nunciat. Pompeius tum fortè ex Candauia Dyrrachium iter habebat: in-
terim intellecto ex Rufo Cæsaris aduentu Appolloniam prior occupare
properat. Cæsar autem eodem quo appulerat die Oricum per angustias &
asperitates collium profectus, iubentibus oppidanis, qui se magistratui po-
puli Rom. portas clausuros negabant, à L. Torquato, qui Oricum cum D
præsidio Pompeiano tenebat, traditis clauibus oppido receptus est. Hinc
extemplò postquam Appolloniam venit, negantibus itidem Appollonia-
tibus se aduersus Consulem populi Ro. arma sumpturos, fugiente L. Stra-
berio, qui oppidum pro Pompeio præsidio tenebat, ab oppidanis, missis
obuiam legatis, admissus est. Nec dubitauère Bellidenfes, Amatini, fini-
timæque ciuitates, tota que adeò Epirus, missis statim legatis, Cæsaris se
fidei & imperio permittere. His Pompeius mox intellectis, cum vni-
uerso exercitu, itinere nec per diem nec per noctem intermisso, non tam
proficiscentis, quàm fugientis specie Dyrrachium velocissimè contendit.

Eòdem

ORICVM RE-
CEPTVM.APPOLLONIA
RECEPTA.EPIRVS RE-
CEPTA.

A Eòdem ex aduerso pari contentione exercitum ducit Cæsar: prior tamen Pompeius Dyrrachium peruenit, castrisq; prope oppidum muniri iussis, consternato metu vniuerso exercitu, primus omnium Labienus (qui à Cæsare ad Pompeium defecerat) iurat se quamcunque Pompeij fortunam sequuturum, nulloq; casu ipsum deserturum: idem cum Tribunis & Centurionibus etiam omnis addito iureiurando pollicetur exercitus. Cæsar autem intellecto Pompeij ad Dyrrachium aduentu, omnem vltiorem festinationem superuacaneam ratus, ad Apsum flumen castra ponit, reliquarum ibi copiarum, quas Brundusij reliquerat, aduentum sub pellibus per reliquum hiemis expectaturus. Mox & Pompeius transmissso Apso,

B castra haud procul à castris Cæsaris locat. Quidam tradidère Cæsarem pertæsum, quòd reliquæ copiae ex Italia non adducerentur, quodq; propter hiemis sæuitiam, & propter Bibulum, qui mare suis nauibus tenebat, nè nuncij quidem ad se perferrentur, statuisse consensu nauigio speculatorio duodecim remorum, seu scapha piscatoria, seruili tectum habitu in Italiam ad exercitum trajicere: ceterum quum enauigato fluuio ad ostium, quo se fluuius in mare exonerabat, ventum esset, fluctusq; marini vento per noctem è mari coorto aduersi contra flumen violentius propellerentur, ita vt gubernator, quum fluctus marinos & procellas ne maximo quidem labore superare posset, retrocedere cogeretur, Cæsarem detecto capite, apprehensaq; gubernatoris dextra dixisse: Bono animo esto, fortiterque vel contra tempestatem perge, Cæsarem enim Cæsarisq; fortunam comitem vehis.

C tum gubernatorem & remiges sumpta fiducia, maioribus longè quàm antea viribus, contra impetum fluctuum & tempestatem connixos: ceterum cum Cæsar laborem omnem incassum suscipi videret, nauemq; superato ostio fluminis, quò magis in altum veheretur, hòc maioribus obijci vndarum marinarum periculis, quanquam inuitus, gubernatori cursum flectere permisit, ventoque vsus secundo, aduerso fluuio, mox in castra relatus est, amicis omniq; adeò exercitu temeritatem tanti ducis accusantibus. Quumq; is conatus Cæsari parum successisset, Postumium cum litteris ad

D Antonium, Calenum, & Gabinium mittit, quibus singuli ipsorum exercitum quamprimùm traducere iubebantur: additis & ad exercitum litteris, quibus quotquot vellent Postumium ad se reuertentem sequi iubebat, si modò duces metu hostium, aut tempestatis, imperata exequi cunctarentur. Hæc alij prodidère. Cæsar autem ipse auctor est, Calenum postquam iam cum legionibus & equitibus portu Brundusino soluisset, vt Cæsar ipse imperarat, mox eiusdem litteris monitum, omnia latè littora & portus à Pompeianis obsideri, proinde cautiùs appelleret, conuersis velis in portum Brundusinum, vnde egressus erat, se recepisse, nauibus omnibus saluis, vna excepta, quæ præter Caleni mandatum longiùs euecta, atque ad Oricum

delata, à Bibulo capta expugnataq; est, vectoribus ad vnum crudeliter interfectis. Bibulus interea, quemadmodum Cæsarem omnibus portibus, & toto mari excludebat, non locus ipse, Cæsarianis præfidijs omnia passim littora & portus tenentibus, omni aditu continentis interclusus, lignatione, pabulatione, & aquatione prohibebatur. Hinc in maximas rerum necessariorum coniecti angustias Bibulus & Libo, qui se Bibulo iunxerat, simulatione facta, velle se maxima quædam de pace inter partes Cæsari exponere, colloquium à Man. Acilio & Statio Murco Cæsaris legatis petunt, induciasq; dierum aliquot in id concedi postulant. Inducijs concessis, Cæsar à legatis per litteras accitus, à Butroto relicta legione, cum qua ad recipiendas vltiores ciuitates, expediendamq; rem frumentariam profectus fuerat, ad Bibuli postulata Oricum se quamprimùm confert. Vbi ad colloquium ventum, Cæsar postquam videt à Pompeianis nihil adferri, quod ad spem pacis faceret, ijsq; quæ à se pro compositione adferrentur à Bibulo & Libone ad Pompeium reiectis, hoc vnum eo colloquio agi, vt prolatis inducijs dum Pompeius horum certior fieret, Bibulus & Libo angustijs & necessitatibus rerum necessariorum, quibus maximè apud ipsos laborabatur, interea se explicarent, negatis vltioribus inducijs, animum ad priora belli consilia cōuertit. Bibulus haud multò post ex morbo, quem ex frigore, multoq; labore contraxerat, moritur: nec quisquam in eius locum cum summa imperij suffectus est. Vibullius autem Rufus, quem à Cæsare cum mandatis de pace ad Pompeium missum retulimus, sedatis tum demùm repentini Cæsaris aduentus tumultibus, quæ de pace à Cæsare in mandatis habebat exponere orsus, à Pompeio interpellatus, plura loqui prohibetur: negante Pompeio, ne vita quidem sibi, aut ciuitate opus esse, quam non nisi beneficio Cæsaris habere posse videretur. His postea ad Cæsarem perlatis, Cæsar vsus opportunitate situs castrorum, quum medio tantum inter sua & Pompeij castra Apso flumine, quotidiana ferè inter se milites vtrinque colloquia haberent, P. Vatinius ad ripam, ea quæ ad pacem pertinerent, palàm pronunciare iubet. Hinc instituto in sequentem diem altero inter Vatinius & A. Varronem de pace colloquio, postquam frequentes vtrinque in maximam pacis expectationem erecti conuenissent, altercatione inter T. Labienum & Vatinius orta, tela vndique incertis auctoribus interiecta, vulneratis non paucis, sermonem institutum interrumpere, simul etiam omnem spem pacis in posterum præcidere, Labieno coram omnibus exclamante: Nisi capite Cæsaris relato, spem pacis nullam superesse. Libo autem mortuo iam Bibulo, Orico relicto, cum classe quinquaginta nauium, insulam portui Brundusino obiectam, qua necessariò Cæsarianis transitus erat occupat. Huc cum inexpectatus appulisset, partemq; suorum per noctem in terram descendere iussisset, plurima nauibus

A Cæsarianis & præsidij terrestribus damna intulit: tantaq; fuit loci opportunitas, vt Libo Pompeio nunciaret, reliquas naues subduci posse, se vel solum cum sua classe, ne reliquæ legiones Brundusio ad Cæsarem perducerentur, facile prohibiturum. Verùm Antonius, vna è quinque quadriremibus Libonianis, quæ duas suas triremes incautiùs persequerentur, capta, reliquis quattuor in fugam versis, Libonem obsidionem portus Brundusini relinquere coëgit. Cæsar interea hieme iam multum inclinata, videns id quod supererat exercitus etiam post menses plures, quam ipse apulerat, non submitti, tarditatem suorum litteris asperius scriptis increpat, addito, vt primo quoque tempore & vento secundo ad se cum legionibus

B traiciant. Antonius igitur & Calenus, cum milites vel aduersus quoduis discrimen pro salute & dignitate Cæsaris animatissimos nauibus imposuissent, Austro vsi secundo, altero die quam è portu Brundusino soluissent, Dyrrachium Appolloniamq; præteruecti, frustra persequente Q. Coponio, qui Dyrrachinū portum cum nauibus Rhodijs tenebat, Nymphæum portum milibus passuum tribus ultra Lyssum cum omnibus nauibus appellunt, duabus exceptis, quæ tardiùs consequutæ, ignaræ quò reliquæ cursum vertissent, quum per noctem anchoris iactis in medio mari substitissent, postridie ab Octacilio Crasso, qui Lyssum præerat, data fide in deditiōem acceptæ sunt. Vna earum tyrones ducenti viginti vehebantur, hi ad Octacilium perducti, contra fidem iurisiurandi ad vnum interfecti sunt. altera

C veteranos exceperat: hi dum se de conditionib. deditiōis deliberare simulant, protracto longiùs spacio à gubernatore in proximum littus expositi, postridie immixtis in se ab Octacilio .cccc. equitibus præsidarijs, cum se fortissimè defenderent, paucis interfectis, integri se ad suos recepère. Antonio autem vixdum portum Nymphæum cum nauibus ingresso, Auster subito in Africum versus, tutissimam Cæsarianis intra Nymphæum stationem præbuit, & ex aduerso Rhodiam Coponij. xvi. nauium constratarum classē ita exagitauit, vt ne vna quidem seruata, naufragio simul omnes perierint: remiges propugnatoresq; pars fluctuum violentia scopulis illisi periēre, pars ab Antonianis capti, ad Cæsare perducti, ab eodem dimissi sunt. Antonius autem, Octacilio propter metum relicta Lyssum ad Pompeium fuga dilapso, à Lyssanis oppido receptus, ad reliquos milites cum equitatu traducendos naues in Italiam mittit: Cæsariq; quibus locis milites expositi essent, numerumq; à se transuectorum nunciat. Hæ erant legiones veteranorum tres, tyronum verò vna, equites octingenti. Hæc vbi & Pompeio & Cæsari intellecta, motis simul eodem die à flumine Apso castris, Cæsar quidem Antonio se quamprimùm iungere studet: Pompeius verò Antonio occurrere, totisq; cum eo viribus, antequam Cæsaris copiæ accederent, confligere, eumq; ex inopinato opprimere summopere

cupie-

LYSSVS
RECEPTA.

cupiebat. Quare dum neuter sibi quicquam ad extremam festinationem A reliqui facit, Pompeius quidem, quod maioribus vteretur viarum compen dijs, prior ad Antonium pervenit. Ceterum Antonius de Pompeij aduen tu certior factus, exspectato Caesaris aduentu, in posterum diem castris se cōtinuit. Pompeius autem veritus à duobus se interclusum iri exercitibus, relicto priore loco castra ad Asparagum Dyrrachinorum munit. Per id tempus Scipio Pompeij focer, qui ad bellum Parthicum cum legionibus missus fuerat, litteris Pompeij reuocatus, è Syria per Macedoniam ad Pom peium properabat. Caesar autem aduentu militum Antonianorum magna exercitui suo accessione facta, legionem quam Orici tuendæ oræ maritimæ causâ habebat, deducit, cohortesq; tres præsidio vrbis cum Ca B ninio legato relinquit. Interim Thessali & AEtolii missis legatis, Caesaris imperatis se parere velle nunciant. Idem & Menedemus princeps eius par tis Macedoniae quæ Libera appellatur, legatis ad Caesarem missis pollice tur. Caesar itaque L. Cassium Longinum cum legione tyronum, quæ vi gesima septima appellabatur, & equitibus ducentis in Thessaliam, C. au tem Caluissium Sabinum cum cohortibus quinque, paucisq; equitibus in AEtoliam, Cn. verò Domitium Caluinum cum duabus legionibus, & e quitibus quingentis in Macedoniam mittit. Caluissius pulsus præsidij Pom peianis, statim ab omnibus magno animorum voluntatumque consensu, per vniuersam AEtoliam & Acarnaniam exceptus est. Cassio & Domitio C in occupanda Thessalia & Macedonia aliquanto plus exhibitum negocij, tum propter diuersa duarum in Thessalia factionum studia, quarum vna, cuius caput Egēfaretus, homo veteris potentiae, rebus Pompeianis stude bat: altera verò duce Petreio primæ nobilitatis adolescente, Caesarianas par tes sequebatur: tum quod Scipio è Syria paulò antè cum exercitu in Mace doniam venerat, qui Cassium Thessalia, Domitium Macedonia aliquan diu prohibuerat: sed & hæ tandem Caesari cessere. Cn. quoque Pompeius Magni filius, cui classis AEgyptia commissa erat, per id tempus tentata O rici oppugnatione, quattuorè Caesarianis nauibus, quæ ibi in statione erant abductis, reliquis incensis, relictoq; D. Lælio Asiaticæ classis præfecto, qui D commeatus in Oricum inferri prohiberet, Lyssum inde profectus, triginta quoq; onerarijs nauibus, quas Antonius secum ex Italia adduxerat, ignem iniicit, oppidoq; per triduum frustra oppugnato, discedit. Caesar cogni to Pompeium ad Asparagum confedis se, capto ex itinere Parthinorum op pido, ad Pompeium cum omnibus copijs pervenit: quem vbi facta à se po testate pugnae castris se continere videt, Dyrrachium, quod Pompeium om nem belli apparatus contulisse intellexerat, magno circuitu, angustoq; & difficili itinere exercitum ducit. Eodem postridie & Pompeius profici scitur. Ceterum Caesar superatis magna militum festinatione, perque iti nerum

ÆTOLIA
ET ACAR-
NANIA RE
CEPTÆ.

THESSA-
LIA ET MA
CEDONIA
RECEPTÆ

PARTHINI
CAPTI.

A nerum compendia difficultatibus, Pompeium præuenit, castraq; ad Dyrrachium ponit. Pompeius dum se Dyrrachio interclusum videt, loco quodam edito iuxta mare, cui Petra nomen, quo nauibus etiam quouis flante vento aditus perquam facilis erat, castra locat: eoq; commeatus ex Asia, proximisq; vndique prouincijs nauibus conferri iubet. Cæsar autem cum re frumentaria angustius vteretur, littoribusq; omnibus arcta Pompeianarum nauium custodia obsessis, comeatus mari non satis commodè subuehi possent, Quintilius & L. Canuleius in Epirum rei frumentariæ causa mittit: frumenta q; vndique è finitimis locis comportari iubet: & quò minore à Pompeianis equitibus periculo subueheretur, dispositis per
B colles, qui plurimi circum castra Pompeij erant, castellis, ductisque de castello in castellum munitionibus, simul equitatum Pompeij quam angustissimo spacio continere, & pabulatione intercludere studebat. Spacium quod Cæsar munitionibus suis circumuallare conatus erat, mille ducentorum stadiorum fuisse ferunt. Pompeius ex aduerso, vt quamplurimum spacij maximo circuitu occuparet, pabulatione item laxiore vteretur, pariter & Cæsarem quam latissimè distineret, quattuordecim in circuitu milia passuum complexus. xxiiii. castella constituit. Dum hæc vtrunque opera perficiuntur, Pompeio rem iusto prælio committere recusante, crebris hinc inde leuioribus prælijs certatum est. Cæsariani verò à sagittarijs funditoribusq;
C busq; quos Pompeius plurimos habebat, valde infestabantur, adeò vt præ multitudine telorum, quæ vndique immittebantur, vix in opere consistere possent. Præterea consumpto iam omni ferè frumento, hordeo deinceps, leguminibus, & panico, cuius feracissima Epirus, se sustentabant. Erat & radicis genus Chara dictum, quod affatim suppetebat, ex hoc admisto lacte panes pinsebant, atq; his frugum inopiam subleuabant. Hinc Pompeianis in quotidianis colloquijs famem exprobrantibus, à Cæsarianis responsum est: Citiùs arborum radicibus victuros, quam Pompeium è manibus dimissuros. vnoq; è panibus his ad Pompeium delato, ferunt Pompeium miratum obstinatum Cæsarianorum patientiam, ingemuisse, & dixisse:
D Cum feris sibi, non cum hominibus negocium esse. vetuisseq; panem illum militibus suis ostendi, ne constanti hostium tollerantia animi suorum frangerentur. In castris cōtrà Pompeianis non minore pabuli atq; aquæ inopia laborabatur: Cæsar enim flumen & riuos qui per castra Pompeij in mare deferebantur, aut auerterat, aut obstruxerat: ita vt præter equos, & reliqua ferè omnia iumenta deficiente aqua & pabulo interirent, castraq; foedo cadauerum odore inficerentur: hinc aduersa militum in castris Pompeianis valetudo. Inter hæc crebris vtrunque, vt alterutri partium se offerebat occasio, commissis prælijs, Cæsar cognito sagittarios Pompeianos indicio ignium nocturnorum iuuari, ad tela in cohortes suas, quæ ad mu-

RES AD DYR
RACHIUM
GESTAE.

CIVITATES
ACHAIAE
RECEPTAE

munitiones excubabant, certiùs conijcienda, vt hostem falleret, ignes di- A
uerso ab excubijs loco fieri iubet: quumque in spem Dyrrachij occupandi
venisset, P. Sulla legato cum parte copiarum ad castrorum custodiam reli-
cto, Dyrrachium contendit. Sed ibi in angustias locorum coniectus, ho-
stibus à tergo irruentibus, pugnaque & alijs duobus ibidem locis ancipiti
Marte commissa, quanquam plurimis Pompeianorū interfectis, non pau-
cos tamen è suis desiderauit. Pompeius autem Cæsare iam digresso, eodem
die tria simul Cæsaris castella, manus distinendæ causâ, oppugnare ador-
tus, ab vno quidem superuentu P. Sullæ legati pedem referre coactus est,
ab altero verò opera Volcatij Tulli, impetu totius legionis per trium cohor-
tium virtutem facilè retuso, repulsus est. Sed hi qui tertio castello insulta- B
bant, à Germanis, qui munitiones Cæsarianas egressi Pompeianorum plu-
rimos ceciderant, ab oppugnatione recedere compulsi sunt. Et nisi Sulla,
memor se ad vim propulsandam, non item ad inferendam relictum esse,
Legati per absentiam Cæsaris, quàm Imperatoris munere fungi maluisset,
dum suos Pompeianis loco pulsos acriùs instantes signo dato reuocat, po-
terat eo die debellatum videri. Sic sex eo die prælijs commissis, tribus apud
Dyrrachium, tribus item apud munitiones, è Pompeianis præter euoca-
tos, manipulares, & Centuriones, duo in vniuersum milia cæsa: signa au-
tem militaria sex relata traduntur. è Cæsarianis verò. xx. omnino desiderati
sunt: omnibus tamen qui intra castellum erant frequenti sagittarum iactu C
saucijs, quarum .c. ac. xxx. milia intra vallum reperta sunt. Porro insignis
in superioribus prælijs Sceuæ Centurionis virtus emicuit, cuius scutum
ccxxx. vel vt alij. cxx. telorum ictibus perforatum ad Cæsarem delatum
est. Quem Cæsar in præmium fortitudinis, seruatiq; sua potissimum opera
castelli, milibus æris ducentis donatū, ab octauis ordinibus ad primipilum
traduxit: ipsamque cohortem duplici stipendio, frumento, alijsque donis
militaribus largissimè prosequutus est. Pompeius autem castra maioribus
longè quàm antea operibus munire aggreditur. Non minori ex aduerso
diligentia & cōtentione Cæsar, Pompeij equitatum nouis operibus, alijsq;
castellis locis opportunis quotidie excitatis, quàm angustissimè cōcludere, D
pabulationeque prohibere conatur: receptaque, vt suprà commemoratum
est, per Caluissium Sabinum & Cassium Longinum Aetolia & Acarnania,
Q. Fufium Calenum cum iisdem in Achaia mittit. Hic præter Delphos,
Thebas, & Orchomenum, & alias plerasque Achaiae ciuitates partim vi in
potestatem redigit, partim missis legatis Cæsari conciliat. Cæsar dum
hæc geruntur, non minùs quàm antea vnquam pacis studiosus, intellecto
Scipionem in Macedoniam venisse, Clodium suum & Scipionis familia-
rem, cum litteris & mandatis de pace ad Scipionem mittit. Ceterum pri-
mis diebus admissus, postea à Scipione reiectus, re infecta ad Cæsarem re-
uersus

A uersus est. Sub id tempus fratres fortè duo Allobroges Roscillus & AEGus, quorum fidei promptaq; opera Cæsar bellis superioribus vsus fuerat, apud Cæsarem à suis de stipendio equitum auerso postulati, quanquã secretò, & verbis leuioribus à Cæsare castigati, indignati tamè, cum aliquot ex popularibus, quàm maximas poterât priùs pecunias mutuati, tanquam ijs quos defraudauerant satisfacturi, plurimis item equis coëmptis, primi Cæsarianorum à Cæsare ad Pompeium transfugiunt. Ex his Pompeius postquam pleraq; de Cæsaris consilijs, munitionibusq;, & situ castrorum didicisset, eruptionis consilium, quod iam antè ceperat, in effectum deducere constituit. Magnum itaque militum leuis armaturæ & sagittariorum

B numerum, ad eam Cæsarianarum munitionum partem mittit, quæ mari admodum propinqua, quàm longissimè à maximis castris, prætorioq; Cæsaris aberat. Huic Lentulus Marcellinus cum legione præerat. Hanc igitur Pompeius omni vi oppugnare aggreditur, ita vt edita magna strage, iam castris ipsius Marcellini immineret, Marcellinianis cohortibus maximo terrore consternatis. Verùm M. Antonius deductis è proximo & superiori præsidio .xii. cohortibus, Pompeianorum impetum nonnihil repressit, Marcellinianosq; simul metu liberauit. Eòdem mox Cæsar significatione periculi procul per castella fumo facta, subsidio cum aliquot cohortibus venit, castraq; ad mare iuxta Pompeium muniri iubet. Quibus iam com-

C munitis, Cæsari à speculatorib. nunciatur, cohortes quasdam & signa, quæ procul intuentibus legionis speciem præbebant, in vetera castra inferri: cuius legionis, vti putabat, opprimendæ studio, quum Cæsar cohortes fortè .xxxiii. diuerso itinere ad castra deduxisset, primo quidem insultu deturbatis à vallo Pompeianis, occupatisq; castris maioribus, in castellum, quod intra maiorum castrorum munitiones erat, repulsis, magna postea statim fortunæ commutatione vsus est. Nam dum sui munitionum perplexitate ignorantiaq; locorum impliciti, incerti per maiora castra diu errant, Pompeio cum legione suis subsidio veniente, simul etiam Pompeianis spe subsidij superuenientis eruptionem per Decumanam portam facientibus, tur-

D batis ordinibus, omnia cæde & fuga latè complentur, vel ipsis signiferis inter fugiendum signa proijcientibus, equitibusq; dimissis equis, pedibus se in fugam cõijcientibus, quanquam Cæsare cum manu tum verbis fœdam suorum fugam incassum sistere adlaborante. Quam in re non minimùm mortis discrimen subierat, dum signifer, quem è fuga violentiùs manu iniecta retrahere conatur, cuspide signi intentata, ni se dimitteret, exitium ipsi minatur: sed scutiger ipsius, excepto ictu, cæsoq; signifero, periculum ab Imperatore auertit. Poterat Pompeius ea victoria finè huic bello imposuisse, nisi metu insidiarum, quòd vallum castrorum Cæsarianorum incustoditum intellexerat, ex Labieni consilio illis qui circa munitiones intra & extra val-

lum dispersi vagabantur, cædendis immorari, quæ fugientibus instare, castraque; A
 Cæsaris inuadere potius duxisset. Hinc Cæsar postquam in castra venit: Nescire
 Pompeium uti victoria pronunciauit, eo enim die, si quando aliàs potuisse
 se superari. Cæsi sunt duobus his vnus diei prælijs è Cæsarianis milites Ro.
 nongenti & sexaginta, equites verò quadringenti: Tribuni militum decem,
 Centuriones .xxxii. in quibus & Sceua ille à quibusdam refertur. Præter
 hos è socijs auxilijsque; quamplurimi, ut numerus occisorum in vniuersum à
 plerisque tradatur quattuor milium eò ampliùs: signa verò militaria capta
 .xxxii. Hinc Pompeius re feliciter gesta, Imperator à militibus consalu-
 tatus est. Captiui autem Labieno poscenti à Pompeio donati, coram reliquo
 exercitu producti, verbisque; contumeliosis & probrosis à Labieno compellati, crudeliter ad vnum omnes interfici iussi sunt. Pompeius his successib.
 supra modum elatus, deinceps non tam de bello, quam de victoria cogita-
 bat: eaque; quæ feliciter à se confecta erant, Regibus & ciuitatibus confederatis
 etiam in maius & multò inflatiùs perscribebat, suæ cuncta virtuti, fortunæ
 nihil tribuens: id quod supererat, vel se cessante facile confectum iri stultè
 credens. Cæsar è conuerso, post noctem per summam mœstitiā exactam,
 conuocatis postridie in concionem militibus, ea quæ acciderant, æquo ani-
 mo, & fortiter ferre hortatur, neue rebus aduersis animis deiciantur, mo-
 net: commemoratisque; superioribus omnibus secundis prælijs, in quibus forti
 & fideli ipsorum opera usus fuerat, docet non eandem semper esse Martis
 aleam: quicquid hinc acceptum cladis, non suæ aut militum culpæ, quando
 à se in nullo peccatum aut erratum esset, sed fortunæ potius iniquitati acce-
 ptum ferri debere, & calamitatem præsentem virtute in posterum reparan-
 dam. Hac absoluta oratione, tanta vniuersum exercitum admissæ culpæ corri-
 puit pœnitentia, tantusque; fuit dedecoris accepti pudor, ut ipsi milites sibi mi-
 nus ignoscetes, vltro decimationis exemplum in se deposcerent. Quod quum
 Cæsar militibus se cõdonare diceret, crescente cum lenitate Cæsaris militum
 verecundia, in signiferos saltem aliquot, quorum potissimum culpa ea clades
 accepta videbatur, quod illi cõuersis præproperè signis fugæ initium dedis-
 sent, animaduerti petunt, ut horum saltem supplicio totius exercitus purgetur
 infamia. Quos Cæsar ignominia notasse, & è gradu militiæ mouisse conten-
 tus, quum grauiorem animaduersionem remisisset, tanta est iniecta militum
 animis cum dolore alacritas, uti abolendi prioris dedecoris studio, statim se
 in hostem duci, facta vnanimi cõclamatione postularent, addito iureiuran-
 do, aut vniuersos morituros, aut victores prælio excessuros. Idem præter pro-
 miscuam militum turbam, & amici primorumque; ordinum quidam Cæsari
 persuadere conantur, præsentique; militum promptitudine uti, & rem prælio
 cõmittere, monent. Cæsar ad hæc, se tempore magis opportuno militum in
 se studia periclitaturum respondit: sed hoc in se animo semper esse pergeret.

Atque

A Atque hæc quidem Cæsar apud milites, priuatim autem apud amicos errorem suum non dissimulauit, quòd castra ad Dyrrachium vbi Pompeio omnia parata & instructa erant posuisset, & non potius aliò inde in maiores difficultates & angustias abstraxisset. Mutatis igitur ex hoc belli consilijs, habita prius sauciorum & ægrorum cura, omnibus quæ exædificarat castellis munitionibusq; concrematis & disiectis, præmissisq; prima nocte rectà in Appolloniam cum vna legione impedimentis, reliquoq; exercitu, præter duas legiones, impedimenta subsequi iussu, ipse haud multò post conclamatis ex militari instituto vasis, ne fugæ magis quàm profectionis speciem daret, cum duabus legionibus nouissimum agmen citato expeditoq; itinere consequitur. Cognito Cæsaris discessu Pompeius, nulla interposita mora, cum omnibus copijs ad Cæsarem insequendum castris egressus, equitatum præmittit, qui Cæsarianos ad Genuium flumen assequutus, transitu fluminis nouissimum agmen impedire conatur. Sed prælio inter equitatum Cæsaris & Pompeij commisso, Pompeianisq; loco pulsus & profligatus, Cæsar cæpto pergit itinere, inhærente assidue vestigijs suorum Pompeio. Ceterum interiecta in exercitu Pompeij mora, quòd Pompeiani ad vetera ad Asparagum castra, quæ in proximo erant, sarcinas ibi relictas repetituri diuerterant, præcurrente continuis magnisq; itineribus Cæsare, quarto demum die insequendi finem Pompeius facit. Cæsar quum Appolloniæ ex itinere subsistens, reficiendis curandisq; militibus, stipendio item persoluendo temporis quantum satis erat, impendisset, præmissis ad Cn. Domitium, quem in Macedoniam ab ipso missum retulimus, de suo aduentu nuncijs, Appollonia, Lyssu, Orico præsidijs aliquot cohortium firmatis, per Epirum & Acarnaniam in Macedoniam ad Domitio succurrendum, si fortè hunc Pompeius peteret, contendit. Eòdem & Pompeius Scipioni à Cæsare metuens, per Candauiam exercitum ducebat. Cæsari verò ad Eginium, quod est oppidum Thessaliæ oppositum, cum exercitu occurrit Domitius: ita coniuncto exercitu Gomphos, quod Epiro venientibus primum se Thessaliæ oppidum offert, Cæsar peruenit. Oppidani qui prius se & sua per legatos Cæsari permiserant, conuersis cum fortuna Cæsaris animis, auctore Androsthenes Prætore Thessaliæ, aduersam Cæsaris fortunam aspernati, Pompeianorum successuum fautores, portis Cæsari præclusis, præsidium à Pompeio expectabant. Quare Cæsar indignatus, cum oppidum altissimis mœnibus cinctum, eodem quo venerat die, post horam nonam oppugnare cœpisset, ante Solis occasum captum, militibus diripendum concessit: motisque inde extemplò castris, præuenta etiam rei à se ad Gomphos gestæ fama, Metropolim peruenit. Metropolitæ intellecto statim è captiuis, quos Cæsar ad muros produci iusserat, Gomphenis casu, portas quas & ipsi iisdem de Cæsare rumoribus permoti clauerant, aperiunt.

Qui ab omni iniuria à Cæsare conseruati, ceteris Theffaliæ ciuitatibus, La- A
 rissa excepta, quam Scipio validissimis exercitus sui præsidij occupabat, vt
 Cæsaris se potestati & imperio submitterent, facile persuasere. Cæsar itaq;
 Gomphis, Metropoli, alijsq; Theffaliæ ciuitatibus receptis, septem omnino
 dierum iter emensus, locum pabulationi idoneum in agris Pharsalicis na-
 ctus, Pompeij aduentum expectaturus castra ibidem locat. Haud multò
 post & Pompeius in Theffaliam ad Scipionem peruenit: vbi habita pro suo
 & pro Scipionis exercitu oratione, postquam suis militibus pro opera pro-
 ximis prælijs strenuè nauata, gratias egisset, Scipionis quoque milites eiuf-
 dem cum suis prædæ & victoriæ participes fore pronunciat: iunctisq; cum
 Scipione castris .xxx. haud ampliùs à Cæsare stadijs, & ipse ad Pharsalum B
 confedit: imperijque honorem sibi cum Scipione focero communem esse
 voluit, ita vt & ipsi classicum æquè vt Pompeio caneretur, alterumq; præ-
 torium tenderetur. Sicauctis non mediocri accessione, duplicatisq; copijs,
 magna in castris Pompeianis securitas & fiducia, nec alij sermones, quàm
 de præmijs, honoribus, sacerdotijs, magistratibusq; in proximum annum
 petendis: præterea de domibus, bonisq; eorum qui partes Cæsaris sequuti
 fuerant, diuidendis: atque adeò de ipso Cæsaris Pontificatu maximo, con-
 tendentibus super eo, non sine acerbissimis verborum contumelijs, Scipio-
 ne, L. Domitio, & Lentulo Spintere. Agebatur præterea de iudicijs, mul-
 tationibus, & supplicijs eorum, qui vel Cæsaris partes sequuti fuerant, vel C
 neutrarum partium Romæ remanserant. Hæc ferè atque his similia tam
 inter milites, quàm ipsos duces, quotidianis in exercitu Pompeiano collo-
 quijs & sermonibus agitabantur, non tam sollicitis omnibus, quàm bellum
 coeptum conficerent, quàm ad quem modum victoria quasi iam parta vti
 deberent. Pompeius ipse, quòd compertum haberet, Cæsarem tum à re pe-
 cuniaria minùs instructum, tum etiam commeatibus destitui, valetudine
 præterea graui & pestilenti ex victus insolentia contracta, exercitum ipsius
 infestari, omnino constitutum habebat prælio abstinere, sperans id quod
 post Dyrrachinam victoriam superesset, se sine suorum sanguine aut peri-
 culo facile etiam quiescendo confecturum, & vel ipsa mora hostium vires D
 attenuaturum, Cæsarisq; exercitum fame & inedia stimulante, relicto Im-
 peratore suo, ad se quamprimùm transiturum, vtpote cui & ab omnibus
 victui necessarijs abundè esset prouisum: quòd munitis obsessisque à se o-
 mnibus passim vijs, castellis, & portubus, commeatus terra mariq; vndiq;
 facile comportari possent. Atque hoc Pompeij consilium soli ferè Catoni,
 qui ciuili parcendum sanguini dictitabat, probabatur. Sed alij complures
 Senatorij atque Equestris ordinis viri, Regesq; confederati, atq; adeò vni-
 uersus exercitus, Dyrrachino successu elati, simul etiam diuturno bello fessi,
 fretiq; multitudine, qua Cæsarem Pompeius longè superabat, ad prælium
 q̄pri-

A **Q**uod primùm committendum Pompeium hortari non desistunt, tandiu victo-
riam differri dictitantes, quandiu à pugna abstineretur. Quidam militum
in sententia persistentes, Pompeium etiam maledictis incessere non dubi-
tabant, Agamemnonem eum, Regemq; Regum appellantes: quippe quòd
vt Agamemnon olim belli causa ceteris interim Regibus apud Troiam im-
perarat, ita & Pompeius delinitus voluptate imperandi, bellum etiam stu-
dio duceret, quò diutius inter alioqui æquales emineret. Quidam tamen
aduersis quibusdam ostentis & insomnijs territum pugna abstinuisse tra-
dunt. Cæsar autem postquam angustijs rei frumentariæ, qua iniquiis
vtebatur, aliquantùm se explicuisset, reficiendisq; militum animis, tum
B corporib. quantum sufficere videbatur temporis tribuisset, perspecta suo-
rum alacritate, nihil magis optabat, quàm acie quamprimùm concurrere.
Ceterùm captata per plures dies sapius occasione, vnico tantùm, eoq; e-
questri prælio decertatum est: quo Cæsar, quanquam equitum numero
longè inferior, ita vt septem milibus Pompeianorum, mille tantùm quos
opponeret, haberet, superior tamen euasit. Quam ad rem non minimum
momenti attulit, quòd Cæsar ex instituto peculiari, vt paucitati equitatus
sui consuleret, adolescētes expeditos, atq; ex antesignanis electos, & prælio
equestri assuetos, pedites inter equites armatos præliari iubebat. Sed ani-
maduerso Pompeium nulla ratione ad pugnam elici posse, nisi ipse in loca
C iniquiora descenderet, alia ratione inita, mutatis quotidie de loco in locum
castris, se quidem commodiore pabulatione & frumentatione vsurum in-
telligebat, militem verò Pompeianum itineri & labori insuetum, continuo
labore insequendi defatigatum iri, simulq; in itinere in aliquam dimican-
di necessitatem conijci posse sperabat. Hinc signo profectionis dato, tento-
rijsq; solutis Scotussam versus castra mouet. Speculatores præmissi ad
Cæsarem recurrentes, nunciant Pompeium longiùs vallo egressum, suos in
aciem producere. Pompeius enim victus conuicijs suorum, aliena sequu-
tus consilia, summam rei quanquam inuitus, prælio cōmittere statuerat,
hoc tantùm apud amicos prolocutus: Eum diem vterlibet horum vince-
D ret, funestum populo Ro. magnarumq; calamitatum initium futurum:
quum prius in concilio prædixisset fore, vt vel ante acierum cōcursum Cæ-
sariani loco pellerentur. Cæsar autē gauisus hoc nuncio, ad suos conuersus:
Non, inquit, de itinere nunc, sed de prælio nobis cogitandum. En vobis,
inquit, toties expetita delendæ prioris infamiæ, sarcindæq; acceptæ nuper
ad Dyrrachium cladis occasio: quam si nunc è manibus amiseritis, non est
quòd aliam temerè in posterum exspectetis: simul copias expeditas castris
educit. Quidam non leues auctores scriptum reliquere, Cæsarem sub me-
diam noctem, quæ proximè præcesserat, Marti & Veneri Genetrici opera-
tum, ædemq; eidem Deæ vouisse, si victoria penes ipsum stetisset. Postri-

RES IN THE-
SALIA IN-
TER CAE-
SAREM ET
POMPEIUM
GESTAE.

die verò postquam suos castris eduxisset, vallum ipsum solo æquari iussisse, A
 ne quis suorum aliquam in receptu spem reliquam sibi cogitaret: sed aut
 cum suis in acie casurum, aut hostium castris potiturum. Labienus autem
 postquam Pompeius expositis pro concione consilij sui rationibus, suos &
 animis & manibus paratos esse iussisset, Pompeij consilium summis lau-
 dibus extollens, exercitum Cæsaris despectui esse iubet, negans eundem
 illum esse, cum quo Gallos, Germanos, Britannos, ipsam denique Hispa-
 niam subegisset: quorum pars longè maxima, alij continuis bellorum la-
 boribus, infinitisq; prælijs, alij diuersis morborum generibus, alij alia oc-
 casione vel periissent, vel abessent: prælium deniq; Dyrrachinum, si quid
 ex illo robore supererat, penitus consumpsisse. Quibus recitatis primus iu- B
 rat, se nisi victorem in castra non reuersurum. Idem & reliqui mox omnes
 hortante Labieno iurant. Ipse quoque Pompeius idem coram omni exer-
 citu iureiurando affirmare nō dubitauit: sic ab omnibus spe & fiducia ple-
 nis è concilio discessum est. Cæsar autem postquam castris Pompeij
 appropinquasset, vbi aciem Pompeij instructam cognouit, & ipse suam
 quamprimùm instruit. Sinistrum cornu aciei Pompeianæ tenebat ipse
 Pompeius, mediam cum legionibus Syriacis Scipio, dextrum Cilicensis
 legio cum cohortibus ab Afranio nuper ex Hispania adductis. Cæsar au-
 tem cum se Pompeio opposuisset, dextrum cornu P. Sullam, sinistrum An-
 tonium, mediam aciem Cn. Domitium tenere iubet: reliquam aciem ita C
 instruit, ne ab equitatu Pompeiano, qui maximus erat, facile circumueniri
 posset. Fuere autem in exercitu Pompeij peditum milia, vt quidam tradi-
 dere. LX. vt alij. LXX. equitum verò septem milia. Cæsar ipse præter euo-
 catos, quorum duo milia erant, Pompeij exercitum centum & decem co-
 hortium fuisse scribit, hoc esse ait milium. LV. Cæsaris autem copiæ. LXXX.
 erant cohortium, quæ milia. XXII. conficiunt. Cæsar acie iam instructa,
 commemoratis suis in milites beneficijs, simulq; professus per se non ste-
 tisse, quominus res ab armis ad pacem deducta fuerit, quod non semel à se
 summo studio tentatum ipsis militibus esse testatissimum, seq; vtrumque
 exercitum Reip. saluum voluisse: postquã de cetero more militari suos ad D
 pugnam opportuna & cōmoda oratione cohortatus esset, militibus vtrò
 exposcentibus, studioq; pugnae ardentibus, tuba signum dari iubet. Quod
 simul atque insonuit, non ea statim animorum promptitudine, qua Cæsar
 sperauerat, concursus est: dum ad conspectum eorundem signorum, eo-
 rundem armorum & telorum, ad auditum eiusdem clamoris, Cæsarianis
 in mentem subit, cum quibus sibi decertandum foret, fratri scilicet cum fra-
 tre, patri forsan cum filio, consanguineo cū consanguineo: hinc loco prio-
 ris alacritatis, luctus, & aliquandiu silentium: donec tandem Crastinus euo-
 catorum vnus, qui primū pilum in exercitu Cæsaris duxerat, cum centum
 viginti

- A** viginti spectatæ virtutis suæ centuriæ militibus se sequi iussis, primus in hostes prorumpens, simul dextra protensa respiciens & inclamans: Faciam, inquit, Cæsar, vt hodie aut viuo mihi aut mortuo sis gratias acturus: simul in hostem irruit, statimq; ab omnibus Cæsarianis infestis pilis procurritur. Non desunt idonei auctores, qui tradunt acie vtrinque iam instructa, antequam classicum pugnae signum caneretur, vtrumque Imperatorem illacrymasse, atq; aliquandiu tam dubium, & vtrique parti funestum pugnae initium facere distulisse: donec tandem Pompeius videns tædio moræ ordines suos iam turbari cœptos, prior signa cani iussit. Hoc indubitatum est, Pompeium monitu Triarij suos loco cōsistere, densoq; agmine impetum
- B** Cæsarianorum, iactumq; pilorum excipere iussisse, quod speraret militibus loco retentis, pila leuius casura, quàm si immissis occurrissent: Cæsarianosq; duplicato cursu defatigatos, antequam ad suos peruenissent, viribus destitutos, remissiùs praelium commissuros. Hinc Cæsariani mirati à Pompeianis inuicem non concurrì, vsu & peritia rei militaris edocti, medio ferè cursu substitere: cumq; à priore contentione non nihil respirassent, confecto cursu incœpto pilis missis gladios in hostes stringunt. Similiter & à Pompeianis, conseruatis tamen ordinibus, locoq; immotis, post pilorum iactum ad gladios ventum est: simulq; equitatus Pompeianus cum multitudine sagittariorum à sinistro cornu procurrens, explicatis turmis
- C** Cæsaris aciem circumuenire cœpit. Cæsar autem postquam equitatum suum ad primum impetum loco cecidisse vidit, quartam aciem, quam è cohortibus aliquot in subsidium totius exercitus prouidè instituerat, atq; in talem euentum post ordines locauerat, signo vexillo dato, suis laborantibus submittit. Ab hac tanto impetu & ea violentia procursum est, vt vniuersus mox Pompeij equitatus loco pulsus, in altissimos montes fuga se reciperet, sagittarij; & funditores præsidio equitum nudati, inermes omnes ferè interficerentur. Eodemq; impetu, eadem illæ quartæ aciei cohortes, acie Pompeij à sinistro cornu circumita, Pompeianos etiam resistentes à tergo adorti, maximè accedente tertia acie, quam Cæsar illuc vsque quiescere iusserat, quæ à fronte se obiebat, vniuersum Pompeij exercitum terga vertere compellunt. Cæsar autem nusquam non præsens, non segniùs manu quàm verbo strenui ducis simul & militis munus obibat. Sunt qui tradant, inter præliandum Pompeium subinde inclamasse, incertum siue ad suos, siue ad Cæsarem: PARCE CIVIBVS: Cæsarem verò ex alia parte, MILES, FACIEM FERI: Quod Pompeianum militem vtpote tyronem adhuc, & per ætatem rei bellicæ insuetum, formæq; & venustatis conseruandæ, quàm decoris militaris studiosiorem, huiusmodi plagas propter cicatricum deformitatem maximè vitaturum, imò ne exspectaturū quidem sibi persuadebat: quum aliàs non tam oculos & os, quàm crura & brachia

ferire

ferire Romanis moris esset. Alij vtramque hanc vocem Cæsari tribuunt. A
 Ceterum Cæsar, postquam vniuersa acie iam in fugam conuersa, stragem
 longè lateque promiscuam edi cerneret, siue pietate in ciues motus, siue
 metu ne Pompeiani sumpta à desperatione audacia ordines instaurarent,
 missis circumquaque præconibus, ciuibus quidem parci, sed in auxilia sæ-
 uiri iubet. Pompeius conspecta suorum fuga, equitatuq; cui potissimum
 tanquam inuictò exercitus sui robori fidebat iam profligato, equo ad ca-
 stra quamprimùm delatus, procul inclamans ad eos qui pro porta præto-
 ria in statione erant: Vos, inquit, castra tuemini & defendite, ego reliquas
 portas circumibo, præsidioque firmabo. Ceterum paulò post prætorium
 ingressus rebus desperatis tacitus & cogitabundus euentum rei expectans, B
 in tentorio desedit. Cæsar autem suos cohortatus, vt præsentī fortunæ be-
 neficio vsi, partam iam victoriam è manibus ne amitterent, licet æstu me-
 ridiano per mediam æstatem, & multa cæde fessos, sequi tamen paratos,
 ne spacium Pompeianis vllum se colligendi, animosque resumendi daret,
 quamprimùm ad castra oppugnanda educit. Quæ quum non tam à Pom-
 peianis etiamnum dispersis, & magis de fuga, quàm castrorum defensione
 cogitantibus, quàm à Thracibus alijsque Barbarorum auxilijs aliquandiu
 defenderentur, hæud multò post Pompeiani multitudine telorum & vul-
 nerum superati, vallo relicto cum Centurionibus & Tribunis in excelsos
 montes, qui castris imminebant, perfugiunt. Ipse Pompeius relicto palu- C
 damento insignibusq; Imperatorijs, quattuor tantum comitantibus, equo
 conscenso per portam Decumanam Larissam properè se cōtulit. Vbi post-
 quam quamminimùm substitisset, cum alijs. xxx. equitibus, qui è fuga eò
 confluxerant, continuato per noctem itinere pari festinatione ad mare de-
 scendit. Cæsar quanquam opulentissimis instructissimisq; hostium ca-
 stris potius, in quibus præter triclinia strata, sumptuosissimaque taberna-
 cula, magnum etiam argenti pondus, reliquaque ad luxum & voluptatem
 comparata videre erat, ne dum miles circa prædam distinetur, occasionem
 rei perficiendæ prætermitteret, parte copiarum in castris Pompeij relicta,
 parte verò alia in sua castra redire iussa, ipse cum quattuor legionibus ad D
 Pompeianos, qui Larissam versus cursum intenderant, persequendos pro-
 ficiscitur: quos postquam è fuga in montem compulsos, auatione flumi-
 nis, qui monti suberat, munitione effecta interclusisset, missis legatis dedi-
 tionem facere cogit, paucis tamen ordinis Senatorij, qui eodem fugerant,
 per noctem fuga dilapsis. Postridie omnibus è monte in planiciem descen-
 dere, armaq; deponere iussis, salutemq; passis manibus suppliciter peten-
 tibus, veniam concessit, militibusq; suis, ne quis eorum violaretur, edixit,
 plurimosq; ex his etiam legionibus suis adscripsit: ijsq; quas secum addu-
 xerat legionibus in castra ad quietem remissis, alijsq; in locum eorum ac-
 ceritis,

POMPEII
 FUGA.

A cerfistis, eodem die Larissam peruenit. Hic fuit memorabilis illius & fatalis inter ciues Rom. in campis Pharsalicis inter Pharsalum ipsum & Enipeum flumen, pugnae exitus. Quo autem die funestissimum hoc ad Pharsalum praelium commissum sit, à nullis certò traditur: fuisse tamen circa diem. XIII. Kal. Sextil. certum est, mense ex quo Cæsar Brundisio traiecerat septimo, post Pompeium quattuor penè menses ad Dyrrachium validissimis maximisq; operibus obsessum. A quibusdam traditum est, Cæsarem simulatq; in castra Pompeij venisset, conspecto occisorum aceruo ingemuisset, dixisseque: Hoc scilicet voluerunt, vt maximis confectis bellis, dimisso exercitu C. Cæsar condemnatus moreretur. L. Florus præter auxilia externa, huic

B bello hinc inde trecenta ampliùs milia interfuisse commemorat. Numerus autem occisorum ab alijs aliter traditur. Asinius enim Pollio, qui & ipse Cæsarianorum ducum vnus praelio interfuit, non plus sex milibus è Pompeianis cecidisse scribit: alij. xxv. milia, præter Senatores decem, Equites quadraginta: è Cæsarianis verò præter Centuriones. xxx. mille ducentos perijsse scriptum reliquere. Ipse autem Cæsar, è suis quidem ducentos, nec ampliùs desideratos, auctor est, & præter hos Centuriones. xxx. è Pompeianis verò milia. xv. cæsa refert. In his etiam L. Domitium, qui Cæsari in Galliam successor mittendus fuerat, ab equitibus in fuga interemptum. Capta autem fuisse milia. xxiiii. eo ampliùs, signaq; militaria ad Cæsarem

C relata. CLxxx. Aquilas verò. ix. Inter Cæsarianorum cadauera inuentum est & Craffini euocati corpus, adacto in os aduersum gladio, quod Cæsar ob egregia erga se eius praelij merita, militaribus ornatum donis, honorifico seorsim ab alijs, haud longè tamen à communi cæsorum tumulo, monumento dignatus est. Hæc antequàm acciderent, obseruata sunt diuersa plurimis in locis ostenta atque omina, quæ tantam hanc cladem, insignemq; Cæsaris victoriam portenderent. Fulmina namque aduersa in castra Pompeij deciderunt, ignisq; in aëre super castra Cæsaris visus, in castra Pompeij delatus, ibidem extinctus est. Item Pompeio nocte sacrificanti victimæ ab altaribus aufugere: ipseq; postridie pulla indutus veste apud principia con-

D spectus, aduersi ominis loco militibus fuit. Signa item militaria apes obsedere. Panicus tumultus in castris Pompeij incerto auctore exortus, vniuersum terruit exercitum: quo sedato, cum se somno dedisset Pompeius, ædem Veneri victrici sibi per somniū dedicasse visus est. Venerem autè victricem militibus in tesseram dederat Cæsar, vt Pompeius Herculem inuictum. Antiochiæ quoque in aëre maximus auditus est armorum strepitus, tanquam exercituum còcurrentium, aut hostium aduentantium. Trallibus verò in templo Victoriæ pro simulachro Cæsaris palma è solo lapide strato repente enata est: alibi quædam simulachra sponte conuersa sunt, alia sudare, fleuere nonnulla. Pergami tympanorum cymbalorumq; sonitus à Bacchi fano

per totam urbem delatus est: aliaq; passim his similia, quæ tum aliàs, tum A
 ipso pugnae die accidere, primò quidē neglecta, postea allato rei gestæ nuncio, omnibus miraculo fuere. Cæsar autem tam insigni illustriq; victoria potitus, pari modestia & clementia usus est. Nam clarissimis quibusq; Senatorij Equestrisq; ordinis viris, qui nullo prius ab ipso beneficio affecti Pompeij rebus studuissent, ut qui nihil contra se deliquissent, facile veniam concessit. Inter hos & M. Bruto, qui à Q. Seruilio Cæpione adoptatus, Q. Cæpio Brutus appellatus est, quiq; postea vnus è percussorib. fuit, salus donata: hūc enim præ ceteris Cæsar etiam ante prælium, si occurrisset, seruari iusserat: prælioq; iam confecto per litteras ad se euocatum maximis insuper honoribus prosequutus est. Eos verò quos semel in potestatem redactos, & à B
 se dimissos, arma iterū sumpsisse cognouerat, interfici iussit: nisi si quos & ex his amicorū precibus condonasset: singulis enim ex amicis suis salutem vnus concesserat. Quinetiam quum in scrinia quibus secretiores ad Pompeium litteræ includebantur, incidisset, è quibus facile multorum in se animum cognoscere poterat, comburere maluit quàm inspicere: ne perlectis litteris, perspectisque inimicorum in se voluntatibus, in aliquem acerbius quàm innata ipsi clementia ferebat, statuere cogeretur. Eadem lenitate & postea usus, Regibus quoque Barbaris, populis, & ciuitatibus, quæ Pompeium auxilijs iuuerant, facile omnem offensam remisit. Thessalos in præmium & signum victoriæ apud ipsos obtentæ, vel ante discessum suum publicè libertate donauit. Pompeius interim postq̃ à Larissa ad mare venit, C
 nactus in ostio Penei amnis nauem frumentariam, quū per noctem in anchoris stetisset, primoq; statim diluculo soluisset, cōspecto maiori nauigio quod præteruehebatur, eoq; consenso, in Lesbū insulam circa Mytilenā aduectus est. Quidam eodem nauigio P. & L. Lentulos, Fauonium item & Deiotarū receptos tradidere. Erat Mytilenæ Cornelia Metelli Scipionis filia Pompeij vxor, Sextus item filius: hos Pompeius, cū oppidum ingredi nollet, in portum per nuncium ad se venire iubet: iisdemq; cū reliquis amicis, cōmeatu, rebusq; suis in quattuor triremes impositis, Attaliā maritimū Pamphyliæ oppidum peruenit: ibi triremes quasdam è Cilicia obuias sibi D
 habuit: tum & milites quidam, Senatorijq; ordinis sexaginta eodem è fuga ad ipsum conuenere. Inde in Ciliciam primò, postea in Cyprum appellens, postq̃ arcem Antiochensum excludendi sui causā captam, suosq; qui se in finitimas ciuitates è fuga receperāt, Antiochia prohiberi intellexit, consiliū Syriæ adeundæ, & ad Arsacem Parthorum Regem se recipiendi amicis hortantib. deponit. Postea perlato ad ipsum classē sibi in Corcyra saluam, Catonemq; cū valido exercitu cōstituisse in Africā trajicere, dubitauit num & in Africā ad Iubam Regem, quod quidam cōsulebant, sibi cōfugiendum esset. Sed quum præter dignitatem videretur, hoc tanq̃ minùs illustri uti per-

A perfugio, ex amicorum consilio Aegyptum petere constituit: tum quod trium haud amplius dierum itinere distaret, quodque ipsa regio potens & felix, nauibus, frumento, pecunijs, alijsque ad bellum necessarijs abundaret: tum etiam quod Reges pueri paternae necessitudine sibi iungerentur. Postquam igitur Caesarem ad se persequendum cum equitatu & una legione viam ingressum, nusquam interquiescere intellexit, celeritatem Caesaris pertimescens, contractis undique quoquo modo pecunijs, coacta etiam undecunque poterat tumultuaria duorum milium militum manu, ijsque cum reliquis ad belli usum necessarijs in naues impositis, Cypro soluens Pelusium venit. Ptolomæus tum fortè vixdum pueritiam egressus, utpote

B tredecim annorum, cum sorore Cleopatra pro regno armis decertabat, castraque ad Pelusium circa montem Cassium haud procul à Cleopatrae castris habebat. Ad hunc Pompeius quosdam è suis mittit, petens pro veteri paternaque amicitia atque hospitio, ut Alexandria receptus, opibus ipsius in presenti calamitate iuuaretur. Quod eò se facilius impetraturum sperabat, quod mortuo Rege patre, tutor puero Regi à Senatu datus, regnū ei summa cum fide restituisset. Verum qui administrationi regni praeerant, quorumque consilij Rex puer regebatur, dum eos qui à Pompeio missi fuerant, cum militibus regijs, inter quos & quidam Romani erant (qui sub Pompeio aliquando stipendium fecerant, quique bellis Syriacis confectis à Gabinio eò

C traducti, & apud patrem Ptolomæum pro praesidio relictī erant) liberiùs & familiariùs colloqui vident, siue veriti ne Pompeius sollicitato exercitu regio regnum occuparet, siue despecta Pompeij fortuna, Caesari victori gratificari studentes, dato benigniori responso Pompeium accedere iubent. Ceterum Photinus Eunuchus pecuniae & thesauris regijs praepositus, Achilles item militum praefectus, consilium Pompeij per dolum interficiendi, secretò inter se ineunt: cuius tam nefarij consilij auctor exstitit Theodotus Samius Rhetor Regis praceptor: Canem, inquiens, mortuum non mordere. Pompeius itaque ab Achilla & L. Septimio, qui bello piratico sub eo meruerat, è maiori nauigio in minorem scapham cum uno atque altero suorum exceptus, (quod littus vadosum magnarum nauium accessum non admitteret) Septimio, qui dextram ei paulò antè Regis nomine porrexerat, primum auerso ictum infligente, videns & ab Achilla & ceteris astantibus strictis undique se peti mucronibus, toga utraque manu in caput adducta, nulla praeter suspirium voce emissa, semet ultro percussoribus feriendum obtulit. Hunc vitae finem sortitus est Cn. Pompeius, cui à magnitudine rerū gestarum meritò Magni cognomen inditum, annum agens .LX. Quidam occisum tradunt die suo natali, quo de piratis & de Mithridate aliquando triumpharat, qui fuit pridie Kal. Octob. alij postridie eius diei interfectum scriptum reliquere. Corpus capite praeciso in littus eiectum, paulò post à

POMPEII
CAEDES.

Philippo Codro liberto Cypri Proquaestore exstructo tumultuariè & è fra
 gmentis scaphæ rogo concrematum, atque ibidem in littore sepulturæ tra-
 ditum est. Navis autem in qua erat Cornelia vxor cum Sexto filio, conspe-
 cta cæde Pompeij Cyprum retrò se fuga recepit. L. autem Lentulus posttri-
 die appellens, & ipse captus in carcere necatus est. Cæsar biduum

Pharsali commoratus, rebusq; omnibus in Thessalia constitutis, relictisq;
 suorum nonnullis ad recipiendas Græciæ ciuitates, Pompeium è vestigio
 in quascunque ille partes se recepisset, persequi statuit. Quem quum in A-
 siam traiecisse suspicaretur, eodem tertio post die cursum instituit. Eo for-
 san itinere cum præmissis copijs triremibusq; atque alijs maioribus naui-
 bus, ipse modico nauigio Hellespontum quâ angustissimus erat, traiceret;
 medijs ferè freti faucibus C. Cassium, qui cū parte classis Pompeianæ .LXX.
 triremium ad Pharnacem in Pontum properabat, obuium sibi habuit. Sed
 tantum abfuit, vt Cæsar aut fugeret, aut à tanta nauium multitudine oppri-
 meretur, vt vtrò Cassium ad deditionem vrgere non dubitaret. Vnde Cas-
 sius ratus Cæsarem studio contra se nauigare, opinione felicitatis Cæsaria-
 næ territus, supplices è triremi manus tendens, veniamq; petens, se & clas-
 sem eidem continuò dedit. Qui à Cæsare in fidem receptus & seruatus,
 postea & ipse per summam ingratitudinem vnus percussorum exstitit.
 Cæsar maximo fortunæ beneficio præter exspectationem seruatus, post-
 quam in Asiam venit, AEolibus, Ionibus, reliquisque gentibus Asiaticis,
 culpam per legatos deprecantibus, veniam concessit: parteque tributorum
 tertia insuper remissa, à publicanorum acerbitate liberauit. Gnidij etiam
 in gratiam Theopompi familiaris sui, libertatem largitus est. Intellectoq;
 interim Pompeium in Cypro conspectum, suspicatus id quod res erat, AE-
 gyptum petijisse, veritus ne præoccupato regno opulentissimo vires recol-
 ligeret, Rhodum traiecit: consensuq; ibidem Cassianis Rhodijque trire-
 mibus, non exspectato donec exercitus in vnum conueniret, cum duabus
 legionibus, equitibusq; octingentis, quum sub vesperam soluisset, nemine
 suorum quò tenderet conscio, gubernatoribus tantum ignem & signum
 nauis prætorix sequi iussis, missoq; postea ad suos nuncio, vt quamprimū
 se subsequerentur, tertio post die, triduo post interfectum Pompeium, vt
 quidam tradunt, Alexandriam peruenit.

Quo tempore quæ hætenus commemorata sunt, tum ad Dyrrachium & in Thessalia inter
 Cæsarem & Pompeium, tum alibi postea acta sunt, alia alijs interim locis
 accidere. C. enim Cassius cum Cilicum, Phœnicum, & Syrorum, cui præ-
 erat, classe, in Siciliam appellens, partem classis Cæsarianæ .xxxv. nauium,
 cui ad Messanā M. Pomponius præerat, pice, teda, stupa, similiq; materia
 flammis concipiendis idonea, iniecta, incendit. Hinc legionariorum præ-
 sidio ægrè præ timore oppidum defendente, minimū abfuit, quin & ipsa
 Messa-

- A Messana caperetur: nisi nuncij de victoria Cæsaris peropportunè allati, Cassium incepto desistere compulissent. Alteri Cæsarianæ classis parti præfectus erat P. Sulpitius Prætor, eaq; Vibone ad fretum in statione erat. Huc profectus Cassius, simili ratione qua superius, aliquot è nauibus flammam inijcit: ita & ex his quinque incendio absumuntur. Reliquis autem à P. Sulpitio in mare deductis, factoque in classem Cassianam impetu, triremes duæ ex eadem deprimuntur, aliæ verò duæ quinqueremes capiuntur, quarum altera prætoria ipsius Cassij erat: sed is scapha è maiori nauigio exceptus, ad suos euasit, cognitoque certiùs de prælio in Thessalia commissio, classem ex ijs locis eduxit. Eodem tempore & D. Lælius, qui Asiaticæ
- B classis præerat, quique insulam Brundusio obiectam, quam Libo priùs tenuerat, quò Vatinium, quem Brundusio Cæsar præfecerat, mari intercluderet, similiter occupauerat, quanquā quinqueremi vna cum alijs aliquot nauibus amissa, omni que aquæ vsu, quam quæ onerarijs nauibus Corcyra Dyrrachioq; supportaretur prohibitus, non nisi accepto Pharsalicæ cladis nuncio à proposito destitit. Parte alia Q. Fufius Calenus, quem Cæsar ante pugnam Pharsalicam in Græciam ad recipiendas Græciæ ciuitates miserat, vastatis latè Atheniensium agris, Piræum quidem Atheniensium portum nullis circumdatum muris ceperat, ceterum ipsis Athenis non antè potiri potuit, quàm Athenienses intellecto Pharsalici prælij euentu, ipsi vltro
- C se dederent. His Cæsar postea etiam nulla imposita multa veniam concessit, addito se non ipsorum meritis, sed maiorum gloriæ eam culpam condonare. Eodem nuncio & aliæ pleraq; Græciæ ciuitates, Cæsari se permittentes, in gratiam acceptæ sunt. Soli ferè Megarenses obstinatiùs in sententia persistentes, non tam vi quàm astu & prodicione, tandem in potestatem venère. Qui magno suorum numero interfecto, ceteris verò quàm vilissimo precio diuenditis, meritis imprudentiæ suæ pœnas exsoluère. M. verò Octavius qui Achaicis Liburnicisq; nauibus præfectus erat, ex clade Pharsalica in Illyricum maxima se cum classe contulerat. Eò Q. Cornificius Cæsaris Quæstor pro Prætor cum duabus legionibus æstate proxima missus
- D fuerat, captisque castellis compluribus, quæ locis editioribus sita, ad decursiones vastationesque magnas præstabant opportunitates, prouinciam sua prudentia hætenus Cæsari seruauerat. Idem paucis Iadertinorum nauibus adiutus, & Octavium tum temporis in ea loca cum classe venientem, compluribus è nauibus ipsius partim captis, partim disiectis, accessu prouinciæ prohibuerat, iunctisque sociorum Iadertinorum nauibus cum captiuis Octavianis, classem quæ vel prælio cōmittendo sufficere posset, constituerat. Cæsar autem postquam profligato ad Pharsalum Pompeio, plurimos è fuga collectos per Macedoniam in Illyricū se recipere intellexisset, veritus ne dum ipse parte diuersa Pompeium persequitur, bellum alibi in-

ATHENAE
ET RELI-
QVAE GRAE-
CIAE CIVI-
TATES RE-
CEPTAE.

RES IN IL-
LYRICO
GESTAE.

stauraretur, Gabinium per litteras cum legione tyronum in Illyricum pro- A
 ficisci, seq; Cornificio iungere iusserat. Proinde Gabinus postquam in Il-
 lyricum appulit, per summas hiberni temporis difficultates, omnibusq; &
 victui & bello necessarijs destitutus, (utpote in prouincia finitimo bello &
 dissensionibus iam exhausta, nec alioqui satis fida) bellum per maximas in-
 commoditates administrabat: & quod intercluso hibernis tempestatibus
 mari commeatus aliunde subuehi non posset, non nisi expugnatis magno
 cum discrimine castellis inopiam subleuabat. Hinc postquam se barbaris
 contemptui esse videt, dum Salonam se recipit, praelio ex itinere decertare
 coactus, caesis suorum duobus amplius milibus, Centurionibus. xxxviii.
 Tribunis quattuor desideratis, Salonam cum his qui praelio superfuerant, B
 se recepit: ibique post menses paucos in maxima rerum omnium egestate
 morbo absumptus est. Ex hoc Octavius in spem potiundae prouinciae ere-
 ctus, percusso cum Barbaris foedere, Caesaris praesidia, mari quidem cum
 classe sua, terra vero cum pedestribus Barbarorum copijs diuersis pluribusq;
 quotidie locis infestabat. Sed Vatinius Cornificij litteris Brundisio acci-
 tus, cum tumultuaria quidem ex actuarijs alijsq; minoribus nauigijs, qui-
 bus rostra imposuerat, classe, verum cum non poenitenda veteranorum ma-
 nu in Illyricum veniens, primoque suo aduentu maritimis aliquot ciuita-
 tibus receptis, reliquas in proposito persistentes praeteruectus, Octavium C
 Epidaurum, ubi Caesaris praesidium erat, terra mariq; oppugnantem, nus-
 quam interquiescens assequutus, ab incepto discedere compulit, fugien-
 temque cum sua illa tumultuaria classe insequi non dubitauit. Ceterum
 Octavius haud ignarus Vatinij classem e minoribus comparatam nauigijs,
 fiducia classis suae ad Tauridem insulam cursum sistit: suspicatusque, quod
 euenit, Vatinium subsequuturum, suos in portu paratos esse iubet. Vatinius
 contra ratus Octavium longius etiam progressum, nauibus suis propter
 tempestatis metum distentis, imparatus nec quicquam tale exspectans, O-
 ctaiij classem sibi obuiam habuit. Et quanquam multis partibus, cum na-
 uium numero & magnitudine, tum ipso apparatu Octauio impar, virtute
 tamen & promptitudine suorum factum est, ut post acerrimam hinc inde D
 concertationem, victoria tandem penes ipsum steterit: ipsiusque Octaiij
 quadriremi, in quam primus cum sua quinquerei impetum fecerat, de-
 pressa, e reliquis non paucae captae sunt, aliae rostris Vatinianarum nauium
 perforatae, in profundum demersae. Propugnatores pars iugulati, pars in
 mare proiecti. Ipse autem Octavius scapha, in quam e sua quadriremi se
 coniecerat, praepondere simul irruentium subsidente, ad myoparonem
 adnatauit: quo exceptus, postquam nox finem praelio fecisset, subsequen-
 tibus nonnullis, quos non tam sua virtus, quam fortunae beneficium ser-
 uarat, in fugam se dedit. Vatinius autem omnibus suis integris in portum
 vnde

A vnde Octavius egressus erat, se recepit: nauibusque ibi reſectis, tertio poſt die verſus Hiſſam inſulam vela facit, quò Octaviuſ curſum intendiſſe ſuſpicabatur. Sed oppido Hiſſanorum quamprimùm per deditiõem in poſtatem accepto, intelligit Octaviuſ vento uſum ſecundo aliò curſum flexiſſe. Ita Vatinius prouincia intra breue ſpaciũ recepta, Cornificioq; reſtituta, poſtquam ſinum illum pulſis aduerſariorum nauibus pacatum tutumque reddidiſſet, Brunduſium reuerſus eſt.

In Hiſpania quoque tum alioqui pacata, per id tempus maximis tumultibus, grauiffimisq; ſeditionibus cauſſam præbuit Q. Caſſius Longinus, qui Hiſpaniam ulterioſiorem pro Prætore obtinebat. Nam quum is ſiue inſita ſibi cupiditate, ſiue

B odio, quod in illam prouinciã vel antea, Quæſtor in ea ex inſidijs vulneratus, conceperat, eandem per ſummam auaritiã adminiſtraret, & quò militum animos ſibi quoquo modo conciliaret, largitionibus & pollicitationibus ſpecioſis militarem diſciplinã infringeret, (ita tamen vt hac ipſa ratione largitori ipſi maiora quærentur commoda: dum ſcilicet quò grande æs alienum ibi contractum diſſolueret, ſimulatione futuræ liberalitatis, à nullo genere quæſtus ne minimi quidem ac ſordidi abſtinet) pecunijsq; acerbiffimè vel exactis vel imperatis, alijsque grauiffimis oneribus prouinciã omnimodè diuexaret, priſtina prouincialium in ſe odia plurimùm exaſperauit, uſqueadeò vt quidam noua de cæde ipſius conſilia inirèt. Cumq;

C acceptis eo fortè die à Cæſare litteris, quibus exercitum in Africã trajicere, & quò auxilia quæ Iuba Rex iam miſſis longè maiora Pompeio in Theſſaliã miſſurus videbatur, impediret, per Mauretaniã in fines Numidiæ venire iubebatur, animo ob id elatus, omnia etiam inſolentiùs impotentiusque perageret, hi qui in exitium ipſius conſpirauerant, haud diutiùs ferendum rati, præeunte Minutio quodam Silone impetu factò, interfectoq; proximo liſtore, Caſſium plurimis ſimul plagis conſauciant: eoque mortuo, vt ipſi credebant, relicto, alij aliò dilabuntur. Sed Caſſius poſtquam vulneribus obligatis & curatis ad ſe redijt, præcipuis quibuſque coniurationis auctõribus interfici iuſſis, alijs crudeliſſimè excruciat, ſuperante crude

D litatem auaritiã, quosdam etiam pecunia ſupplicium & mortem redimere paſſus eſt. Deinde poſt dies aliquot, alteris à Cæſare litteris de Pompeij clade & fuga factus certior, quanquam dubius quid ſibi in poſterum conſilij capiendum foret, pecunias tamen imperatas maiori quàm antea acerbitate exigit, aliãq; ſimul etiam ampliorem imperat: habitisque nouis ad Africanã expeditionem per omnes prouinciæ conuentus & colonias delectibus, territõs tranſmarina militia ad ſacramenti redemptionem vocat. Hinc creſcentibus quotidie ſub ſpecie mandatorum Cæſaris, reuera autem ſtimulante odio & vindictæ cupiditate, iniurijs, creuère ex aduerſo non prouincialium modò, ſed & legionariorum quorundam in Caſſium odia: eoq;

tan-

TVMULTVS
ET SEDI-
TIONES LE-
GIONVM
IN HISPA-
NIA.

tandem res prouecta est, vt legionib. inter se dissidentibus, parùm abfuerit, A
quin vniuerfa prouincia à Cæsare alienata fuerit. Conuentus autè Cordu
bensis inter ceteros, cum duabus cohortibus præfidiarijs, duce sibi sumpto
M. Marcello AEfernino (quē tamen, paullò antè Cassius Cordubā miserat,
vt eam in potestate retineret) à Cassio defecit. His se iunxere legiones ali-
quot, è quibus quædam sub M. Varrone aliquando pro Pompeio militaue-
rant. Hæ prius ducem sibi elegerant L. Torium Italicensem: & ne per sedi-
tionem dissentire videretur, Pompeio se prouinciam recuperare velle dicti
tabant: sed postq̃ se Cordubensibus & Marcello iunxere, dum vident Cas-
sium æquè Cæsarianis ac sibi inuisum, neq; Marcellum à Cæsaris partibus
abduci posse, deletò è scutis Pompeij nomine, Marcellū & hi sibi ducem ca- B
piunt, Prætoremq; simul appellant: & sic castra ad Cordubam ponunt. Eò-
dem mox Cassius cum suis legionibus venit, scriptis prius ad Regem Bogu-
dem in Mauretaniā, & ad M. Lepidum in Hispaniā citeriorem pro sub-
sidio litteris: castrisq; citra Betim flumē quattuor circiter passuum milibus
à Corduba loco edito locatis, populatisq; circumquaque ferro & flamma
Cordubensium agris atque ædificijs, nihil ab hoste atrocissimo differebat.
Qua iniuriā iritatis Marcellianorum animis, minimo minus abfuit, quin
legiones iusto prælio concurrerent, ni Marcellus intelligens quemcunque
tandem euentum res habitura fuerat, Cæsaris hoc detrimentum fore, mi-
lites iam Betim traductos, siue loci iniquitatem, siue Cassij ignauiam caus- C
fatus, transmissò iterū flumine maturè in castra reduxisset. Quo in transitu
è nouissimo Marcelli agmine ab equitibus Cassianis complures occisi sunt.
Ex hoc intelligens Marcellus transitum fluminis difficilem iuxta ac pericu-
losum esse, castra & ipse Betim transfert. Hinc Cassius videns se auatione
minùs commoda vlurum, ad Vllam oppidum sibi fidele per noctem le-
giones cum festinatione ducit, castraq; ipsis oppidi mœnibus iungit. Mar-
cellus insequutus, castrisq; ex aduerso positus, contentus operibus excitatis
Cassium populationibus & vastationibus agrorum prohibere, rem & tem-
pus trahens, pugna de cetero abstinuit. Interim Bogud, qui cum auxilijs è
Mauretania iam aduenerat, exteriores Marcelli munitiones frustra oppu- D
gnare tentat. Sub idem ferè tempus & M. Lepidus Procos. ex citeriore Hi-
spania cum cohortibus trigintaquinque, magnoq; equitatu, & reliquis au-
xilijs aderat: non tam alteram partium iuuaturus, quàm fœda ducum & le-
gionum dissidia compositurus. Huic se statim Marcellus permittit: Cas-
sius autem siue causæ suæ metuens, siue Lepidum suspectum habens, siue
alia quauis de causa, suis se tenebat munitionibus. Atque hinc postquam
Lepidus iunctis cum Marcello ad Vllam castris, fide data inducijsque con-
cessis, quò maiorem Cassio ad se veniendi securitatem præstaret, partem in-
super munitionum Marcellianarum disiecisset, custodiasque deduxisset,
Bogudis

- A Bogudis auxilia altero impetu in castellum Marcelli, quod castris Regijs oppositum erat, facto, non paucos Marcellianorum oppressere: maximaq; cædes subsequutura fuerat, nisi Lepidus interuentu suo prælium diremisset. Cassius liberum sortitus exitum, Norbam se cum suis recepit. Lepidus autem Cordubam cum Marcello profectus est. Cumq; per hos tumultus C. Trebonius Procos. qui Cassio succedere debebat, ad prouinciã obtinendam in Hispaniam vltiorem venisset, Cassius intellecto ipsius aduentu, legionibus in hiberna distributis, sarcinisque compositis, ne cum pecunia ex rapinis conflata, priuatus iam & exercitu nudatus in potestatem veniret, Malacam properat: consensuq; ibidem nauibus, versus Hispaniam
- B citeriorem vela facit: cumque per noctem in Iberum flumen diuertisset, obortaq; tempestate propter aduersos fluctus nauem flectere non posset, nauigio violentia fluctuum marinorum in ipso fluminis ostio demerso, interiit. Atque hæc quidem in Illyrico & in Hispania hisce temporibus procul à Cæsare & Pompeio gesta sunt. Cato autem, qui post felicem Dyrrachini prælij euentum, à Pompeio Cæsarem in Thessaliã fugientẽ persequente, Dyrrachij cum quindecim cohortibus præsidio pecunijs com meatibusque bellicis, tum etiam aduersus Parthinos, ne quid interea mouerent, relictus fuerat, accepto funestissimæ ad Pharsalum pugnae nuntio, in Corcyram, vbi Pompeiana trecentarũ nauium classis erat, cum ijs quas
- C secum habebat copijs, traiecit: Ciceroniq; quem ibi inuenit, copias suas tradere volebat, Prætorius scilicet Consulari cedere paratus. Sed Cicero exercitum accipere recusans, Romam inde cum alijs aliquot Senatorij ordinis rectã se contulit. Haud multò post, ad Catonem, qui summæ rerum in Corcyra præerat, sparsæ magis quam oppressæ partium vires, alij post alios conuenire. Et primi quidem, Labienus, Afranius, Scapula, & ipse Scipio Pompeij socer. Deinde Cneus filiorum Pompeij natu maior: qui postquã patre ad Dyrrachium & Pharsalum rebus gerendis intento, vniuersam ferè Epiri oram cum classe AEgyptia circumuectus, plurima crebris in terram excursionibus detrimenta intulisset, tentataq; non solùm Orici, quod M.
- D Acilius tenebat, (vbi tamen cum magna oppidi parte naues ferè omnes, quæ in portu erant, flammis iniectis absumpsit) sed & ipsius Brundusij, nihilo meliore successu, quàm alij ante ipsum fecere, expugnatione, post irritos conatus, & ipse Corcyram se recepit. Postea & C. Cassius post prælia aliquot terra marique non infelicitè commissã, plurimaq; cum Siculæ, tum Italicæ oræ loca à se infestata & vexata, vt suprã relatum est, eodem cum sua tandem classe peruenit. Similiter & C. Octavius ab Illyrico & Epidauri oppugnatione à Vatinio depulsus, vt suprã dictum est, eò postea delatus est. Denique quotquot primi nominis Pompeianorum ducum prælio su-

perfueraut, nec in Cæsaris potestatem venerant, huc ad Catonem tandem A
vndique confluxere, classeque inter ipsos diuisa, C. quidem Cassius in Pon-
tum, Pharnacem Regem aduersus Cæsarem concitaturus, cum .LXXX. na-
uibus missus est. Sed is dum inter nauigandum in Cæsarem incidit, salute
impetrata classem amisit, sicut supra memoratum est. Cneus autem Pom-
peius Magni filius, cum Labieno & Scapula, & parte exercitus, in Hispa-
nias, ad alias copias cogendas, maioresq; apparatus faciendos proficiscitur:
Scipio verò in Africam ad Varum, nō sine spe auxilij à Iuba Numidiæ Re-
ge impetrandi, cursum dirigit. Ipse autem Cato in Peloponesum, spe eius
potiundæ sibi iniecta, trajcit: Patrisque occupatis, ibidem Petreium & Fau-
stum Pompeij generum præter alios sibi adiungit. Ceterum Caleno, quem B
à Cæsare in Græciam missum superius retulimus, cum suis copijs acceden-
te, dum solutis nauibus, relictis Patris, cum his qui sibi aderant Cyrenem
petit, è Sexto Pompeio sibi in itinere obuius, de cæde Pompeij intelligit: Be-
renycenq; maritimum Cyrenaicæ oppidum delatus, Cyrenem inde per-
gens, à Cyreneis receptus est. Hic inter eos qui Catonem hucusq; sequuti
fuerant, sententijs aliquandiu variatum, vtri se partium adiungerent: do-
nec tandem discessione facta, hi quibus nulla spes veniæ supererat, apud
Catonem (cui mori certiùs erat, quàm Cæsari se permittere) remansere.
Reliqui alij aliò, quò quemque casus deferebat, dilapsi sunt. Quidam rectà
ad Cæsarem profecti, impunitatem impetrauere: in quibus & C. Cassius C
memoratur. Cato autem intellecto Scipionem ad Iubam confugisse, ho-
norificeque & humaniter à Rege exceptum, ipse quoque iter eò instituit.
Exercitu igitur propter aquæ penuriam in partes diuiso, asinisque complu-
ribus, qui vtres aqua plenos gestabant, secum assumptis, septem dies con-
tinuos per deserta Syrtium, & profunda arenarum æstuarium, infestaq; feris
& serpentibus loca, decem milium agmen laborioso difficilique itinere du-
cens, ipse capite semper aperto ante legiones pedibus iter faciebat. Strabo
auctor est, à Berenyce iter ingressum Syrtim pedibus per triginta dies per-
agrasse. Confirmatis autem plurimum accessione copiarum Catonia-
narum partibus, post longam Vari, qui eam prouinciam hætenus admi- D
nistrarat, & Scipionis ante Catonis aduentum de imperio disceptationem,
Cato oblatam sibi à militibus summam, vel saltem æqualem cum Scipio-
ne potestatem, vtrumque recusans, quòd maiorem Prætura magistratum
necdum gessisset, Scipioni, qui dignitate reliquos facile anteibat, haud in-
uitus cessit, & exercitum quem adduxerat, eidem tradidit. Romæ
autem primis de Pharsalica pugna rumoribus diu non est creditum.
Neq; enim Cæsar, ne parua contra ciues victoria insolentiùs effèri videretur,
de rebus à se ad Pharsalum gestis ad Senatum litteras dare curauerat.
Sed

A Sed vbi tandem allato certiore nuntio fides est habita, Pompeij & Syllæ imagines, quæ pro rostris stabant, disiectæ sunt. Postea vbi allato Pompeij annulo, etiam cædis Pompeianæ fama confirmata est, statim Pompeio cōiicijs palàm ab vniuersis exagitato, quidquid honorum excogitari poterat, certatim tam à primoribus, quàm à populo in Cæsarem collatum est. Inter quæ præter statuas, coronas, aliaq; his similia, vel antea vsurpari solita, vel tum primùm excogitata, quæ Cæsar ipse postea repudiauit, præcipua fuere Consulatus in quinquennium, Dictatura, non semestris, vt antè, sed annua, Tribunitia potestas in perpetuum ipsi decreta. Præterea prouinciarum extra sortem quibus vellet decernendarum, comitiorum denique omnium magistratuum, plebeis exceptis, arbitrium & potestas. Quæ Senatus decreta postquam ad Cæsarem Alexandriam perlata sunt, reliquis quidem approbatis, Dictaturam etiam statim iniit, M. Antonio qui necdum prætor fuerat, magistro equitum sibi assumpto, eoque ad urbem remisso: reliquorum verò magistratuum comitia in aduentum Cæsaris ad finem vsque anni delata sunt. Per hæc tempora Respublica diu grauissimis tumultuosissimisq; seditionibus agitata est. Primis motibus ansam dedit M. Cæcilij & C. Trebonij Prætorum de Prætura urbana contentio: indignante nimirum Cæcilio prælatum sibi in ea Trebonium, qui Prætor à Cæsare constitutus, non more maiorum electus erat: ita vt omnibus Trebonij actionibus acerrimè se opponeret, neque eum secundum Cæsaris leges ius dicere pateretur: rescissisq; ijs quæ Cæsar de pecunijs creditis constituerat, debitoribus aduersus creditores se auxiliaturum, mercedesq; habitationum conductoribus donaturum polliceretur, facto etiam in collegam cum multitudine sibi adiuncta, impetu. Postea etiam lege in id lata, mercedes habitationū conductoribus remisit, & nouas tabulas proponere non dubitauit. Eoque tandem res progressa est, vt Senatus non nisi armatorum militum præsidio septus conueniret, Seruilioq; Consuli custodiam vrbs mandaret, Cæcilio ipsi omni administratione Prætoria interdicta. Concitataq; ex hoc non modò Roma ipsa, sed & per Milonem (qui solus exulum à Cæsare reuocatus non fuerat, cuique se quoquo modo Cæcilius iungere studebat) vniuersa ferè Campania, non prius hi conquievere tumultus, quàm cæso in Apulia Milone, ipse quoq; Cæcilius, qui in Brutios novos & ibi motus cōcitaturus concesserat, à Cæsarianis in ipsis conatuum suorum initijs oppressus & interfectus est. Nec minores postea motus primo sequentis anni initio exorti sunt. Dilatis enim in Cæsaris aduētum comitijs, insolita in vrbe magistratuum solitudo erat, ita vt nec Consul, nec Prætor adesset, solusq; Antonius, qui magister equitū à Cæsare creatus erat, omnia pro suo arbitrio administraret. Deinde L. Trebellius, & P. Cornelius Dolabella Tribuni pleb., nouis urbem seditionib. implicuere. P. enim

HONORES
CAESARIS
DECRETA

CAESAR DICTATOR. II.
M. ANTONIUS
MAG. EQV.

SEDITIONES
VRBANAE.

Dolabella, quum ære alieno prægrauaretur, à Patitijs ad plebem, quò Tri- A
 bunus pleb. fieret, transiuerat: statimque Tribunus factus, debitoribus ad-
 uersus Patritios sese auxiliatorem præstitit. Trebellius contra, nobilitatis se
 propugnatorem exhibuit: legibusque hinc inde per tumultum promulgatis,
 tandem & ad manus ventum, nec à cædibus temperatum est: ita ut nec Se-
 natus nec Antonij auctoritas quicquam valeret, sed apud seditiosos hinc
 inde iuxta in contemptum veniret. Hinc tertia nata factio Senatus & An-
 tonij aduersus vtrumque: Antonioque à Senatu permissum, ut exercitum
 intra urbem haberet, ipseque cum reliquis Tribunorum plebis custodiam
 urbis S.C. suscipere iussus est. Ita ut Trebellius & Dolabella & à seinuicem
 & ab Antonio, Antonius verò ab utroque oppugnaretur: omniaque passim B
 atrocissimis maximisque maleficijs & facinorib. miscerentur: maxime quòd
 Antonio ad milites (qui à Cæsare à pugna Pharsalica in Italiam præmissi
 licentiosius seditiosiusque agere nunciabantur) metu nouorum motuum
 profecto, cura urbis L. Cæsari relicta erat, quem Antonius discedens Præ-
 fectum urbi crearat.

Cæsar interea postquam Alexandriam perue-
 nit, statim de cæde Pompeij certior factus, Alexandrinis etiamnum tumul-
 tuosius agentibus, in littore aliquandiu ad anchoras substitit. Sed haud
 multò post Theodotus Rhetor, à Rege adhuc circa Cassium montem hæ-
 rente missus, caput & annulum Pompeij ipsi obtulit: ad cuius aspectum
 vultum auertens, altiusque ingemiscens, casum tanti viri miseratus, etiam C
 largius lachrymas profudisse traditur, ciuem generumque suum subinde
 appellans. Percussiores verò tantum abfuit ut laudaret, aut gratias ageret,
 ut tanquam parricidas detestaretur, facinusque ipsum, ut impium & inhu-
 manum, palam damnaret, & execraretur. Caput autem Pompeij honesta
 sepultura in suburbio Alexandriæ dignatus est. Addunt quidam eodem
 loco quo caput ipsi oblatum fuerat, Nemesis, siue Indignationis sacellum
 in monumentum actæ rei statuuisse. Annulum verò postea Romam misit.
 Huic quidam leonem ensiferum, alij tria trophæa insculpta fuisse prodidère.
 Ex hoc Cæsar securior iam factus, deductusque à tutoribus præfectisque Re-
 gijs, dum Alexandriam ingredi cogitat, subito inopinatoque præsidij Alexan- D
 drini tumultu exceptus est: Ægyptijs videlicet fasces Cæsari præferri, Re-
 giamque per hoc maiestatem imminui clamitantibus: ita ut crescente tu-
 multu, Cæsar in regiam confugere coactus fuerit: & postea plerique è mi-
 litibus ipsius quotidianis Alexandrinæ multitudinis concursibus diuersis
 urbis partibus malè multarentur, interficerenturque. Sed Cæsar composito
 utcumque eo tumultu, maiora metuens, legiones sibi ex Asia alias quam pri-
 mum adduci iubet: pecunijsque vndique cogendis intentus, tanquam aliud
 agens, ocio hoc interim spacio ob suorum infrequentiam se dabat, quosuis
 ad se accedentes comiter excipiens, subinde & per urbem tanquam spectandi
 eius

CAESAR ALE-
 XANDRIAM
 PERVENIT.

A eius gratia obambulans, pulchritudinem se eius demirari simulabat. Nonnunquam & ad professores sapientiæ & disciplinarum accedens, etiam stans eos audiebat. Quæ res vel imprimis apud Alexandrinos plurimum ipsi ad beneuolentiam & gratiam contulit. Præter hæc, si qui ex Pompeij comitibus atque amicis capti in Regis potestatem venerant, hos omnes summa liberalitate & beneficentia prosecutus, sibi mirè conciliauit. Quumq; controuersiam, quæ inter Ptolomæum & Cleopatram de regno erat, ex testamento patris Ptolomæi, ad cognitionem populi Romani, & suam, quod Consul esset, pertinere diceret, vtrumque ab armis discedere iussim, iurè apud se de causa contendere iubet. Ptolomæus enim, è quattuor liberis

B quos decedens reliquerat, (filijs scilicet duobus, & totidem filiabus) regnum duobus natu maximis ex utroq; sexu, Ptolomæo & Cleopatra, testamento reliquerat, quos etiam ex veteri instituto apud Ægyptios obseruari solito, matrimonio inter se coniungi volebat: missisq; Romam per legatum testamenti tabulis, populum Ro. per omnia sacra & fœdera obtestatus erat, ut quæ ipse de regno testamento cauerat, ea ita uti fierent, operam darent. Photinus tamen interea & Achilles, ceteriq; tutores & præfecti Regij, nihil intentatum relinquebant, quod Cæsari quoquo modo inuidiam apud populum & exercitum conflarent: præter cetera probra & hoc nomine Cæsarem apud eosdem accusantes, quod is sub specie recipiendi crediti, quo Regem Ptolomæum defunctum sibi obnoxium esse causarètur, usq; ad summam mille septingentarum quinquaginta miriadum, expilatis omnibus thesauris Regijs, & preciosiori cum aurea tum argentea supellectile, imò & frumento publico intercepto, ne à sacris quidem manus contineret. Cuius rei ut facilius fidem facerent, frumentum iam vetustate corruptum militibus dispartiebantur, ligneisq; vasis & fictilibus ad conuiuia utebantur. Et Photinus Regis nutritius inter ceteros, siue causæ Regis à iudice parum æquo, & iam parti aduersæ affecto metuens, siue stimulante concepto iam in Cæsarem odio, præter Regiam dignitatem esse dicebat, Regem ad causam dicendam in ius vocari. Communicatis igitur clandestinò cum his, quos pro-

D positi conscios habebat, consilij, copias Regias clam à Pelusio reuocat, ijsq; omnibus Achillam præponit: quæ etiam per litteras & nuncios ea quæ fieri vellet, edocet. Cleopatra autem, quæ hætenus per alios causam suam apud Cæsarem egerat, quæstæ se ab amicis & necessarijs desertam, quum tam in formæ elegantia, quam sermonis venustate (quibus reliquas faciliè mulieres anteibat, quibusq; Cæsarem, utpote amoribus obnoxium, capi posse sperabat) magnam haberet fiduciam, per internuncium petit, ut sibi liceat iniurias sibi à fratre illatas, Cæsari coram exponere. Clam itaque à Cæsare ex interiorè Ægypti regione accersita, nullo ex familiarib. suis præter Apollodorum Siculum comite assumpto, eoq; corporis ornatu, ut salua formæ

dignitate misericordiam Cæsari moueret, paruulum ingressa lembum sub A primas vespertini temporis tenebras ad regiam ad nauigauit: & quò custodes falleret, stragulo siue culcitrae in longitudinem inuolutam, loroq; circumligatam, Apollodorus tanquam sarcinam aliquã in interiorem regiam ad Cæsarem introtulit. Quæ statim genibus ipsius aduoluta, partem saltem regni sibi reddi petit. Cæsar miratus astutiam puellæ, simul gratia formæ, & dulcedine orationis, ipsaq; morum suauitate illectus, sororem fratri reconciliaturus, Ptolomæum quoque postridie ad se venire iubet: exutaque iudicis persona, controuersias de regno compositurus, pro amico atque arbitro se deinceps gerere cœpit, quanquam in Cleopatram quàm in Ptolomæum longè propensior. Ptolomæus postquam ad Cæsarem ingressus, B sororem Cleopatram intus esse vidit, inexpectata rei nouitate attonitus, ita excanduit, vt proiecto diademate proditum se clamitans, ad populum prosilire pararet. Sed qui tum fortè Cæsari aderant, veriti ne ad suos rediens tumultum excitaret, comprehensum ad Cæsarem reducere. Hinc coorto maximo tumultu, Ægyptij statim regiam terra marique inuadunt, eam procul dubio occupaturi, Cæsare potissimū omnibus ad resistendum destituito, ni Cæsar de loco tuto omnia se quæ vellent facturum promississet: progressusq; cum Ptolomæo & Cleopatra in concionem, Regis testamentum de scripto recitari curasset. Quo in eam sententiam, qua supra relata est, recitato, addens omnem populi Romani potestatem in se translata, C quòd iam Dictator esset, (eo enim honore statim post nunciatam in vrbe Pompeij cadem sibi à Senatu in annum decreto, iam tum Cæsar vti cœperat) Ptolomæo & Cleopatraz regnum Ægypti, vt testamento Regio cauebatur, assignauit: Arsinoe verò & Ptolomæo iuniori Cyprum etiam de suo concessit. Ita reconciliatis inter se Regibus, tumultus quoque sedatus est. Ceterum non cessante Photino, Achillam, vt cum exercitu accedere prope raret, per litteras instigare, sparsoq; rumore, Cæsarem in præsentiarum quidem vtrique regnum dedisse, sed postea soli Cleopatraz adiudicaturum, alij statim prioribus grauiores exstiterè motus. Et iam Achilles cum equitatu Regio, cumq; exercitu (qui . x x . milium erat, plurimumq; ex ijs militibus D constabat, quos Gabinius cōfecto bello Syriaco cum Septimio, Ptolomæo Regi præsidij loco reliquerat) aduentare nunciabatur. Cæsar autem horū hactenus ignarus, certusq; sibi minus adesse roboris, q̃ vt oppido egressus tantis se viribus opponeret, intra regiam se continere constituit: missisq; nomine Regis ad Achillam legatis, Dioscoride & Serapione, vtroq; maxime quondam apud Regem defunctum auctoritatis, Achillam exercitum dimittere, & ab incepto desistere iubet. Sed Achilles per litteras à Photino monitus, ne cœpta relinqueret, persuadens sibi non à Rege, sed à Cæsare missos, & mandata habere, inauditos statim corripit iubet, alteroque ex his occiso,

A occiso, alter grauius vulneratus pro mortuo à suis sublatus est. Quo intellecto, Cæsar primùm Regem in sua habere potestate studuit. Achilles autem paucitate Cæsarianorum contempta, atque ipsa mox Alexandria, eaq; oppidi parte, quam Cæsariani milites tenebant, occupata, primo statim impetu in regiam irruisset, ni Cæsar deductis copijs, dispositisque per vias cohortibus, impetum sustinuisset. Eodem tempore & ad portum acerrimè certatum est, Ægyptijs naues quæ plurimæ in portu erant, occupare conantibus: sed loco pulsus, frustra hic eis conatus fuit. Cæsar autem, quòd parua manu tam latè tueri non posset, naues quæ in portu & naualibus erant, incendi iubet. Ibi fortè quum flamma longiùs euecta proxima naualibus te-

B cta inuasisset, cum bona vrbs parte etiam nobilis illa quadringentorum, siue septingentorum milium librorum, Ptolomæi Philodelphi bibliotheca, tum horrea, in quibus frumenta publica recondita erant, simul conflagrarent. Veritus etiam Cæsar, ne si Pharum insulam hostis occuparet, portum quoque intercluderetur, (is enim erat insulæ situs, ut inuitis ijs qui eam tenerent, propter angustias in portum introitus non pateret) expositis statim in Pharum militibus, insulam occupat, eamque præsidio firmat: ita ut auxilia & frumentum, & reliqua bello necessaria tutò supportari possent. In oppido interea pluribus passim partibus noctu & interdiu dubio Marte pugnatum est, paucis utrinque interfectis. Cæsar autem regiam, in quam

C primo suo ingressu diuerterat, cum proximis ædificijs tenebat. In his theatrum erat, quod pro arce Cæsari erat, simul & ad portum & naualia tutum præbebat accessum. Hæc loca Cæsar, & si quæ alia sibi idonea, vel necessaria videbantur, per noctem & interdiu pluribus diebus communiens, obiecto quasi hostibus muro, hoc consequutus erat, ne inuitus cum hoste dimicare cogeretur: deiectisque deinde alijs atque alijs ædificijs, quibusdam etiam per vim receptis, munitiones quotidianis operibus proferebat. Interim ex Rhodo, Syria, & Cilicia, omnem classem auxiliaq; adduci iubet. Nec minori studio aduersarij sua administrabant, aut bello se cõparabant. Achilles enim præter portum quo potiebatur, etiam longè maxima oppidi

D parte, locisque sibi opportunis occupatis, vias omnes & angiportus maximis operibus muniebat: idque ea industria, ut simul suas munitiones defenderent, & Cæsarianas infestarent. Conuectoque in urbem maximo omnigenum telorum, tormentorum, aliarumq; machinarum bellicarum numero, institutisque maximis armorum officinis, habitisque nouis delectibus, auxilia undique conquirebant: quin & seruos omnes puberes armabant. Sicut autem Cæsar toto mari potiebatur, ita Achilles portum tenebat: metuensq; ne Cæsar nauali prælio superior portum occupare conaretur, aggere plurimo iniecto, relictoq; paruo ad emittendas naues intervallo, portus introitum obstruxit. Sed Cæsar demissis ante easdem angustias onerarijs aliquot

naui-

nauibus, quas saxis prius infarcierat, hostibus vicissim exitum è portu in- A
 terclusit. Dum hæc fiunt, Arsinoë filiarum Ptolomæi natu minor ne-
 gligentiùs custodita, per Ganymedem Eunuchum nutritium suum tradu-
 cta, ad Achillam & Ægyptiorum exercitum transijt, sperans se hac potissi-
 mùm via possessionem regni vacuam occupaturam. Hanc igitur Ægyptij
 statim Reginam constituunt: gauisique quòd vno ex Regijs liberis apud se
 existente, maiori cum auctoritate & dignitate bellum gestari viderentur,
 maiori etiã studio, maioriq̃ue animorum contentione in bellum incu-
 buère. Quod vbi Cæsar intellexit, veritus ne Photinus idem aliquando de
 Rege moliretur, maximè quòd non solùm ex indicio cognouerat, sed & re
 ipsa deprehenderat, Achillam & litteris & internuncijs ab illo monitum, B
 ne ab incœpto desisteret, sed cœpta fortiter ad exitum perduceret, Photinũ
 interfici iubet: ipsum autem Regem diligentiore deinde custodia seruan-
 dum mandauit. Hinc magis etiam exasperatis Ægyptiorum animis, quũ
 viribus ipsorum magnæ quotidie accessiones fierent, Cæsari autem auxi-
 lia, quæ tam ex Syria quàm aliunde expectabat, necdum aduenirent, Cæ-
 sar his permotus, Ægyptios ad pacis cõditiones perducere cupiens, Regem
 loco vnde à suis exaudiri & conspici posset, constitutum, palàm pronuncia-
 re iubet, se apud Cæsarem haud inuitum esse, quòd summa ab eo huma-
 nitate exciperetur: proinde non esse opus longiori bello, & si pacem velint,
 eam se facilè non iniquis conditionib. confecturum. Sed hæc quòd à Rege C
 subornato, non autem ex animo dici crederentur, Ægyptiorum animos à
 proposito flectere nequiuerunt. Apud exercitum autem orta inter A-
 chillam & Ganymedem de summa imperij contentione, dum vterque mi-
 litum animos maximis certatim largitionibus sibi deuincire studet, mu-
 tuisq̃; seinuicem insidijs petere non desinunt, Arsinoë tandem, tum quòd
 in nutritium suum esset propensior, tum quòd Achillam ipsum tanquam
 socium & consortem iam imperij, non satis æquo animo ferret, illum à Ga-
 nymede prodicionis insimulatum, tanquam rem naualem parùm fideliter
 administrasset, interfici iubet. Ita imperio apud se solam remanente, Ga-
 nymedem vniuerso exercitui loco Achillæ præesse iubet. Hic summa rei D
 administrandæ potestate iam accepta, primùm intercisis aquæductibus,
 siue cuniculis, per quos aqua è Nilo in eam partem oppidi, quam Cæsar te-
 nebat, inducebatur, (nam quòd Alexandria fonte careat, necessariò aqua
 ex Nilo per subterraneos meatus in priuatas domos deriuata, puteisq̃; ex-
 cepta iuuatur) aqua intercludere conatus est. Præterea aqua salsa è mari ro-
 tis alijsq̃; machinis in partem Cæsaris transfusa, eam quæ à Cæsarianis hau-
 riebatur falsugine infecit, ita vt bibi omnino non posset. Hinc Cæsariani
 perculsi, tanquã in extremum adducti discrimen, nihil iam quàm de fuga
 cogitabant: quæ ne ipsa quidem satis tuta videbatur, quòd imminentibus
 sibi

A sibi ex propinquo Alexandrinis, difficillimus ad naues accessus daretur. Sed Cæsar confirmatis vtcunque suorum animis, omnem de fuga cogitationem, vtpote periculosissimam, deponere iubet: quumq; omnibus littoribus venas aquæ dulcis inesse diceret, dato Centurionibus negotio, vt omnibus operibus intermissis, ad puteos in littore fodiendos se accingerent, omnibus huic operi intentis, ita vt nec somno per noctem, nec quieti per diem locum darent, magna breui spacio aquæ vis inuenta, animum Cæsarianis restituit. Dum hæc per biduum à Cæsarianis procurantur, legio trigesima septima à Domitio Caluino cum frumento alijsq; cōmeatibus & apparatu bellico è Syria missa, quum Euro flante portum Alexandrinū

B capere prohiberetur, paullò supra Alexandriam delata est. Sed quum & hæc aqua destitueretur, nauigio aëtuario Cæsarem facit certiore: qui cōscensa naue, classeq; vniuersa se sequi iussa, nullis impositis militib. (quòd munitiones nudare nollet) ad legionem nauigare non dubitauit. Alexandrini intellecto ex remigibus Cæsarianis, quos dum ad Chersonesum Alexandrinam ad aquationem à Cæsare expositi, longiùs prædandi animo euagantur, exceperant, Cæsarem ipsum cum classe venisse, nec militem in nauibus habere, Cæsari cum legione redeunti occurrere constituunt. Sed Cæsar occurrentib. sibi in reditu Alexandrinis, quum necessariò tum propter suorum paucitatem, tum quòd dies iam inclinarat, scilicet post horam

C diei decimam, pugna sibi abstinendum censeret, naues ad terram subduxit. Conspecta tamen vna è Rhodijs, quæ longiùs ab alijs collocata, à pluribus Alexandrinorum nauibus circumuenta periclitabatur, quanquam inuitus in pugnam descendit: laborantiq; subsidium ferre coactus, prælio commisso, cōtentione & virtute Rhodiorum effectum est, vt capta statim vna hostium quadriemi, depressa altera, reliquis verò omniibus suis epibatis nudatis, maximoq; propugnatorum numero interfecto, facilè vniuersa hostium classe Cæsar potiturus fuisset, nisi noctis interuentus præliū diremisset. Sic Cæsar pluribus hostium nauib. captis, reliquis disiectis, suas viçtrices in portum Alexandrinum reduxit. Ganymedes autem, quò

D detrimentū acceptum quoquo modo & quamprimùm sarciret, quidquid vsquam erat nauium in vnum cogit, veteribusq; refectionis, magna celeritate nouas etiam ædificat: quumq; remi deessent, asseres è tectis gymnasiorū, porticum, aliorumq; ædificiorum publicorum detracti, remorum vsum præstitère. Hac diligentia intra paucos dies præter maiores apertasq; naues complures, classe. xxvii. maiorum constratarum nauium, quadriremium, & quinqueremium confecta, militibusq;, atq; alijs necessarijs rebus instructa, Ægyptij ad prælium quamprimùm se comparabant. Nec minori studio Cæsar intellecto hostium apparatu, & suam triginta quattuor nauium classẽ (quæ tamen non nisi decem tum quinqueremes, tum qua-

driremes haberet) ad pugnam expedit: Pharumq; insulam circumuectus, A
 classē suā hostiū classi opponit: factōq; à Rhodijs nauibus duce Eu-
 phranore (qui ob singularem rei nauticæ peritiā, eximiāq; virtutē,
 & animi magnitudinē classi Rhodiæ præfectus erat) pugne initio, iisdemq;
 primum Alexandrinorū impetum dum reliquæ propius accederent susti-
 nentib. totis viribus vtrinq; cō cursum est: oppidanis pariter & Cæsarianis,
 qui Alexandria erant, è summis tectis, ædificiorumq; fastigijs eam cōcerta-
 tionē despectantib. Tanta autem fuit Cæsarianorum, imprimis Rhodiorū
 in pugna capeffenda quum virtus, tum alacritas, vt Alexandrinis neq; ars,
 aut solertia, neq; nauium multitudo quicq̃ conferret, quin capta vna quin
 queremi cum suis propugnatoribus remigibusq;, tribus alijs depressis, reli
 quæ se in oppidum fuga recipere coactæ fuerint, Cæsarianis omnib. ad vnū B
 integris. Cæsar autem quū animaduertisset, eos qui Pharum insulam inco-
 lebant, tam ex molibus, q̃ ex ædificijs suos prohibere, quò minùs propius
 accedentes Alexandrinos fugientes persequerētur, omnino insulam in suā
 redigere potestatem constituit. Manus itaq; distindendæ causā, statim insu-
 lam à duabus partibus oppugnare aggreditur: præmioq; proposito illi, qui
 primus insulam cepisset, postquam aliquandiu è nauibus pugnatum, Cæsa-
 riani tandem nauibus egressi, in ipsis littoris vadis consistentes, factōq; in
 Pharitas, qui in ipso littore stabāt, impetu, eosdem custodia portus relicta,
 terga vertere, & in vicum ipsum ad ædificia tuenda fugere cogunt. Cumq; C
 ne ad hæc quidem diutiùs defendenda Pharitis pauidis etiamnum & metu
 consternatis satis consilij aut animi superesset, ita vt nec in triginta pedum
 altitudine consistere auderent, fugientibus incolis, seq; è molibus in mare
 præcipitantibus, & per octingentorum passuum interuallum ad oppidum
 adnātantibus, Cæsariani, quanquam ab ijs quibus ad oppugnationē opus
 erat imparatissimi, facilè vico potiūtur: captisq; ex vicanis sexcētis, plurimi
 etiam interfecti sunt: prædaq; militibus cōcessa, ædificijsq; direptis, Cæsar
 castellum ad pontem qui Pharo propior erat, præsidio imposito cōmunit.
 Ab hoc Cæsar & alterū pontem, qui molem quæ ad Pharū ducebat, Alexan-
 driæ iungebat, postridie aggreditur: sed non eodem hîc quo priùs successu D
 vsus est. Nam dum pontem cōtra hostem vallo claudi, fornicemq; qui sub
 ponte erat, quā Alexandrini ad subitanea latrocinia exercenda naues emit-
 tere solebant, lapidib. atq; alia materia obstrui iubet, Alexandrinorū copiæ
 oppido effusæ, pars è continenti ad pontem cum Cæsarianis operi intentis
 manus conferebant, pars è nauibus post terga eorum qui in ponte consiste-
 bant, cum ijs qui è nauibus in molem ascenderant, dimicabant: qui primo
 quidem congressu lapidibus & fundis à mole repulsi, tandem & ipsi è navi-
 bus suis egredi ausi, Cæsarianos per molem ad naues refugere cogunt. Qui-
 bus dum acriùs instant Alexandrini, Cæsariani qui in nauibus remanserant
 veriti

PHARYS
 CAPTA.

A veriti; ne & nauibus potirétur hostes, raptis scalis naues à terra propellunt. Hi verò qui ad pontem in prima mole operi incumbabant, exaudito à tergo clamore, perspectaq; suorum fuga, & Alexandrinis, qui in mole post se versabantur, perculsi veritiq; ne & ipsi à tergo ab ijsdem opprimerentur, relicto opere iam inchoato, ad naues cursum intendunt. Pars ex ijs in proximas naues recepta, nauibus onere & multitudine simul in ea trepidatione & tumultu irruentium depressis, periit: pars dum occurrentibus se opponere non dubitat, ab Alexandrinis interfecta est: alij naues expeditas nacti, incolumes ad suos se recepère: quidam in mare se præcipitantes, scutisq; subleuati, ad proxima nauigia adnatarunt. Cæsar autè aliquandiu quoad

B potuit, suos è fuga ad munitiones & pontem reuocare conatus, dum videt se nihil proficere, nec se diutius præsentì periculo permittere vellet, ex agere siue mole in suum nauigium, quod fortè aderat, desiliit. Quumq; eòdem reliqua quoque multitudo certatim se conijceret, ita vt naus iam subfidere inciperet, simul hostes vndique circumfusi vrgerent, è nauigio in mare se deiiciens, libellos quosdam & schædas læua altius supra aqua sublata ne madefierent gestans, ducentorum amplius passuum spacium natando emensus, ad proximas naues peruenit. Quidam tradunt, persequentibus eum hostibus diu sub aqua natasse, & prolato capite per interualla tantum respirasse. Quin & paludamentum mordicus inter natandum tenuisse, ne spolio potiretur hostis. Ceterum postquam eo se prægrauari sensit, crebrisq; telorum & lapidum iactibus interim peteretur, quò expeditius nataret, tandem in fluctibus reliquisse: Alexandrinosq; id è fluctibus exceptum trophæo appendisse. Nauigium autem Cæsaris, vnde in mare desilierat, statim pondere depressum, vnà cum hominib. periit. Sed Cæsar missis extemplò scaphis, plurimos suorum periculo exemit. Perièrè hac clade è legionarijs cccc. plus minus: remiges & classiarij aliquantò plures. Alexandrini autem castello ad pontem exstructo, operibusq; & tormentis communito, lapidibusq; qui in fornicem coniecti erant, exemptis, liberè postea eo exitu ad emittenda nauigia vsi sunt. Cæsariani

D autem, tantum abfuit, vt animis conciderent, vt potius magis iam incensi concitatiq; in quotidianis operum hostilium oppugnationibus, alijsq; prælijs & concertationibus, non tam adhortatione ad pugnam incitandi, quàm monitionibus à periculo continendi & retrahendi fuerunt. Sub hac Alexandrini, siue à Rege ipso per internuncios subornati, siue muliebri Arsinoës, & superbum Ganymedis Eunuchi imperium (vt ipsi prætexebant) non ferentes, missis ad Cæsarem legatis, pacem se cupere, ciuitatemq; muliebris & effœminati imperij pertæsam, legitimū suum Regem desiderare exponunt: qui si sibi remittatur, paratos se ijs conditionibus, quibus inter ipsum Regem & Cæsarem conueniret, deditionem facere.

Sed Cæsar, quum Alexandrinæ gentis leuitatem & perfidiam perspectam A haberet, quanquam ijs quæ ab ipsis proponerentur, haud satis fideret, Regem tamē ipsis dimittendum esse censuit: vel ob hoc ipsum, quòd Alexandrinis fidem frangentibus, maiore cum dignitate contra Regem, q̄ contra multitudinem duce destitutam, bellum se gesturū existimaret: tum etiam quòd per ipsius Regis præsentiam, vel propter ætatem, vel minus rectam institutionem, Alexandrinis parum præsidij accessurū sciret. Deniq; si vinceret debellato cum subditis ipso simul Rege, liberiùs se ad arbitrium suū de regno constituturum sibi persuadebat. Regem itaq; monitum, vt amicitiam populi Ro. quàm arma experiri mallet, proinde fidem sibi & populo Ro. seruaret: ciuib; præterea & patriæ parceret, cui maximis ruinis & incendijs deformatæ, non tam bellum, quàm pax optanda foret, à se dimittit. Rex quanquam simularet se perquàm inuitum à Cæsare discedere; & ne à lacrymis quidem abstinens, Cæsaris conspectum vel regno opulentissimo iucundiozem sibi esse affirmaret, ita vt tantum non Cæsari fidem faceret: statim tamen vt ad suos venit, tanquam carceribus solutus, acerrimū contra Cæsarem bellum mouit. Alexandrini Rege iam recepto, quum rebus suis non eas quas sibi promittere ausi fuerant, accessiones fieri, Regisq; ætatem militibus tantum non contemptui esse viderent, Romanis autem nihil ob id decessisse, potissimum quòd maxima Cæsari auxilia adduci intelligerent, animis fracti, viribusq; suis minus confisi, ad dolos con- C suetos se conuertunt: commeatusq; qui Cæsarianis mari supportabantur, intercipere conantur: nauigijsque expeditis locis idoneis ad Canopicum Nili ostium dispositis, ignibusque, quales à Romanis fieri solitos sciebant, exstructis, primæ aliquot naues, ex his quæ Cæsari commeatum subuehebant, ea loca à suis teneri existimantes, illuc appellentes, ex insidijs in Alexandrinorum potestatem venēre. Hinc factum, vt Cæsariani easdem insidias timentes, reliquas naues eò obuerrere non auderent. Quo Cæsar intellecto, Ti. Neronem eò cum classe mittit. In hac fortè & Euphranor cum Rhodijs nauibus erat. Qui vbi propiùs Canopum appulēre, classeque hinc inde instructa ad manus ventum, Euphranor, qui solita sua animi alacritate & præsentia in prælium descenderat, dum perforata ac demersa vna hostium triremi, alteram suis longo interuallo à tergo relictis, persequitur, circumuentus ab Alexandrinis, procul à suis cum sua quadriremi perijt. Reliquæ verò naues in ipsum ostium subuectæ; hostibus prælio superatis, tutam nauibus onerarijs nauigationem, tutumq; ad terram appulsum præstitēre. Hoc tempore Mithridates Pergamenus Mennei filius, initio belli Alexandrini à Cæsare in Syriam & Ciliciam pro auxilijs missus, terrestri itinere, quæ Ægyptus Syriam attingit, maximas auxiliorum copias Pelusium adduxerat. Huic se & Antipater Iudæus (qui priùs Pompeij partes

A tes iuuerat) iussu Hircani summi apud Iudæos Pontificis, cum tribus Iudæorum milibus, Syrisq; compluribus, & Arabum primatibus, iunxerat. Alij Hircanum ipsum cum mille quingentis Iudæis venisse tradunt. Quumque Ægyptij Nilum obstruxissent, ita ut per ostium nauibus Pelusium perueniri non posset, transportatis noctu trans molem, siue obstructionem nauibus, ijsq; qui ad custodiam relictæ erant interfectis, Pelusium classe simul & terrestribus copijs circumdatum, quanquam validis nuper ab Achilla propter loci oportunitatem munitum præsidijs, eodem quo opugnare aggressus est die, cepit. Qua in expugnatione Antipatri præ ceteris virtus enituit: qui deiecta muri parte, primusq; muro succedens, ceteris post se irrumpentibus aditum aperuit. Mithridates autem dum capto Pelusio, Alexandriam versus ad Cæsarem properat, omnes eas regiones, per quas sibi iter erat, vel sola rerum ad Pelusium gestarum fama, in amicitiam fidemq; Cæsaris pertraxit. Plurimum & hac in re Antipatri prudentia Mithridati contulit: dum Iudæos, qui Memphim, aliaq; Ægypti loca incolebant, Mithridatem transitu prohibere conantes, ostensis Hircani summi Pontificis litteris, non solum cœpto desistere cogit, sed & ut com meatibus ceterisq; rebus necessarijs Mithridatis exercitum iuuant, auctor fuit. Rex autem Ptolomæus, intellecto Mithridatem loco, cui haud procul ab Alexandria inter duo Nili brachia diuerso in mare abeuntia sito, à figura Græcæ litteræ Δ Delta nomen erat, appropinquare, quum necessario flumen ei transeundum sciret, maxima copiarum parte obuiam missa, si non penitus opprimi, saltem transitu facile prohiberi posse confidebat. Ceterum Mithridates, quum impetum eorum qui primi flumē transierant, fortiter sustinuisset, castris in morem Romanorum vallo communitis, eisdem incautiùs insolentiusq; munitionibus succedentes, irruptione vndique facta parum abfuit, quin ad internecionē omnes ceciderit. Plurimos enim partim locorum notitia, partim naues quibus flumen traiecerant, communi cladi exemerant. Hoc quoq; in prælio Mithridates forti & fideli Antipatri opera usus est. Hæc ubi Cæsar & Ptolomæus acta intellexere, simul D etiam Mithridatem ab ijs, qui prælio superfuerant, iunctis sibi his qui posteriores flumen transierant, iterū oppugnari, eodem ferè tempore vterq;, hic oppressurus Mithridatem, ille verò laboranti subuenturus, pari studio & contentione iter ingrediuntur. Sed quanquam Rex, qui libera Nili nauigatione utebatur, maioribus iuaretur cōpendijs, Cæsar tamen per noctem circumuectus Chersonesum Alexandrinam eo mari quod ad Africā pertinebat, suis in terram expositis, prius copijs Regijs occurrit, & se Mithridati iunxit, quàm Rex Mithridatem aggredi posset. Rex loco excelsō & natura munito castra posita habebat, ita ut à tribus lateribus defenderetur, vnoq; tantum aditus pateret. Medium erat inter castra & Cæsarem flumē

PELVSIUM
CAPTVM.

angustum, altissimisq; & præruptis hinc inde ripis: eò Rex cum omni equi A
tatu delectorum & expeditorum peditum copias miserat, quæ Cæsarem
transitu prohiberent. Sed Cæsar inuentis tandem vadis, pontibusq; quo-
quo modo opere tumultuario effectis, transmissoque exercitu, Ægyptios
fugientes consecutus, paucis admodum exceptis, qui ad Regem peruenire,
ceteros omnes interfecit. Hinc ad castra Regis tendens, cum ea & opere &
natura munitiora conspiceret, quam quæ eodem impetu à milite iam de-
fatigato facile capi possent, castra & ipse haud procul à Rege facit. Postridie
castellum, quod quidem longiùs à castris Regijs aberat, operi tamen castro-
rum brachijs ductis iungebatur, oppugnare instituit: quo statim expugna-
to, eodem impetu castra, ad quæ vno tantum latere, vt dictum est, facilis B
patebat aditus, à duabus primùm partibus, postea & à tertio aggreditur.
Hinc factum, vt Alexandrini, qui primùm circa duas tantum partes disti-
nebantur, postea exaudito conspectoque; alio à tergo clamore & prælio, per-
culsi trepidique; in omnes castrorum partes discurrent. Romani verò hoc
magis animis incitati, omnibus ferè partibus se intra castrorum munitio-
nes conijcientes, omnia cædibus complebant. Plurimi Alexandrinorum,
se de vallo aceruatim in fossam castrorum deijcientes, præcipitio periire:
quorum cadaueribus fossa repleta, faciliorem reliquis fugam præbuit.
Rex ipse è castris fugiens, scapha exceptus, dum & multitudo promiscua
per summam contentionem, nulla habita Regis ratione, in eandem se con- C
ijcit, nauigio pondere demerso interijt. Corpus ipsius impulsu fluctuum
ad littus deuolutum, limoque obrutum, postea in littore inuentum, indi-
cioq; lorice aureæ cognitum est. Cæsar autem eadem lorica Alexandriam
in signum & fidem rei à se gestæ præmissa, facile oppidanos omni spe amissa
ad deditionem compulit: victoriæque tam insignis fiducia, proximo ter-
restri itinere cum Mithridate rectà Alexandriam profectus, ea oppidi parte
quæ ab hostibus tenebatur, ab vniuersa Alexandrinorum multitudine sup-
plicum habitu cum omnibus sacris sibi occurrente, & veniam deprecante,
circa .vi. Kal. Maias exceptus est: receptosq; in fidem Alexandrinos conso-
latus, per hostium munitiones in suam oppidi partem, & demum maximo D
suorum gaudio, in Regiam venit. Hoc bello. xx. hominum millia cæsa
referuntur, capta autem. xii. milia: naues item longæ Lxx: ex victoribus
autem quingenti tantum desiderati. Sic Cæsar Alexandria, atq; adeo
vniuersa Ægypto sibi subacta, Cleopatram, cuius potissimum gratia tam
graue bellum tam diu sustinuerat, regnum concessit: & quod frater eius
maior decessisset, minorem Ptolomæum Cleopatram matrimonio iungit,
simulque cum sorore ex testamento patris regnare iubet. Arsinoën verò
minorem filiam, ne rebus adhuc parum firmis noui motus orirentur, po-
stea regno eduxit, & Romam misit. Quidam tradunt, Cæsarem rebus
iam

ALEXAN-
DRIA ET
ÆGYPTVS
SVBACTA.

- A iam pacatis cum Cleopatra assidua & intempestiua agitaſſe conuiuia: & cum quadringentis nauibus Nilum ſubuectum, interiorem regionem ad multa milia paſſuum vel Æthiopia tenus eadem cum Cleopatra ſemper nauī vſum perluſtraſſe: captumq; formæ ipſius excellentia, ne à conſuetudine quidem ipſius abſtinuiſſe: natumq; ipſi ex ea filium, qui Cæſarem ore referret, quem Alexandrini Cæſarionem dixere. Alij auctores ſunt, Cæſarem dum in Ægypto peregrinaretur, ſapientibus & ſacerdotib. Ægyptijs congreſſum, etiam aſtrorum cognitioni operam dediſſe, multaq; ex eorum ſermone addidiciſſe, tantumq; breui profeciſſe, vt ea potiſſimum cognitione adiutus, ſaſtos negligentia Pontificum corruptos poſtea correxerit, atque annum ad eam formam, qua hodieq; vtimur, conſtituerit.
- B Poſtquam igitur hiſce rebus apud Alexandriam & in Ægypto conficiendis meſes nouem impendiſſet Cæſar, rebus omnibus conſtitutis, excepta vna legione veterana, reliquas quas ſecum habebat, partim ad dignitatem Romani imperij, vtilitatemq; & ſecuritatem Reipublicæ, partim etiam præſidio nouis Regibus futuras apud Alexandriam relinquit: exortisq; parum lætis de Pharnace nuntijs, quanquam inuitus admodum à Cleopatra diuelleretur, terreſtri itinere cum ſexta veteranorum legione expeditionē in Syriam ſuſcipit. Hic Pharnaces Mithridatis Regis Ponti filius fuit: qui quum ſublato è medio patre populum Ro. maximis videretur explicuiſſe difficultatibus, in præmium parricidij Boſphorum Cimmerium partem regni paterni à Pompeio acceperat, quo & aliquandiu contentus fuit: donec diſtracto in partes populo Ro., Pompeioq; & Cæſare circa bella ciuilia occupatis, & victo poſtea Pompeio, Cæſare rebus ad Alexandriam gerendis intento, hanc vel optatiſſimam recuperandi regni partem ſibi occaſionem offerri ratus, Armeniam minorem, quæ Deiotaro, Cappadociam, quæ Ariobarzani à Senatu attributæ erant, partim occupauerat, partim etiamnum vaſtabat. Cn. itaq; Domitius Calvinus, qui cum tribus legionibus à Cæſare in Aſiam finitimasq; prouincias miſſus fuerat, euocatus precibus Deiotari & Ariobarzanis (qui ſe pecuniam ceteraq; à Cæſare imperata præſtare & exequi poſſe negabant, regnis ſuis à Pharnace occupatis) miſſis nuntijs Pharnacem Armenia Cappadociaq; decedere iubet: ſimulq; cum vna è tribus legionib. (reliquas enim Cæſari in ſubſidium ad bellum Alexandrinum miſerat) auxilijsq; à Deiotaro & Ariobarzane ſumptis, propius accedit. Pharnaces autem Cappadocia decedens, miſſis legatis nuntiat, ſe Armeniam partem regni paterni retenturum, quod eam cauſſam in Cæſaris aduentum integram ſeruare vellet. Cumq; Domitius inſtaret, vt etiam Armenia decederet, quando idem vtriuſq; regni ius eſſet, exercitum nihilominus in Armeniam ducit: ſpretisq; muneribus, quæ ſubinde à Pharnace pacem ſe cupere ſimulante per legatos mittebantur, maximis conti-
- nuis

RES A CN.
DOMITIO
CONTRA
PHARNA-
CEM GE-
STAE.

nusq; itineribus confectis, septem ferè passuum milibus à Nicopoli oppi- A
do minoris Armeniæ, quod Pharnaces tum occupabat, castra ponit: fru-
straq; insidijs à Pharnace petitus, postridie castra profert, atque ipsi ferè op-
pido coniungit. Ibi Domitio castris muniendis intento, Pharnaces ex Cæ-
saris ad Domitium litteris, quas interceperat, de rebus Alexandrinis intel-
ligit: simulque Domitium ipsum iuberi à Cæsare, quamprimùm per Sy-
riam ad Alexandriam cum subsidijs accedere. Hinc quū Domitium mox
discessurum crederet, vel hoc satis sibi ad victoriam fore censuit, si moras
trahendo, prælio se abstineret. Domitius autem quum salutem Cæsaris
sibi non esse negligendam existimaret, neque se ad priores pacis conditio- B
nes paulò antè à se reiectas, satis tutò & honestè, quando iam non offerren-
tur, redire posse: iterum nec sine opprobrio aut fugæ ignominia absque
caussa discessurum, rem prælio committere statuit: & quanquam viribus
longè impar, quòd præter Regia Ariobarzanis & Deiotari auxilia parùm
firma, vnam tantùm Ro. legionem haberet tricesimam sextam, copias ta-
men suas instructas in aciem ducit. Postquam ad manus ventum, acerrimeque hinc inde concursum, prælio à sola tricesima sexta legione feliciter
commisso, ita vt mœnibus oppidi iam succederet, auxilia vel primo statim
impetu partim oppressa sunt, partim dissipata. Ita conuersæ in legionem
totius Regij exercitus vires: quæ quanquam hostium impetum primò for-
titer sustineret, tandem & ipsa loco pulsa, ducentis quinquaginta desidera- C
tis, in montes proximos se contulit: inde collectis exercitus dissipati reli-
quijs, per Cappadociam in Asiam se recepit. Pharnaces autem sumpta ab
hoc successu audacia, solitoq; ferocior, Pontum mox vniuersum occupat:
captisq; & expugnatis oppidis quàmplurimis, omnia per summam crude-
litatem administrabat, ciuium Romanorum, qui in Ponto negociabantur,
æquè ac Ponticorum bona diripiens. Inter cetera, Amisum urbem Ponti-
cam, quæ aliquandiu resistere ausa fuit, tandem expugnata, primùm diri-
puit: ciues autem puberes tam Romanos, quàm Ponticos partim interfici
iussit, partim publicè sub hasta diuendi, impuberes autem ad vnum omnes
execuit. Auctisq; cum successu animis in quamuis spem sublatus, sperans D
& in Bythinia & in Asia occupanda ijsdem quibus pater olim, se vsurum
successibus, exercitum & in illas regiones ducere cœperat. Ceterum intel-
lecto Asandrum, cui per absentiam suam Bosphoranum regnū seruian-
dum commiserat, res nouas domi moliri, metuens ne dum alienis inhiat,
ipse proprijs possessionibus excluderetur, Asiæ occupandæ consilium depo-
nit. Hæc ferè ad Cæsarem, dum adhuc Alexandriæ hæreret, perlata, susci-
piendæ aduersus Pharnacem expeditionis causam dedere. Cæsar igitur
postquam in Syriam venit, non minùs per litteras ex vrbe, quàm ex his
qui Roma eò venerant, intelligit omnia Romæ & in Italia factionibus se-
ditio-

A ditionibusq; tam militaribus, quàm tribunitijs turbari: neque vllam Reipublicæ partem satis rectè administrari. Trebellius enim & Dolabella Tribuni plebis, de quibus superiùs cōmemoratum est, quanquam intellecto Cæsarem rebus ad Alexandriam iam confectis aduentare, aliquandiu se continuissent, allato tamen certiore de expeditione aduersus Pharnacem nuntio, seditiones etiam prioribus atrociores renouarunt: Antonio, primò quidem Dolabellæ partibus vel palàm accedente, quòd Trebellium, præter cetera, militum animos sollicitasse caussaretur: postea verò æmulatione & odio Dolabellæ (quem multitudini quàm se acceptiorem intelligebat) dum neutri se partium studere simulat, Trebellium clam fouente: ita ut

B occupatis ab utroque locis, quæ sibi quisque idonea existimabat, cædibus & incendijs passim per urbem grassatum sit. Hinc custodia urbis iterum atq; accuratius Antonio à Senatu mandata est. Qui maxima militum manu in urbem adducta, Dolabellam leges de nouis tabulis, & mercede conductionis abroganda iam promulgare parantem, primùm ipsis legum tabulis discissis, tum aliquot è seditiosissimis de Capitolio præcipitatis, cæsisq; è plebe circiter octingentis, vix tandem compescuit. Quanquã ne sic quidem finis tumultui impositus sit: nam quum Cæsarem maximo & longinquo bello distineri intelligerent, quòd plures è seditiosis peribant, hoc maiore cōtentione reliqui tumultuati sunt. Hæc ubi ad Cæsarem perlata,

C tametsi intelligeret tantos motus haud facilè sine sua præsentia componi posse, proinde maturandum sibi in urbem reditum, omnino tamen sibi faciendum putauit, ut quas in prouincias regionesq; venisset, eas priùs constitueret, hostiumq; externorum & Pharnacis potissimùm (qui pluribus iam occupatis aliarum ceruicibus imminebat) metu liberaret. Primùm igitur in Syria dies aliquot cōmoratus, & per præcipuas quasq; ciuitates circumuectus, oēs qui se bellis præteritis iuuerant, publicè & priuatim præmijs prosequutus est: & postquam de veteribus cōtrouersijs cognouisset, Reges, Tyrannos, & Dynastas constituit. In his Antipatrum Iudæum, cuius forti & fideli opera bello Alexandrino usus fuerat, ciuitate Romana & immunitate

D donatum, vniuersæ Iudææ præfecit. Hircano autem de sententia Antipatri summum apud suos sacerdotium confirmavit: murosq; Hierosolymorum à Pompeio disiectos, restituere permisit. Iudæos autem ipsos plurimis immunitatibus donatos, suis viuere legibus permisit: finitimosq; omnes ad se vndique concurrentes in fidem receptos, conditionibus impositis, sibi populoq; Romano amicos dimisit. Quibus rebus intra paucos dies confectis, Sex. Cæsare necessario suo Syriacis legionibus præfecto, atque ibi relicto, ipse in Ciliciam proficiscitur: habitoque Tarsi, nobilissimo fortissimoq; Ciliciæ oppido, omnium ciuitatum conuentu, tam ipsius prouinciæ quàm finitimarum ciuitatum res ibidem constituit. Tarcondimoto verò,

CAESARIS
IN PHARNACEM
PONTIFICEM
REDEMPTORIS
EXPEDITIONIS

qui partem Ciliciæ sub se habebat, & Pompeium re nauali plurimum iu- A
 uerat, petenti veniam cōcessit. Hinc magnis itineribus per Cappadociam
 proficiscens, Mazacæ biduum commoratus, Comana peruenit. Ibi Nico-
 medem Bythinium regio Cappadocum genere ortum, Sacerdotem Bello
 næ Deæ constituit: qui honos apud Cappadocas à Rege secundus erat, so-
 lebantq; Reges & Sacerdotes eius Deæ ex eadem plerumq; familia creari.
 Ab his Cæsar in Pontum pergens, postquam in fines Gallogræciæ perue-
 nisset, Deiotarus Gallogræciæ Tetrarcha (quem Senatus Regem minoris
 Armeniæ appellarat) depositis insignibus ornamētisq; regalibus, non tam
 priuati quàm rei habitu supplex ad Cæsarem veniens, veniam petijt, quòd
 auxilia Pompeio submisisset: additis ijs, quæ maximè ad causæ suæ purga- B
 tionem facere videbantur. Cæsar cōtrà, quanquam commemoratis suis in
 Deiotarum beneficijs excusationes eius facilè dissoluisset, partim dignitati
 & ætati hominis, tum etiam prioribus ipsius in se meritis, partim etiam pre-
 cibus eorum qui frequentes pro ipso deprecaturi conuenerant, omnem of-
 fensam condonauit: restitutisq; Regijs insignibus, legionem quam secum
 habebat, omnemq; equitatum, in Pontum adducere iubet. Sic Cæsar cum
 quattuor omnino legionibus, in quibus & Deiotariana auxilia erāt, in Pon-
 tum pergit. Pharnaces autem, quanquam ab expeditione Asiatica reuoca-
 tus, in Asandrum præfectum exercitum ducere constituisset, intellecto ta-
 men Cæsare iam aduentare, apud Zelam Ponti oppidum substitit. Cæsare C
 autē iam Ponti fines ingresso, legatos à ducentesimo stadio ad ipsum mittit:
 qui præter coronam auream magni ponderis, aliaq; munera, quæ Impera-
 toribus rebus bene gestis ab amicis mitti solebant, etiam filiam Regis sui in
 matrimonium offerentes, veniamq; deprecantes, quæcunque Cæsar impe-
 rasset, Regem facturum pollicebantur: proinde ne hostili in ipsum animo
 esset, quando & Deiotaro, qui partes Pompeianas iuuerat, pepercisset, Phar-
 naces autem nulla aduersus Cæsare auxilia misisset. His Cæsar respondit,
 Pompeium, à quo maxima Pharnaces beneficia acceperat, ab ipso desertū,
 tantum abesse vt in beneficio poneret, vt hoc ipsum tanquam impium, cer-
 tissimumq; ingrati animi testimonium vltro detestaretur: non esse igitur D
 quòd hinc paratiorem cōmissis suis veniam speraret. Ceterum si quæ ver-
 bis polliceretur, re præstaret: Pontoq; decedens familias publicanorū, quas
 captiuas detinebat, remitteret: ciuibsq; Romanis & socijs ablata restitue-
 ret, se præteritas iniurias quamuis grauissimas condonaturum, muneraq;
 Regia accepturū. Quæ Cæsaris responsa, postq̃ ad Pharnacem perlata, quum
 non ignoraret, Cæsarem maximis de causis tum in Italiam, tum in Africam
 reuocari, proinde speraret, festinanti Cæsari facilè solis promissis satisfactum
 iri, facturū quidem quæ Cæsar iuberet respondit: verum moris interiectis
 tempus ducens, promissaq; lentiùs exequens, Cæsarem frustrari studebat.

Sed

A Sed Cæsar intellecto fraudulento Regis consilio, ut hostem callidum contrario astu incautum opprimeret, celeritatem, quam sibi aliàs bene cessisse meminerat, & in hoc negotio sibi necessario adhibendam existimavit. Quum igitur Pharnaces tribus ferè passuum milibus à Zela in colle editiore circa montem Scotium (eo ferè loco quo Mithridates pater ipsius Triarium vicerat) castra posuisset, Cæsar, qui haud longiùs milibus passuū quinque ab eo loco castra habebat, proxima nocte inopinantib. hostibus collem castris Regijs proximum occupat, ita ut mille haud ampliùs passus inter utraque castra intercederent: aggereq; per seruitia è superioribus castris eò comportari iussu, castra muniri imperat. Quod quum Pharnaces

B animaduertisset, auspicijs quibusdam, & innata ipsius loci, ut ipse credebat, felicitate inductus, contempta Cæsarianorum paucitate, per præruptam vallem in non minùs arduum castrorum Cæsarianorum collem copias ducere non dubitavit. Cæsar ex aduerso, quum Pharnaceem suos non tam ad prælium, q̃ ostentationem instruere crederet, nec sibi persuadere posset, Regem interiecta maxima locorum iniquitate cum exercitu transiturum, primam aciem pro vallo instruxisse contentus, reliquis cœptum opus perficere iussis, temeritatem Regis eminus irridebat. Ceterum postquam Regem valle transita, eodem gradu collem conscendere vidit, tam audaci Regis instituto percussus, relicto opere suos arma capere iubet. Et quanquam

C legionibus oppositis, reliquam aciem per summam festinationem instrueret, falcata tamè Regis quadrigæ impetu inuectæ ordines turbauère: quas insequuta tota acies, sublato ingenti clamore, primò quidem maximum Cæsarianis terrorem attulit: sed ubi cominus ad manus ventum, Cæsare equo inscensu cum mille equitibus primo in hostes procurrente, postquā aliquandiu vehementi prælio decertatum esset, à dextro cornu (in quo erat legio sexta, quam solam secum Cæsar Alexandria adduxerat) victoriæ initium exstitit, hostibus facilè è superiore loco in vallem detrusis. Postea & à sinistro cornu, & à media acie profligatæ vniuersæ Regis copiae: plurimisq; tum interfectis, tum ruina aliorum oppressis, reliqui armis proiectis fugientes, vallemq; transgressi, in collem ubi castra habebant euasere. Cæsariani eodem impetu insequuti, colle superato, mox & castris Regijs potiuntur. Rex dum castra oppugnantur, liberius fugiendi spaciū nactus, cum mille equitibus, ut quidam prodidère, cum paucioribus, ut alij, Sinopen maritimam urbem se recepit, viuius alioqui in manus venturus. Ferunt Cæsarem profligato statim Pharnace exclamasse: O te beatum Pompei, qui cum talibus bello Mithridatico decertans, MAGNI cognomen accepisti. Et quanquam maximi metu belli liberatus, summoperè lætaretur, non aliud tamen, neque prolixiùs hac de re Romam perscripsit, quàm in hæc verba, VENI, VIDI, VICI. ita ut non tam victoriam ipsam, utpote minùs splen-

PHARNACE
CES VICTVS.

PONTVS
RECEPTVS.

didam, quàm celeritatem belli confecti prædicare, & significare voluisse vi- A
deri possit. A quibusdam enim traditum est, Cæsarem intra quintũ quàm
in Pontum venisset diem, quattuor quibus in conspectum venerat horis
Pharnacem vna acie profligasse. Sic Cæsar Põnto recepto prædam vniuer-
sam militibus concessit, & quo loco Pharnacem fudit, trophæum statuit
aduersum trophæo quod Mithridates de Triario ibi antè erexerat, quòd
illud Dijs belli præsidibus consecratum euertere non auderet. Quæcunq;
autem Pharnaces tam ciuibus quàm socijs abstulerat, ea omnia recepta suis
quæque dominis restituit. Amisenorum autem calamitatem & iniurias
libertate publicè concessa compensauit. Dimissisq; Deiotarianis auxilijs,
veteranis verò sextæ legionis in Italiam ad honores & præmia accipienda B
præcedere missis, Cælium Vinitianum cum duabus legionibus in Ponto
reliquit: rebusque tum vrbanis, tum peregrinis in diuersum trahentibus,
negotium Pharnacis persequendi Domitio imponit: Pontoq; digressus per
Gallogræciam & Bythiniam in Asiam pergit, de omnium interea ciuitatũ
controuersijs ex itinere cognoscens, iuraq; in Tetrarchas, Reges, & ciuita-
tes constituens. Inter hæc partem Armeniæ, quæ prius tota Deiotaro pa-
rebat, Ariobarzani Cappadociæ Regi attribuit. Mithridatem verò Perga-
menum, in præmium operæ bello Alexandrino strenuè & feliciter nauatæ,
regno Bosphori (quod Pharnaces prius tenuerat) cum Tetrarchia Gallo-
græciæ donatum, bellum in Asandrum (cuius in Pharnacem perfidiam im C
punitam esse nolebat) suscipere, Bosphoroq; eijcere iubet. Per Asiam autè
in Græciam transiens, quòd tam in sumptus quotidianos, quàm ad pro-
missa militibus præstanda, alendosq; maximos exercitus, ad conficiendas
belli ciuilis tum in Africa, tum in Hispania reliquias, denique & ad trium-
phos, quos q̃ magnificentissimos sumptuosissimosq; ducere proposuerat,
maxima sibi pecuniarum vi opus fore intelligeret, per omnes passim Asiæ
& Græciæ ciuitates quantas poterat maximas pecunias quoquo modo con-
ficere studiosè laborauit, exigentibus eas perquàm acerbè nō sine maxima
inuidia publicanis. Quibus omnibus constituendis conficiendisq; Cæsar
haud diutiùs, quàm turbulentissimus rerum vrbunarum status exigere vi- D
debatur immoratus, omnium opinione citiùs sub anni exitum Romam
venit. Cumque Tribunitiæ vrbanaeq; seditiones ad primum Cæsaris
aduentum conqueuissent, quanquam plurimi sibi malè conscij extrema
ab eo metuerent, tantum abfuit vt Cæsar quid seueriùs in aliquem statue-
rit, vt ne inquisitionem quidem anteaكتورum instituerit, omnibus ex æ-
quo veniam concedens, maiori ne cum laude clementiæ, an indulgentiæ
reprehensione incertum. Quibusdam è præcipuis seditionis auctoribus
etiam honores postea contulit: è quibus Dolabellam (quum potior apud
eum esset officij aliquando ab illo accepti, quàm posterioris delicti ratio)
nec-

CAESARIS
AD VRBEM
REDITVS.

- A** necdum Prætura functum ad Consulatum euexit. Ceterum vti extra Italiam, ita in vrbe & in Italia, cogendis priuatim & publicè pecunijs animū intēdit: easque non solum ratione muneris, vtpote coronarum, imaginum, statuarum, aliorumq; similium, quæ partim vtrò offerebantur, partim exigebantur: sed & mutui nomine non minùs à ciuitatibus, quàm à priuatis accipiebat. Nam quòd suas facultates Reipublicæ impendisset, nomina facere, necesse sibi esse dictitabat. Hinc plebe inter hæc nouas petente tabulas, palàm & disertè recusauit, se quoque obæratum dicens. Vsuras tamen quæ à tempore susceptæ contra Pompeium expeditionis debebantur, & mercedes habitationum remisit: æstimationesq; possessionum, secundum quas debitores creditoribus satisfacere iuebantur, ad rationem præsentis temporis accommodauit. Atq; his quidem plebem sibi potissimum demeruit: Senatoribus verò gratificaturus, sacerdotia & magistratus, tum in reliquam anni partem, tum in sequentem annum contulit. Et quòd plures sibi deuinciret, Prætores in sequentem annum .x. designauit: additoq; singulis Pontificum, Augurum, & Quindecimuirorū collegijs vno, etiàm sacerdotiorum numerum auxit. Ex Equestri autem ordine, atque his qui secum militant Centurionibus, plures in locum defunctorum in Senatū allegit. M. porrò Brutum, quem post cladem Pharsalicam ad se euocarat, cum exercitu Galliæ Cisalpinæ: D. verò Brutum Transalpinæ præfecit.
- C** Superiores vrbanosq; motus vixdum aduentu Cæsaris sedatos alia statim militaris excepit seditio. Huius initium in Campania exstitit, veteranis qui prælio Pharsalico interfuerant, præmia simul & missionem tumultuosius flagitantibus: duobusque Senatorij ordinis viris, qui tum fortè Prætores erāt, per tumultum interfectis. C. quoq; Sallustius Crispus, qui & ipse tum Prætor erat, Romamq; ad Cæsarem vt eum certiolem faceret properabat, complurib. militum eum insequentibus, vix tandem fuga cædi se exemit. Postquam autem milites in suburbana venissent, Cæsar misso ad ipsos internuncio, rationem postulatorum suorum edere iubet: simulq; alias mille drachmas virum promittens, reliqua confecto bello Africano se præstiturum pollicetur. Sed illi non promissis, sed promissorum repræsentatione opus esse occlamantes, Cæsari se coràm postulata sua exponere velle respondent. Dispositis itaque circa vias vrbis, atque adeò circa ipsas Cæsaris ædes præsidarijs vrbanis M. Antonij cohortibus, inermes, præterquam quòd gladijs accincti erant (quòd & aliàs eos in vrbe gestare soliti erant) intra vrbem in campum Martium admissi sunt: ad quos etiamnum tumultuantes, Cæsar quanquam dehortantibus amicis, intrepidè prodijt: consensuq; tribunali liberam loquendi potestatem facit. Illi expositis prolixè superiorum bellorum tum laboribus, tum periculis, non ausi Cæsarem de præmijs interpellare, postremò missionem sibi tanquam emeritis dari postulant: spe

PRAETO-
RES. X. DE-
SIGNATI.

rantes nimirum Cæsarem vigente bello Africano potius vltro præmia re- A
 præsentaturum, quàm se dimissurum. Ceterum Cæsar præter omnium
 expectationem, æquum ipsos postulare respondit, sacramentoq; militari
 solutis missionem concedere, addito, se ijs qui iustum militiæ tempus ex-
 pleissent, cum stipendijs etiam præmia persoluturum, postquam cum alijs
 triumphasset: Quiritesq; eos deinceps pro commilitonibus, tanquam iam
 non milites, sed in ciuium ordinem redactos, appellauit. Ad quæ illi pri-
 mum taciti, vtpote inexpectato responso attoniti, postea postquam Cæsar
 de præmijs præstandis, triumphoq; cum alijs agendo egit, seq; non commi-
 litones vt prius, sed Quirites appellari intelligunt, pudore atq; æmulatione
 ad pœnitentiam conuersi, vt sibi diutius sub eius signis & auspicijs militare B
 concedatur, supplices rogant. Quod quum Cæsar primò recusaret, addens
 sibi vltèrius ipsis opus non esse, proinde missionem concedere, promissa
 tamen bona fide persoluturum, agrosq; non quidem dominis suis ereptos,
 sed vel publicos, vel suos, vel si hi non sufficerent, etiam suis pecunijs coëm-
 ptos adsignaturum: illi magis etiam instare, & discedere parantem retinere,
 rogareq; vt & pœnam, si ita videretur, de se sumeret. Ad quæ Cæsar subfi-
 stens, negauit se de quoquam supplicium sumpturum: ceterum à Decuma-
 nis talia nō expectasse: quos vtpote spectatissimæ virtutis & fidei, semper
 alijs præferre solitus erat. Hinc Decumani, quum sibi præ ceteris infensum
 intelligerent, etiam decimationis exemplum in se deposcebant. Sed Cæsar C
 quum perspiceret eos seriò pœnitentes, omnes in gratiam recepit. Agrosq;
 vniuersis, partim suos, partim publicos, adsignauit: ita tamen vt eos quàm
 longissimè à se inuicem distraheret, ne iuncti nouos iterum motus cierent,
 aut finitimis colonis terrori essent. Pecunias verò militibus ad singula ferè
 prælia factaq; egregia promissas, partim se repræsentaturum pollicitus est,
 partim bello confecto vel cum fœnore persoluturū. Ceterum se deinceps
 neminem ex ipsis inuitum ad militiam cōpulsurum: si qui tamen ad belli
 reliquias ipsum sponte sequi velint, admissurum. Ad quæ succedente in
 locum prioris ferociæ maximā animorum mansuetudine, actis Cæsari gra-
 tijs vniuersi nomen dedere. Hic annus quo hæc à Cæsare gesta sunt, D
 maiore sui parte sine Consulibus fuit, comitijs nimirum in Cæsaris reditū
 dilatis: quòd ius potestasque omnis comitiorum, vt suprà relatum est, ipsi
 permessa fuerat. Ita sub exitum demum anni Consules creati Q. Fufius Ca-
 lenus, P. Vatinius, Cæsaris vterque bellis superioribus legati. In sequentem
 autem annum se cum M. Lepido Coss. designauit: cui etiam hoc anno ex
 Hispania (quam pro Prætore à prima Cæsaris Dictatura administrauerat)
 reuerso, triumphum cōcessit: quòd ipsius interuentu Longini Marcelli-
 motus in Hispania conquieuiissent. Rebus autem vrbanis ad hunc
 modum constitutis, Roma digressus, media ferè hieme ad .xiiii. Calend.

Ianua-

AGRI MILI-
 TIBVS AD-
 SIGNATI.

Q. FVFIVS COSS.
 P. VATINIVS

CAESAR. III. COSS.
 M. LEPIDVS DESS.

M. LEPIDI EX
 HISPANIA
 TRIVM-
 PHVS.

- A** Ianuarias Lilybæum peruenit. Vbi cum aduersis tempestatibus diutius detineretur, certius de viribus hostium cognoscit: scilicet præter equitatum ferè infinitum, maximamq; leuis armaturæ multitudinem, Regias legiones esse quattuor: Scipionis verò decem: elephantos præterea centum viginti: nauium autem eam multitudinem, vt etiam in plures classes distributæ essent. Simul intelligit, Scipionem cum maiori longè parte exercitus, ac vniuersis ferè primi nominis Pompeianarum partium ducibus & sectatoribus, Adrumetum tenere. Catonem verò cum parte copiarum, & vniuersæ classis, totiusq; adeò oræ maritimæ imperio, Vtica (vbi & comineatus, & pecunia, ceteriq; apparatus bellici erant) in præsidio esse, cum trecentis ex omni numero electis, qui bellicis consilijs præerant. Nam quum Cato, vt supra commemorauimus, delato sibi in Africa imperio Scipioni celsisset, & de Vtica, quod in Cæsarem propensior videretur, auctore potissimum Iuba Rege euertenda ageretur, oppido ad preces Catonis ab interitu seruato, custodia eiusdem Catoni mandata fuerat. Cæsar interim omnibus ad nauigationem expeditis, postquam sex omnino legiones conuenissent, equitum verò duo milia, legiones quidem in longas naues, equitatum autem in onerarias impositum, cum maiori parte nauium præcedere iubet: datoq; Allieno Prætori, qui Siciliam pro Consule obtinebat, de reliquo exercitu & comineatibus submittendis negotio, quum ad .vi. Cal. Ianuarias naues conscendisset, reliquas naues quæ præcesserant consecutus, Clupeam, Neapolim, aliaq; maritima Africæ castella & oppida præteruectus, sub Cal. Ianuarias Adrumetum applicuit. Quumq; è naui in terram descendens, pedem impingens in littore procidisset, reliquis exterritis, nihil turbatis, verso in melius omine, terramq; vlnis complexus: Teneo te, inquit, terra Africa: Simili ratione & postea, cum intelligeret hostes, nescio quo vaticinio, siue inueterata opinione confisos, qua vulgò Scipionum nomen in Africa inuictum credebatur, certam sibi fatalemque quodam modo victoriam polliceri, quod apud ipsos Scipio summæ rerum præesset, hominem quendam abiectæ & tantum non infimæ sortis, è Scipionum tamè gente, cognomine
- D** Saluacionem sibi assumpsit, Et mihi, inquiens, alter erit Scipio: eundemque postea parti exercitus præpositum etiam cum aduersarijs congregari coëgit: vanam hostium confidentiam ridens, an quod & apud suos eam opinionem ferò inualuisse crederet, incertum. Expositis autem in portu Adrumetino his quos secum adduxerat militibus, peditum scilicet tribus milibus, equitibus verò centum quinquaginta, castrisq; ante oppidum positis, militibusque suis omni iniuria & præda abstinere iussis, reliquarum nauium aduentum operiri constituit: quæ quod Cæsar Sicilia discedens, certum ipsis locum quem peterent, non præscripserat, quod potissimum cursum dirigerent, ignorabant. Sed Cæsar postq; Scipionem ad Iubam Regem discessisse,

RUSPINAM
ET LEPTIS
RECEPTA.

C. autem Confidium cum praesidio duarum legionum Adrumetum te- A
nere intellexit, tentata frustra Adrumeti oppugnatione, nuntiatoq; maxi-
morum auxiliorum aduentu, castra mouere coepit. Ceterum Confidianis
eruptione subito facta, equitatuq; Maurorum, qui à Iuba subsidio missus
peropportune aduenerat, extremum agmen infestantibus, exutus castris
exercitum ad Ruspinam duxit. Qua in Caesaris profectioe memorabilis
fuit. xxx. equitum Gallorum virtus, qui duo equitum Maurorum milia
loco pulsa in fugam conuertere. Caesar oppidis castellisq; quampluri-
mis ex itinere per legatos in fidem suam receptis, factisq; vno die ad Ruspi-
nam castris, oppido potitus, postridie ad Leptim ciuitatem liberam atque B
immunem progreditur: oppidoque per deditioem recepto, atque ab in-
iuria militum conseruato, intellecto naues quasdam onerarias è suis ad pro-
ximum littus appulisse, quasdam Vticam petisse, alias incertas locorum quæ
peterent, per mare diuagari, mediterraneis abstinens, propter nauium er-
rorem haud procul à Lepti iuxta littus castra locat: litterasque & nuncios
in Sardiniam, finitimasq; prouincias, pro auxilijs & frumento mittit. Ra-
birium verò Posthumium pro secundo comiteatu in Siciliam proficisci
iubet. Missisq; decem longis nauibus, eas quæ deerrassent conqueri iubet.
C. autē Sallustium ad Cercinnam insulam ab hostibus recipiendam (quod
ibi magnā frumenti copiam esse intelligeret) cum parte nauium ire iubet:
relietoq; ad Leptim cum sex cohortium praesidio C. Salserna, ad. iiii. Nonas C
Ianuarias, castra Ruspinam, vnde pridie venerat, transfert: sarcinisq; relictis
cum expedita manu circa villas frumentatum profectus, coacta magna fru-
menti vi, Ruspinam reuertitur: relietoque ibi cum legione P. Salserna supe-
rioris Salsernæ fratre, ad portum cum septem cohortib. duo ab oppido pas-
suum milia progressus, conscensa sub vesperam classe, naues quæ adhuc in
errore erant conquisiturus, proficisci parabat. Ceterum postridie appellen-
tibus eodem nauibus de quibus laborabat, eisdemque in portum receptis;
cum his simul & prioribus Ruspinam redit: castrisq; ad oppidum positis;
cohortes. xxx. expeditas, cum equitibus cccc. & sagittarijs paucis frumen-
tatum ducit: verum vix tria passuum milia progressu à speculatorib. equi- D
tibusque antecessoribus hostes appropinquare nunciantur: simulque cum
ipso nuntio puluis eminus conspici coeptus est. Haud multò post ipsæ ho-
stium copiae duce Labieno & duobus Pacidijs aduentare visæ sunt, ita in-
structæ, vt præter equitatum, qui vtrunque cornu tenebat, media quoque
acies mirabili longitudine directæ, equitibus conferta, Numidisq; leuis ar-
maturæ & sagittarijs peditibus condensata, pedestrium magis quam eque-
strium copiarum speciem præberet. Caesar itaque & suam, quæ aderat, ma-
num (quanquam perexiguam) tanquam cum pedestri acie dimicaturus, ad
pugnam instruit. Sed priusquam ad manus veniretur, primùm Numidæ
leuis

A leuis armaturæ cum equitibus è media acie prorumpentes, legionarios Cæsaris insolito nouoq; pugnae genere (quo potissimum vsus Rex Iuba Curionem antè oppresserat) multum perturbant. Interim & numerosissimus Labieni equitatus in latitudinem subito extensus, cedentib. ob paucitatem equitibus Iulianis, vniuersas statim Cæsaris copias circumuenit: ita vt Cæsar orbe facto, non sine summo discrimine, maximoq; tyronū pauore præliari cogeretur. Hic Labienus à veterano, quem ille prius conuicijs laceßere, tyronemq; appellare ausus fuerat, pilo in se coniecto petitus, sed eodem in equum adacto, equo excussus, non minimum vitæ periculum adiit. Cæsar autem acie sua, quæ prius in orbem coacta fuerat, in longitudinem q̃ maximam porrecta, cohortibusq; diuerso conuersis hostium coronam vtrinq; perripit: parteq; hostium in fugam cōuersa, quod insidias metueret, fugientes longius persequi destitit: cumq; iam ad sua se præsidia recipere cogitaret, occurrentibus sibi M. Petreio & Cn. Pisone, cum maximis tum perditum tum equitum Numidarū auxilijs, simul etiam Labienianis, animis à priore terrore iam confirmatis, extremum suorum agmen impredientib., prælium signis conuersis redintegrare coactus est. Hostibusq; ad priorem illam dimicandi rationem confugientibus, Cæsar postq̃ perspexit & equos & equites suos, tum ex recenti nausea proximæ nauigationis, tum ex siti & languore propter vulnera priore prælio accepta, ad insequendum diutiusq; persistendum minùs firmos, exiguam præterea partem diei superesse, hostibus vno impetu vltra proximos colles repulsis, postq̃ ab hora diei quinta ad occasum Solis dimicatum esset, M. Petreio inter ceteros grauius sauciato, suos vt erant instructi ad suas munitiones reducit. Quidam produnt Cæsa rem hoc prælio fugientib. suis omnibus solum se hostibus opposuisse, atq; aquiliferum quendam locum deserentem, sua manu in primam aciem oborto collo retraxisse, dixisseq;: Hic sunt aduersarij, huc tende. Intelligens aut Scipionem & Iubam Regem cum vniuersis copiarum viribus, validissimisq; auxiliorū copijs breui adfuturos, castra sua accuratiùs munire, aliaq; opera efficere, copiasq; ex remigibus, atq; alijs cuiusuis generis classiarijs firmare, frumentum & reliquum cōmeatum, ceteraq; ad bellum necessaria cōparare instituit. Et quod pleraq; nauium onerariarum, quæ cōmeatum vehebant, ignaræ locorum quæ Cæsar castris suis tenebat, etiamnum vagabundæ per mare errarent, è quibus quasdam ab hostium nauibus tum incensas tum expugnatas intellexerat, naues circa portus atq; insulas ad præsidium onerariarum disposuit. Cn. interim Pompeius, Magni filius, qui Vtica apud Catonem erat, quotidianis ferè Catonis conuicijs, & cōmemoratione rerum à patre in ea ætate fortiter & feliciter gestarum incitatus, cum tumultuaria fortuitaq; .xxx. minorum nauium classe, in Mauretaniam Bogudis regnū profectus, tentato frustra Ascuro oppido (quod præsidio Regio

tenebatur) suisq; eruptione oppidanorum ad mare repulsis, quum re malè A
 gesta ad Catonem reuerti non sustineret, classem ab Africa auersam ad Ba
 leares insulas appulit. vbi postquã Ebusum insulam vi cepisset, reliquę sine
 praelio in deditiōem venēre. ipse Pompeius morbo correptus, cum mili-
 tibus suis ibidē aliquandiu moratus est. Scipio autē relicto Vticæ valido
 præsidio, cum octo legionibus, & equitum quattuor milibus iter ingressus,
 circa Adrumetū Petreio Labienoq; se coniunxerat, ita vt vnīs castris quat-
 tuor passuum milia occuparent: equitatuq; suo circū Cæsaris munitiones
 vagari iusso, Cæsarianos omni ad aquandum pabulandumq; exitu prohi-
 bebat. Hinc nondum subuecto ad Cæsarem è Sicilia Sardiniaq; cōmeatu,
 tanta fuit in castris Cæsaris nō solūm annonæ, sed & pabuli inopia, vt equi B
 alga è littore collecta, aquaq; dulci elota aliquandiu alerentur. Quibus Cæ
 sariani exercitus extremitatibus intellectis Iuba, antequam Cæsar his se dif-
 ficultatibus explicaret, cum maximis equitum peditumque auxilijs regno
 egressus, Scipioni se iungere festinabat. Verū intellecto ex itinere P. Sit-
 tium quendam, & Regem Bogudem iunctis copijs Numidiam regnum
 suum vastare, Getuliamq; (quæ & ipsa regni pars erat) ipsamq; Cirtam opu-
 lentissimum regni sui oppidum, vbi & Regia ipsius erat, cum alijs aliquot
 captam, rebus suis timens, cum haud procul à Scipione abesset, abductis e-
 tiam à Scipione auxilijs quæ antea submiserat, triginta tamen elephantis
 ipsi relictis, in regnum reuersus est. Cæsar autem quum ipsius in Africam C
 aduentus per maiorem ferè prouinciæ partem in dubium vocaretur, nec
 alius præter vnū ex ipsius legatis aduenisse crederetur, missis circumquaq;
 litteris omnes ciuitates de aduentu suo certiores facit. Hinc plurimi statim
 vndique ex vniuersa prouincia viri nobiles è suis ciuitatibus profugi, de ad-
 uersariorum sæuitia atque acerbitate non sine lachrymis conquerentes, ad
 castra Cæsaris confluxēre. Quibus intellectis, tantisque prouincialium in-
 iurijs permotus, quum hactenus per hiemem statiuīs se continuisset, æsta-
 te iam inita, coactis vndique quæcunq; vsquam erant cum copijs tum au-
 xilijs, iusto deinceps cum aduersarijs bello decertare, prouinciāq; ab illo-
 rum crudelitate vindicare constituit: litterasq; ad Allienum & Rabirium D
 per cata scopum mittit, quibus exercitum sibi quamprimū transportare
 præcipit. Ipse interim dum exercitus adduceretur, opera incepta perficere,
 & castra validioribus augere munitionibus non intermittit. Scipio alia
 ex parte elephantos quotidie assuefacere, ne non tam hostium quàm suorū
 periculo & exitio post in pugnam producerentur. Interea à turmis equi-
 tum, quæ vtrinq; pro vallo in stationibus erant, crebris minutisq; quotidie
 ferè prælijs concurritur. Et Scipio quidem per singulos penè dies, suos ad
 pugnam instructos pro castris maiore diei parte in acie consistere iubens,
 aliquando etiam longius progressus, Cæsarem ad prælium prouocabat.

Sed

- A Sed Cæsar ijs, qui pabulandi, lignandi, muniendi, aut alterius rei gratia è castris processerant, sine tumultu, & modestè intra munitiones receptis, equitatusq; sui partem loco consueto in statione consistere, & si hostis propius accederet, retro se intra munitiones recipere, reliquos autem suo quemque loco armatos, & si hostis ingrueret paratos esse iubens, se cum reliquo milite intra castra fossa valloq; altissimo, alijsq; maximis operibus & munitionibus cincta, atque aliàs ab omni telorum tormentorumq; bellicorum genere instructissima, magna cum fiducia cõtinebat: exspectans nimirum dum id quod restabat veteranarum legionum cum secundo cõmeatu aduenisset. Qua in sententia quũ Cæsar copijs subinde ad pugnam à Scipione
- B productis perstaret, Scipio contempta Cæsaris exercitusq; ipsius patientia, in castra regressus, concione aduocata prolixè de Cæsaris Cæsarianorumq; timiditate & desperatione apud suos verba facit, victoriamq; haud dubiam eamq; breuem ipsis pollicetur. Per id tempus Numidæ Getuliq; complures, quotidie signis castrisq; Scipionis relictis, alij in regnum discedere, alij in castra Cæsaris etiam cateruatim profugere, memoria beneficiorum quæ maiores ipsorum olim à Mario (cuius affinem Cæsarem esse intelligebant) acceperant. E quibus Cæsar illustriores aliquot cum litteris ad ciues suos mittit: hortaturque, vt se suosq; fortiter contra aduersarios defenderent, neque ijs se temerè permitterent. Hoc quoque tempore Labienus
- C tentata cum parte equitatus Leptis oppidi, quod Saserna tenebat, expugnatione, amissoq; scorpionis ictu vno è Decurionibus, suisq; hinc perterritis, ad suos se recepit. Acillitani quoque per id tempus legatis ad Cæsarem missis, ciuitateq; sua in Cæsaris fidem tradita, frumentumque & alia quæ ipsis suppetebant polliciti, præsidium sibi à Cæsare mitti petunt. Cæsar igitur C. Messium Ædilitia potestate functum, cum præsidio eò proficisci iubet. Quo intellecto C. Confidius, qui Adrumeto cum duabus legionibus, & equitibus cc. præerat, cum octo cohortibus Acillam prior occupare studens, quum se à Messio præuentum, præsidiumque Cæsaris ab Acillitanis receptum videret, Adrumetum reuersus, acceptisq; ibi equestribus à Labieno copijs, Acillam obsidione cinxit. Hanc postea multis magnisq; operibus oppugnare adortus, aliq; diu multumq; expertus, quum nihil proficeret, acceptis tandem aduersis de infelici suorum equestri prælio nuntijs, frumento ceterisque, quæ affatim in castris aderant, ad victum necessaria, incensis, obsidione oppidi relictâ, Adrumetum iterum se recepit.
- D Eodem tempore & Crispus Sallustius Cercinna insula, eiecto ex ea C. Decio viro Prætorio, qui eam cum præsidio tenuerat, potitus, magnam frumenti copiam ibi inuentam, per naues onerarias in castra Cæsaris mittit. Tunc quoque naues onerariæ, quas Allienus cum secundo commeatu, & duabus legionibus, & equitibus Gallis dccc. funditoribusq; & sagittarijs

ACILLA
RECEPTA.CERCINNA
RECEPTA.

mille à Lilybæo ad Cæsarem miserat, quarto post die in portum Ruspinæ, A
 vbi Cæsaris castra erant, vento vñ secundo peruenere. Hinc Cæsar post
 longa expectationis tædia omnibus suis receptis gauisus, omniq̃ sollici-
 tudine liberatus, milites iam recenter aduectos, nauibusq̃; egressos, per ca-
 stella munita; loca disponit: & donec à nausea & languore vigori pristino
 restituerentur, aliquantum interquiescere iubet. Eodem ferè tempore
 & Tisdritani legatos ad Cæsarem mittunt, triticiq̃; modia mille ccc. apud
 se esse docent: cuius conseruandi causa. præsidium sibi à Cæsare mitti pe-
 tunt. Quibus Cæsar gratias agens, præsidium se quamprimùm missurum
 pollicetur. Interea P. Sittius, quem fines Numidiæ cum exercitu ingres-
 sum supra relatum est, castellum munitissimum, in quod Iuba præter fru- B
 mentum cetera quoque vsibus bellicis necessaria conuexerat, vi expugna-
 tum capit. Cato verò dum hæc geruntur, habitis nouis delectibus, ma-
 gnæ omnis generis hominū, tam seruorum, q̃ libertinorum, omniumq̃;
 qui per ætatem armis ferendis habiles essent, manū armauerat, & Scipioni
 in subsidium submiserat. Sed Scipio miratus Cæsarem, qui alioqui vltro
 bellum inferre, & prælio laceßere consueßet, ita obstinatè etiam prouoca-
 tum eo nunc abstinere, tamq̃ insolitam Cæsaris patientiam, tantamq̃
 consilij commutationem suspectam habens, Getulos duos, quos sibi fidis-
 simos amicissimosq̃; credebatur, propositis maximis præmijs, in castra Cæsa-
 ris speculatū mittit. Sed hi ad Cæsarem perducti, indicantes ad quid missi C
 essent, cupere se in castris Cæsaris manere, simul & alios Getulos complu-
 res C. Marij clientes, omnesq̃; non nuper ciuitate Ro. donatos, & in legio-
 nem quartam & sextam adscriptos, in castra Cæsaris transire paratos expo-
 nunt. Quod & euentus mox comprobauit, pluribus legionarijs ex legio-
 nibus iam dictis ad Cæsarem postridie confugientibus: qui collaudatos, &
 ad se receptos stipendio donauit: factaq̃; aduentu duarum legionum cum
 equitatu, aliaq̃ leui armatura, non mediocri copijs suis accessione, omni-
 bus copijs suis eductis longiùs progressus, primùm collem quendam, in quo
 turris erat, siue specula, quæ à præsidio Numidarū tenebatur, missa turma
 Hispanorum cum parua leui armaturæ manu, deturbatis Numidis, pluri D
 busq̃; ex his captis, reliquis in fugam conuersis, occupat. Deinde Labienū
 ad suppetias Numidis præsidiarijs fugientibus ferendas, cum toto ferè dex-
 træ aciei iam instructæ equitatu longiùs à suis procurrentem (media inter
 se & Labienum maxima quadam villa, quæ Labieni prospectum impedi-
 bat) immissa equitatus sui ala sinistra, à reliqua acie intercludit: extremūq̃;
 ipsius equitatum antequam sentiretur cōsequutus, cum intercluso reditus
 ad suos non daretur, rectà in castra confugere compulit. Galli autem Ger-
 mani; quos secum Labienus habebat, resistere ausi, circumuenti vndiq̃;
 vniuersi fortiter repugnantes cecidere. Quod vbi legiones Scipionis, quæ
 lon-

A longius à castris instructæ stabant, animaduertêre, hæ quoque fugientes omnibus se portis in castra coniecêre. Cæsar autem postquâ receptum cani iussisset, suos omnes incolumes intra munitiones recepit. Postridie omnibus vndique præsidij deductis, postquam vniuersas iterum copias instructas in campum produxisset, factâque pugnæ potestate, dum Scipionem suis se munitionibus continere videt, aciem suam, vt erat instructa, Vzitam versus (quod oppidum Scipio tenebat) ducit. & iam minùs mille passibus ab oppido aberat, quum Scipio veritus ne oppidum, ex quo aquatione ceterisque rebus necessarijs exercitus eius plurimùm iuuabatur, amitteret, aciem quidem vniuersam instructam, & elephantos ante oppidum constituit: sed ita vt media acies oppido tegeretur, vtrumque tantum cornu cum elephantis in conspectu aduersariorum esset. Cæsar quum vsq; ad vesperam ferè in acie constitisset, neq; Scipio se loco moueret, intelligens se non sine maximis difficultatibus vno eodemq; tempore oppidum, quod maximis Numidarum tenebatur præsidij, oppugnaturum, simul & contra hostem ex loco iniquiore depugnaturum, milites suos, qui in illam vsq; horam in armis perstiterant, in castra reducit. Sub id tempus intercepta à C. Virgilio Petronio, qui Thapso oppido maritimo præerat, vna è nauibus Cæsarianis, quæ cum secundo cōmeatu è Lilybæo cum reliquis soluerat, atque ab alijs deerrauerat, ventoq; ad Thapsum delata fuerat: altera item quæ veteranos cum Centurione vno & tyronibus aliquot vehebat, simili tempestate ad Egimurum delata, à Vari & Octauij classe capta: Cæsar ob id indignatus, eos quos apud Thapsum cum parte classis præsidio nauium onerariarum & longarum, quæ per mare vagabundæ errabant, in statione esse iusserat, propter negligentiam ignominia notatos, propositoq; in eos grauissimo edicto, dimisit. Eodem tempore sub occasum Vergiliarum per noctem nymbus procellosus subitò cum saxorum grandine cælo deiectus Cæsaris exercitum plurimùm afflixit: qua nocte & quintæ legionis pilorum cacumina sponte arserunt. Interim Rex Iuba nuntio de aduerso Scipionis equestri prælio ad se perlato, cum domesticis bellis intentus, ad primam Scipionis euocationem nō accederet: postea omni Africa, quæ populo Romano parebat, sibi à Scipione promissa, Saburam præfectum cum parte exercitus præsidio regni contra Sittium relinquit: ipse cum legionibus tribus, equitibus frenatis dccc, Numidis autem sine frenis, alijsq; terrestribus copijs quàmplurimis, & alijs .xxx. elephantis, iterum ad Scipionem contendit. Quem Cæsar vbi aduenisse cognouit, munitiones suas longius producere, locaq; Scipioni propinquiora & excelsa occupare aggreditur. Scipio ex aduerso, vt Cæsari facultatem longius progrediendi præriperet, Labienum proximum collem inuadere iubet. Quo occupato, cum eundem & Cæsarem petiturum Labienus sibi persuaderet, in valle latissima profundissimaq;

quæ inter collem & Cæsarem media iacebat, quâq; necessariò Cæsari trans A
 eundum erat, in insidijs cum parte equitatus leuique armatura confedit:
 aliosq; equites post collem, quem Cæsar petebat, subsidere iussit, qui dum
 ipse Cæsarem à tergo ex improviso adoriretur, se ex aduerso è colle osten-
 derent: sperans scilicet hac ratione Cæsarem & regressu & progressu inter-
 clusum, certissimum exitium incursum. Ceterum quum equites, quos
 post collem Labienus collocauerat, citius quàm debebant summa collis
 peterent, equites quos Cæsar præmiserat eosdem conspicati & consecuti,
 partim cædunt, partim viuos capiunt: deturbatoq; Labieni præsidio colle
 potiuntur, Labieno cum suo equitatu fuga salutem quærere coacto. Cæ- B
 sar autem distributis statim per legiones operibus, castra eodem colle mu-
 nit. Simul & à maximis suis castris per medium campum ad oppidum V-
 zitam vsque (quod inter sua & Scipionis castra medium erat) duo brachia
 ducit, quæ ad sinistrum dextrumq; oppidi angulum pertingebant: quam
 rem plurimas sibi comoditates & securitates tam ad expugnandum, quàm
 ad colloquia & perfugia, sibi præbere posse intelligebat. Quo ex opere dum
 Cæsar sub vesperam suos in castra reducit, Iuba, Scipio, & Labienus cum
 omni equitatu, leuiq; armatura, impetu in Cæsarianos facto, equites loco
 cedere compellunt. Sed Cæsar copijs omnibus ex itinere reductis, equiti-
 busq; suis magno impetu in Numidicum equitatum conuersis, eundem
 cæsis fauciatq; quàmplurimis, in castra vsque Regia fugere compulit. & C
 nisi nox interueniens, pulvisque aduerso vento sublatus prospectui Cæsa-
 rianorum officiens prælium diremisset, vniuerso equitatu cum leui arma-
 tura deleta, Iuba ipse & Labienus sine dubio in Cæsaris potestatem venis-
 sent. Hoc prælio magna felicitate à Cæsare commisso, plurimi è sexta &
 quarta legione à Scipione ad Cæsarem transiére: nec pauciores alij in alias
 regiones finitimas, quò quisq; poterat, diffugère. Getuli quoque, ad quos
 Cæsarem perfugas cum litteris & mandatis misisse relatum est, successu re-
 rum Cæsaris permoti, à Rege suo Iuba vniuersi defecère, armaque contra
 ipsum cepère. Quo intellecto Iuba, ex ijs copijs quas ad Scipionem addu-
 xerat, cohortes sex, quæ fines regni sui contra Getulos tutarentur, mittit. D
 Similiter & ex Vzita oppido, brachijs quæ Cæsar instituerat perfectis, & ad
 oppidum vsq; perductis, ita vt tutò inter Cæsarianos & eos qui in oppido
 erant, quotidiana ferè colloquia fierent, nobiles aliquot Getuli ex equitatu
 Regio, quorum maiores sub Mario olim meruerat, per noctem ad lumina
 cum equis calonibusque circiter mille in castra Cæsaris perfugiunt. Cæsar
 enim tam litteris, quàm fama vulgauerat, Afris quidem qui ad se transitori
 essent, libertatem & omnes facultates concessurum, ciuibus verò Romanis
 præter impunitatem etiam præmia daturum. Hinc factum est, vt plurimi
 quotidie in partes ipsius relicto Scipione & tum temporis & postea conce-
 derent.

A derent. Postridie eius diei, quum vniuersæ vtrique copiae instructæ & in aciem productæ, non procul à castris Cæsaris medio inter vtrumque exercitum haud amplius tercentorum passuum spacio, à manè vsq; ad horam diei decimam sub armis cōstitissent, nec ab alterutra parte pugnae initium fieret, atque hinc Cæsar inclinata iam die suos in castra reducere inciperet, omnis Numidarum Getulorumque equitatus sine frenis castra Cæsaris in colle posita inuadere parabat: Labienoque, qui loco suo immotus cum equitatu frenato persistebat, legiones Cæsaris distinente, equites cum leui armatura temerè & iniussu Cæsaris longiùs contra Getulos Numidasque progressi, transitaque palude à leui armatura deserti, à multitudine Numidici Getulique equitatus loco pulsi, paucis quidem suorum cæsis, sed plurimis conuulneratis fugientes ad suos se recipere coacti sunt. Vicissim postero die cum equitatus Cæsariani pars Leptim frumentandi causa missa, Numidas Getulosque equites prædatores sibi obuios habuisset, centum ex ijs cum interfecere, tum viuos cepere. Post hæc vtroque duce suis hinc inde operibus munitionibusque incumbente, aliquandiu equestribus tantum leuibusque prælijs concursus est. Interim ad Cæsarem perfertur Varum, qui cum quinquaginta quinque nauium classe ab Utica Adrumetum excurrerat, è Cothone Adrumetinorum portu egressum, tredecim nauium classem, quam Cæsar cum Q. Aquila Adrumetum in stationem præsidij gratia miserat, tempestate iactatam, & ad Leptim negligentius custoditam, defensoribusque vacuam partim incendiisse, partim cepisse. Cæsar itaque nihil cunctatus equo admissio Leptim (quæ .vi. milibus passuum à castris suis aberat) proficiscitur: consensioque paruo nauigio, reliquis nauibus statim post se venire iussis, Varum persequi contendit. Varus autem celeritate audaciaque Cæsaris territus, Adrumetum versus vnde venerat cum vniuersa classe fugam capit. Sed Cæsar fugientem consequutus, alteraque quinqueremium à Varo paulò antè captarum cum omnibus suis epibatis recepta, & præter hos cxxx. custodibus in ea captis, aliaque hostium triremi remigibus epibatisque onusta potitus, reliquas naues superato promontorio in

D Cothonem Adrumetinorum portum fugere coëgit. quas quum vento minus secundo vsus, eodem die assequi nō posset, postridie prima luce, & ipse Adrumetum appellens, naues quidem onerarias quæcunque extra Cothonem longiùs in salo stabant, incendit: reliquis verò quæ in Cothonem se receperant, prælio decertare detrectantibus, in castra reuersus est. Haud multò post Labienus quum intellexisset Cæsarem loca quædam frumentandi gratia sæpiùs petere solitum, quum Cæsarem eodem ex consuetudine commeaturum crederet, cum magno equitatu, leuique armatura iisdem in locis in insidijs confedit. Sed Cæsar cognito ex perfugis Labieni consilio, quum per dies aliquot ea frumentatione abstinuisset, quò hostem se-

curiorem negligentioremq; redderet : postea eductis cum parte equitatus octo legionibus, parte autem equitatus præmissa, insidiatores in conuallibus latentes inopinantesque aggressus, occisis circiter quingentis, reliquos fuga salutem quærere compulit, Labieno conspectis legionibus Cæsaris, laborantibus fugientibusq; suis, cum suo equitatu succurrere non audente. Cæsar inter hæc quum in angustias rei frumentariæ coniectus, castra sibi necessariò mutanda intelligeret, Lepti, Ruspina, & Achilla præsidio firmatis, Aquilæque & L. Cispio Adrumetum & Thapsum obsidere iussis, castris incensis ad oppidum Agar proficiscitur, castraq; haud longè ab eo oppido ponit. Scipio Cæsarem cum omnibus copiis subsequutus, vi. passuum milibus à Cæsare castra facit. Hic quum Scipio legiones duas ad Zettam oppidum (quod à parte castrorû Scipionis situm, ab iisdem decem milibus passuum, à Cæsarianis verò .xviii. milibus aberat) frumentatum misisset, Cæsar ex perfugis certior factus, motis è campo in collem & loca tutiora castris, quarta vigilia cum copiis suis hostium castra prætergressus, Scipione longius in agros circumiacentes propter frumentationem progresso, Zetta oppido potitur : captoque ibi C. Brotio Regino equite Ro. Scipionis familiarissimo, qui oppido præerat, & P. Atrio equite item Ro., camelisque Regijs .xxii., Oppium legatum ibi cum præsidio relinquit: copiasque suas præter hostium castra in suas munitiones reducere instituit. Quo in receptu Labieno postremum Cæsaris agmen infestante, Cæsar signis subinde in Numidas equites leuemq; armaturam mirabili celeritate nunc suis instantes, nunc refugientes conuersis, minimoque itineris spacio non sine maximis difficultatibus per plures horas, modò procedendo, modò resistendo quàm tardissimè confecto, tandem hora prima noctis decem suorum saucijs, reliquos incolumes in castra reduxit. Labienus autem ccc. è suis desideratis, plurimis conuulneratis, omnibus autem nunc cedendo nunc insequendo defatigatis, ad suas munitiones reuersus est. Haud multò post Cæsar quum productis in æquiora loca copiis, non longè ab hostium castris diutius consistens, facta semel atque iterum pugnae potestate, Scipionem in locum æquum descendere nolle perspiceret, exercitu ad .xii. Kal. April. iustrato, tertio post die motis castris Sarisuram oppidum, in quod frumentum Scipionis conuectum erat, quodq; à Numidarum præsidio tenebatur, copias ducit. Sed Labienus facto in postremum Cæsaris agmen impetu, parte impedimentorum intercepta, etiam legiones onere sarcinarum impeditas aggredi ausus, submisso à Cæsare expeditorum aliquot legionariorum subsidio, plurimis suorum tum occisis tum vulneratis, turpiter in fugam versus est. Cæsar autem interfecto in hostium conspectu Numidarum præsidio, P. Cornelio Scipione euocato, qui oppido præerat, fortiter quidem sed frustra repugnante, oppido simul & frumento potitur. Postridie ad Thebennam

ZETTA
CAPTA.

SARISURA
CAPTA.

A bennam oppidum quod Confidius tenebat profectus, quum eam expugnare propter inopiam minùs operæprecium existimaret, in castra, quæ ad Agar habebat, reuertitur. Similiter & Scipio in priora castra exercitum reducit. Interim Thebennenses missis legatis docent Regium præsidium à se interfectum, auxilium igitur à Cæsare contra Regem sibi quàmprimū mitti petunt. Quibus Cæsar statim Marcium Crispum Tribunum cum cohorte, sagittarijsq; compluribus & tormentis mittit. Dum hæc geruntur, legionarij, qui morbo, aut alio impedimento retenti, cum priore commeatu traicere non potuerant, ad quattuor milia, equites item quadringenti, sagittarij; & funditores mille è Sicilia in Africam ad Cæsarem venère. Hos igitur Cæsar cum reliquis omnibus legionibus ad pugnam instructos, haud procul ab oppido, cui Tegea nomen erat, vbi Scipio. ccc. equitū præsidium habebat, in acie constituit. Sed quum & hîc Scipio prælio decernere detrectaret, Cæsar tædio victus, equitum suorum turmas vnà cum leui armatura sagittarijsq; & funditoribus in hostium equitatum, qui pro oppido in statione erat, immittit. Ibi auxilijs equestribus à Labieno equitatu suo summissis, dum recentiores defatigatis succedunt, Cæsariani paulatim loco cedere cœperant, donec Cæsar altera vicissim equitum ala suis laborantibus subsidio missa, prælioq; magnis suorum animis redintegrato, cæsis sauciatisque quàmplurimis fugientes per tria passuum milia persequutus, in proximos colles compulit. Et quum iam pluribus certisq; experimentis cōpertum haberet, Scipionem nullis conditionibus ad prælium loco æquo committendum pertrahi, neque iterum castra propter aquarum inopiam propiùs hostium castris admoueri posse, ad Thapsum obsidendum animum conuertit: sperans nimirum se hac ratione, vel Scipionem in necessitatem dimicandi coniecturum, vel ipso pugnam detrectante, oppidum maximi momenti facîle in suam potestatem redacturū. Aberat Thapsus ab Agar. xvi. ferè passuum milibus, maximoq; præsidio à Virgilio Petronio tenebatur. Is autē erat oppidi situs, vt peninsulæ speciem præberet: quòd ab vna quidem parte mari, ab altera verò palude allueretur, isthmusq; inter paludem & mare non ampliùs mille quingentorum passuum angustum admodum ad oppidum accessum præberet. Huc igitur progressus, castelloque statim ad fauces isthmi communito, validoque præsidio relicto, hostes accessu oppidi interclusit: castrisque lunatis constitutis, eodem quo venerat die, oppidum vallo munitionibusq; cingere aggreditur. Scipio autem cum Virgilium Thapsitanosque hæctenus rebus suis fidissimos, non sine dedecore à se deserì posse intelligeret, Cæsarem statim per loca superiora subsequitur: cumque occupatis iam à Cæsare angustijs, oppidoque exclusus, Thapsitanis auxilium submittere prohiberetur, mille quingentis à castris Cæsarianis passibus ad mare castra communire

THEBEN-
NA RECE-
PTA.

instituit: parteq; operis iam effecta, dum reliqua perficitur, partem copia-
 rum cū elephantis pro vallo ad deterrendos hostes in acie constituit. Quo
 intellecto Cæsar, Asprenate Proconsule cum duabus legionibus præsidio
 castrorum relicto, parteq; classis ad Thapsum relicta, reliquas naues iubet
 post hostium, qui castra ad mare habebant, terga, ad littus appellere: exau-
 ditóq; signo quod illis constituerat, clamore subito sublato hostibus auer-
 sis terrorem incutere. Ipse autem reliquas copias summa cum festinatione
 ad hostium munitiones ducit: quos ubi munitionibus perficiendis sedulò
 incumbere videt, acie triplici instructa, dum pedibus exercitum circumcur-
 sans verbis animos suorum excitat, animaduertit hostem circa vallum tre-
 pidare, pavidosq; vltro citroq; concursantes, nunc prodire, nunc intra mu-
 nitiones se recipere, turbatos scilicet inopinato nauium Cæsarianarum à
 tergo accessu. Quod ubi & à maiore Cæsariani exercitus parte conspectum,
 legati statim pugnae signum dari postulant. Sed negante Cæsare placere
 sibi, vt eruptione pugnaretur, atq; ob id cunctante, tubicen à militibus co-
 actus dextro cornu signum canit. Hinc Centurionibus etiam aduerso pe-
 ctore frustra obluctantibus, signa ab omnibus simul cohortibus inferri cœ-
 pta. Cæsar autem quum suos iam ad pugnam accensos, nullo modo con-
 tineri posse videret, dato FELICITATIS signo, ipse protinus equo con-
 scenso admissóq; vel primus in hostem fertur. Elephantis aduersariorum,
 qui pro munitionibus stabant, à sagittarijs funditoribusq; impetiti, clamo-
 req; & strepitu territi, & in suos conuersi, plurimos dum intra munitiones
 retrofugiunt oppressere. simul etiam Mauri, qui ad elephantorum præsi-
 dium in eodem cornu consistebant, in fugam versi sunt. Sic Cæsar paucis
 admodum repugnare ausis, ijsq; interfectis, primo statim impetu vallo ho-
 stium potitus, reliquos munitionib. relictis in superiora castra, vnde pridie
 exceßerát, fugere compulit: quæ postquam vacua inuenere, illinc in castra
 Regia fugientes, dum & hæc à Cæsarianis occupata vident, armis simul cum
 omni salutis spe proiectis, quò expeditiores fugerent, cuncti locum quen-
 dam editum castris proximum cursu petunt. Cæsar autem dissipatis, totoq;
 passim campo quæ quisq; poterat diffugientibus, ne hostibus se colligendi
 spaciū daret, legiones è vestigio insequi iubet. Quæ postquam ad collem
 in quem hostes confugerant, peruenere, aduersarios, salutatione more mi-
 litari facta, fidem Cæsaris frustra implorantes, etiam inspectante, & pro i-
 psis deprecante Cæsare, ad vnum omnes contrucidauere, exasperatis & in
 vltionem à Scipione prius interfectorum inflammatis præcipue veterano-
 rum animis. Tantaq; fuit Cæsarianorum ob recentem victoriam licentia,
 impunitatisque fiducia, vt ne à præcipuis quibusdam è suo exercitu ma-
 nus cohiberent, Tullio Rufo viro Quæstorio inter ceteros pili iactu con-
 sultò à milite quodam transfixo, Pompeio item Rufo grauius vulnerato:

A ita vt Equites, Senatoresq; quamplurimi è Cæsarianis territi, & furorem militarem metuentes, è prælio se subducerent. Sic Cæsar tribus exercitibus vno die profligatis, cæsis hostium plus decem milibus, è suis verò vix quinquaginta desideratis, paucisq; faucijs, trinis etiam hostium castris vno quasi eodemq; impetu captis, insuper sexaginta quattuor elephantis armatis cū turribus suis ornamentisq; potitus est. Plurimi autem è Prætorijs Consularibusque, qui fuga euaserant, alij postea sibi ipsi manus intulère, alij capti, quòd priùs venia impetrata à Cæsare dimissi arma resumpserāt, ab eodem interfici iussi sunt. Dion auctor est: Quintanos magna virium suarum fiducia à Cæsare petijisse, vt elephantis opponerentur, debellatisq; elephantis

B ipsis concessum, vt in monumentum rei gestæ, elephantibus deinceps pro insignibus vterentur. Quidam scriptum reliquère, Cæsarem huic prælio ad finem vsq; non interfuisse: quòd dum aciem instrueret, subitò morbo comitali correptus; malum persentiens (quòd & aliàs eo laborasset) antequàm vis morbi sensus occuparet, in turrim quandam proximā se deferri iusserat. Cæsar quum ex itinere ad Thapsum aliquandiu constitisset, missoq; rei à se gestæ nuntio, Virgilium ad deditionem etiam impunitatē promissa adhortaretur, nec ille obtemperaret, Caninium Rebilum Proconsulem cum tribus legionibus ad Thapsum in obsidione manere iubet. Postridie sacris operatus, militibusq; suis pro concione collaudatis, eosdem

C & potissimum veteranos pro suis quemq; meritis pro suggestu inspectantibus oppidanis præmijs donat: Thapsoq; Vticam discessurus, Cn. Domitium ad Thisdram, quam Considius tenebat, relinquit: præmissoque Vticam M. Messalla, ipse cum equitatu eodem subsequitur. Equites autē Scipionis, qui fuga cædem euaserant, dum Vticam versus ad Catonem cōtendunt, Parada oppido ex itinere per vim capto, quòd oppidani accepto de rebus apud Thapsum gestis nuntio, ipsos admittere recusarent, maxima lignorum strue medio in foro congesta, igneq; subiecto, oppidanos cuiusvis sexus & ætatis constrictos, cumq; omnibus rebus suis in flammam coniectos, crudeli inhumanoq; supplicio vitam finire cogunt. Postquam verò

D Vticam peruenère, Vticensium plebeiorum (qui à Catone ipso statim belli initio, tanquam rebus Cæsaris magis affecti, oppido eiecti, ante portam oppidi fossa exigua alijsq; leuioribus munitionibus contra repentinos incursum se continebant) castra oppugnare aggressi, lapidibus fustibusque ab Vticensibus fortiter repulsi, in oppidum irruperunt: expugnatisque ibi & direptis Vticensium domibus, plurimos etiam ex ipsis in odium Cæsaris, cuius partibus eos fauisse credebant, interfecere: ita vt nō nisi numerata ipsis etiam viritim à Catone pecunia, à cædibus & rapinis abstinerēt. Acceptaq; postea & à Fausto Sylla alia pecunia, qui eam de suo numerauit, cum eodem in regnum Iubæ profecti sunt. Quum autem plurimi vndique ex

Scipionis exercitus reliquijs Vticam confluerent, Cato omnibus cōuenire A
iussis, persuasoq; Vticensibus vt seruitia manumitterent, eosdem oppidum
contra Cæsarem defendere hortatur, se ducem imperatoremque rei geren
dæ fore, neque ipsos vllō casu quanuis graui deserturum pollicetur. Qua in
re quum non omnium vnā esse sententiam intelligeret, Vticensibus po
tissimū bellum contra Cæsarem detrectantibus, oppidi defendendi pro
positum omittit. Quumque Senatorij Equestresque ordinis, alijq; magni
nominis viri, qui eò confluerant, sibi ab Vticensibus haud satis fiderent,
vererenturq; ne ab ipsis comprehensi Cæsari traderentur, fugæ consilium
capiunt. Quos Cato viatico & pecunia (si quibus opus erat) ceterisq; ad na
uigationem necessarijs instructos, nauibusque subministratis, ad portum B
vsque deduxit, & quò quisque voluit nauigare permisit. Ipse verò Cæsaris
se aduentum exspectaturum simulans, Vticæ manere constitutum habe
bat. Quumque Vticensēs se pro ipsius apud Cæsarem salute deprecatorios
pollicerentur, subridens nullo sibi deprecatore opus esse respondit. Filium
autem suum fiducia veniæ à Cæsare impetrandæ, ad Cæsarem proficisci, &
de eius clementia optimā quæque sperare iubebat, monebátque vt quan
do eo rerum statu natus & educatus esset, eam fortunam quæ ipsi obtinge
ret, æquo animo amplecteretur: se in libertate viuendi dicendique educa
tum, & iam ætate proiectum, non posse deinceps immutata vitæ ratione
seruituti se addicere. Sed nec filio, nec alteri cuidam adolescenti Statilio, C
quamuis cum ipso fortunam subire paratis, vt se relinquerent persuadere
potuit. His peraetis, Cato relicto portu, conuocatisq; in forum Vticensium
magistratibus, eisdem proluxa oratione administrationis suæ rationes red
didit: & cum commentarijs rationum apparatusque & com meatuum
bellicorū, etiam syngraphas omnes, & quicquid pecuniæ in ærario publico
reliquum erat, tradidit: rebúsque ita constitutis domum reuersus, nihil de
consueta quotidianaque vitæ ratione remittens, lotus cum amicis Vticen
siūque primoribus cœnauit, ne lætis quidem philosophicisque inter cœ
nam confabulationibus quæstionibusque abstinens: subindē & de vento
num secundus esset, atque etiam de his qui ab nauigarant, quantum pro D
iecti essent, percontatus: ita vt nec vultu, neque sermone, vllum turbatæ
mentis indicium præberet. Cœnatusque, postquam confabulationem di
sputationemque etiam in multam noctem protraxisset, amicis benignè à
se dimissis, liberisque suis L. Cæsari ipsius Cæsaris necessario, qui tum ibi
pro quæstore erat, commendatis, intra cubiculum se recepit, pugione fur
tim puluinari supposito: lectoque ad lucernam Platonis de immortalitate
animorum libro, postquam aliquantum etiam altiùs stertens, vt ab ijs qui
in proximo cubiculo essent, exaudiretur, quieuisset, circa primam vigiliam
stricto gladio infra pectus se percussit. Quumque inflicto vulnere è lecto
de-

A delapsus, abacum geometricum lecto astantem simul ipso casu in terram impulisset, excitatis eo strepitu his qui proximi cubabant, filius & familiares id quod erat suspicati, ingressi, Catonem sanguine foedatum, procidentibus è plaga intestinis, offendunt. Sed postquam Medicus intestinis in locum suum repositis vulnus fascijs obligasset, Cato ad se rediens, simulata facti poenitentia, actisque pro ope allata gratijs, somno sibi deinceps opus esse aiebat: proinde quando omnia se rectius habitura speraret, illi discederent. Quibus cum gladio digressis, foribusque iam clausis, Cato diruptis fasciarum futuris, vulneréque crudelissimè diuulso, procidentibusq; iterum intestinis, animam exhalans, moribundas in vulnere manus reliquit. Quidam tradunt, inter ipsam curationem rescisso vulnere inter Medici manus exspirasse. Vticenses quanquam aduersus Catonem ipsum aliàs odio partium minùs bene affecti, integritatem tamen ipsius reueriti, honorificentissimo funere publicè elatum in littore sepelierunt. L. autem Cæsar populum cohortatus, ut portis apertis Cæsarem aduentantem exciperent, ipse Cæsari obuiam profectus est. Messalla interim quem Cæsar præmiserat, ab Vticensibus admissus, custodias omnibus portis ponit. Cæsar autem interea temporis Vzita Adrumetóque in potestatem receptis, magnáq; cum frumenti tum armorum & pecuniarum copia ibi inuenta potitus, & L. Liuius Regulus cum legione Adrumeti præsidio relicto, Vticam pergebat: C

occurrentiq; sibi in itinere L. Cæsari, vitamq; suppliciter deprecanti, ignouit. Alijs item compluribus sibi obuijs, qui Pompeium prius, Scipionem postea sequuti fuerant, inter ceteros M. Eppio, & M. Aquinio Catonis filio veniam concessit: Vticamque per tenebras ad lumina perueniens, nocte extra oppidum exacta, postridie ingressus, Vticenses quidem pro ipsorum in se studio gratias agens pro concione amplissimè collaudauit, ciues verò Romanos negociatores, potissimum autem trecentos illos à Scipione delectos qui pecunijs & consilio Scipionem cōtra se iuuerant, grauiter increpuit: ita tamen ut vita ipsis concessa, multa bis mille sestertiū imposita contentus fuerit. Ceterum intellecta morte Catonis plurimum indoluisse fertur, D exclamasseque: Ego tibi Cato mortem inuideo, qui mihi gloriam salutis tuæ inuideris. Quumque in scrinia Scipionis, quibus secretiores litteræ includebantur, incidisset, etiam non lectas comburi iussit. Filijs autem Catonis non vitam solùm, sed & paterna bona concessit: aliosque quàm plurimos, qui postea, quum animum eius iam deferbuisse crederent, ad eum accesserè, venia data incolumes dimisit. Pompeiæ Cnei Pompeij filia, quæ Fausto Syllæ nupserat, ipsisq; Fausti liberis vitam & omnia sua concessit. Interea Rex Iuba, qui cum Petreio fugiens prælio excesserat, interdium latitans, nocte proficiscēs, in regnum peruenerat: Zamamq; oppidum (quod maximis operibus ipso belli initio cōmunierat, quod ibi Regiam haberet,

VZITA ET
ADRVME-
TVM RE-
CEPTA.

VTICA RE-
CEPTA.

coniugésque ipsius cum liberis omniq̃ue Regia suppellectili ibidem asser-
 uarentur) accedens, à suis admissus non est. Idq̃; hac potissimùm de caussa,
 quòd quum ad expeditionem contra Cæsarem proficisceretur, maximam
 in medio foro pyram coaceruata immensa lignorum copia exstrui curaue-
 rat, hoc proposito, vt siquidem se hoc bello inferiorem esse contingeret,
 interfectis omnibus suis & in pyram coniectis, ipse quoque cum coniugi-
 bus, liberis, & omni denique gaza superiniectis ea cōcremaretur. Quumq̃;
 primò pro suo imperio minis agens nihil proficeret, tandem & ad preces
 confugiens, ne sic quidem auditus est. Imò nec coniuges quidem aut liberi
 petenti, acriusq̃; instanti redditi. Hinc omni spe destitutus, indignatusq̃;,
 relicta Zama, cum Petreio paucisq̃ue equitibus villam quandam suam pe-
 tit: vbi sumptuosissimè cum Petreio epulatus, quum aliam honestæ mor-
 tis occasionem non inueniret (quòd omni passim bello sublato, omnia se
 Cæsari submitterent) mutuis casuri vulneribus infesti se inuicem ferro pe-
 tunt. Ceterum Petreio à Iuba Rege, qui viribus & robore corporis præsta-
 bat, adactò altiùs ferro facilè interempto, Rex superstes conatus sibi manus
 adferre, quum non posset, vix tandem ab vno seruorum vt ab illo occide-
 retur impetrauit. Quidam Iubam priùs à Petreio interfectum tradunt, Pe-
 treium autem proprijs manibus cecidisse. Zamenfes autem horum ignari,
 quum Regem cum exercitu quamprimùm adfuturum crederent, missis
 Vticam legatis, auxilium sibi à Cæsare aduersus Regem mitti petunt, se vel
 ad vltimum vitæ spiritum Cæsari oppidum seruatu-
 ros. Quò dum Cæsar ipse cū equitatu suo postridie proficiscitur, obuios sibi Regios duces quàm
 plurimos in gratiam recipit. Cuius fama clementiæ excitì, omnes ferè to-
 tius regni equites, Zamam ad Cæsarem confluxère, veniaq̃; à Cæsare im-
 petrata dimissi sunt. Dum hæc fiunt, Confidius intellecta clade suorū,
 Domitij aduentum exspectare veritus, relicta Thisdra, clam cum paucis
 Getulis, quanta poterat maxima pecunia secum ablata, Iubæ se coniunctu-
 rus in regnum fugit. Sed Getuli auiditate prædæ Confidio in itinere inter-
 fecto, in sua quisque delapsi sunt. C. quoque Virgilius terrā mariq̃ue ob-
 sessus, superioribus nuncijs acceptis, fide data, se suaq̃; omnia cum oppido
 Caninio Proconsuli permittit. P. autem Sittius fuso profligatoq̃; exer-
 citu Regio, ipsoq̃; duce Sabura interfecto, dum per Mauretaniā ad Cæ-
 sarem proficiscitur, intellecto Afranium & Faustum cum mille quingen-
 tis equitibus, qui Vticam diripuerant, in Hispaniam contendentes eodem
 sibi itinere occursuros, dispositis insidijs, maiori equitum Afranianorum
 parte vel cæsa, vel in deditionem accepta, Afranium ipsum cum Fausto vi-
 uos capit: quos quum ad Cæsarem perducere cogitaret, orta in exercitu se-
 ditione, antequam ad Cæsarem peruenirent, interfecti sunt. Scipio in-
 terim, qui consensu XII. nauibus apertis, cum Damasippo, L. Torquato,
 & Ple-

A & Pletorio Cestiano, in Hispaniam ad Pompeium cursum instituerat, diu aduersis iactatus tempestatibus, quum tandem Hipponem Regium inuitus deferretur, à classe P. Sittij, quæ ibi per id tempus erat, cum suis circumuentus, irrumpentibus statim in nauem suam Sittianis, atque vbi Imperator esset interrogantibus: Imperator, inquit; bene se habet. simul ferro se traijciens, seipsum in mare præcipitavit. Cæsar autem Zamæ etiamnum consistens, suppellectili gazaq; Regia, simul etiam bonis ciuium Ro. qui arma contrà tulerant, sub hasta diuenditis, collatisq; in Zamenfes præmijs, Numidiam ex regno prouinciam facit: relictoq; ibi Proconsule Crispo Sallustio, Vticam reuertitur: diuenditisq; & ibi bonis eorum, qui contra se militauerant, aut ordines duxerant, multatisq; Thapsitanis, Adrumentanis, Leptitanis, & Thisdritanis, impositoq; singulis ipsorū pro sua cuiq; facultate certo olei, frumenti, aut etiam pecuniæ modo, Idibus Iunijs Vtica soluens, post diem tertium Caraleis in Sardiniam peruenit. Ibi & Sulchitanos (quod Nasidium, qui ad Masiliam contra Cæsarem rem gessit, cum classe recepissent, suisq; copijs iuissent) octauas pro decimis pendere iussos, multauit. Ibi & partem veteranorum militum, ne nouas iterum seditiones mouerent, etiam antequam in Italiam traijceret, dimisit. Reliquas autem copias cum C. Didio in Hispaniam aduersus Pompeium misit, perlatisque iam tum ad se honorificentissimis Senatus de se decretis gauisus,

C conscensus ante diem .III. Kal. Quintiles nauibus, tempestatibus subinde retentus, duo de trigesimo post die Romam peruenit. Senatus namq; accepto statim victoriæ Africanæ nuntio, decreta quadraginta dierum supplicatione, plurimis quoque amplissimisq; Cæsarem honoribus per Senatusconsulta decretis ornauit. Inter quæ præcipua fuere, quod Dictatorem ipsum deinceps in decennium crearent: non quidem bello, aut alia aliqua necessitate impendente, neque alia quauis caussa, ob quas Dictator ante ea tempora creari solebat, sed quod aliud non haberet populus Ro., quo cum summo honore summum simul imperium ipsi deferret. Præfectum quoque moribus Censoria potestate (quod Censoris nomen infra ipsius

D merita videretur) in triennium constituerant: quæ quidem præ ceteris cupidissimè admisit, interim & alijs quibusdam honoribus, qui simul decreti erant, non reiectis. nimirum vt curuli sella proximus semper Consulibus in curia & Senatu assideret: sententiam primus diceret: præmiaq; in equestribus certaminibus solus diuideret: Magistratus omnes etiam plebeios quibus vellet conferret, equisque albis & licioribus, quos in prima secundaq; Dictatura habuerat, in triumpho vteretur: quæque humanum excedebant fastigium, vt quadrigæ ipsi in Capitolio ante Iouem statuerentur, imagoq; ipsius simulachrum orbis terrarum pedibus præmens cum titulo SEMIDEI poneretur: atque his ferè contentus, alia pleraq; his similia vel

NUMIDIA
PROVIN-
CIA FA-
CTA.

CAESARIS
AD VRBEM
EX AFRICA
REDITVS.

CAESAR DI-
CTATOR IN
DECEN-
NIUM.

CAESAR
PRÆFER-
CTVS MO-
RIBVS.

CAESAR
DICT. III.
M. LEPIDVS
MAG. E Q.

GALLICVS
CAESARIS
TRIUM-
PHVS.

ALEXANDRI-
NVS TRI-
UMPHVS.

PONTICVS
TRIUM-
PHVS.

AFRICA-
NVS TRI-
UMPHVS.

maiora repudiauit. Tertiam autem Dictaturam sub id ferè tempus in- A
ijt, M. Lepido magistro equitum sibi assumpto, quem & in Consulatu il-
lius anni collegam sibi adsciuerat, vt suprà dictum est: quam Dictaturam
etiam in plures insequentis anni menses dum annus compleretur (quòd
non semestris vti prius, sed annuus iam is Magistratus esset) continuauit.
Postquam autem in urbem peruenit, omnibus statim qui arma bellis præ-
teritis contra se gesserant, ignouit: inter quos & M. Marcello deprecante
Senatu reditum concessit. habitaque tam apud populum quàm in Senatu
oratione benignitatis humanitatisq; plena, vniuersos deinceps bono esse
animo, optimaque de futuro ipsius imperio sperare iussit, redditis interim
rationibus de pecunijs solito maioribus à se exactis: nimirum ob alendos B
exercitus, quibus promotis iam sua potissimum opera vndiq; imperij Ro.
terminis, etiam solito maioribus opus esse dicebat. Deinde rebus omni-
bus magnificentissimè sumptuosissimeq; adornatis, quattuor egit trium-
phos, diuerso quemque apparatu & instrumento. Primum quidem cele-
berrimumq; Gallicum, de Gallicis Germanicisq; populis, cuius apparatus
ex citro potissimum constitit: inter cuius fercula fuit Rhenus, Rhodanus,
Oceaniq; captiui ex auro simulachrum. Deinde & Vercingetorix inter ca-
ptiuos ductus est, in illum vsque diem in eum vsum seruatus, post trium-
phum verò cum alijs aliquot necatus. Elephantis autem quadraginta lych-
nuchos dextra sinistraq; gestantibus ad lumina sub vesperam Capitolium C
ascendit, gradusque Capitolij genibus ingressus pro more conscendit, non
habita ratione aut currus, qui ipsi ante louem erectus erat, aut simulachri
orbis terrarum pedibus suis subiecti cum titulo SEMIDEI, vt suprà rela-
tum est, quem titulum postea sustulit. Huius autem triumphi die, quum
Velabrum præterueheretur, cōfracto currus triumphalis axe, apud fanum
Fortunæ, quod Lucullus exstruxerat, penè excussus, alio curru ad perficien-
dum triumphum vti coactus est. Alter triumphus fuit Alexandrinus
de Rege Ptolomæo, apparatusq; eius testudineus: in hoc Nilus & Pharus
ardens: inter captiuos Arsinoë Cleopatæ soror, non sine spectantium cō-
miseratiōe traducta est, postea precibus Cleopatæ sororis & Ptolomæi fra- D
tris dimissa. Tertius aut Ponticus de Rege Pharnace, acantho spectabilis:
in cuius ferculis fuit Pharnacis imago, & hic titulus, VENI, VIDI, VICI.
celeritatem belli confecti significans. Nouissimus autem fuit Africanus
de Iuba Rege, ebore insignis: quo triumpho inter captiuos ductus est Iubæ
Regis filius patri cognominis, postea celeberrimis scriptorib. annumerat.
Hoc triumpho Petreij, Catonis, ipsiusq; Scipionis, aliorumq; primi nomi-
nis ciuium Ro. qui eo bello contra Cæsarem militauerant, imagines, non
sine maximo populi dolore & inuidia in pompa transmissæ sunt. Pecunia
ex manubijs per hos triumphos traducta, à Græcis quidem scriptoribus tra-
ditur

A ditur, LX. M. talentorum & dimidium talentum: à Romanis verò amplius sexies milies sestertiūm. Præterea aureæ coronæ bis mille octingentæ, pond. XX M CCCC X IIII. è quarum precio militibus postea stipendium & donatiū quod promiserat, etiam cum auctario persolutum, congiariumq; plebi datum. Notabilis autem fuit per hosce triumphos dicax militum triumphantem subsequentiū in Cæsarem licentia æquis auribus à Cæsare accepta, ita vt præter Cleopatrarum amores, aliasque Cæsaris libidines, etiam adolescentiam parū continenter sub Nicomede Rege Bithyniæ transactam exprobrare non vererentur, & inter alia quàmplurima scommata & dicteria, quæ ex militari instituto in ipsum iaciebantur, hi quoque

B versus post illum palàm decantarentur:

Vrbani seruate vxores, mœchum caluum adducimus.

Auro in Gallia stuprum emisti, hîc sumpsisti mutuum. Item & illi:

Gallias Cæsar subegit, Nicomedes Cæsarem:

Ecce Cæsar nunc triumphat qui subegit Gallias,

Nicomedes non triumphat qui subegit Cæsarem.

Cæsar aut triumphis iam peractis epulum vniuerso populo etiam in multos dies præbuit sumptuosissimū, ita vt vno die duobus & viginti milibus tricliniorū discumberetur: addita etiam visceratio & cōgiarium, distributo extra ordinē in populum viritim denis frumētī modijs, totidem olei libris.

C Et præter nummos trecetos quos olim promiserat, centenos in super corollarij nomine addidit, vt moram beneficij tardiùs præstiti compensaret. Appianus tradit minam Atticam viritim distributam. Annuat præterea habitationē in vrbe ad bina milia nummūm, in reliqua verò Italia vsq; ad quingentos sestertios remisit. Militibus etiam præmia quæ pollicitus erat, dilargitus est, veteranis quidem legionibus prædæ nomine in singulos quidem pedites bina sestertia, in equites verò vicena quaterna milia nummūm. Appianus aut tradit militib. quinquies milenas drachmas Atticas diuisas, Centurionib. duplum, Tribunis aut & alarū præfectis quadruplum persolutū.

D Eodem quoq; Veneris Genetricis, quā ante prælium Pharsalicum vouerat, tunc dedicauit: simul & forum ipsi contiguum, in quo spectacula plurima populo exhibuit. Addit Dion & Amphitheatrū propter ferarū venationes ab eo edificatum. In æde Veneris Genetricis Cleopatram iuxta Venerē constituit. Et præter ludos, quos omnibus passim vrbis regionib. per omnium ferè linguarū histriones fecit, Circenses quoq; atque alia varij generis certamina exhibuit. Munus etiam gladiatorium, quod in funere filiarum suarum pollicitus erat, venationem item ferarum per quinque dies, aliaq; quàmplurima in honorem filiarum dedit. Eo tempore Camelopardalis primū Romam adductus, populoq; in arena exhibitus est. In Circensibus autem spaciū Circi vtrinq; produxit: bigasq; & quadrigas equosq; desultores agitauerunt no-

CONGIARIVM POPULO DATVM.

ÆDES VENERIS GENETRICIS DEDICATA

LVDI CIRCENSES FACTI.

R bilis-

bilissimi iuuenes. Troiam lufit turma duplex maiorum minorumq; pue A
rorum. Pyrrhicam aut saltauerunt Asiae Bythiniaeq; principum liberi. Sub-
latisq; postea e Circo metis, bina loco ipsarum castra aduersa constituens,
pugna in duas acies diuisa, quingetos hinc inde pedites, trecetos vero equi
tes, & viginti elephantos commisit. stadioq; temporario in campo Martio
excitato, Athletę per triduum decertarunt: effossoq; eodem campo in mo
dum cochleę lacu, naualis pręlij speciem exhibuit, concurrentibus Tyrijs
Ægyptijsq; biremibus, triremibus, & quadriremibus, adhibitisq; quadrin
gentis hinc inde remigibus, maximoq; pugnatorū numero. Quibus rebus
quū multitudinis ciuiliū bellorum cladibus afflicta animos aliquātum
refecisset, ad cōponendum Reip. statum se conuertit. Primūq; Fastos vicio B
Pontificū per intercalandi licentiam corruptos & turbatos, ita vt cū mē
sium & vindemiarum, tum reliquę anni ferię alieno tempore inciderent,
correxit: annumq; qui ad illa tempora secundum Lunę cursum æstimaba
tur, & .CCCLV. dierū fuerat, ad rationem cursus Solaris digessit, & .CCCLXV.
dierū esse voluit. Decem scilicet in .vii. menses, qui .xxix. antē dierum fuerāt
additis, e quibus Ianuarius, Sextilis, & December binos singuli acciperent:
Aprilis verò, Iunius, September, & Nouember singuli singulos dies. Et quò
in posterū ex Kal. Ianuarijs ea ratio cōstaret, pręter mensem intercalarem
xxi. dierum, qui ex Numę instituto quarto quoquo anno intercalabatur,
& in eum annum inciderat, etiam alios duos menses, siue, vt Dion scribit, C
LXVII. dies inter Nouembrē & Decembrem interposuit: sublatoq; mēse
intercalari, cōstituit, vt loco illius quarto quoq; anno deinceps ante quinq;
nouissimos Februarij dies vnus dies intercalaretur. Ita hic annus .xv. mē
sium fuit. Sancitis quoq; q̄ plurimis saluberrimis legibus, libidines com
pressit, maleficia cōpescuit, sumptus nimios cohibuit, fidem reuocauit, iudi
cia collapsa restituit. Nam quum iudicia pręter Equites & Senatores etiam
à Tribunis ęrarijs, qui plebei erant, administrarentur, sublatis Tribunis, ea
solis Senatorib. Equitibusq; mandauit. Sumptuariam quoq; legem seue
rissimē exercuit: dispositisq; circa macellum custodibus, quę importarēt
obseruari, vetitaq; retineri, & ad se deferri voluit: & si qui custodes fefellis
sent, immissis liētoribus aut militibus etiam apposita ē triclinio rapi iussit. D
Promiscuum lecticarū vsum, vestis item conchiliatę, & margaritarū, ad cer
tas personas, ętates, & tempora restrinxit: peregrinarūq; mercium portoria
quò cariores essent, instituit. Pœnas etiam scelerum auxit. Quumq; locu
pletiores, quò nulla facultatum suarū parte imminuta, solo exilio sicut a
lij quiuis pleēterentur, minùs à maleficijs deterrerentur, parricidij quidem
reos omnibus facultatibus, alijs verò criminib. obnoxios, dimidia parte bo
norum multari voluit. Quūq; exhausta bellorū ciuiliū sumptibus Rep.
fides publica laboraret, debitoresq; creditorū acerbitatē multum timerēt,
sub-

FASTI COR-
RECTI.ANNVS EME-
DATVS.ANNVS QVIN-
DECIM MEN-
SIVM.LEGES CAE-
SARIS.LEX SVM-
PTVARIA.

A sublata omni nouarum tabularum mentione, quæ subinde seditiosius & tumultuosius mouebatur, decreuit, vt debitores creditoribus satisfacerent per æstimationem possessionum, quanti quasq; earum ante bellum ciuile comparassent, deducto summæ æris alieni quicquid vsuræ nomine numeratum aut perscriptum fuerat: ita vt hac sola ratione quarta ferè parte æs alienum imminutum sit. Censum autem, vti nec Censoris nomine vsus, sed tanquam Præfectus moribus, ita nec more nec loco solito peregit, sed vicatim per dominos insularū: inuentumq; est dimidio minus ciuium q̄ proxima ante bella ciuilia recensione. Nam quū prius trecenta & viginti milia frumentum è publico acciperet, centum & quinquaginta milia dumtaxat reperta sunt, tantum sanguinis bellis ciuilibus exhaustum. Sed Cæsar quò eam ciuitatis exhaustæ vastitatem quoquo modo repararet, ad propagandam sobolem præmia ijs qui plures liberos procreassent, constituit. Sanxit præterea, ne quis ciuis supra annos viginti, aut infra decem annos sacramento liber amplius quàm triennium cōtinuum Italia abesset: néue quis Senatoris filius nisi cōtubernalis aut comes Magistratus peregrè proficisceretur: néue hi qui pecuariam facerent, minus tertia parte puberum ingenuorum inter pastores haberent. Omnesq; qui Medicinam profiterentur, aliosq; liberalium artium doctores, quò & ipsi libentiùs vrbe incolerent, & aliunde eò accederent, ciuitate donauit: plurimisq; qui iudicum sententijs exilio multati fuerant, reditum per Tribunos plebis confecit. Collegia tamen omnia præter antiquitùs instituta, detraxit. Senatum autem, qui & ipse multum imminutus erat, adscriptis in eum plerisque etiam indignioribus, suppleuit. Similiter & in Patritios quàm plurimos allegit: ita tamen vt repetundarum conuictos ordine Senatorio moueret, facilius in hos qui ambitus damnati fuerant, quos ab exilio reuocatos in Italia versari permittebat. Comitibus autem cum populo ita partiebatur, vt exceptis Consulatus petitoribus, reliqui Magistratus pro parte dimidia quos populus, pro altera quos ipse vellet pronunciarentur. Ceterum ne hi qui in prouincias mittebantur, consuetudine imperandi dominationem affectarent, (quod sibi vsu venisse intelligebat) Prætorijs prouincijs annum, Consularibus verò biennium nec amplius statuit. Ad honorum autem petitionem, etiam proscriptorum liberos admisit. Et hæc quidem omnia, vt & alia pleraque, quæ de Republica per id tempus constituit, vel cum vniuerso Senatu, vel cum primoribus eius ordinis communicauit: siue ne nihil Senatui deferre videretur, siue etiam ne si quæ asperius decreta essent, in se solum inuidia recideret. Per id tempus Cleopatram cum fratre marito Romam accersitam, etiam proprijs ædibus excepit, non sine sinistris propter præteritos amores rumoribus. Quos Cæsar maximis affectos honoribus & præmijs, atq; inter Reges socios amicosq; populi Ro. adscri-

CENSUS PO-
PVLI AG-
TVS.

IVS LIBE-
RORVM.

SENATVS
SVPPLE-
TVS.

EXPEDITIO
CAESARIS
IN HISPANIA
CON
TRA SEX.
ET CN. POM
PEIOS.

ptos, in regnum postea dimisit. Constituto ad hunc modum rerum vrb-
banarum statu, Cæsar quum non ignoraret haud cōtemnendas Africanæ
Pharfalicæq; cladis reliquias, cum nō paucis primi nominis in Hispaniam
confluxisse, Cneumq; & Sex. Pompeios, qui animorum magnitudine &
audacia à patre neutiquam degenerarent, comparato quoquo modo non
inualido exercitu, contractisque vndique partim precibus, partim opibus,
non solum ex Hispania, sed ex toto ferè terrarum orbe maximis auxilio-
rum copijs, prouinciam vastare, plurimasque Hispaniæ ciuitates, alias fa-
uore paterni nominis, alias vi & armis sibi adiunxisse, auctisq; indies viri-
bus, bellum etiam superiorib. atrocius iustaurare, ita vt à suarum partium
ciuitatibus, & à legatis per internuncios & litteras pro auxilijs interpellare-
tur, aut ipse aduentum suum maturare iuberetur, intelligens bellum gra-
uius esse conflatum, quàm quod facile per legatos suos se absente confici
posse speraret, vrbis custodia Lepido magistro equitum, cum octo, vt qui-
dam prodidère, siue sex, quod alijs verisimilius videtur, Præfectis vrbis mari
data, extremis tertij sui Consulatus mensibus iam tertium Dictator expe-
ditionem in Hispaniam suscepit. Belli autem Hispaniensis hæc potissimū
exstitère initia, quòd legiones quæ sub Marcello & Longino, vti suprà cō-
memoratum est, seditionem concitauerant, & cum plerisque Hispaniæ ci-
uitatibus ad res nouas consurrexerant, sedato superuentu C. Trebonij &
morte Cassij Longini tumultu, veritæ ne quid grauius in se statueret Cæ-
sar, missis clam ad Scipionem nuntijs, eiusdem se fidei permisissent, & Cn.
Pompeium adolescentem, qui tentata infelicitè Mauretania ad Baleares
insulas appulerat, recenti adhuc Pompeij patris, pro quo nuper militaue-
rant, memoria, è Balearibus ad se euocassent. Verum quum ille morbo re-
tentus in Hispaniam traicere prohiberetur, Scipio autem perijsse nuntia-
retur, legionarij intellecto C. Didium cum classe contra se venire, veriti ne
ante Pompeij aduentum opprimerentur, Q. Aponium & T. Scapulam e-
questris ordinis viros sibi duces elegerant: eiectoque Trebonio Beticam v-
niuersam ad defectionis societatem pertraxerant. Nec multò post Pom-
peium, qui pristinis viribus ex morbo restitutus in Hispaniam traiecerat,
plurimasq; ciuitates primo statim aduentu paterni nominis beneficio ad-
iutus receperat, omnes vno consensu Imperatorem sibi adsciuerant. Quo-
rum animos cum Pompeius tum factis tum verbis sibi quoquo modo cō-
ciliaret, factum est, vt & alij quàm plurimi qui sub Scipione hætenus mi-
litauerant, Pompeio sese adiungerent. Sextus item frater per id tempus cū
Varo & Labieno & classe ex Africa ad eum peruenerat. His rebus adiutus,
ciuitatibusque quàm plurimis tum per vim tum per deditiōem subactis,
etiam latius ipso Cæsare in Hispania imperare videbatur. Et hic quidem
erat rerum in Hispania status, quum Q. Pedius & Q. Fabius Maximus Cæ-
saris

A faris legati, qui tum Hispaniam administrabant, missis litteris Cæsarem horum certiores faciunt, & quamprimum accedere monent. Pompeius igitur postquam quibusdam à Cæsare præmissis, ipsum quamprimum subsequuturum intellexisset, vniuersa Hispania Cæsarem se prohibere posse desperans, omnem statim Beticam occupare contendit: sperans se cum his quas habebat copijs, Cæsarem reliqua postea Hispania facilius pulsurum. A cuius discessu omnis quidem ora maritima mox ab ipso ad Cæsarem defecit: mediterraneas tamen ciuitates omnes, Vlla excepta, sibi habuit addictissimas. Et Sex. quidem Pompeius Cordubam, prouinciæ caput, cum præsidio tenebat. Cn. verò iam menses aliquot circa Vllam oppugnandam
B distinebatur. Ceterum Cæsar confectis maxima celeritate itineribus, decimo septimo postquam Roma egressus fuerat die Saguntum, vigesimo autem septimo omnium opinione citius in conspectum & suorum & hostium venit. Legati autem Cordubenses, Cæsari in itinere occurrentes, nunciant, si accedere properaret, Cordubam per noctem ex improviso capi posse: quod nec Pompeius ipse nec aduersarij quicquam de aduentu eius cognouissent. Paulò post & Vllensium legati præsidia Pompeiana clam prætergressi, subsidia ciuibus suis quamprimum à Cæsare mitti petunt: ad quos Cæsar confestim cum L. Iunio Patieco, homine illius prouinciæ prouido iuxta ac callido, sex cohortes cum totidem equitibus secunda vigilia
C proficisci iubet. Quos quum Patiecus vsus beneficio tempestatis procellosæ & perobscuræ, ut vix proximi se agnoscerent, magno astu & calliditate per media aduersariorum præsidia vsque ad portam oppidi perduxisset, signo dato ab oppidanis recepti, subitoque eò vnde venerant conuersi, clamore sublato, irruptioneque in hostium castra facta, ita eos ex improviso terruere, ut maior ipsorum pars captos circumuentosque se crederent. Vllensibus autem eo subsidio firmatis, Cæsar quò Pompeium ab oppugnatione deduceret, præmissis Cordubam equitatu, ipse eodem subsequitur, oppidumque obsidione cingit. Hinc Pompeius litteris Sexti fratris accitus, relicta Vlla cum totius exercitus viribus Cordubam proficiscitur. Ad cuius
D quidem aduentum, Cæsar in morbum delapsus, à rebus gerendis aliquandiu abductus est: sed salute postea recepta, quum per hiemem maximis conflictaretur incommodis, com meatuumque & rei frumentariæ angustijs pressus, Cordubam validissimis teneri præsidijs non ignoraret, soluta Cordubæ obsidione Atteguam versus (quam frumento abundare intellexit) copias ducit. Quo in itinere quum sibi Bætis flumen transeundum inteligeret, corbes lapidibus refertos demittit, ponteque superiniecto copias traducit. Quò quum & Pompeius peruenisset, magnaue contentione pro ponte occupando per dies aliquot crebris quidem sed leuioribus & minutis prælijs Marte vario & nunc huc nunc illuc inclinante victoria decertatū
R iij esset,

esset, tandem maioribus viribus cōcursum, & cominūs ad manū ventum A
est, maximaq; hincinde clades accepta, alijs ferro cadentibus, alijs ex ponte
& ripa in flumen præcipitatis. Cæsar autem quū Pompeiū nullis condi-
tionibus, vt in æquum ad pugnam descenderet, adduci posse intelligeret,
copijs Bætīm traductis Atteguam vallo & munitionib. cingere constituit.
Sed Pompeius satis ipsi oppido vtpote & situ & opere & præsidio munitis-
simo fidens, quum suos hibernis frigoribus diutiūs confici nollet, eisdemq;
de causis Cæsarem diutiūs in obsidione perduraturum non crederet, reli-
cto Atteguæ defendendæ proposito, Cordubam se recepit. Ceterū post-
quā Cæsarem munitionibus operibusq; perfectis obstinatiūs oppugna-
tioni insistere intellexit, Atteguam reuertitur: factōq; per nebulam den- B
sissimam in excubias equitesq; Cæsarianos impetu, paucis admodum ser-
uatis, reliqui ferē omnes cæsi sunt. Quumq; oppidanos duce carere sciret,
L. Minutium Flaccum ad eos mittit. Is solus excubias Cæsaris tanquam à
Cæsare missus per noctem adiens, tesseram edere iubet: & sic cognita tes-
sera, simulans se ad oppidum per prodicionem recipiendum pergere, per
medias hostium excubias ad oppidum perueniens, ab oppidanis intromis-
sus est. Pompeius autem prioribus castris nocte sequenti incensis, trans Sal-
sum flumen castra tredecim legionum inter duo oppida Atteguam & Vcu-
bim in monte constituit. Cæsar verò maioribus quotidie munitionibus
operibusq; effectis, omnibusq; quæ ad oppugnationem opus erant com- C
paratis, turres vineasq; agere instituit. Et post multa hinc inde à Cæsaria-
nis oppidanisq; & Pompeianis damna & incommoda vicissim nunc data
nunc accepta, crebrasq; nunc per eruptionē pro muris, nūc inter oppugna-
tionem in ipsis muris cōcertationes, quum oppidani inter cetera operibus
Cæsaris flammās aliquando iniecissent, ventus ex aduerso coortus, incen-
dium ab operibus in proxima oppidi ædificia reiecit: ita vt bona vrbs par-
te incendio consumpta, fumoq; prospectum intercipientē, plurimi insu-
per oppidanorum frequentibus tum lapidum tum telorum iactibus peri-
rent. Hinc orta in oppido inter Pompeianos & oppidanos dissensione, op-
pidanis quidem deditiōnem fieri volentibus, alijs verò reclamantibus, & D
vel extrema exspectanda sentientibus, Pompeiani plurimos ex oppidanis
etiam in conspectu Cæsarianorum crudeliter iugulatos è muro præcipita-
runt. Hinc plurimis quotidie ex oppido ad Cæsarem transfugientibus, tan-
dem Minutius per litteras salutem & impunitatē sibi depactus, oppidum
Cæsari tradere se paratum nuntiat. Postea & oppidani missis legatis se im-
perata exequi paratos exponunt: & si vita concedatur, postridie oppidum
esse dedituros. Responsoq; à Cæsare accepto, ipsum Cæsarem esse, fidemq;
præstaturum, postridie ante diem. xi. Kalendarum Martij Attegua deditur:
& Cæsar ob rem prosperè gestam Imperator appellatus est. Pompeius autē
oppidi

A oppidi deditioe intellecta, castris Vcubi propius admotis, suis se deinceps tenebat munitionibus. At Cæsar castra castris conferens, per plures dies Pompeium in æquum deducere studebat, ita tamen ut leuibus tumultuarijsque prælijs nonnunquam concurreretur, cæsis vno tempore. cccc. eo amplius Pompeianis. Interim quum & aliæ pleræque vrbes intellecta Atteguæ deditioe per legatos Cæsari se dederent, præsidiaque ipsius passim reciperent, Pompeius his permotus, mutatisque; subinde de loco ad locum castris, veritus ne si bellum diutius traheretur, omnis tandem prouincia à se ad Cæsarem deficeret, rei summam prælio committere constitutum habebat, nihil motus plurimis aduersis ostentis, quæ haud dubiam alteri partium perniciem portendere credebantur. Inter quæ præ ceteris obseruatione dignum erat, quod aquilæ in Pompeianarum legionum signis fulminibus aureis quibus insistebant proiectis, motisque alis à Pompeio ad Cæsarem auolantes, certissimum Pompeianis exitum denunciare videri poterant. Et Pompeius quidem haud procul ab vrbe Munda castra posita habebat. Eodem Cæsar profectus, ciuitatibus aliquot ex itinere in potestatem receptis, castra aduersa Pompeianis castris constituit: ita ut media inter vtrumque exercitum quinque milium passuum planicies, magnam dimicaturis præbitura loci æquitatem, intercederet. Copiæ autem Pompeij præter equitatum & sex milia levis armaturæ, legiones tredecim erant: auxilia

C etiam alterum tantum efficiebant. Cæsaris verò .lxxx. cohortes, & octo equitum milia. Pompeio Bocchus filios suos subsidio miserat. Bogud autem superpetias Cæsari laturus aduenerat. Postero autem die quum Cæsari à speculatoribus nunciaretur, Pompeianos à tertia vigilia in acie stetisse, Cæsar & ipse dimicare paratus, omnes mox copias instructas in mediam planiciem producit, sperans & hostem propius in æquum accessurum. Ceterum quum Pompeius non longius mille passibus à munitionibus urbanis suos progredi pateretur usque ad riuum quendam, qui in extrema planicie ad partem castrorum Pompeianorum palustri voraginosoque solo fluens difficilem admodum præbebat accessum, Cæsariani procedentes ad riuum usque; peruenire. Vbi, perspecta loci iniquitate, non sine graui indignatione coacti substitere. Hinc Pompeiani animis aucti, quum Cæsarianos timore impediri crederent, quod minus ulterius procederent, è loco tuto etiam ultrò ad pugnam prouocabant: donec superata tandem à Cæsarianis ea loci iniquitate, clamore statim vtrinque sublato hinc inde concurreretur: sed à Cæsarianis, propter eas quas dixi incommoditates, aliquantò maiori cum difficultate: ita ut intio victoriæ diffidere viderentur. Nam sicuti multitudine & rei bellicæ usu vincebant Cæsariani, ita Pompeiani loco longè superiores erant. Hinc factum est, ut pari vtrinque contentione atque impetu ad prælium se compararent: quum Cæsariani hunc potissimum diem si quem alium

diu.

diuturnæ militiæ laboribusq; huc vsque susceptis finem impositurum crederent: Pompeiani verò in sola victoria spem sibi salutis reliquam intelligerent: maximè quòd plerique ex his cum Afranio & Varrone antè superati, vitaque donati, armis resumptis veniam deinceps ne sperare quidem auderent. Primo statim cōgressu sociorum auxiliorumq; copiæ hinc inde tēga vertēre. Romanæ vero acies vbi cominūs cōgressæ incaluēre, totis in prælium hinc inde viribus incubuēre, nemine vel cedente vel respiciente, sed quo quisq; loco constiterat, eodem vel vincente vel cadente. Ita diu accipiti Marte, & quasi deliberante fortuna vtri se potissimū parti applicaret, acerrimè pugnatum est: Cæsare interim & Pompeio (vt quidam auctores sunt) in equis ex loco edito studia laboriosasq; suorum contentiones despicientibus, interq; spem & metū dubijs, quò se inclinaret victoria obseruantibus: donec suæ quisq; parti metuentes, dum præsentiam suam nō parū ad victoriam momenti allaturā crederent, constituto vel simul vincere, vel simul occumbere, equis desilientes, & in mediam se aciem insinuanes, studia quidem suorum exemplo excitarunt, ceterū ad victoriam hinc inde parū profuēre, quin sicuti pari animorum cōtentione, ita & æquo Marte vti prius prælium hinc inde cōmitteretur: & vel vniuersi simul vtrinque casuri, vel nox sola prælium diremptura videretur, nisi Bogud qui cū suis extra aciem stabat, ad capiēda Pompeij castra cōuersus, Labienū ē medio prælio ad castra defendenda cum quinque cohortibus subitò acie excedere cōpulisset. Qui quū & à suis & ab aduersarijs fugere crederetur, Cæsarianorum quidem animos, dum se vincere putant, plurimū erexit: Pompeianos verò, dum se vinci credunt, abiectis animis ad fugam alia ex parte capeSSendam impulit, ita vt ne intellecto quidem aliquantò post Labieni instituto, acies restitui posset: sed insistentibus acerrimè Cæsarianis, non prius fugæ finem facerent, quàm pars Mundam, pars in castra pervenissent. Alij aliquantò aliter hæc tradidēre, Cæsarem nimirū ipsum ante prælium solito mœstiorē fuisse: tanquam non eundem quem hæctenus expertus fuerat præteritarum rerum successum sperare ausum: militesq; ipsius metu perculsos cunctantiūs in aciem progressos, & tam remissè primo statim congressu rem gessisse, vt Cæsari etiam Deos obtestanti, ne vno ignominioso conflictu reliquæ tam insignes victoriæ abolerentur, nunc minis nunc precibus apud militem opus fuerit: quumq; ne sic quidem satis proficeret, arrepto proximo cuiusdam clypeo, Tribunisq; grauitè increpitis inclamasse: Hic milites mihi vitæ, vobis militiæ finis erit. simul in aciem ante omnes perumpentem, ita vt decem tantū ab hoste pedes distaret, vniuersam suorum aciem post se traxisse: ducentisque breui spacio telis in ipsum coniectis, maiorem horum partem clypeo excepisse, reliqua corporis flexu declinasse. Alij tradunt, medio ferè prælio subitum vtrinque exsti-

A extitisse silentium, quasi conuenissent. Alij post longam acerrimamq; anticipi Marte dimicationem, Cæsarianos etiam veteranos impetū hostium non sustinentes, retrocessisse. Hinc Cæsarem furenti similem, primò etiam de morte sibi consciscenda cogitasse, deinde equo relicto in primam aciem profilijisse, suosq; cedentes voce & manu confirmasse & repulisse, addito se vestigio non recessurum, proinde viderent, quem quo loco Imperatorem desererent, & quem quibus proderent, senem scilicet quinquagenarium pueris: ita aciem verecundia magis quàm virtute militum restitutā. Hinc & postea ad amicos dixisse ferunt, Pro laude & gloria sapius, tum demùm pro salute & vita decertasse. Hoc prælio milia hominum triginta & amplius cæsa referuntur: inter ceteros Labienus & Actius Varus. Equitum item Romanorū tria milia, nemine, vti creditur, tantæ cladi superfuturo, ni castra & Munda tutum fugientibus receptū præstitissent. Captæ autem cum .xvii. præcipui nominis ducibus aquilæ legionum .xiii. præter signa & fasces. E Cæsarianis quingentis tantum saucijs mille sunt desiderati. Quo autem loco prælium commissum est, statim post victoriam palmam enatam esse ferunt. Quod ostentum non tam Cæsari quàm Octauio Cæsaris ex sorore nepoti, qui tum fortè cum Cæsare militabat, prosperitatē & felices rerum successus portendisse volunt, quanquam Cæsar ad se traheret. Cæsarianis hoc prælio pro tessera **VENVS** fuit, Pompeianis **PIETAS**. Quo

C autem tempore hæc Cæsari victoria contigit, sacer Liberalium Romæ dies agebatur, qui est ad .xvi. Kal. Aprileis. Ex Pompeianis qui in castra fu-
gerant, non sine maxima Cæsarianorum clade tandem debellati sunt: qui verò Mundam se receperant, non statim in potestatem venêre. Cæsar itaq; quum oppidum obsideri imperasset, cadaveribus mortuorum pro cespite aggestis, scutisq; & pilis superimpositis vallum effectū, capitaq; occisorum gladijs & mucronibus infixæ, ad terrorem hostium per ordinem disposita sunt. Quumq; Cæsariani crebris oppugnationib. parū proficerent, postea per cōtinuas eruptiones omnib. ferè qui intra oppidū confugerant amissis, Munda in Cæsaris potestaté venit. Sextus autem Pompeius qui Cor-

D dubæ erat, accepto Mundenis cladis nuntio veritus ne Cæsari traderetur, persuadens oppidanis se ad Cæsarem de pace acturū proficisci, cum centum circiter equitibus egressus in Celtiberiā profugit, ibiq; diu latuit. Cnæus verò qui cum equitibus aliquot peditibusq; fugiens, Carteiam versus (quæ distat à Corduba milib. passuū. CLXX.) spe classis quæ ibi in statione erat potiundæ iter instituerat, quū æger neq; equo neq; pedibus ulterius cōmodè progredi posset, lectica clanculum in oppidum delatus est. Ceterū Cæsar quum plurimos Cordubam se contulisse intelligeret, & Sextū ibi etiam num esse crederet, eodem exercitum ducit: prælioq; in ponte qui à Pompeianis tenebatur cōmisso, transmissis fluminē castra ad oppidum ponit.

MUNDA
RECEPTA.

Scapula qui ex praelio eò confugerat, quū urbem defendi posse diffideret, A
 laurē cœnatus, nardumq; & vinū sibi infundi iussu, ne in Cæsaris potesta-
 tem veniret, ab vno seruorū se iugulari, ab altero in pyram in id præparatā
 coniici iussit. Nataq; statim inter oppidanos & fugitivos Pompeianos dis-
 fensione, muroq; & maiore parte turriū à Pompeianis occupata, ita vt oppi-
 dum etiam inuitis oppidanis aduersus Cæsarem defenderent, oppidani ab
 alia parte Cæsarianos intromittūt. Quo perspecto Pompeiani oppidū in-
 cendere parant: sed tandem superati ad. xxii. milia intra urbē à Cæsarianis
 contrucidati interiēre. Serui autem oppidanorū, quos omnes Sextus ma-
 numiserat, partim venundati, partim & ipsi interfecti sunt. Hinc Cæsar
 Hispalim castra mouet, vbi maximū erat Pompeianorum præsidium: de- B
 precantibusq; Hispalensium legatis, ipse etiam suum præsidium cum Ca-
 ninio Legato in oppidum mittit. Quo indignatus Philo Pompeianarum
 partium defensor acerrimus, clam oppido egressus in Lusitaniā proximam
 proficiscitur: reuersusq; cum Cæcilio Nigro, & magna Lusitanorū manu,
 noctu in oppidum recipitur: receptus vigiles & præsidium Cæsarianum tru-
 cidari iubet. Cæsar autem præsidij sui casu intellecto, veritus si per vim op-
 pidum capere contenderet, ne, vt Corduba paulò antè, ita & id oppidum à
 Pompeianis incenderetur, remissius agens, & negligentiam simulans, erup-
 tionē oppidanos & Lusitanos facere permittit. Facta itaq; eruptione, con-
 cisus ex insidijs ab equitatu Cæsariano aduersarijs, dum incendio nauibus, C
 quæ in Bæti flumine erant, iniiciendo distinentur, Cæsar oppido potitur.
 Post hæc & alia pleraq; oppida, quædam etiam magna resistentium cadē,
 quædam per deditiōē in potestatem Cæsaris venēre. Per hæc tempora
 Cartheienses, qui antea Cæsari portas præcluserant, quò nouo beneficio
 prius erratū pensarent, nuntiant Cæsari se imperata facturos: simul etiam
 Pompeium, quem in potestate habebāt, tradituros. Hinc orta dissensione
 inter oppidanos qui Legatos ad Cæsarem miserant, & eos qui Pompeianis
 etiamnū rebus studebant, cædes non parua sequuta est. Pompeius humero
 & crure sinistro faucibus, occupata. xxx. nauium classe quæ in portu erat, in fu-
 gam se cum suis dedit. Quumq; aquam præ festinatione secum in nauibus D
 sumere neglexisset, dum quarto post die ad terram applicans, suos aquandi
 causa in terrā exponit, ipse quoq; nauibus egressus, C. Didius fugientem
 à Gadibus cum classe consequutus, naues ipsius partim incendit, partim
 capit. Pompeius autem cum paucis aliquot in loca mediterranea confu-
 giens, præter duo superiora vulnera etiam talo intorto luxatoq; ad fugam
 impeditior, lectica ad locum quendam munitū in turrim delatus est. Quò
 postquam & cohortes, quæ ad ipsum persequendum missæ fuerant, perue-
 nēre, Pompeius omnib. auxiliis amissis, quum neq; pedibus celeriter fugere,
 neq; equo aut vehiculo propter loci iniquitatem & asperitatem vti posset,
 defa-

CORDUBA
RECEPTA.

HISPALIS
RECEPTA.

A defatigatus inter auias solitudines in spelunca quadam se occultauit: sed captiuorum indicio proditus, à Cæsonio quodam postquam diu strenuè se defendisset, tandem occisus est. Didius autem qui se in proximum castellum receperat, nauesque nonnullas reficiendi causa subduxerat, Lusitanis quibusdam, qui eò conuenerant, nauibus suis ignes iniicientibus, eruptione ad naues defendendas facta, castelloque egressus, in Lusitanorum insidias incidens cum suis cæsus est. Cæsar dum hæc geruntur ab Hispali Gades profectus, vbi celeberrimum Herculis templum erat, ne à sacris quidem donarijs abstinuisse fertur. Inde Hispalim reuerso pridie Idus Aprilis caput Pompeij allatum, populoque exhibitum, postea sepulturæ à Cæsare mandatum est.

B Perlato interim Romam. xii. Kal. Maias, ipsis scilicet Parilibus (qui dies natalis vrbis Romæ erat) Hispanicæ victoriæ nuntio, præter ceteros honores quinquaginta dierum supplicatio Cæsari decreta, institutumque postea vt quorannis eo die Dijs immortalibus sacrificaretur. Cæsar autem vniuersa Hispania iam subacta, ceteris rebus constituendis aliquandiu in Hispania commoratus sub mensem Octobrem omnibus bellis ciuilibus iam confectis Romam redijt: Consul quartum sine collega iam antè à M. Lepido suo magistro equitum absens Romæ creatus, conuocato in id à Lepido populo: quem consulatum etiam antequam in urbem veniret, seriùs tamen, & elapsis iam pluribus anni mensibus iniijt: reliquo anni tempore Respublica sine coss. fuit. Hoc anno Cæsar etiam quartam Dictaturam cum M. Antonio Magistro equitum iniijt: eamque etiam per plures insequentes anni menses vsque ad annum cõpletum continuauit. Romam autem iam reuersus quintum ex Hispania triumphum egit, cuius apparatus ex argento rasili fuisse tradunt. Qui quidem triumphus, quum non tam de extero hoste, quàm de ciuibus agi videretur, non sine maximo dolore & inuidia à populo spectabatur: dum inter pompas triumphales miseriarum publicarum, ciuiumque præstantissimorum eo bello cæsorum subit recordatio. Post triumphum etiam prandium populo dedit, quòd quum pro sua liberalitate parciùs præbitum causaretur, quinto post die alterum longè sumptuosissimum exhibuit. Q. quoque Fabio & Q. Pedio Legatis triumphum concessit, qui & ipsi haud multo post eodem hoc anno ex Hispania triumpharunt. Peractò autem triumpho Cæsar Dictaturæ honore contentus, Consulatum deposuit: & Q. Fabium Maximum & C. Trebonium Asprum sibi in reliquos anni menses suffecit: nouo & inusitato antea exemplo. Hinc suffecti siue honorarij Consules tum primùm creari cœpti. Reliqui autem Magistratus, quos populo permisisse videri volebat, re vera tamen & hi per ipsum creabantur: dum si quem ad Magistratum aliquem promoueri cupiebat, eundem per libellos aut litteras Tribubus commendabat, suffragiaque ipsorum quodam-

SUPPLICATIO
TIO CÆSARI
DECRETA.

CÆSARIS AD
VRBEM EX
HISPANIA
REDITVS.

CÆSAR COS.
III. SINE CONL.

CÆSAR
DICT. IIII.
M. ANTONIVS
MAG. EQ. II.

TRIUMPHVS
CÆSARIS EX
HISPANIA.

Q. FABIVS ET
Q. PEDIVS EX
HISPANIA
TRIUMPHVS.

Q. FABIVS
C. TREBO-
NIVS COS.
SVSS.

CAESARIS
CLEMEN-
TIA.

TEMPLUM
CAESARIS
ET CLE-
MENTIAE.

QVAESTO-
RES XL.
PRAETO-
RES XIII.
FACTI.

SENATO-
RVM NV-
MERVS AM-
PLIATVS.

dammodo stipulabatur. Vti autem iam omniū ita & sui victor pulcher A
rimus, quemadmodum rerum gestarum magnitudine omnes facile ante
se Principes superauit, sic & clementia & animi moderatione in summa fe-
licitate cunctos excellere studuit: dum in tanta de inimicis suis ad arbitriū
statuendi, publicasque & priuatas simul vlciscendi iniurias facultate, non
solum vniuersis ex æquo, qui omnibus bellis superioribus contra se mili-
tauerūt, omnem offensam remisit, veniamq; & perpetuam impunitatem
concessit, sed & præcipuos quosque ex ipsis, Magistratibus prouincijsque
decretis, exercituum præfecturis, sacerdotijs, alijsque omnis generis hono-
ribus cohonestare non dubitauit: patrimoniaque eorum qui sumptis con-
tra se armis cæsi essent, filijs ipsorum concessit: proscriptosque & exules, B
exceptis nefarijs criminibus, reuocauit, filijs ipsorum etiam ad Magistra-
tuum petitionem admissis. Ita vt vel hinc potissimum apud populum in
spem recuperandæ pristinae libertatis restituendæq; Reipublicæ erectum,
magnam clementiæ laudem mereretur: & postea templum ipsi & Clemen-
tiæ cōmune decretum sit, in quo ipsius & Clementiæ simulachrū dextras
iungerent. Ceterum quum non ignoraret se amicis, & quorum opera in
asserenda dignitate sua bellis superioribus vsus fuerat, plurimum obno-
xium, honoresque & Magistratus, quos pollicitus fuerat, iam à pluribus
expectari, quod ampliorem sibi ad pollicitorum præstationem materiam
pararet, fidemque suam pluribus obstrictam liberaret, quorundam Magi- C
stratuum numerum auxit. Nam Quæstores quadraginta, Prætores. XIII.
constituit: ita vt numerus Prætorum numerum prouinciarum excederet.
In quas quidem non sortitò, sed extra ordinem, quos ipsi visum erat, mit-
tebat. Hinc quum Bacibo cuidam Prætori à se constituto prouinciam de-
cernere non posset, loco prouinciæ pecunia donauit. Sacerdotiorū etiam
numerum auxit. Nam vt prius collegio. xv. virū sacris faciundis vnum,
ita & Septemuiris Epulorum tres adiecit. Senatorum quoque numerum
vsque ad nongentos ampliauit, & quosuis etiam milites & libertinae con-
ditionis nullo ferè discrimine, dum is numerus compleretur, in Senatum
allegit, in his plerosque peregrinos, barbaros, & Gallos ciuitate paulò antè à D
se donatos. Similiter & inter Patritios & Consulares quamplurimos, etiam
qui Magistratum nunquam gessiissent, & indignos adscripsit. Monetæ
quoq; & vectigalib. publicis, etiam seruos peculiares præposuit. Et si quos
Magistratibus honoribusq; concessis remunerari non poterat, his nume-
rata pecuniæ summa satisfecit: diuenditis etiam sub hasta, vt his sumptibus
melius sufficeret, locis quibusdam publicis & sacris. Quosdam autem gra-
uissimorum criminum reos & conuictos absoluit. Et hæc quidem vt acci-
pientibus, ijsque qui proprijs commodis Reipublicæ vtilitatem postpone-
bant, gratissima accidere: ita viris probis, ijsque qui nullum ex ijs fructum
capie-

- A capiebant, minùs probabantur: varijsque de Cæsare sermonibus & libellis sine auctore in publicum spargendis occasionem dedere. Inter quæ fuere: Bonum esse, ne quis nouo Senatori curiam monstraret. Tum & illud vulgò decantatum: Cæsarem Gallos in triumphum duxisse, eosdem depositis in curia braccis latum clauum sumpsisse. Postquam autem in Senatu Cicero de primarijs quidem honoribus Cæsari deferendis (qui tamen intra humanæ conditionis terminos consisterent) rogationem tulisset, quam Cælius, & pauci aliquot iniquioribus in Cæsarem animis, fiducia clementiæ ipsius liberiùs refragarentur, à reliquo tamen Senatu vniuerso, maximi & hæcenus inusitati decreti fuere. E quibus, præter alia quæ partim tum, partim postea decreta sunt, hæc fuere præcipua: Primùm Consulatus continuus in decennium: Dictatura & Censura etiam sine collega perpetua: tum vt IMPERATORIS prænomine vteretur, PARENS PATRIÆ & LIBERATOR diceretur, & eo nomine in Fastos referretur: vt ædes Libertatis, tanquã libertate per ipsum Reipublicæ restituta, publicè exstrueretur: præterea vt omnibus ludis & sacrificijs, imò quodocunque vellet etiam intra urbem veste triumphali vteretur: lauream semper gestaret: fasces & lictores laureatos semper haberet: sella curuli & eburnea semper sederet: vt potestas omnium Magistratuum etiam plebeiorum penes ipsum esset: vt si quis ei filius nasceretur, is summus Pontifex esset: vt solus militem & pecuniam publicam haberet, solusque summum in milites & exercitus populi Ro. imperium obtineret, & quæcunque vbicunq; gererentur, ipsius gesta auspicijs dicerentur & crederentur, rei gestæ gloria cum nemine communicata: vt dies maximè insignium victoriarum ipsius quotannis festi haberentur, & solennibus sacrificijs celebrarentur: vti statuæ ipsi & simulachra passim vario habitu statuerentur: vt pecunia ipsius imagine signaretur: vti à ferijs Latinis ex monte Albano ouanti urbem ingredi liceret: vt templum ipsi & Clementiæ commune exstrueretur: item & aliud nouæ Concordiæ, in quo dies festus quotannis celebraretur, propter mutuam inter ciues pacem & concordiam confectis bellis ciuilibus per eum Reipublicæ restitutam. Hæc atq; alia etiam his ampliora, quæ postea commemorabuntur, ipsi ex s. c. decreta, & in tabulis perscripta, Consules & Prætores subsequente vniuerso Senatu ad ipsum pro æde Veneris Genetricis sedentem detulere. Quibus Cæsar dextram perhumaniter præbuit, ceterum nec accedentibus nec ante se stantibus assurrexit, datoq; responso, minuendos potiùs quàm amplificandos honores, præter Consulatum decennalem, reliquos ferè omnes accepit. Alij tradunt, hæc decreta Cæsari pro rostris ius dicenti à Senatu oblata. Verum enim uero ea Cæsaris arrogantia, quòd Senatui non assurrexisset, pro insigni Senatus contumelia non à Senatoribus solum, sed & ab vniuersa plebe iniquissimis animis accepta, vel

HONORES
CAESARI
DECRETI.

DICTATURA
ET CENSURA
PERPETVA
CAESARI
DECRETA.

CAESAR IM-
PERATOR,
PARENS PA-
TRIAE, ET
LIBERATOR
DICTVS.

primam inuidiæ causam præbuit; opinionemq; affectatæ dominationis A
& regiæ tyrannidi apud plerisque confirmavit: adeo ut patres non sine manifestis offensorum animorum indicijs, & quasi poenitentes decretorum à se factorum ab eo discederent. Hinc quidam tradidère Cæsarem perspecta patrum indignatione, ubi primum domum reuersus esset, detracta per desperationem à collo veste, ad familiares exclamasse: se cuicumq; volenti iugulum ferendum præbere paratum: sed id Cæsaris factum alij aliter excusare conati sunt. Quidam enim subita capitis vertiginē correptum quod minùs surgeret prohibitum causabantur: Alij verò alui profluuium laborasse, veritumque ne si surrexisset, alui deiectionem pateretur, non assurrexisse. Nec desunt qui tradant, conatum quidem assurgere, sed Cornelium Bal- B
bum, qui tum fortè astant, prohibuisse, dixisseque: Non te Cæsarem esse memineris? Alij contrà, Cæsarem omnino præ fastu quodam assurgere noluisse produnt: imò & C. Trebatium vnum ex amicissimis ipsius admonentem ut assurgeret, vultu minùs familiari respexisse: quod ut faciliùs crederetur, effecit, quod ipse paulò post pedibus domum concessit. Hæc eius anni exitu gesta sunt, quo Cæsar alijs Consulibus in locum suum suffectis, quartam, ut supra dictum est, Dictaturam inierat. Quo etiam anno, quia ante Cæsaris ex Hispania reditum nullus Quæstor creatus fuerat, ærarij administratio penes duos Ædiles fuit: quorum alter sumptibus Cæsaris ludos Appollinares fecit. Megalenses enim ex s. c. ab Ædilibus plebis celebrati sunt. C
Consules in sequentem annum Cæsar seipsum & M. Antonium tum suum Magistrum equitum designauit. M. autem Lepidum qui per id tempus Hispaniam per amicos administrabat, in locum M. Antonij Magistrum equitum sibi adsciuit. Extremo autem anni die sublato repentina morte Q. Fabio altero Consulum magistratum in reliquis diei horas C. Caninio, qui bellis superioribus Legatus ipsius fuerat petenti concessit. Sequenti anno Cæsar sedecim Prætores constituit: qui numerus etiam sequentibus annis obseruatus est. Inter quos & P. Ventidius, qui postea de Parthis triumphauit, creatus est: M. item Brutus, & C. Cassius, hic quidem peregrinus, ille vrbanus. Nam quum de vrba, quæ honoratior quàm peregrina habebatur, inter se contendentes, Cæsarem eius controuersiæ arbitrum delegissent, Cæsar quanquam Cassium non iniquum postulare diceret, Bruto tamen eam adiudicauit. Hoc anno & sex Ædiles creati sunt, quum antea quattuor tantum fuissent, duobus scilicet à Cæsare additis, qui Ceriales dicti sunt: hi Patricij erant, reliqui autem quattuor plebei. Tribunal autem suum quod hætenus in medio foro fuerat, in Rostra transferri iussit, iuxta quod statuas Sullæ & Pompeij à populo statim post nuntium Pharsalicæ pugne disiectas restitui iussit, inscriptione operis & laude Antonio concessa. Eodem loco duæ statuæ & ipsi s. c. decre-

AERARII ADMINISTRATIONE
A QUÆSTORIB.
AD ÆDILES
TRANSLATA.

CAESAR. V. COSS.
M. ANTON. DES.

M. LEPIDVS MAG.
EQ. IN LOCVM
M. ANTONII.

C. CANINIVS
COS. SVF.

PRAETORES
XVI. CREATI.

ÆDILES
SEX FACTI.

ÆDILES
CERIALES.

A decreta vario habitu constitutæ sunt: vna tum quercea siue ciuica corona, tanq̃ ciuibus ab ipso seruatis, altera cum obsidionali, quasi vrbe per ipsum obsidione liberata. Ad conciliandum autem sibi multitudinis animos, epulum plebi sæpius dedit, frumentumq̃; diuisit. Leges etiam quamplurimas saluberrimasq̃; promulgauit. Quin & ipsum ius ciuile ad certum modum siue methodum redigere, atq̃; ex immensa diffusaq̃; legum turba optima quæque & necessaria in paucos conferre libros constituerat. Vrbes quoque complures tam in Italia quàm extra Italiam, partim nouas condidit, partim instaurauit: inter ceteras Carthaginem & Corinthum, in illum vsque diem desertas & neglectas: missisq̃; eò quum ciuibus libertini generis, tum pluribus è militibus suis, colonias populi Ro. constituit: pristinisque suis nominibus restitutas, nouis operibus exornauit. Id populus Ro. etiam antea Graccanarum seditionum tempore de Carthagine efficere conatus fuerat, missis eò propter inopiam sex ciuium milibus. Ceterum quum lupi sulcum murorum coloniarum aratro in solo dirutæ Carthaginis ductum confudissent, ostento territi destitère. Ilienses præterea, quos Sulla antea plurimis beneficijs affecerat, propter necessitudinem & cognationis vinculum per Iulum, maioribus insuper beneficijs prosequutus, agris, libertate, & immunitate donauit. Præter has & alias cum intra Italiam tum extra colonias deduxit. Inter has in Italia quidem Hispellam Lanuuium, Calatium, Veios & Casilinum: extra Italiam verò Polam in Istria, quæ postea Pietas Iulia dicta est, & in Gallia Forum Iulij: in Syria autem Berytum: deductis præterea, vt quidam tradūt, in transmarinas colonias amplius octoginta ciuium milibus. Præterea ampliato à se vrbis pomerio, etiam de amplianda ornandaq̃; magnificentissimis sumptuosissimisq̃; ædificijs vrbe maxima quædam destinarat. Primum enim templum Martis quantum nusquam esset exstruere cogitabat, repleto & complanato in id lacu, quem ad Naumachiam effoderat. Theatrum quoque capacissimum prope montem Tarpeium, quod ab ipso inchoatum Augustus postea absoluit, & M. Marcelli nepotis sui ex sorore nomine inscripsit, templa plurima & domos, vt aream pararet, in hoc demolitus. Bibliothecas item publicas Græcas & Latinas instituere parabat, dato M. Varroni homini sui seculi doctissimo comparandorum librorum, digerendarumq̃; bibliothecarum negotio. Nouam præterea Curiam, quam de suo nomine Iuliam appellaret, exædificare instituerat. Præter hæc & alia quædam longè maiora, tanq̃; digna in quæ ipse pro amplitudine rerum à se gestarum curam suam intenderet, peragere animo cõceperat. Qualia fuere: viam per Apennini dorsum ad Tyberim vsq̃; munire: Auieniem ac Tyberim ne in posterum urbem inundarent, ex vrbe statim profunda exceptos fossa, & Cirreum montem vsque perductos, Terracinæ mari immittere: maximam hac in re negociatoribus securitatem simul

CARTHAGO ET CORINTHVS COLONIAE.

ILIENSES RESTITVTI.

COLONIAE DEDUCTAE.

OPERA PUBLICA CAESARIS.

simul & commoditatem praestiturus. Item Fucino lacu emissio Setinisque
 & Pontinis paludibus iniectione aggere ficcatis, in plurimorum mortalium
 subsidium campos vliginosos ad culturam reducere: excisisque in Hostiensis
 littore saxi, portum & tutam nauibus stationem efficere: Isthmum etiam
 Corinthiacum perfodere. Quumque confectis omnibus iam bellis tam
 civilibus quam externis, nullam amplificandae gloriae materiam superesse
 videret, emulatione sui quodammodo incensus, seque ipso maior fieri cu-
 piens, expeditionem aduersus Dacos & Getas, qui in Pontum & Thraciam
 irrupisse dicebantur, facere constituerat. Inde per Armeniam aduersus Par-
 thos, Crassum amissasque cum eo legiones ulturus exercitum ducere: ab
 his per Hyrcaniam iuxta mare Caspium in Scythas proficisci, illosque etiam
 ultro bello laceffere: conuersoque ab his ex Asia in Europam itinere, per
 Sarmatiam in Germaniam transire, inde per Galliam facto quodam gy-
 ro in Italiam reuerti. Quae omnia ne tam propria quam publica & Sena-
 tus auctoritate facere videretur, & ne nihil Senatui deferre videretur, non
 solum bellum Parthicum, sed & alia pleraque ex iis quae proximè recitata
 sunt, tanquam prouinciam sibi à Senatu decerni voluit: uti Pontinas palu-
 des complanare, Isthmum Corinthiacum perfodere, nouam curiam aedifi-
 care: quae medio expeditionis & belli Parthici tempore per alios perficere
 cogitabat, praemisso interim ad bellum Parthicum trans Adriaticum sinum
 C. Octauio sororis nepote etiamnum adolescente, cum decem equitum mi-
 libus, & sedecim legionibus. Quidam tradunt bellum Parthicum ab eo po-
 tissimum susceptum valetudinis causa, quod repentinis animi deliquiis,
 & comitali morbo in ocio maximè infestaretur. Ceterum quum ad eam
 expeditionem vnius anni spacium minimè suffecturum intelligeret, ne trans-
 lata in se omnium comitiorum potestate & arbitrio, absente se magistra-
 tum in vrbe solitudo esset, aut ne si, uti prius, à populo magistratus crea-
 rentur, res ad contentiones & motus intestinos rediret, magistratus omnes
 in annum sequentem designauit. In his Consules C. Vibium Pansa &
 A. Hircium. In secundum autem annum praeter Consules D. Albinum
 Brutum & L. Munatium Plancum Tribunos plebis duntaxat constituit.
 E prouinciis autem Galliam Narbonensem cum Hispania M. Lepidum
 administrare iussit, in cuius locum nepotem suum C. Octauium Magi-
 strum equitum in illum annum constituit: in insequentem autem annum
 Cn. Domitium Calvinum. P. quoque Dolabellam vix dum annos .xx. na-
 tum, ita ut leges eum nondum ad eam dignitatem admitteret, sibi in Cō-
 sulatu subrogauit, ut postquam ipse paludatus exisset, iniret, Cōsulatumque
 illius anni cum M. Antonio gereret. Senatus interim postquam Cae-
 rem delatis sibi honoribus gaudere & delectari sensit, alios insuper etiam
 iis quos supra recensuimus ampliores & antea inauditos ipsi decernendos

cen-

PROVINCIA
 CAESARI
 DECRETA.

C. PANSA COSS.

A. HIRCIVS DES.

D. BRVTVS COSS.

L. PLANCVS DES.

C. OCTAVIVS
 ET CN. DOMI-
 TIVS MAGG.
 EQ. SVFF.

P. DOLABELLA
 COS. SVF.

A censuit: qua in re non minore contentione ab inimicis quàm amicis certatum est: dum hi assentabundi turpiter adulando se inuicē superare cōtendunt: illi verò accumulatis alijs super alios honoribus, ijsq; immoderatis, quiq; vel modestissimum quenq; inuisum & odiosum reddere poterant, inuidiæ ipsi quamplurimū apud populum conflare student: ita vt meritò dubitari possit, plus ne odij aut honoris inde Cæsari accesserit. Et hi quidē honores non simul vno eodemq; tempore, sed alij aliàs per modica tamē interualla decreti tales fuēre. Primò vti deinceps sacrosanctus, hoc est, inuiolabilis esset: vtiq; si quis ipsum vel dicto vel facto læsisset, is sacrilegio & piaculo se obligasse censeretur: tum vti singulis Senatus decretis intercedendi potestate haberet, ac si Tribunus plebis esset: vtq; nō solūm quæcunq; ipse hæc tenus egisset, sed & quæcunq; deinceps acturus esset, rata & firma esse iuberentur: & Magistratus inituri iurarēt, se decretis ipsius neutiq; refragaturos. Vti satellitio ex Senatoribus & Equitibus ad coporis custodiā vteretur: vti locus sepulchro ipsi in vrbe cōcederetur: & tribus vna mutato nomine ab eo Iulia deinceps vocaretur: vt natalis eius, qui erat. **III. Id. Quintil.** quotannis publicè celebraretur: & mensis ipse Quintilis propter natalem ipsius **IULIUS** in posterum diceretur. Vt singulis lustris, inō sicut alij tradunt, quotannis per Vestales & Sacerdotes publicè pro salute ipsius vota fierēt. Vt iusiurandum per fortunā ipsius conciperetur. Vti fastigium in domo, in curia autē & orchestra suggestū habere, & aurea sella sedere, coronamq; auream gemmis & radijs distinctam gestare ipsi permetteretur. Vt statua ipsi in Capitolio iuxta Reges regio habitu & ornatu poneretur. Vt donaria ipsi & statuae tam Romæ omnibus templis & locis publicis per singulas tribus, quàm per alias passim vrbes & prouincias & regna sociorum & amicorū populi Ro. offerrentur & dedicarentur. Vti ludis Circensibus statua ipsius eburnea in Theusa, inter cetera pompæ fercula & Deorū simulachra circumueheretur. Vt sella eius aurea, cum corona aurea gemmis fulgentibus illuminata & radiata, in theatra & circum à multitudine inferretur, qui honor solis Dijs tribui solebat. Vti certamina quinquennalia ipsi tanquā Heroi constituerentur. Vt dies vnus ludorum gladiatoriorum, tam in Italia passim, quā Romæ ipsi consecraretur. Vt imago ipsius cum titulo **DEI INVICTI** in templo Quirini poneretur. Vt **IOVIS** cognomentum ipsi imponeretur. Vt collegium Sacerdotum, qui Iulij vocarentur, & Lupercalia ipsi celebrarent, institueretur. Vtque templa diuersa ipsi tanquam Deo exstruerentur, ad hæc aras, puluinar & flaminem peculiarem quasi Dialem haberet, eiq; sacerdotio M. Antonius primus præesset. Quæ quidem decreta aureis litteris, in argenteis tabulis perscripta Senatus sub pedibus Iouis Capitolini deponi curauit. Atque hæc omnia, præter pauca quædam Cæsar vel lubentissimè admisit: nam satellitium Senatorum & Equitum,

HONORES
CAESARI
DECRETI.

TRIBVNICIA
POTESTAS
CAESARI
CONCESSA.

NATALIS
CAESARIS.

MENSIS
IULIUS.

tantum abest vt acceptauerit, vt solis contentus licitoribus, Prætorias cohortes deinceps à sui custodia remoueret. Hac etiã fiducia amicis cõsulentibus, vt ad corporis custodiam satellites sibi adiungeret, Hircioq; & Pansa inter ceteros monentibus, vt principatum armis quæsitũ armis tueretur: negauit se facturum, & malle semel mori q̃ perpetua formidine cruciari. Et quamquã hęc longè supra mortalitatẽ ipsius, & diuinæ maiestati quã regio propria fastigio, ipsi à Senatu tributa essent: non tamen aut ab inimicis aut ab amicis cessatum est, quò minùs enixè vtriq; operam darent, vt Rex insuper appellaretur. Hi quidem vt collata iam in ipsũ omni potestate & amplitudine, regium quoq; nomen, quod solũ deesse videbatur, ipsi assererent: illi verò vt maiori inuidia illum quoquo modo apud populũ onerarent, iustaq; aduersus eum odia suscepisse viderentur, Cæsare in manifestam affectati regij dominatus & tyrannidis suspicionem adducto. Et quamquã vel antè censentibus quibusdam inter cetera eum Regem appellandum, Cæsar id nomen tanquam infaustum auersatus, eos in posterũ eiusmodi conatibus supersedere iussisset, quum tamen id non tam ex animo q̃ metu indignationis publicæ ab eo fieri crederent, non destitẽre, quin id nomen etiã in vulgus spargerent. Cui rei & alius accessit rumor, libris scilicet Sibyllinis contineri, Parthos non nisi Regis ductu & auspicijs Romanorũ subijci posse imperio, alioqui inuictos fore. Quando igitur bellum Parthicum ipsi decretum esset, meritò vel hoc solo nomine ex oraculo Regem appellandum, si minùs Romanorum, certè omnium ceterarũ gentium, quæ Romano subijcerentur imperio. Hinc quidam ex his qui ei regiam dignitatem assertam volebant, ad tentandos plebis animos, lauream alba fascia præligatam, pro diademate statuæ ipsius quæ pro rostris stabat, clàm imposuit. Sed C. Epidius Marullus, & L. Cæsetius Flauus Tribuni plebis detracta coronæ fascia, eum qui imposuerat deprehensum abreptumq; in vincula duci iusserunt: non tam offensuri Cæsarem, vti credebant, quã hoc ipso gratificaturi: quòd, etiam feriò sibi persuaderent, Cæsare regnum ex animo detestari, quo etiam nomine ipsum apud plebem collaudauerãt. Sed Cæsar quanq̃ hoc Tribunorũ factum haud satis æquo animo ferret, dolore tamen animi in præsens dissimulauit. Nec multò pòst, quum ex Albano à sacrificio Latinarũ ouans urbem inueheretur, inter immodicas & nouas populi acclamationes, etiã Rex à paucis quibusdã ijsq; subornatis salutatus est. Ad quam vocẽ, vbi sensit sequutum totius ferè populi gemitũ, quasi in nomine erratum esset, Cæsarem se nõ Regem vocari argutè respondit: factòq; mox cunctorũ silentio, mœstior solito præteruectus est. Ibi iterũ Marullus & Cæsetius primos eius salutationis auctores ad causam dicendam per apparitores ad tribunal suum pertrahi iusserunt, insequente atque applaudente vniuersa ferè multitudine, Brutosq; eos ob id factum sub-

A subinde appellante. Hinc Cæsar grauissimè indignatus, vix se continuit, quin acerbiùs aliquid in eos statueret: dilata tamen adhuc vltione, satis habuit Tribunos & populū ipsum seueriùs increpuisse: ipse vicissim eos homines Brutos & turbulentos identidem appellans. Verū postq̃ Tribuni rogationem promulgassent, non licere sibi tutò ac liberè de Repub. agere, haud vltra sibi temperans, apud Senatū conquestus est se à Tribunis dolo malo apud populum in inuidiā affectatā tyrannidis pertrahi: vocatosque in iudicium accusauit, sententiamq̃ de eorū pœna rogauit. Quumq̃ non deessent, qui ipsos vel capite plectendos censerent, vitæ ipsorum parcens, opera Heluij Cinnæ collegæ ipsorum Magistratu priuatos Senatu mouit.

B Qua in re præterq̃ quod plebis animos non parū cōmouit, opinionem quoq̃ affectati regni regijq̃; nominis, tentatæq̃; patientiæ multitudinis vel maximè confirmauit: vt qui omissis ijs, in quos meritò animaduertisse debeat (quod vel nominasse Regem criminolum habebatur) Tribunitiā potestātē hactenus sacrosanctā violare non dubitasset. Quumq̃; hīc amici & familiares iterū monerent, vt ex Hispanicis cohortibus stipatores corporis sui constitueret, siue confisus nouissimo illo s. c. ac iureiurando, siue neglectis inimicorū insidijs; negauit se facturum: Nihil enim miseriùs esse perpetua custodia. Ceterū eosdem monuit, vt ipsi cāutiùs deinceps agerent, ne maiore inuidiæ materiā inimicis præberent: qui vel iam ansam nocendi

C se nactos arbitrarētur. Sed ne sic quidem ab his qui regios ei honores collatos cupiebant, cessatum est: quando paucis post diebus, incertū an ex cōposito & ipso conscio & volente, an verò ignorāte, aliud accidit quod tentatos populi Ro. animos, siue per ipsum, siue per amicos ipsius apertè argueret. Lupercalibus enim quum Cæsar aurea corona, triumphaliq̃; exornatus habitu, in sella aurea sedens pro rostris ludos spectaret, Antonius ipsius in consulatu collega, qui & ipse inter Lupercos nudus vnctusq̃; discurrebat, consensu rostris supplex genibus eius aduolutus, Cæsarē Regem salutauit: surgensq̃; & diadema capiti eius imponens: Hoc, inquit, populus Ro. tibi per me exhibet. Sequutoq̃; mox minimè illustri paucorū, qui in id subornati

D erant, applausu, & manifestissimo plurimorū gemitu, inter quos & M. Lepidus facie auersa, ne rei indignitatem aspiceret, nec à lachrymis abstinuisse perhibetur, Cæsar diadema ita reiecit, vt tanta Antonij audacia minimè offensus videretur. Sequutus tamen statim totius populi applausus, imponenteq̃; rursus Antonio, pauci vti priùs applausere: Cæsare autem iterū repudiante, vniuersi. Quod quum iterū atq̃; iterū ab utroq̃; fieret, populus interim tacitus, quò res tandem euaderet, spectabat: donec Cæsar in sententia persistens, cedente Antonio, diadema in Capitoliū deferri iussit, addito solum Iouem Romanorū Regem esse. Quo viso vniuersus populus gauisus acclamauit, omniaq̃; ipsi fausta cōprecatus est. Quanq̃ ne sic quidem infamiam

affectati regij nominis discutere valuit: sed vti verbis quidem & simulatis A
gestibus illud recusasse, (vt id coactus suscipere videretur) ita re ipsa, atque
ex animo concupiisse planè creditus est: vel ex eo quòd postea in acta pub
lica referri voluerit, regnum sibi per Consulem à populo delatum se non
accepisse.

Quibus omnibus, impotentiq; concessæ sibi dominationis
abusu, quum etià palàm pronunciaret, nullam esse ampliùs Rempubicā,
sed appellationem tantùm sine corpore & specie: item Sullam nesciisse lit
teras, qui Dictaturam deposuerit: debereq; homines deinceps considera
tiùs secum loqui, ac pro legibus habere quæ dicat: his atq; similibus quum
non solùm inimicorum in se odia plurimùm inflammasset, sed & alios ple
rosque, qui vel hætenus ipsi benè volebant, vel nullas priùs cum illo inimi B
citiarū causas habebant, imò totius ferè multitudinis animos à se alienaf
set, omnes statim cōuersis in M. Brutum Prætorē oculis atq; animis, hunc
quasi vindicæ publicæ libertatis expetebant. Hic enim Bruti illius Sullanis
temporibus interfecti filius, (à Quinto Seruilio Cepione auo materno ad
optatus, Q. Cepio Brutus dictus) quòd à primo illo Bruto, qui pulsus Re
gibus Consul creatus fuerat, paternum genus ducere crederetur, ad ipsum
potissimùm, tanquam gentilitio quodam munere, asserendæ in libertatem
Reipub. prouincia sublato è medio regio dominatu pertinere videbatur.

Quem quum plerique de re tanta coràm interpellare non auderent, nocte
tribunali eius, in quo Prætor ius dicebat, inscripserant: BRUTE DORMIS. & C
NON ES BRVTVS. Eodè tempore & L. Bruti, eius qui Reges eiecerat, statuæ
adscriptum erat: VTINAM VIVERES. & HOC, DEGENERES HABES POSTEROS.
& alia his similima. Cæsaris quoq; statuæ hi versiculi subscripti legebātur:
BRVTVS QVIA REGES EIECIT, CONSVL PRIMVS FACTVS EST,
HIC QVIA CONSVLES EIECIT, REX POSTREMO FACTVS EST.
Ad hæc accedebant & ex amicis quidam, qui cùm litteris tum quòtidianis
ferè conuitijs, frequentiq; auitæ gloriæ ob simile factum cōmemoratione,
quæ & ipsum oblata tali occasione manere videbatur, Brutum propter ho
nores & beneficia à Cæsare acceptos dubitantem tantum facinus aggredi,
assiduè impellerent. Quibus rebus incitatus, tum quòd Catonis, qui Vticæ D
sibi manus intulerat, ex Seruilia sorore nepos, & ducta in vxorem Portia
etiam gener esset, quanquam non tam dominantem odisset, quàm domi
nationem ipsam grauiter ferret, ad insidias Cæsari parandas animum con
uertit: ita tamen, vt diu solam Portiam vxorem propositi sui consciam ha
beret. Alia autem ex parte C. Cassius Bruti in prætura collega, qui Iuniam
ipsius sororem in vxorem duxerat, quiq; præter insitum vel à puero Ty
rannidis odium, priuatas etià cum Cæsare simultatis causas habebat, pro
pter leones, quos ipse ad Ædilitios ludos comparatos Megaris reliquerat,
oppido à Caleno capto à Cæsare detentos, amicorum animos contra Cæ
sarem

A saream assidue sollicitabat. Qui quidem quando id factum non tam manu-
 num esset, quam auctoritatis & consilij, ita demum operam suam polli-
 citi sunt, si Brutus, qui dignitate reliquos facile anteibat, huic facto se du-
 cem praeferret. Hinc quanquam Bruto etiamnum infensus ob contentionem
 de praetura urbana, in qua praetatum sibi Brutum indignabatur, facta tamen
 reconciliatione prior ipse se ad Brutum contulit. Percrebuerat constans fa-
 ma L. Cottam Quindecimviri proximo Senatu ex libris Sibyllinis re-
 laturum, ut Caesar propter bellum Parthicum Rex diceretur, quando aliter
 Parthos à Romanis subigi impossibile esset: quae res vel imprimis eadem
 Caesari maturavit: metuentibus scilicet adversariis, ne si à frequenti Senatu
 B in eam sententiam itum esset, & ipsi assentire cogerentur. Interrogante igitur
 Brutum Cassio, num Idibus Martijs (in quem diem Senatus indictus
 erat) in Curiam venturus esset, negavit Brutus se iturum: Tum Cassius;
 Quid si, inquit, vocemur ut Praetores? Tum meae erunt partes, respondit
 Brutus, vel ad mortem usque pro Reipublicae libertate contendere. Tunc
 Cassius hominem complexus & exosculatus rogavit, Num quos ex opti-
 matibus in tam pulchri facinoris societatem admissurus esset? Quando plu-
 riini essent, qui idem suo cum animo agitent: quique; uti à ceteris venatio-
 nes, munera, aut alia spectacula, ita ab ipso Tyrannidis eversioem, tanquam
 maioribus suis debitam, expectarent. Id facile testari ea quae tribunali eius
 C inscripta erant, non quidem à cauponibus, aut alijs infimae sortis homini-
 bus, sed à primariis quibusque; optimisque; civibus. Ita quae dudum singuli in
 animo habuerant, tum demum inter se communicare coeperunt: tentatisque;
 amicorum animis, consilia quae prius bini terniue coeperant, in vnum omnes
 conferunt. Inter ceteros ex intimis Caesaris & familiaribus, D. Brutum Al-
 binum eos. designatum sibi adiungunt: quem sibi ad rem susceptam
 peragendam magno usus esse posse intelligebant: tum quod Caesar pluri-
 mum ipsi fideret, tum quod numerosam gladiatorum familiam haberet,
 quam ad spectacula servabat. Hi igitur principes fuere coniurationis: qui
 & alios aliquot, quos non minus fidos, quam manu promptos & mortis
 D contemptores noverant, in partem facinoris vocarant: ita ut sexaginta am-
 plius cum Equites tum Senatores conspirasse dicantur, nullo tamen iura-
 mento aut religione inter se astricti. Praecipui ex his fuere, Cn. Domitius,
 Ser. Galba, P. Servilius Casca, L. Tullius Cimber, Pontius Aquila, Q. Liga-
 rius, Rubrius Rex, Sextius Maso, tum etiam alij quidam. Quumque; Caesare
 propediem in Parthos profecturo, temporis breuitas urgeret, diem credi
 ipsas Idus Martias antequam Senatus sententias de Rege ipso appellando
 rogaretur, locum autem Curiam Pompeianam, in quam ipsis Idibus Sena-
 tus habendus erat, constitui placuit. Quumque; & Antoniū simul occidendum
 quidam censerent, collegam scilicet Caesaris, amicorumque; ipsius potentis-

CONSPI-
 RATIO IN
 CAEDEM
 CAESARIS.

finum, dubitantibus de hoc & contendentibus aliquandiu ceteris, vicit A
 tandem Bruti sententia, cuius potissimum consilij & auspicijs totum ne-
 gotium aministrabatur, negantis id sibi fieri placere: quando ex sola tyran-
 ni cæde id decus petendum videretur, & ne interfecto simul Antonio pri-
 uatis etiam se inimicitijs implicarēt. Veriti tamen ne Antonius Cæsari præ-
 ceteris fidus, & qui robore corporis præstaret, se objiceret, C. Trebonio ne-
 gotium dant, vt quæsitâ occasione colloquij cum Antonio ipsum proluxa
 oratione ante fores Curia detineret, ne simul cum Cæsare ingrederetur.
 A quibusdam proditum est, Cæsarem nec coniurationes inimicorum nec
 auctores ipsos prorsus latuisse. Nam quum quidam Antoniū & Dolabel-
 lam apud ipsum criminarentur, tanquam rebus nouis secretò studerent, B
 minimè sibi ab obesis illis ac comatis respondit metuendum, sed à pallidis
 potius illis & macilentis, Brutum subindicans & Cassium. Nam de Cassio
 etiam aliàs apud amicos palàm dixisse fertur: Pallidum illū haud magno-
 pere sibi placere: de Bruto autem meliùs aliquantò sperabat. Sed ita est vt
 dicitur: Fatum præuideri quàm vitari faciliùs: & cuiuscunq; fortunam su-
 peri mutare cōstituunt, consilia corrumpunt. Neq; enim indicium vllum
 Cæsar hac de re admittebat, imò deferentes ad se aliquid huiusmodi, etiam
 acriùs increpare solebat. Quanquam alij tradant, metu insidiarum, & ad
 euitandam inuidiam, qua se plurimùm apud plerosq; laborare iam intel-
 ligebat, cōstituisse urbem sibi propter inimicos suspectam quamprimùm C
 relinquere, & ad bellum Parthicum intra paucos dies proficisci, præmisso
 iam, vt suprâ dictū est, exercitu. Ferunt etiam eandem ob causam in ani-
 mo habuisse, confecto bello Parthico translatis imperij opibus, exhaustaq;
 delectibus Italia, Ilium aut Alexandriam commigrare: ibique siue imperij
 siue regni sedem constituere. Sed hæc atque alia meditantem, dum quam
 alijs præstitit clementiam, frustra ab ingratis sibi pollicetur, mors præuenit.
 Cædem autem ipsius neque pauca neq; negligenda denunciauere quum
 prodigia tum præsagia. Centesimo enim antequam cæsus est die, prima no-
 minis ipsius littera C. è statua ipsius vi fulminis excussa est. Capuæ autem
 in sepulcro antiquo, quo urbis conditor Capys sepultus credebatur, haud D
 multò ante cædem tabula ænea inuenta est, in qua litteris & verbis Græcis
 exaratum erat: Quando ossa Capys detecta essent, fore vt Iulo prognatus,
 manu consanguineorum necaretur, magnisq; mox Italia cladibus vindi-
 caretur. Equi quoq; quos Cæsar dum Rubiconem flumen transfret Marti
 consecrarat, & sine custode vagari permiserat, obseruati sunt sub tempus
 cædis ipsius pertinacissimè pabulo abstinuisse, & lachrymas profudisse.
 Paucos etiam ante dies, quum bouē in Curia immolasset, cor in extis non
 est inuentum: quod quum Spurina aruspex pronunciaffet, ad vitæ disci-
 men pertinere, proinde caueret periculum, quod non vltra Idus Martias
 disse

- A differretur, Cæsar subridens: Miraris, inquit, si bos cor non habeat? Pridie etiam quæ cæsus est, Regulum auem, qui cum ramo laureo in Curiam Pompeianam volatu se receperat, aliæ varij generis aues exproximo nemore consequutæ in eadem Curia discerpserunt. Eodem die quum fortè apud M. Lepidum suum Magistrum Equitum cum D. Bruto cœnaret, orta sub cœnam inter cœuias quaestione, quænam mors maximè optanda videretur, tanquam proprii exitus vates, reliquos præueniēs, respondit: Inexpectata. Nocte autem quæ diem cædis præcessit, ipse sibi sublimis supra nubes ferri, & dextras cum Ioue iungere visus est. Eadem nocte & arma Martis sacra, quæ apud ipsum utpote summum Pontificem ex instituto seruabantur, mota sunt: foresque &
- B fenestræ cubiculi ipsius non sine ingenti cæli fulgore spontè patuere. Inde experrectus & turbatus, offendit Calpurniam uxorem arctissimo somno pressam incertas quasdam & obscuras voces suspirijs intermixtas edere, & quasi lamentari. Quæ ubi sub primum diluculum à somno excitata est, narrauit visum sibi per quietem collabi domus fastigium, existimasseque se ipsum plurimis confossum vulneribus, in sinu suo iacentem lugere. Cuius insomnij atrocitate perterrita, id quod postea euenit animo prælagiens, non destitit ipsum rogare, ut eo die publico abstineret, & Senatum differret. Cui quum Cæsar etiā alioqui minimè superstitiosus parum tribueret, hoc tamen impetrauit Calpurnia, ut quando insomnia contemneret, sacrificijs
- C saltem alijsque diuinationibus Deorum mentes exquireret. Quum itaque pluribus hostijs eius rei ergò immolatis, vates renunciaret non litari, aliaque signa horrenda se offerrent, neque aues ipsæ addicerent, tum etiam ex proximiori hesternæ computatione languidior, Curia abstinere & Senatum per Antonium collegam dimittere constituerat. Brutus & Cassius Prætores eo manè in porticu ante theatrum Pompeij magna animorum tranquillitate ius petentibus reddebant: gladiatoresque quamplurimos ad ludos, quos eo die ex composito adornauerant, in theatrum induxerant, auxilium nimirum ab his, si opus foret, petituri. Ceterum quum Cæsarem propter aduersa sacra eo die in Curiam non venturum intelligerent, veriti ne dilato
- D negotio insidiæ patefierent, D. Brutum ex intimis Cæsaris mittunt, qui ipsum quoquo modo in Curiam adduceret. Is igitur ad Cæsarem accedens, eleuatis omnibus quæcunque Cæsarem ne in Senatum veniret remorabantur, increpitisque non solum vatibus, quod religionem animo ipsius iniicerent, sed ipso etiam Cæsare, qui se tam temerè & propter nescio quæ insomnia, contempti Senatus inuidiæ & obrectationibus inimicorum obijceret, ut in Curiam venire properaret, persuadere conatus est: Senatum iam pridem conuenisse, ipsumque opperiri dictitans, promptaque omnium ferè suffragia, ut ipsum cunctarum præter Italiam gentium Regem dicerent, regiaque passim extra Italiam insignia gestare concederent. Aut si eum diem

rebus gerendis minis idoneum iudicaret, vel alioqui propter aduersa sacra A
suspectum haberet, vt saltem ipse in curiam procedens appellatis Patribus
Senatum in aliud tempus dimitteret. Hæc dicens simul Cæsarem manu
apprehensum foras deduxit. Exeunte autem ipso statua quædam ipsius in
vestibulo domus posita, collapsa & contracta est. Sed nec hoc omine terri-
tus sub horam diei quintam simulata aduersa valetudine, lectica in curiam
se deferri iubet, constituto tamē propter infausta sacra à rebus grauioribus
decernendis supersedere, Senatumq; quamprimū dimittere. Ceterū
dum deferretur, siue domesticorum quidam, siue alterius cuiusdam seruus
propius ad ipsius lecticam accedere atque ipsum alloqui summoperè adni-
tebatur, indicium scilicet insidiarum facturū. Sed quum à multitudine cir B
cumfluentium & deducentium repulsus propius accedere prohiberetur, cur-
su se ad ædes Cæsaris proripiens ad Calpurniā deductus, exposuit se quæ-
dam habere, quæ Cæsari indicaret, quæq; ipsum scire magni interesset: nec
plura proloquutus, se reditū ipsius è curia expectaturū dixit: neq; enim
de tempore insidiarum exactè cognouerat. Artemidorus etiam Gnidius
Rhetor & hospes Cæsaris, qui ex quotidiana consuetudine, quæ ipsi cum
Bruti familiaribus intercedebat, pleraq; Bruti & coniuratorū consilia intel-
lexerat, & ipse accurrens libellum insidiarū indicem in curiam eunti por-
rexit: quem præ ceteris, qui frequētes eodem tempore porrigebantur, con-
festim & solum perlegere iubebat, quòd quædam, quæ maximè ad ipsius C
salutem pertinerent, eo contineri diceret. Sed Cæsar impeditus præ turba
alloquentium & salutantium statim inspicere, reliquis libellis alicui mini-
strorum commendatis, hunc solum tanquā mox lecturus manu retinuit.
Appianus tradit hunc Artemidorum occiso demū Cæsare superuenisse
vt insidias proderet, libellumq; ab alio aliquo sacrificanti ante curiam Cæ-
sari exhibitum. Eodem tempore antequā curiam ingrederetur, in Spur-
rinam vatē incidens, memor eius quod de Idib. Martijs prædixerat: Ecquid
scis, inquit, Idus Martias iam aduenisse? quasi vatē falsi arguens, quòd
hactenus periculū euasisset. Cui Spurina: Venēre quidem Cæsar, sed non-
dum præteriēre, respondit. Vbi autem Cæsar ad curiam peruenit, descen- D
denti è lectica occurrit Popillius Lænas: qui quanquam minimè conscius
consiliorum paulò antè Bruto & Cassio, vt quod præ manibus haberent
Dij secundarent, precatus, hortatusq; vt accelerarent, maximum ipsis dete-
ctarum insidiarū timorem iniecerat. Hic dum ad curiæ ingressum longū
& serium cum Cæsare sermonem solus haberet, suspicati Brutus & Cassius
rem ab ipso ex ordine Cæsari indicari, sibi innuentes obseruatisq; Popillij
loquentis gestibus, illis ipsis pugionibus quibus Cæsarem cōfossuri erant,
se transfigere cogitabant, antequā comprehenderentur: donec tandem
Popillio dextram Cæsaris deosculante & gratias agente, non tam indicasse,
quā

- A** quàm aliquid à Cæsare petiisse cognouere. Cæsar curiam ingressus, quum ex more sacris operatus rursus in victima cor, vt quidā, vt alij tradidere, caput extorum defuisset, & aruspex iterū interpretaretur id letale esse: respondit, idem sibi & in Hispania contra Pompeiū dimicaturō accidisse. Cumq; aruspex diceret eum tum quoq; magnū capitis periculum adiisse, & nunc exta maius minari, iussit aliam atq; item aliam victimam mactari. Cumq; nullis victimis litari posset, contempto cum religionē quod exta prædicebant periculo, inimicisq; amicorū specie vrgentibus, ne Senatū operientē diutiūs remoraretur, curiam ingressus est. Antonium autem collegam qui comes ipsi venerat, Trebonius, vti inter ipsos cōuenerat, longū de industria
- B** sermonē trahens, extra curiam detinebat. Cæsari verò iam ingressō vniuersus Senatus honorificè assurrexit: postq̃ autem in sella consedisset, cōiurati gladios sub veste breues occultantes, frequētes vndiq; sellam ipsius circumfretēre: alij quidem officij causā & ex consuetudine, alij verò tanq̃ salutaturi aut aliquid ab ipso petitori. Inter ceteros Tullius Cimber reditū fratri ab exilio petens aduersus Cæsari constiterat, & quanquam Cæsare rem in aliud tempus reiiciente, persistebat tamen ille. Reliqui quoq; circumfusi, pro eodem deprecabātur, propiusq; accedentes Cæsarem cōplexi caput ei & manus de osculabantur: ita vt Cæsar offensus importunis hominū precibus & blanditiis, primò imminētes sibi & instantes manu à se remoueret.
- C** Quumq; ne sic quidem illi de sua importunitate quicq̃ remitterent, consurgens in pedes etiā violentiūs eos reiiciebat. Tunc Tullius Cimber toga Cæsaris vtraq; manu circa humeros apprehensa, signū cædis quod conuenerat suis dedit, simul exclamauit: Quid cessatis amici? Ibi quum Cæsar vicissim exclamaret, Ista quidem vis est. P. Seruilius Casca (qui sibi primas facinoris inchoandi partes depoposcerat) à tergo cōsistens, dum iugulum petit, aberrante ictu pectus infra iugulum percussit: ita tamen vt vulnus minus altè adactum letale non esset. Cæsar autē sauciū, rei q; atrocitate turbatus, repulso Cimbro conuersus, factoq; in Cascam impetu iterum exclamauit: Quid agis scelerate Casca? simulq; brachium Cascae apprehensum
- D** siue graphio siue pugione ab aliquo circumstantiū raptō traiecit: & dum Casca græcè fratrem C. Seruilium ad auxilium inuocaret, conatus prosilire, alio vulnere in latere accepto retardatus est. Bruto autem inter ceteros ferro infesto in se ruenti dixisse fertur, καὶ σὺ τεχνον; Mox vbi vndique strictos in se pugiones animaduertit, dextra togam in caput adducens, sinistraq; sinum ad ima crura deducens, ita vt verecundiæ & pudoris etiam in tantis rerum angustiis meminisset, quò scilicet honestiūs caderet, ad basim statim Pompeij quæ in curia erat procidens, xxiiii. se vulneribus confodiendū præbuit: ita vt Pompeij statua suo sanguine resperfa, debitas Pompeij manibus pœnas persoluere videretur. Ex omnibus autem vulneribus

CÆDES CÆSARIS.

Antistius medicus pronunciauit vnum letale fuisse, id scilicet quod secundo loco in pectore acceperat. Alij præter vnum gemitum ad primum ictum nullam emisisse vocem prodidit, aduersarijs ferrum per os & oculos crebris ictibus ducentibus, ita ut neque loqui, neque agere quicquam valeret: quod & plerisque; verosimilius est visum. Quidam etiam scriptum reliquere, in ea contentione plagas in vnum corpus certatim magno animi ardore inferentium, quosdam è percussoribus mutuis se consauciasse vulneribus, inter hos M. Brutum in manu à Cassio vulnus accepisse. Cæsar iam interfecto, Brutus statim cruentum pugionem in altum extollens Ciceronem nominatim inclamauit: dicturusque; de rebus à se confectis, simul etiam de actis Cæsaris rescindendis & bonis publicandis relaturus in medium processit. Ceterum Senatores consilij percussorum, simul & multitudinis ipsorum ignari, primò quidem rei immanitate percussi atque; animis consternati, neque; opem afferre, imò nec voces emittere, aut fugam capessere audebant: donec tandem Cæsare iam prostrato dum sibi quisque; metuit, certatim quò quisque; poterat è curia diffugiunt, nonnullis etiam præ turba illis. Dumque; obuiis quibusque; è populo, & causam fugæ percotantibus, nihil aliud respondent, quàm Fuge & Claude vniuersam mox urbem, minus horæ vnius spacio, tumultu grauissimo fœdissimoque; repleuere: maximè quòd & gladiatores, qui è proximo Pompeij theatro eò excurrerant, turbæ se immiscuissent: ita ut tota passim vrbe trepidaretur, foribusque; clausis & relictis tabernis atque; officinis veluti ab amentibus hæc illac discurreretur. Quo tumultu quum Senatores aliquot vulnerati, tum ciues & exteri plerique; etiam occisi sunt. Cæsar autem omnibus diffugientibus solus in curia relictus à tribus seruulis, qui & ipsi soli remanserant, lecticæ impositus, dependente brachio domum relatus est. Constituerat percussores interfecti corpus in Tyberim proicere, sed metu Antonij & Lepidi destitit. Antonius interim, qui & se cum Cæsare neci destinatum credebat, proiecta veste consulari, sumptoque; plebeio habitu, fugiens in latebras se abdiderat. Percussores autem duce Bruto curiam egressi, sinistris togas brachijs obuolutas pro clypeo, dextris pugiones à recenti cruore etiamnum tepentes gestantes, vno ex ipsis pileum in hasta præferente, alacres & spe ac fiducia gestientes in forum processere: populoque; ad libertatem conuocato, congratulantibus optimatibus quibusque; qui occurrebant, à foro digressi, Capitolium, quò tanquam Deos comprecaturi ascenderant cum manu gladiatorum occupauere: neque; enim aut à plebe, aut ab emeritis veteranisque Cæsaris militibus, qui plurimi per urbem diuagabantur, neque; item à Lepido, qui prætorianis præerat cohortibus, satis sibi fidebant. Eodem postea & alij è primariis aliquot, quanquam nec conscij facinoris, nec focij, eiusdem tamen cum ceteris laudis affectatione, arreptis gladiis se contulere. In his fuit Lentulus Spinter, C. Octavius, & alij plerique.

Cete

- A** Ceterum cum nulla præterea cæde subsequuta populus fiduciã recepisset, plurimi ad percussores in Capitolium ascenderunt. Ad quos Brutus è Capitolio verbis ad captandam plebis gratiam & rei præsentis accommodatis prolixè concionatus est: tentatisq; statim per largitionem multitudinis animis, haud mediocriter à percussoribus mercenariorum manus contracta est: qui in forum procedentes, quanquam factum ipsum primò quidem laudare non auderent, pacem tamen percussoribus à Magistratibus exposcebant, omninoq; percussorum saluti consultum cupiebant. His & è Senatoribus quidam postea accessere: primusq; Cinna affinis Cæsaris, & Prætor paulò antè ab eo factus reliquos audacia superans, proiectis Magistratus insignibus tanquam
- B** à tyranno datis, Cæsarem ipsum ut tyrannum conuictis insectatus est, & percussores ut tyrannicidas collaudauit, eosq; ad præmia rei gestæ capiendæ è Capitolio descendere iussit. P. quoque Dolabella, quem Cæsar sibi in reliquam anni partem in Consulatu substituerat, vacantem cæde Cæsaris Magistratum inuadens, sumptisq; Consulatus insignibus progressus, postquam & ipse in dignitatis suæ auctorem prolixè dixisset, similiq; cum Cinna oratione usus addidisset, ut is dies Cæsaris interfecti natalis urbis deinceps haberetur, sequente multitudine & ipse in Capitolium ascendit: percussoresq; itidem è Capitolio descendere hortatur. Qua fiducia M. Brutus & Cassius è Capitolio in forum descendere ausi, à plurimis etiam optimatibus
- C** in rostra deducti, apud populum magnam animorum præsentiam concionati, alter alterius factum vicissim laudibus extollebant: simulq; populum ad capeendam libertatem hortabatur: laudato interim & D. Bruto, qui gladiatores per opportunè subministrasset: censentesq; Sextum Pompeium Magni filium, simul etiam Marullum & Cæsetium, qui tunc exulabant, ad urbem quamprimum reuocandos. Ceterum quum multitudini quæ frequens cõuenerat, non satis fiderent, cædemq; non omnibus æquè gratam, eaq; quæ à se dicerentur, non eodem ab omnibus animo accipi intelligerent, in Capitolium reuersi sunt. Quo loco obsidione metuens Brutus, ijs qui postea eò confluxerant, nec facinoris participes essent, quod eos iisdem secum subijci periculis iniquum existimaret, auctor fuit, ut Capitolio egressi, discrimini simul & inuidiæ non perpetrata à se cædis se subducerent. Ipsi verò in Capitolio tanquam suis munitionibus per noctem quæ diem cædis proximè insequuta est, se continuere. Interea dum hæc geruntur, Lepidus, quod Magister Equitum esset, in castris prætorijs extra urbem erat: cognitisq; ijs, quæ in vrbe gesta essent, cum militibus sub noctem ingressus forum occupat: & sub auroram pro concione acerbissimè in percussores inuehitur. Antonius autem qui hactenus præ metu latitabat, intellecto Lepidi in urbem aduentu, metu deposito iam confirmatior & ipse è latebris prodit. Et primò quidem aliquandiu inter ipsos dubitatum est, an Capitolium cum parricidis incenderetur.
- D**

Verum postq̃ legati ex domesticis & familiaribus percussorum de concor A
 dia & cura libertatis ad Lepidum & Antonium è Capitolio missi, monu-
 issent, sedulo cauendum, ne propter priuatas simultates Resp. in discrimen
 adduceretur, auctoresq; cædis si non laudandos, certè venia dignos: vt qui
 non tam odio Cæsaris, quàm amore patriæ factum commisissent: quanq̃
 animus vlciscendi necem Cæsaris Lepido & Antonio neutiquàm deesset,
 tamen quum propter amicos, consanguineos, aliosq; percussorum neces-
 sarios, simul propter Senatus in ipsos studia, tum vel imprimis metu D.
 Bruti, qui decretam sibi à Cæsare prouinciam Galliam Cisalpinam cum
 valido exercitu tenebat, dissimulato in præsens vindictæ proposito, simu-
 latoq; publicæ cōcordiæ & libertatis studio, Antonius rem Senatui se per- B
 missurum respondit: eamque sententiam quæ potior esset, valituram: sic
 legatos non sine spe Senatum sibi minimè defuturum à se dimittit. Nocte
 autè ea quæ proximè insequuta est, accensis passim ignibus & luminibus,
 excubiæ per urbem à Magistratibus iubente Antonio actæ sunt: commen-
 tarij; actorum Cæsaris & pecunia, quæ quattuor milia talentorum fuisse
 perhibetur, in ædes Antonij iussu ipsius, atq; assentiente Calpurnia trans-
 latae sunt. Neque interim à percussoribus cessatum est, quò minùs per fa-
 miliares è Senatoribus deprecatores, intercessoresque & partium defenso-
 res quamplurimos in sequentem diem sibi pararent. Antonius autem Se-
 natum in diem proximū etiam ante lucem in ædem Telluris domui suæ C
 proximam cōuocauit. Quò dum primo diluculo inter ceteros Cinna Præ-
 tor resumpta veste quam prius proiecerat properat, à multitudine agnitus,
 coniectisque in ipsum lapidibus in domum quandam compulsus, aggestis
 cò à multitudine lignis, quò minùs vnà cum domo cōflagraret, interuentu
 Antonij seruatus est. Ceterum postquam Senatus iam conuenisset, An-
 toniusque tam de summa Reipublicæ, quàm de percussoribus retulisset,
 alijs aliter prout quisq; affectus erat censentibus, inter quos non deerant,
 qui gratias percussoribus agendas, præmioque afficiendos pronunciarent.
 Cicero inter ceteros habita graui & prolixa oratione, auctor fuit Senatui,
 vt ex celeberrimo Atheniensium instituto, Amnestia decerneretur: vtque D
 omnis discordiarum & factæ cædis memoria (ita vt ne nominaretur qui-
 dem) perpetua obliuione extingueretur obruereturque: atque à ciuibus
 depositis mutuis odijs & contentionib. in gratiam hinc inde rediretur: ad-
 dito vt leges Cæsaris, aliaque eius acta & decreta, quæcunq; vel ad honores
 & magistratus, vel ad militum commoda & præmia pertinerent, decreto
 Senatus rata esse iuberentur. In quam Ciceronis sententiam reliquis assen-
 tientibus factum Senatusconsultum: postulanteque L. Pisone socero Cæ-
 saris, decretum, vt testamentum eius publicè recitaretur, vtq; Cæsar publi-
 co funere efferretur. Interim & percussores habita è Capitolio ad milites

- A oratione, se nulla Cæsaris acta, maximè quæ ad præmia ipsorum & com-
moda pertinerent, rescissuros, polliciti fuerant: litterasq; ad eos qui in foro
erant in eandem sententiam miserant: sic res à maximo tumultu statim
ad pacificationem conuersa est, auctore potissimùm Antonio, qui & Dola-
bellam, quem antea statuerat ad consulatum non admittere, depositis ini-
micitijs collegam sibi assumpsit. Ceterum, quia exercitu nudatus, M. Lepi-
dum metuebat, quem sciebat fiducia exercitus, quem penes se habebat, si-
mulatione se eadem Cæsaris vlisci velle, animum ad res nouas adiecisse.
Nec prius destitit, quàm & huic, ne solus ferè omnibus alijs refragari per-
geret, persuasit. Sic tandem missis in Capitolium loco obsidum Antonij
- B Lepidique liberis, percussores è Capitolio descendere: eodemque die pro-
posita securitate Brutus apud Lepidum propinquum suum, Cassius verò
apud Antonium cœnati sunt. Postridie frequenti Senatu Antonius ex
sententia Ser. Sulpitij decreuit, ne qua tabula vllius beneficij aut decreti Cæ-
sar post Idus Martias figeretur. Tunc etiam Bruto maximis laudum pre-
conijs ornato, prouinciæ percussoribus iam antè à Cæsare decretæ, Sena-
tusconsulto confirmatæ sunt: D. videlicet Bruto Gallia Cisalpina cum tri-
bus legionibus, Trebonio Asia, Cimbri Bithynia. Nam M. Brutum & Cas-
sium id temporis Prætores, Cæsar in sequentem annum hunc Syriæ, illum
Macedoniæ pro Prætorè præesse iusserat. Ita vt omnia deinceps pacata, tran-
- C quillaque in Republica tanquam libertate restituta sperarentur. Cete-
rum quum Antonius testamentum Cæsaris palàm recitandum, ipsumq;
publico funere efferendum censeret, Cassius cum alijs pertinacissimè resti-
tit, vel hoc solum nouarum rerum materiam & causam fore dictitans. Sed
persistente Antonio, Brutoque præter alios ipsi assentiente, in hanc senten-
tiam & à reliquis itum est, vt Cæsaris testamentum palàm recitaretur, &
ipse funere publico efferretur. Testamento itaque quod Cæsar Idibus Se-
ptembribus proximis in Lauicano suo fecerat, & virgini Vestali maximæ
seruandum tradiderat, aperto & recitato, cognitum hæredes ab eo institu-
tos, tres ipsius ex sorore nepotes, C. Octauium ex dodrante, L. Pinarium &
- D Q. Pedium ex quadrante, reliquos in ima cera. E quibus C. Octauium in
nomen familiamq; Iuliam, & filium adoptauerat. Decimus Brutus etiam
inter secundos hæredes scriptus, & plerique percussorum inter tutores filij,
si quis ei nasceretur, nominati. Populo autem hortos circa Tyberim publi-
cè, & viritim trecenos sestertios siue centenos vicenos, vt Octauius ipse au-
ctor est, siue vt Græci scriptores prodidère, septuagenas quinas drachmas
Atticas legauit. Hinc statim maxima ciuium mixta indignatione cōmisera-
tio, tum propter populi legatum, tum propter Brutum primis hæredibus sub-
stitutum. Post hæc funus ei amplissimum, prosequentibus cum vniuerso
ferè Senatu Magistratibus, frequentiq; quum ciuium tum militum etiam

PROVIN-
CIAE PER-
CVSSORI-
BUS DE-
CRETAE.

TESTAMEN-
TVM CÆ-
SARIS.

EVNVS CÆ-
SARIS.

armatorum ad corporis custodiam multitudine ductum est, corpusq; in **A** forum delatum, & pro rostris depositum: vbi ædes aurata instar templi Veneris Genetricis collocata fuerat, intraq; lectus eburneus auro & purpura stratus, & ad caput trophæum cum veste in qua occisus fuerat. Quidam tradunt corpus ipsum sanguinolentum vulneribusq; deforme conspectui populi expositum fuisse. Alij corpus quidem ipsius supinum in lecto collocatum fuisse, sed non conspicuum: verum ceream ipsius effigiem, in qua viginti trium vulnerum notæ expressæ erant, in machina versatili eodem in lecto elatam. Loco funebris orationis Antonius Senatusconsultum, quo in eum omnes tum humani tum diuini honores collati fuerant, & iusiurandum quo se omnes pro salute ipsius obstrinxerant, siue ipse vt quidam, **B** siue per præconem, vt alij tradunt, pronunciauit. Ludi etiam funebres facti sunt, in quibus illud Pacuuij ad inuidiam cædis decantatum est: Men' men' seruasse, vt esset qui me perderet? Postea Antonius oratione non tam ad Cæsaris laudes, quàm ad commiserationem & concitandos in cædis auctores multitudinis animos composita, in deploranda Cæsaris morte vsus, intermixtis interim cum lacrymis & fletu suspirijs, dum inter orandum lectum subinde introspiciens, & aperiens, vestem etiam Cæsaris in qua occisus fuerat, multo sanguine cruentatam laceramq; & plurimis locis concisam, ad maiorem commiserationem hastili altius è lecto sublatam explicat, simulq; alius quidam ceream Cæsaris effigiem pluribus vulnerib. **C** quibusdam etiam immaniter in faciem inflicta deformatam, è lecto, vt ab omnibus conspici posset, altius effert, ita multitudinis animos non ad commiserationem prouocauit, sed in rabiem potius vertit, vt omnis ordinis & decoris obliti, ad persequendos percussores (qui quò tandem ea res euaderet prospicietes, maturè se subdlexerant) furibundi discurrerent: Senatum quoq; ipsum qui virum interfici passi essent, vt iuriurum accusantes. Corpus autem Cæsaris non quidem in campo Martio, vbi rogos iuxta Iuliæ filiae ipsius tumulum exstructus erat, sed alij in ipsa curia Pompeij vbi occisus fuerat, alij in Capitolio atque adeò in ipsa cella Iouis Capitolini cremare parabant. Sed prohibiti tum à Sacerdotib. tum à militibus, metuentibus **D** ne & curia ipsa cum theatro, vel templa simul conflagrarent, congestis extemplò subsellis, tribunalibus, mensisq; è proximis officinis & tabernis argentariorum raptis, & si quid aliud ad manum erat, subiectisq; aridis virgultis, tumultuarium in foro rogam exstruxerunt: impositoq; in rogam lecto, repentè duo quidam gladiis accincti, & bina iacula gestantes, ardentibus cereis facibus rogam succenderunt. In quem statim tibicines sceniciq; artifices, qui ludos funebres fecerant, vestem quam ex instrumento triumphorum in eum vsum induerant, detractam sibi discissamq; cum reliquo pompæ funebris apparatu splendidissimo iniecere. Similiter & veterani alijq;

- A lliq; milites dona militaria & arma quibus exculti funus celebrarant. Frequens etiam ciuium & matronarum multitudo coronas & alia pleraq; ornamenta quæ gestabant, tum etiam puerorum bullas & prætextas in rogū coniecere. Nec fuit vlla exterarum in vrbe nationum, quæ non suo more & patrio ritu luctum suum testaretur. Præ ceteris autem Iudæi, qui etiam pluribus noctibus continuis bustum eius frequentarunt. Plebs autem arreptis ex semiuisto rogo titionibus, pars ad percussorum ædes, Bruti potissimum & Cassij, pars ad curiam ipsam in qua Cæsar cæsus fuerat, furibundi conuolauere: flammæque iam iniicere parantes, vix tandem à domesticis propugnantibus repulsi, & vicinis deprecantibus exorati, destitère: nec id ipsum sine minis se postridiè armatos ad ædes expugnandas redituros. Sed hic tumultus militibus potissimum obstitentibus, tum etiam aliquot ex audacissimis seditiosissimisque de rupe Tarpeia præcipitatis, tandem sedatus est. Alij dum ad inuestigandos percussores passim per urbem hanc illac feruntur, Heluium Cinnam quendam Tribunum plebis Cæsari amicissimum fortè obuium, errore nominis decepti, quòd Cornelium Cinnam Prætorem esse crederent (qui proiecta purpura in Cæsarem iniectus fuerat) crudelissimè trucidauere: ita vt ipso in plurimas partes per summam immanitatem discerpto, ne membrum quidem integrum ad sepulturam colligi potuerit. Caput autem hastæ infixum ad aliorum terrorem circumtulere.
- C Hinc Consules omnibus armorum gestatione interdixere, solis militibus exceptis. Magna etiam pars populi per totam noctem ad rogi pernoctauere. Posteaq; eo loco quo rogi fuerat in rostris aram populus posuit: addita postea & ab Antonio columna .xx. pedum ex lapide Numidico solida, cui inscripserat: PARENTI PATRIÆ OPTIME MERITO: apud quam populus aliquādiu sacrificare ipsi tanquam Deo, vota suscipere, & controuersias etiam concepto per Cæsarem iureiurando dirimere perseuerauit. Sed hæc ara cum columna haud multò post à Dolabella Consule disturbata & solo æquata est. Reliquiæ autem corporis & cineres cremati à libertis collecti, in monumentum ipsius familiare repositi sunt. Alij ab Antonio in sublimi solidæ columnæ collatos tradunt. Cæsar autem postea ab Augusto in Deorum numero relatus est. Quumq; ludis, quos Augustus ipsi consecratos edebat, sidus crinitum per septem dies continuos fulsisset, vulgus quòd hanc animam Cæsaris esse sibi persuaderet, etiā cælo receptum constanter credidit. Quin & Sol ipse toto eo anno pallidior eluxisse traditur. Nec multò post pro ara & columna à Dolabella disiecta, templum ipsi in foro, eodem ferè loco Augustus constituit: & simulachrum Cæsaris cum stella crinita in vertice in eo dedicauit: versoq; in locum & tempus cædis opprobrio, Curia in qua occisus fuerat, tanquam locus infaustus & sceleratus, obstrui iussa est. Idusque Martias Parricidium appellari placuit: cautum

ARA CÆ-
SARIS.

IDVS MAR-
TIAE PAR-
RICIDIUM
DICTAE.

tumq; ne eo die tamq; nefasto posthac Senatus haberetur. Hunc itaq; A
 vitæ cursum, hunc finem sortitus est Cæsar, quarto antequàm in Parthos
 constituerat proficisci die, annos natus sex & quinquaginta, summa in Re
 publica potestate vsus annos tres, menses plus minus sex, siue vt alij maluê
 re, supra annos iam dictos menses quattuor, dies quinq; Qui verò à primo
 secundi Consulatus die, imperij ipsius initium constituunt, vsque ad diem
 cædis annos quattuor, menses duos, & dies quindecim computant. For-
 ma autem & statura, aliisq; corporis dotibus excelluisse traditur: fuisseque
 colore candido, teretibus membris, ore paulò pleniore, nigris vegetisq; o-
 culis, capite tamen caluitio nonnihil deformato. Valetudine autem firma
 fuit, eaque prospera ferè semper vsus est: nisi quòd capitis doloribus subin- B
 de vexaretur, & extremo tempore repentinis animi deliquiis infestaretur:
 bis etiam inter res agendas morbo comitiali correptus. Circa cultum cor-
 poris plus aliquatò curæ quàm tantum virum deceret impendebat, etiam
 maior iam natu, adeò vt vel hinc maximè inimicorum obreçtationes tan-
 quàm mollis atq; effeminatus incurreret: quū non solùm tonderetur dili-
 gentius & raderetur, sed & velleretur. Et quòd ad Venerem genus suum re-
 ferret, ab ea natiuam quandam formæ venustatem sibi adesse videri vole-
 bat. Ad dissimulandam caluitij deformitatem, capillum deficientem à ver-
 tice reuocare consueuerat: hinc ex omnibus honorib. sibi à Senatu popu-
 loq; Ro. concessis, non aliud aut libentius aut frequētius vsurpauit, quàm C
 ius laureæ perpetuò gestandæ. Veste quoq; laxiore & cinctura fluxiore e-
 tiam à puero vti solitum tradunt. Quod & à Sulla in eo olim notatū, dum
 pro ipso instantibus aliquando respondit, Cauerent sibi à malè præcincto.
 Cicero etiam post cladem Pharsalicam, Non putabam inquit, vnquā fore,
 vt Pompeius à tam malè cincto vinceretur. Reliquo autem cultu notabi-
 lis, lato clauo ad manus fimbriato vti consueuerat, vesteq; sublimiori & ru-
 bra more priscorum Regum Albanorum, ad quos propter Iulum se perti-
 nere iactabat. Annulo autem Venerem armatam insculptam gestabat.
 In victu minimè fastidiosus, alium sibi q̃ cuius cōuiuarum panem aut re-
 liqua cibaria apponi nolebat: appositoq; fortè in conuiuio ad quod voca- D
 tus fuerat oleo condito pro viridi, aspernantib. ceteris solus etiam largiùs ex
 eo comedit. In potu vini parcissimus fuisse perhibetur. Hinc illud M. Ca-
 tonis, vnum ex omnib. Cæsarem sobrium ad euertēdam Remp. accessisse.
 Inter vina autem Mamertinum, quod prope Messanam in Sicilia nascere-
 tur, præcipuè commendauit: atque hoc epulis publicis plerunq; præbuit.
 In prouinciis autem assiduè duobus tricliniis cōuiuabatur: vno quo sagati
 palliatiq;, altero quo togati cum illustriorib. prouincialium discumberēt.
 Et hæc quidem ad corpus pertinent. Animi verò vigore & ingenij acri-
 monia præstantissimū fuisse certum est, quū simul & scribere & legere, au
 dire

A dire & dictare solitus sit: epistolasque de rebus etiam maximis quaternas, nonnunquam & septenas simul dictasse tradatur, incredibili memoria & sensuum praesentia. Eloquentia & arte dicendi ita excelluit, ut post Dolabellae accusationem praecipuis patronis adnumeratus sit: & Cicero ipse oratores enumerans dicat, se non videre cui Caesar debeat cedere. Scripsit inter cetera belli Gallici civilisque; contra Pompeium commentarios, duos etiam de Analogia libros, & totidem quos Anticatores inscripsit, contra librum quem Cicero in laudem Catonis Uticensis defuncti, cui titulum Cato fecerat, conscripserat. In reliquis animi dotibus sublimitate omnium capace
B debet conficiendi celeritas: ut quemadmodum mens, sic & manus ad impossibilia ferè semper ei suffecerint: ita tamen ut voluntas intra potestatem consisteret. Hinc nemo modestius, prudentius aut clementius victoria unquam usus est, quam ipse tot ac tantis: adeo ut propria sibi quodammodo ac peculiari clementiae laude omnes longo intervallo vicerit. Quam Cicero tanti fecit, ut eam omnibus ipsius rebus gestis, quae tamen omnium aliorum ducum atque Imperatorum, exterarumque gentium & Regum facta facile superarent, non dubitet antepone: imò ne conferenda quidem illa cum hac putet. Fuit enim Caesar animo alioqui perquam facili & leni non in amicos solum, sed & inimicos supra quam credi posset: adeo ut offensas
C etiam maximas facillimè remitteret, vindictaque; minimè cupidus ultionem facile negligeret: nullasque simultates tam graues unquam susceperit quas occasione oblata non lubens deponeret. Hinc inter cetera Valerium Catullum poetam, qui famosissimis versibus famam ipsius prosciderat, ita ut eius carminibus perpetua sibi stigmata quodammodo iniusta haud ignoraret, purgantem se eodem die coenae adhibuit, nec hospitio patris ipsius consueti uti desijt. Imò & post bella civilia, quum penes ipsum esset omnium rerum arbitrium, si quae in se grauius aut dicerentur aut cogitarentur, inhibere maluit, quam vindicare: detectasque coniurationes & conuentus contra se nocturnos, satis habuit edicto ostendere sibi notos, acerbiusque loquentibus pro concione ne perseverarent, denunciare. Quod attinet
D ad rem disciplinamque militarem, armorum atque equitandi vel à prima adolescentia peritissimus, laboribusque assuetus, quosuis etiam patientissimè pertulit: saepius pedibus quam equo aciem antedens, longissimas vias incredibili celeritate confecit, aliquando rheda meritoria expeditus centum in singulos dies milia. Si iter facienti flumina obstarent, ipse vel nando vel utribus inflatis innixus eadem traiciens, saepe etiam nuncios aduentus sui praue nit. In expeditionibus non minus cautus quam audax, nunquam exercitum per itinera insidiosa duxit, nisi prius locum speculatus. In praeliis ca
pessendis nullam temerè occasionem praetermittebat, ut etiam ex itinere

sæpe nonnunq̃ etiam maximis procellosissimisq̃; tempestatibus pugnam A
 committere non dubitaret, quum hostis minimè exspectaret. Extremo ta-
 men tempore maximè bello Africano, cunctantior in dimicando fuit. Vix
 vnquã hostem prælio vicit, quin & castris eum exueret: neq; enim profligatis
 vllum se colligendi spaciũ dabat. Ancipiti prælio ferè equos dimitte-
 bat. Ipse potissimùm ex equo descendens, pedes rem gerebat. Equum habe-
 bat sibi peculiarem, fissis in modum digitorũ vngulis pedes humanos refe-
 rentem. Hunc apud se natum pronunciantib. aruspibus imperium orbis
 terræ domino protendere, summa cura ali iussit: quumq̃ se sessorum non
 admitteret, ipse primus in eum ascendit: postea simulachrũ ipsius pro æde
 Veneris Genetricis dedicauit. Aciem inclinatam non semel solus restituit, B
 fugientibus se opponens, singulosq̃; manu iniecta retrahens, & contortis
 aliquando faucibus in hostem obuertens. Militem non tam moribus aut
 facultatibus, quàm à viribus probabat: in eundem nunc seuerior nunc in-
 dulgentior: disciplinæ tunc grauissimus exactor, quum hostis in proximo
 esset: ita vt nec prælij nec itineris tempore denunciato, in omnem euentũ
 singulis horis & momentis paratum & intentum esse iuberet: & quò eum
 cõtinuis laboribus exercitatioem redderet, sæpe sine caussa etiam festis &
 pluuiis diebus, repentè iter ingredi iubebat, nunc subtrahens nunc augens
 iter, tam nocte quàm interdiu, quò seriùs subsequentes defatigaret, admo-
 nens subinde se obseruandum à militibus. Famam verò hostilium copia- C
 rum, non vt alij ferè duces minuere solebat, sed sæpius etiam amplificando
 confirmabat. In coercendis delictis remissior ad pleraq; conuiebat: in se-
 ditiosos tamen & desertores seueriùs semper animaduertit. Post victoriam
 autem aut laboriosa prælia, militibus omnem lasciuiendi licentiã permit-
 tere solebat, iactans suos etiam vnguentatos fortiter pugnare: habebatq̃;
 tam cultos, vt armis auro argentoq̃; conspicuis eos ornaret, quum ad spe-
 ciem, tum vt vel metu damni pro victoria maiore studio & sollicitudine
 contenderent. Pro concione non milites, sed cõmilitiones semper appella-
 bat. In summa vsque adeò eos diligebat, vt audita clade Tituriana, barbam
 capillumq̃; summisserit, nec antea sibi demi iusserit q̃ vindicasset. Hinc vi- D
 cissim & ab illis ita diligebatur, sibiq̃; deuotos habebat, vt bellum ciuile
 suscepturo Centuriones cuiusq̃; legionis singulos equites è viatico suo of-
 ferrent, & vniuersi milites gratuitam, & sine frumẽto stipendioq̃; operam,
 locupletiorib. tutelam tenuiorum in se recipientibus: nec quisquam tanto
 tempore ab ipso desciuit. Pleriq; capti etiam vitam sub conditione si aduer-
 sus ipsum militare vellent concessam recusarunt. Famem, frigus, ceteraq̃;
 bellorum & profectionum incommoda & tædia animis æquissimis & ad-
 mirabili constãtia pro ipso semper & vbique sustinuere. Seditione quoq̃;
 nullam bellis Gallicis expertus est, ciuilibus paucas: sed ita vt celeriter ad
 offi

- A officium redirent, neq; id tam ducis indulgentia q̃ auctoritate: neq; enim tumultuantibus vnquã cessit, sed semper restitit. His militibus, hac disciplina vsus, quinquagies signis collatis dimicauit, ferè semper felici euentu: & præter eos, qui bellis ciuilibus occubuere, quos annotari noluit, vndecies centum nonaginta duo hostium milia cecidisse memoratur. Addunt quidam mille vrbes vi captas, regiones trecentas subactas, ita vt meritò Cicero de eo prædicasse videatur: Omnes etiam clarissimorum Regum res gestas, nec contentionum magnitudine, nec numero præliorum, nec varietate regionum, nec celeritate conficiendi, nec dissimilitudine bellorũ cum ipsius rebus posse conferri, nec quenquã citiùs passibus disiunctissimas terras
- B peruagaturũ fuisse, q̃ ipsius non cursibus sed victoriis illustratæ fuerint.

Ceterũ huic tanto viro, & sua fuere vicia: nam in prima adolescentia propter Nicomedis Regis contubernium pudicitia prostratæ opinionem & dedecus incurrit. Quæ res ipsi & à pluribus & per omnem ætatem sæpiùs exprobrata est. Certum est & complures etiam illustres matronas tam in vrbe quàm in prouinciis corrupisse: nec à Reginarum quarundam amoribus abstinuisse: profusissimisq; largitionibus illarum amorem vel conciliasse vel retinuisse. Romæ autem has potissimũ adamasse traditur, Posthumiæ Ser. Sulpitij, Lolliæ A. Gabinij, Tertullæ M. Crassi, & Mutiæ Cn. Pompeij, sed præ omnibus Seruiliæ Catonis sororem, ex qua & M. Brutum principem coniurationis suscepisse creditur, cui margaritam hs sexagies mercatus fuerat, & bello ciuili præter alias donationes amplissima prædia ex auctionib. hastæ minimò addixerat. Ex Reginis Eunoë Maura Bogudis vxorem dilexit, cuius maritum plurimis immensisq; donationibus prosequutus fuerat. Sed Cleopatram magis, cuius consuetudine diu familiariter vsus filium ex ea sustulit, sibi perq̃ similem, quem de suo nomine Cæsariõẽ dici passus est. Quæ eius in Venerem propensio quum neminem lateret, vt qui vel quinquagenarius etiam pluriũ consuetudine vteretur, ferunt inter cetera ei permissum, vt cum quibuscunq; vellet feminis rem haberet. Diuitias quoq; & pecunias æquè impotenter appetiisse traditur, vsq; adeò vt in Gallia, & alibi ne à fanis quidem sacrisq; donarijs abstinuerit: & oppida quædam non tam ob delictum, q̃ propter prædam diruerit. Hinc & primo suo Consulatu è Capitolio tria milia pondo auri abstulisse, tantundem inaurati æris reposuisse traditur. Alij prodidẽre, ærario expilato laterum aureorum. xxv. milia, & in numerato pondo ccc. abstulisse: societates etiam & regna pretio vendidisse, ablati vni Ptolomæo suo & Pompeij nomine sex talentorum milibus: postea verò manifestissimis rapinis & sacrilegijs bellorum ciuiliũ onera, & triumphorũ ac munerum impendia sustinuisse. Gemmas, toreumata, signa, & tabulas operis antiqui animosissimè comparauit: seruitia etiam recentiora

politioraq; immenso precio coëmit: adeò vt ipsum puderet, & summas ijs A
 rebus impensas rationibus inferri vetaret. Lautitiarum munditiarumq;
 alioqui studiosissimus, in expeditionibus tessellata & sectilia pauimenta
 circumtulit. Villam in Nemorenfi à fundamentis inchoatam, magnoque
 sumptu absolutam, quia non per omnia animo ipsius satisfaciebat, quan-
 quàm tenuis adhuc tum temporis & obæratu totam diruit. Habitauit
 primùm in Suburra modicis ædibus, Pontificatum verò Maximum iam
 adeptus, in via sacra domo publica. Vxores habuit quattuor, quarum
 prima Cossutia locuples admodum prætextato etiamnum desponsata, po-
 steà ab eodem .xvii. annos nato dimissa est. Altera Cornelia Cinnæ qua-
 ter Consulis filia, ex hac Iuliam filiam suscepit, Pompeio postea desponsa- B
 tam: hanc quum in vita plurimùm amasset, mortuam pro rostris laudauit.
 Tertiam Pompeiam Q. Pompeij filiam, L. Sullæ neptem, quam propter
 adulterium cum P. Clodio in templo Bonæ Deæ repudiauit. Postrema fuit
 Calpurnia L. Pisonis filia ipsi superstes. Quidam suspicati sunt, ipsum
 pertæsum vitæ, quòd valetudine minùs prospera iam vteretur, diutiùs vi-
 uere noluisse, ideoque & religiones & vaticinia de exitu ipsius, imò & ea
 quæ amici de coniuratione renunciarant, neglexisse: nec periculum
 quod sibi instare intelligebat, euitare voluisse. Hoc certè constat
 dicere solitum, non tam sua quàm Reipublicæ interesse, vt
 quàm longissimè viueret: se enim satis diu vel naturæ vel
 gloriæ vixisse, sed Rempublicam, si quid sibi eueni-
 ret, neq; quietam fore, & aliquantò deteriore con-
 ditione bella ciuilia subituram. Hoc etiam a-
 pud omnes indubitatum est, ipsum mor-
 tem repentinam & subitam, qualis
 ipsi contigit, non semel exo-
 ptasse, lentam & præmedi-
 tatam aspernatum
 & exhor-
 ruisse.

165

A COMPENDIOSA EORVM QVÆ POST CAEDEM C. IVLII CAESARIS VSQVE AD TRIVMVRATVM GESTA SVNT, NARRATIO.



Ostquàm Cæsaris interfecti manibus Senatus Populusq; Romanus parentasset, è percussoribus D. Brutus in Galliam Cisalpinam, Trebonius in Asiam, Tullius Cimber in Bythiniam, prouincias sibi iam antè à Cæsare decretas, profecti sunt. Cassius verò & Brutus id temporis Prætores, quos Cæsar in annum sequentem Syriæ & Macedoniæ præfecerat, Senatui præ ceteris grati, ut ea quæ sui muneris essent procurarent, ad urbem remanere: militesq; quibus Cæsar agros assignauerat, metu nouorum tumultuum in colonias diuisere: concessio ipsis extra ordinem inter cetera, ut portiones suas quibus vellent statim vendere liceret: quod lex hætenus post vigesimum demùm annum fieri permittebat. Per id tempus Amatijs quidam qui se Marij filium videri & credi volebat, excitata ara eo loco quo Cæsar crematus fuerat, plebem aduersus percussores concitabat. Hunc Antonius comprehensum indicta causa occidi iussit. Dolabella autem Consul aram Cæsari dicatam cum columna, cui iussu Antonij inscriptum fuerat, PARENTI PATRIAE OPTIME MERITO, euerti, locumq; complanari & sterni iussit. Quæ res quanquam Senatui Brutoque & Cassio non ingrata, plebis tamen & militum qui se Amatio iunxerant, animos aduersus Antonium inflammavit. Quumque ea res ad maiores motus spectaret, superuentu militum Antonianorum, plerisque è seditiosisissimis comprehensis & occisis (è quibus serui quidem suspensi, ingenui verò de saxo præcipitati sunt,) tandem is tumultus sedatus est: ita tamen ut hinc plebis in Antonium beneuolentia in odium conuerteretur. Antonius autem de reuocando ex Hispania Sex. Pompeio Magni filio, & sestertiùm quingentes ipsi ex publico pro bonis paternis in ararium delatis persoluendo, classisq; atque oræ maritimæ imperio ipsi uti patri prius decemendo, ad Senatum rettulit. Quæ res Patribus imprimis grata effecit, ut permittente Senatu contra plebis sibi offensæ metum, è veteranis lectissimos quosq; & rei bellicæ peritissimos corporis custodes ad sex milia sibi constitueret. Qui numerus quum Senatui suspectus esset, monereturq; Antonius ut in certum modum eum contraheret, respondit se id facturum, quamprimum plebs ad pristinam quietem rediisset. His itaq; Antonius munitus præsidij, ex commentarijs actorum Cæsaris quæ penes ipsum erant, nihil non pro suo arbitrio gerebat: deletisq; quibusdam alia in eosdem referebat & supponebat: ita ut alia alijs pro luto suo tanquam ex præscripto & mandato Cæsaris vel adimeret vel tribueret: inter hæc Regibus & Dynastis prouincias & regna, ciuitatibus & populis libertatem, immunitatem, ius ciuitatis, & alia eiusmodi, etiam contra Senatusconsultum, quo cautum fuerat, ne qua tabula vllius decreti vel beneficij Cæsaris post Idus Martias figeretur. Atq; hæc etiam in columnas æneas incidi, & publicè proponi curauit. Inter cetera M. Lepidum, quò & illum sibi deuinciret, Pontificem Maximum in locum Cæsaris constituit, translata à populo ad collegiũ Pontificum eius sacerdotij electione: eidemq; filiam suam nuptui dedit. Quæ omnia hæud satis æquo animo ferentes Brutus & Cassius, quum non nisi ipso oppresso Rempublicam saluam fore persuasum haberent, D. Brutum, Trebonium, & Tullium Cymbrum clam per litteras de pecunia & exercitu sibi prospicere monent: simulq; & ipsi quamprimum in prouincias sibi decretas proficisci constituunt, bello necessaria comparaturi. Ceterum ne nondum finito Præturæ anno prouinciam ante tempus ambi-

tiosius inuadere, aut metu Antonij fugientium specie vrbe excedere viderentur, annonæ A
conuehendoq; in urbem frumento à Senatu præfecti, urbem egressi sunt. A quorū discessu
Antonius Syriam quidem & bellum Parthicum cum legionibus ad id bellum à Cæsare
comparatis & iam in Macedoniam præmissis, rogatione ad populum lata, Dolabellæ col-
legæ à populo suffragijs tributis decerni impetrauit: Macedoniam verò ipse à Senatu ob-
tinuit, nulla habita aut Bruti aut Cassij, quibus eæ prouinciæ à Cæsare prius decretæ fue-
rant, ratione: ita tamen vt Senatus vicissim loco illarū ab Antonio M. quidem Bruto Cre-
tam, Cassio Libyam siue Cyrenem peteret: quanquàm alij Cassio Cretam & Cyrenem,
Bruto verò Bithyniam decretam tradidēre. atque hæc quidem tum in vrbe agebantur.

Octavius interea annos natus plus minus duodeuiginti, qui à Cæsare ad bellum Parthi-
cum præmissus, Apolloniæ, quæ ad mare Ionium est, dum bello necessaria cōparantur, inte-
rim litteris operam dabat, simul in re militari erudiebatur, sexto postquam eò appulerat
mense, de cæde Cæsaris intelligit: cōmuni ne totius Senatus auctoritate & populi con- B
sensu, an verò paucorum aduersariorumq; inuidia & audacia incertum. Postea intellecto
priuatorum id fuisse facinus, quanquam quamplurimis Tribunorum, qui ad ipsum ex Ma-
cedonia confluxerant, ad cædis ultionem hortantibus, L. tamen Philippo vitrico, & Attia
matre per litteras ex vrbe contrā suadentibus, dilato vindictæ proposito, maximè quòd
ignarus esset tam testamēti, quàm eorum quæ cædem subsequuta fuerant, in Italiam traie-
cit. Quumq; de legionum quæ Brundisij erant voluntate incertus, Brundisium petere
dubitaret, Lupiam oppidum maritimum haud longè Brundisio distans appulit: ibique
postquam se testamento à Cæsare adoptatum, pariterq; hæredem scriptum, quamque ea
cædes populo parū grata, tum cetera pleraq; quæ post cædem accidere intellexit, animum
statim ad cædis ultionem adiecit: ita tamen vt interim dissimularet, dum militum & ami-
corum studia periclitaretur. Factusq; mox certior de militum Brundusianorum in se ani- C
mo, Brundisium properè profectus ab vniuerso exercitu obuiam progresso tanquam Cæ-
saris filius exceptus est: Cæsarq; ex eo tempore appellari cœptus. Quumq; hîc maximus
omnis generis & conditionis hominum concursus ad ipsum vti Cæsaris filium fieret, o-
mnibus operam suam & studium, eamque pecuniam & reliquum belli apparatus, qui ad
bellum Parthicum comparatus in Macedoniam Brundisio transmittēbatur pollicētibus;
hinc factus cōfirmatior, magno cum comitatu, quòd noui quotidie hinc inde potissimū
veterani è colonijs affluerent, ad urbem proficiscitur. Quumq; Terracinam peruenisset
ad quinquagesimum ab vrbe lapidem, tam de Syria & Macedonia Bruto & Cassio adem-
ptis, & Pompeio ex Hispania adscito, quàm de reliquis quæ haud ita pridem in vrbe gesta
erant, cognoscit. Paucis igitur comitatus habitu priuati quasi solius hæreditatis adeundæ
gratia, urbem ingreditur: vocatosq; ad se sub noctem amicos rogauit, vt in diem sequen-
tem frequētes sibi præstò esse vellent. Cum quibus postridie in forum progressus, C. An- D
tonium Marci fratrem (qui tum pro Bruto absente Præturam vrbānam administrabat)
ex more adiens, adoptionem se Cæsaris accipere professus est: hinc ad Antonium pro-
gressus, oratione vsus modesta, patremq; Antonium subinde appellans, ex hæreditate pa-
ternā, quæ vniuersa penes Antonium erat, tantum pecuniæ sibi reddi petijt, quantum ad
præstanda populo legata sufficere existimaret, reliqua preciosiora se æquo animo ipsi reli-
cturum. Qua Cæsaris libertate offensus Antonius quum durius respondisset, pecuniamq;
petitam restituere recusaret, vt ex qua nihil penes se reliquum esset, simulq; ab adeunda
tam graui hæreditate Cæsarem deterreret, adoptionem Octauij omnimodo impugnare
studuit, dum per Tribunos plebis promulgationē legis Curiatæ (secundum quam ipsum
in familiam Cæsaris adoptari oportebat) impediri, & in aliud tempus extrahi curauit.
Quibus contumelijs accensus Octavius implorato populi contra Antonij iniurias auxi-
lio

Alio quum non esset vnde legata populo perfolueret, bona Cæsaris venum proposuit: iussitq; præcones omnia quamminimò addicere. Quumque ne hæc quidem perfoluendis omnibus legatis suffectura viderentur, vniuersum etiam patrimonium, materna quoque bona & Philippi vitrici, imò & hæreditarias Pedij Pinarijque portiones vendi iussit: & omnem pecuniam quæ ex rebus diuenditis cõficiebatur, tributim vt quisque primus petebat in perfolutionem legatorum erogabat: iniecta interim etiam aliarum maiorum donationum spe, non minore cum liberalitatis laude quàm Antonij inuidia. Brutus interim & Cassius postquàm viderunt se spe demerendæ plebis per spectacula & ludos, quos Brutus absens per C. Antonium sumptuosissimos ediderat, frustratos, constituerant in Syriam & Macedoniam prouincias sibi decretas quamprimùm proficisci. Sed Dolabella hac de re certior factus, prior in Syriam proficiscitur, qui dum per Asiam, quam Trebonius tum obtinebat, in Macedoniã properat, capta per noctem Smyrna, Trebonius à Dolabellianis

B in cubiculo deprehensus obruncatus est: caputque eius postridie iussu Dolabellæ spectaculo omnibus in sella prætoria in qua ius dicere solebat propositum ludibrioque; habitum, corpus verò reliquum nullis non contumelijs affectum est. Hic primus percussorum Cæsaris parricidij pœnas luit. Antonius autem vsus oportunitate famæ, qua nuntiabatur Getas Macedoniam incursionibus vastare, legiones Macedonicas sex cum reliquo equitatu & sagittariorum multitudine à Senatu aduersus Getas prouinciam suam infestantes sibi concedi petijt: depactusque, cum Dolabellæ amicis, vnam se ipsi legionem traditurum pollicitus est. Quò autem Patribus atque Senatui omnem de se suspicionem affectatæ dominationis exinieret, de Dictatura, quæ vim regis potestatis obtinebat, funditus è Republica tollenda rettulit: ita vt si quis eum magistratum etiam oblatum recepisset, à quo uis impunè occidi posset, præmio insuper percussori constituto. Ita in hanc sententiam summo omnium cõsensu factum Senatusconsultum, quod Antonius ipse à se descriptum

C domo attulerat: ipsoque Antonio verbis amplissimis collaudato actæ à Senatu gratiæ, tanquam Republica per ipsum non solum regno, sed etiam regni timore liberata: traditisque legionibus eodem Senatusconsulto Macedonici exercitus Imperator appellatus, tanquã cui iam tutò propter Dictaturam abolitatem credi posset, C. fratrem cū Senatusconsulto statim in Macedoniam præmittit. Sexto quoque Pompeio, qui maximas in Hispania copias contraxerat, eodem tempore ex Antonij sententia impunitatem à Cæsare concessam Senatus confirmauit: decretumque vt quæ ex bonis paternis pecuniæ in ærarium delatæ erant, restituerentur: nam prædia & fundos Antonius vili precio redemptos occupabat. Quibus cõditionibus postea à Lepido, qui Hispaniæ citeriori præerat, ad Sextum perlatis, Sextus iisdem acceptis dimissoque exercitu Hispania excessit. Haud multò post quum exploratores in Macedoniam præmissi, intellecturi an ea quæ de Getis fama spargebantur vera essent, negarent quidem Getas intra Macedoniam conspectos, verùm

D si exercitus inde deducatur, metuendum ne in prouinciam irrumpant, Antonius quum non videret qua potissimùm occasione exercitum è Macedonia in Italiam transportaret, apud Senatum egit, vt permutatis prouincijs pro Macedonia Gallia Cisalpina, quam D. Brutus tum obtinebat, ipsi decerneretur. Sed Senatus intellecto infidioso Antonij consilio, maximè quòd legiones Macedonicas non in Italiam, sed in Galliam transferre cogitaret, tanquam ibi arcem belli constituturus, tantum abfuit vt Galliam decerneret, vt insuper Macedoniam concessisse pœniteret: quidamque ex eo ordine scriptis ad D. Brutum litteris, vt prouinciam constanter retineret, militibusque, & pecunijs conficiendis diligenter incumberet, admonuere. Quare Antonius quum se à Senatu nihil impetraturum intelligeret, sciretque Cæsare prius eandem prouinciam à populo obtinuisse, vt & Syriam nuper Dolabella, rogationem ad plebem de Gallia tulit: simulque vt Patribus metum iniiceret,

DICTATURA
SVBLATA.

ANTONIUS
IMPERATOR

iiceret, Caium Fratrem cum legionibus Brundisium traicere iubet. Hoc ferè tem- A
pore Cæsar ludos Latinos propter dedicationem templi Veneris Genetricis celebravit:
quumq; sellam Cæsaris auream & coronam gemmis distinctam in theatrum inferre para-
ret, (vti ipsi S. C. inter ceteros honores concessum fuerat) ab Antonio prohibitus est.
Per eos dies & Cometes quotidie inter Septentrionem & occasum effulsit, quem vel ani-
mam Cæsar in cælum recepti & immortalitate donati, vel sidus peculiare Cæsari sacrum
vulgus credidit. Hinc & Cæsar statuam æneam cum huiusmodi stella vertici ipsius immi-
nente in templo Veneris consecrauit. Ceterum quum Antonius non obscuris indicijs
atque argumentis conceptum in Cæsarem odium quotidie magis ac magis proderet, &
Cæsar ipse siue metu Antonij, siue ad augendam inuidiam publico abstinere, animosque
multitudinis & veteranorum sibi quoquo modo conciliaret, deque Antonij in se iniurijs
apud eosdem itentidem exostularet, Antonius intelligens se hoc nomine indignationem
populi incurrere, primum Cæsari interminatus est. Sed quum minx ipsa in vulgus elata B
omnium animos in Antonium magis etiam accenderent, monentibus cum Tribunis co-
hortium prætorianarum, qui olim sub Cæsare militabant, tum alijs quibusdam vt Cæsari
reconciliaretur, cessit Antonius: seque cum Cæsare in gratiam redire velle professus est,
modò & ille fiat modestior: idque eò lubentiùs sibi persuaderi passus est, quòd Cæsar,
qui apud plebem gratia valeret, operam ad Galliam à populo obtinendam magno sibi
vsiui esse posse intelligebat. Deducti igitur hinc inde à Tribunis ad colloquium, post mul-
tas altercationes quum alter alteri nihil de suo cõcederet, odium mutuum & simultatem
non tam deposuere, quàm ad tempus dissimulauere. Facta itaq; recõciliatione, Antonius
suffragante potissimum Cæsare, & Tribunis plebis, quos Antonius corruerat ne interce-
derent, silentibus, Galliam citeriorem inuitis Patribus per plebiscitum à populo impetra-
uit, Bruto pro Gallia Macedoniam accepturo: additumq; plebiscito, vt ni Brutus provin- C
cia decedat, licere Antonio illum bello persequi: & si Getæ nihil noui moliantur, exerci-
tum contra illum in Italiam transportare. Cæsar vicissim quum & ipse mutuam ab Anto-
nio gratiam expectaret, comitijsque tribunitijs in locum Heluij Cinnæ per tumultum à
plebe occisi, cui nondum successum fuerat, Tribunus plebis fieri affectaret, quanquam pa-
ratis in id vniuersæ ferè plebis suffragijs: quoniam tamen id Senatus minùs probabat, An-
tonius iam voti compos, contempta recenti Cæsaris amicitia, vt Senatui propter Galliam
à populo impetratam sibi offenso quoquo modo gratificaretur, contentus præsentis Tri-
bunorum numero, ne Cæsar Tribunus fieret, comitia sustulit, non sine graui tum plebis
tum ipsius Cæsaris indignatione: ita vt statim in colonias ad veteranos, quibus agri à pa-
tre Cæsare assignati fuerant, de Antonij in se iniurijs cõquesturos mitteret: simul & alios
Brundisium ad Antonij exercitum cum muneribus, qui etiam Antonianorum animos
tentarent. Itaque quanquàm in speciem reconciliati, dum tamen vterque sibi ab altero
insidias strui credit, occultas inter se inimicitias exercebat: & licet postea subinde opera D
intercessioneque Tribunorum militum sibi reconciliati, fieri tamen non potuit, quin o-
dium iam altius conceptum mox aliquando erumperet. Et Antonius quidem potentia &
viribus præstabat, ceterum Cæsar tam populi quàm militum studia atque animos sibi ad-
dictiores habebat, cùm propter recentem patris memoriam, tum propter legata populi
partim iam præstata, partim adhuc præstanda, & spem insuper aliorum etiam maiorum in-
iectam. Nec multò post huiusmodi ferè initijs res in apertum bellum erupit. Cæsar enim
postquàm intellexit Antonium Brundisium ad legiones esse profectum, tum etiam ex ijs
quos in Campaniam ad colonias paternas miserat, veteranos indignè ferre eadem Cæ-
sar inultam remanere, veritus ne ab Antonio cum exercitu superueniente opprimeretur,
ipse quoque nihil cunctatus cum quantis poterat maximis pecunijs in Campaniam
ad

A ad veteranos properans, plerasque coloniarum, Calatiam imprimis & Casilinum, ad se pertrahit: repræsentatisque quingentis in singulos sestertijs, siue ut Dion auctor est, duobus milibus nummum, & plura pollicitus, tumultuariam decem milium à colonis euocatorum manum cogit, ac sub vno signo ducit: non tam aduersus Antonium, uti videri volebat, ipsis vsurus, quam ipsorum opera Antonio reconciliandus, & eadem patris ulturus. Et quanquam Romæ intellecto vtriusque exercitus aduentu, ab utroque metus esset, opera tamen & persuasione Canutij Tribuni plebis, qui Antonio inimicus partes Cæsaris fovebat, effectum est, ut Cæsar, qui prior ad urbem venit, à plebe gratis animis exciperetur: indignantibus tamen initio militibus, potissimum veteranis, qui aliquando sub Antonio meruerant, sibi aduersus Antonium Imperatorem quondam suum & nunc etiam Consulem, contra quam putarant, arma capienda: ita ut plurimi poenitentes causationibusque vsi pedem referrent, domumque se reciperent. Cæsar autem quanquam quid ipsi in animo haberet satis intelligeret, dissimulata tamen in præsens indignatione, quum verbis potius & obsequiis quam vi retinendos censeret, laudatos quod se deduxissent, donatosque à se dimisit: addito tamen, quando ipsorum tanquam paternorum amicorum opera, quam aliorum quauis in necessitate uti mallet, si quando opera ipsorum in posterum utendum foret, longè vberiorē gratiam & maiora præmia donaturum: ita ex decem milibus mille tantum ut quidam, ut alij tradunt, tria milia permansere. Sed hi qui iam recesserant, partim spe præmiorum illecti, partim quod militiæ lucra agriculturæ laboribus præferrent, haud multo post mutata sententia, simulantes se pro armis tantum petendis, uti prætexuerant, domum regressos, cum armis ad Cæsarem reuersi sunt: qui tum fortè nouorum delectuum causa in Etruriam profectus fuerat, Rauennamque & propinqua loca cum alia pecunia obibat, milites & copias, quas tum cogebat, Aretium conuenire iubens. Antonius autem inuentis Brundisij è quinque Macedonicis legionibus quattuor, postquam apud milites verba fecisset, exercitumque se in Galliam prouinciam sibi decretam ducturum pronunciaisset, centum viritum, ut quidam tradidere, siue ut alij. CCC, singulis sestertios pollicitus est. Quæ Antonij in promittendo parcitas à militibus ampliora longè ab Antonio, utpote locupletiore, quam à Cæsare expectantibus. primò risu excepta est: postea molestè id ferente Antonio grauis etiam sequutus est tumultus & seditio: factaque ex militari instituto decimatione, Antonius in partem eorum, forsitan trecentos (in quibus & Centuriones aliquot fuere) etiam præsentē uxore & familiaribus capitaliter animaduertit: Tribunosque ferè omnes siue ob seditionem, siue suspicans eos à Cæsare sollicitatos, mutauit: nihilque priori donatiuo addens, alios post alios per oram maritimam Ariminum præmisit: constitutaque prius ex præstantissimis quibusque robustissimisque cohorte prætoria, qua ad corporis custodiam vteretur, antequam legiones Ariminum subsequeretur, satellitio suo stipatus Romam profectus est: eandemque cohortem postea in quattuor vigiliis distribuit, dataque castrensi more tessera, quandiu Romæ fuit per noctem etiā excubias in armis ante ædes suas agere iussit. Irritatis igitur exasperatisque ex iis quæ iam dicta sunt militum animis, instigantibus maximè Cæsarianis, qui Antonianis immixti Antonij tum seuitiam tum auaritiam exaggerare non cessabant, postea orto in itinere dum in Galliam proficiscuntur tumultu, haud procul ab urbe præter alios non paucos ex Antonianis, primum Martia legio tota conuersis signis ab Antonio ad Cæsarem transit: quam mox & Quarta legio sequuta est. Quos Cæsar uti & priores donatiuo prosequutus, hac sua liberalitate plures etiā postea in suas partes pertraxit: interim & elephantis Antonij ex itinere interceptis. Quibus ad Antonium perlatis, quum præcipuam defectionis causam fuisse donatiui exilitatem sibi persuaderet, quod reliquas legiones in officio contineret, quingenos viritum sestertios ad ipsas misit: deducenibusque cum vniuerso ferè Senatu & maxima equitum parte etiam

COHORS
PRÆTORIA ANTONIANA.

præstantissimis quibusq; è plebe (qui omnes sacramento ipsius ultro adacti polliciti fuerant se in fide permansturos) cum iis quas secum habebat copiis Tybur profectus est, Tybure vero Ariminum ad legiones, inde in Galliam Cisalpinam exercitum contra D. Brutum ducturus, quod provincia ipsi cedere nollet. Cæsar autem intellecto Antonij discessu, Senatui quod copiarum suarum robur esset significat: quo nuntio lætus Senatus quāquam legiones ad se quā ad Cæsarem transisse mallet, collaudata tamen cū Cæsaris tum militum voluntate, Senatusconsultum de rebus gerendis pollicetur, vbi primū Consules designati magistratum iniissent. Quumq; exercitus Cæsari imperium Proprætoris cum securibus & lictoribus ultro obtulisset, non solum imperium & honorem recusauit, sed & legatos ea de re ad Senatum mitti noluit: sperans scilicet ea mox minore cum inuidia à Senatu ipso, quā in præsens à militibus accepturum. Ceterum laudatis militum studiis, duabus legionibus quæ nuperrimè ad se transferant, alteros quingenos sestertios viritim donauit, quinquies millenos pollicitus victoribus, si certamine opus foret: statimq; Antonium cum suis copiis subsequutus est. Et quāquam Brutum vtpote vnum è percussoribus patris meritò odisset, quum tamen Antonium prius armis opprimendum, quā sibi de ultione cogitandum putaret, nec sibi roboris satis adesse intelligeret, quò distractis viribus vtrumque simul persequeretur, reiecto in aliud & commodius tempus vindictæ proposito, ad Brutum mittit, qui ipsi studium & operam suam bellique societatem offerrent, modò is Antonium non recepisset. Antonius contra missis quibusdam è suis, Brutum populo parere, provinciaque decedere, atque in Macedoniam transire iubet: additque ni intra diem præfinitum decedat, pro hoste iudicandum. Sed Brutus caussatus se litteras in aliam sententiam habere à Senatu, cuius apud se potior auctoritas quā populi esset, diem intra quē provincia decederet, proferri postulauit: quumq; videret Antonium interim vrbes plerasq; præfidiis suis occupare, veritus ne tandem omnibus excluderetur, simulans se à Senatu adscitum ad urbem cum exercitu properare, Mutinam ex itinere occupat, constituens ibi obsidionem & extrema quæque expectare, cōmeatu & reliquis quæ vel diutinae obsidioni sufficerent abundè instructus. Quod vbi primū Antonius intellexit, Mutinam statim obsidione cinxit. Romæ autem suffragantibus potissimū Tribunis plebis, tam Mutinensibus qui excluso Antonio Brutum admisissent, quā militibus qui ad Cæsarem transferant honores & præmia decreta sunt: exeunteque iam Consulatus Antonij anno, Senatus auctore Cicerone (qui Antonio infensissimus Cæsaris tum partes fouebat) quò in posterum tutius in rem præsentem consuleret, curiam armatorum præsidio munire constituit, vt Senatus non nisi militibus septus haberetur. Kalendisq; Ianuarijs C. Vibius Pansa, A. Hirtius Coss. designati, inito Consulatu sacris operati, Senatum in templum conuocarunt: habitòq; per triduum Senatu, de Antonio ex Ciceronis sententia hoste iudicandò, potissimū actum & deliberatum est: quòd scilicet inuito Senatu Galliam armis occupasset, exercitumq; aduersus Getas ipsi traditum, in Italiam contra Senatum traduxisset: quodq; non sine euidentibus affectatæ dominationis argumētis, armatorum satellitio vteretur, eodemq; per noctem accepta tessera pro ædibus suis excubias agere iuberet. Ob quæ Cicero præ ceteris acri vehementiq; oratione in Antonium eiusq; actiones inuectus, hostem iudicandum censuit. Sed intercedente primū Saluio Tribuno plebis, postea etiam oratione L. Pisonis & Q. Fufij Caleni, qui prolixè contra Ciceronem pro Antonio verba fecere, effectum quidem est ne Antonius hostis iudicaretur: ceterum quum factio eorum qui Bruti & Cæsaris causam agebant, præualeret, s. c. factum est, quo D. Brutus laudatus est, quòd Antonio non cessisset: æquatumq; Hirtio & Pansæ cum Cæsare in legiones & reliquas copias imperium. Ipsi autem Cæsari, quòd priuato consilio arma contra Antonium sumpsisset, statua equestris aurea decreta est, concessumq; vt Senator esset, & sententiam loco Prætorio

BELLVM MV
TINENSE.

C. PANSÆ,
A. HIRTIVS
COSS.

STATVA
CAESARI
DECRETA.

A torio diceret : & ne imperij dignitas minueretur, additū decreto, ne quis ipsum deinceps Puerum nominaret: solutusque lege annali, non solum reliquos magistratus, sed & Consulatum decennio ante legitimam ætatem petere posset : utque legionibus quæ ad ipsum transierant, donatium quod post victoriam Cæsar de suo pollicitus fuerat, id ex ærario publico perfolueretur: ijs autem qui vel ab Antonio descuerant, vel à Cæsare nuper conscripti fuerant, uti confecto bello vacatio militiæ daretur, agriq; diuiderentur. Parte alia legati ad Antonium missi sunt, L. Piso, L. Philippus, & Ser. Sulpicius, qui non tam ex Senatus, quàm Ciceronis sententia ipsum Mutinæ obsidionem relinquere, atque intra diem præstitutum Gallia excedere, dimissoque exercitu in Macedoniam provinciam sibi antea decretam proficisci iuberent: militibusque ipsis edicerent, ni intra diem certum domum quisque suam discederent, hostium loco habendos. Interim & quibus provinciæ ab Antonio datæ erant, ijs ademptæ sunt : & Dolabella propter Trebonium interfectum, & post mortem ludibrio expositum, hostis à Senatu iudicatus est. Ceterum necdum expectato dum legati responsum ab Antonio reportarent, importunis Ciceronis contentionibus effectum est, ut Senatus censeret iustitium in vrbe indici, tumultum decerni, mutatisq; vestibus pro togis saga sumi debere : bellumque contra Antonium Consulibus & Cæsari cum potestate Prætorum mandandum: utque M. Lepidus qui in Hispania erat, & L. Munatius Plancus qui in Gallia Transalpina, ijs se iungerent. Antonius autem quanquam superiora Senatus mandata iniquè admodum & molestè ferret, quum non ignoraret nō tam à Senatu quàm à Cicerone profecta, postquam & de Senatu & de Cicerone ipso multa grauitè cum legatis exposulasset, protestatus se obliuionem siue amnestiam decretam, quando ea contenti esse nollent, irritam esse facturum, ut causam belli à se in Senatum reiceret, & ne Senatus auctoritatem contemnere videretur, missis vicissim legatis, nunciavit iis se conditionibus paratum quæ Senatus mandaret exequi, quas certò sibi persuadebat, Senatum non esse accepturum. Quæ ubi ad Senatum perlata, statim hostis iudicatus est: simul & exercitus ipsius, ni intra diem constitutum Antonium relinqueret. sagaq; statim in vrbe ab iis qui domi remanserant sumpta sunt : custodiaque vrbis Coss. mandata: factum s. c. cui non nisi difficillimo Reipub. tempore locus esse solet : Darent operam Consules, ne quid detrimenti Respub. caperet. eodemque Senatusconsulto Macedonia M. Bruto reddita est, donec constitueretur Respub. : Cassio autem Syria, & bellum contra Dolabellam decretum: additumque ut quicquid provinciarum exercituumq; ab Ionio mari orientem vsque esset, Cassij Brutique subesset imperio. Quanquam hæc s. c. non omnibus æquè accepta fuere, maximè iis qui rebus Antonij impensius fauebant: è quibus quidam etiam Tribuni plebis & Prætores ad Antonium transiere : alij statim vestem nō mutare. Inter quos cum Fufius Calenus tum alij quidam censuerunt legatos iterum ad Antonium mittendos, & in his Ciceronem. Sed quum Cicero metu Antonij eam provinciam suscipere detrectaret, alij quoq; proficisci recusarunt. Factis itaque superiorib. decretis,

D è Consulibus Pansa habitis per Italiani delectibus auxilia & copias parabat. Hirtius verò ad Cæsarem (qui hætenus sub armis Foro Cornelij hiemauerat, ita tamen ut ante bellum decretum à rebus gerendis abstineret) profectus est: partitisq; cum Cæsare copijs, & duabus legionibus, quæ nuper ab Antonio ad ipsum transierant (ut clam ipsi à Senatu mandatum fuerat) à Cæsare haud inuito acceptis, in sua quisq; hiberna concessere. In vrbe autem absente utroq; Consule Cicero omnia pro suo arbitratu administrabat, quotidianisq; apud populum concionibus agens, arma, pecunias, & reliqua bello necessaria haud segniter comparabat, Antonianosq; potissimum grauissimis exactionibus vexabat: donec superuentu P. Ventidij Antonio amicissimi cum duabus veteranis legionibus, quas è proximis Cæsaris colonijs deduxerat, ut Ciceronem comprehenderet, vrbe profugere coactus

ANTONIUS
HOSTIS IV
DICATVS.

est. Quumq; multum inclinata iam hieme, Hirtius & Cæsar intellexissent Brutum ar-
 cta ab Antonio obsidione & comineatuum inopia premi, veriti ne aut vi expugnaretur,
 aut fame stimulante deditionem faceret, Bruto se quamprimum cum auxilio adfuturos
 nuntiant: coniunctisq; copiis ad Brutum liberandum profecti, Bononiam præsidio desti-
 tutam ex itinere recipiunt: atque inde Mutinam procedere pergunt. Quorum aduentu
 intellecto, Antonius relicto ad Mutinam L. Antonio fratre, ipse Hirtio & Cæsari obuiam
 progressus est. Ceterum quum illi constitutum haberent tantisper iusto prælio abstinere,
 dum Pansa cum auxiliis & reliquis copiis superuenisset, leuibus tantum equestribus præ-
 liis concursum est. è quibus vno Antonius non sine magna Cæsarianorum clade supe-
 rior euasit, quod Germani equites qui paulò antè cum elephantis intercepti fuerant, dum
 prælium committitur conuersis signis rursus ad Antonium transfirent. Antonius itaque
 superiori victoria inflatus, postquam Pansam cum Carsuleio, quem Hirtius & Cæsar cum
 legione Martia Pansæ obuiam miserant, appropinquare intellexisset, parte copiarum ad
 expugnationem castrorum relicta, cum reliquo exercitu contra Pansam & Carsuleium per
 noctem proficiscitur: insidiisq; loco palustri inter arundineta dispositis, cæsa maiori exer-
 citus Vibiani parte, reliquis verò vel intra vallum, quod Torquatus Hirtij quæstor infeli-
 cem prælij euentum præuidens perfecerat, vel in fugam compulsis, ipse Pansa Consul fer-
 ro illa traiectus, Bononiam ex pugna delatus est. Sed Hirtius accepta suorum strage, re-
 licto ad castra Cæsare, cum legione altera & parte exercitus Antonianis ex itinere & præ-
 lio defatigatis atque inopinatis obuiam factus, non sine magna tamen suorum clade, &
 concisa maiori exercitus Cæsariani parte Antonium intra vicum proximum Forum Gal-
 lorum dictum fugere coëgit. Quam ob victoriâ præter Hirtium & Pansam, ipse etiam
 Cæsar, qui superioribus præliis non interfuerat, tam à Senatu quàm à militibus Imperato-
 res appellati sunt: & Cicerone sententiam dicente decretum, uti qui eo prælio cecidissent,
 publicè sepelirentur liberisq; & parentibus ipsorum præmia quæ ipsi superstites accepturi
 fuerant darentur. Ex hoc quum Antonius imminuto non parum exercitus sui robore, præ-
 lio abstinere constituisset, sperans scilicet Brutum vel sola fame coactum, breui deditionem
 facturum, Hirtius ex aduerso & Cæsar auctis animis quum Antonium prælium detrectare
 intelligerent, castra Antonij prætergressi, copias propius Mutinæ mœnibus tanquam vi-
 rrupituri admovent. Hinc Antonius veritus ne Mutina ab aduersariis occuparetur, pro-
 ductis duabus legionibus reliquas quoque copias immittere parabat: ita conuerso à Mu-
 tina in Antonium Cæsarianorum agmine, diu acre atque anceps prælium commissum est:
 accedentibusque tardius reliquis Antonianorum, Cæsariani tandem superiores euasere.
 Sed Hirtius cum in castra Antonij irrupisset, fortiter circa Prætorium Antonij pugnam
 capeffens cæsus est. Cæsar tamen è vestigio cum suis accurrens corpore Consulis simul &
 Antonij castris potitus est. Sed eodem ferè momèto ab Antonio repulsus, per noctem quæ
 proximè insequuta est, ipse pariter & Antonius in armis pernoctauere. Postridie Antonius
 accepta tanta clade, metuens ne Cæsar, quod pridie tentarat, Mutinam irrumperet, aut
 ipse circumuentus in extremum discrimen deduceretur, spe auxiliorum à P. Ventidio, qui
 cum tribus legionibus in Piceno erat, & à Lepido & Planco, qui in Gallia erant, obtinen-
 dorum, relicta Mutina iter versus Alpes instituit. Decimus autem intellecto Antonij disces-
 su metu obsidionis liberatus, quum à Cæsare, quem sublato Consulum altero, altero verò
 ex vulnere accepto animam Bononiæ agente, solum superesse sciebat, propter eadem pa-
 tris sibi metueret, missis trans flumen quod Mutinam præterfluit ad Cæsarem quibusdam
 è suis, primum gratias ipsi tanquam seruatori agit: colloquiumq; arbitris ciuibus postulat,
 de cæde scilicet se purgaturus. Sed Cæsar responso asperius dato, negauit se colloquium
 admissurum, quod id præter pietatem videretur: ceterum quandiu Senatui & Magistrati-
 bus

A bus videretur, ipsum incolumem esse passurum: quando solum Antonium hostem hoc bello sibi persequendum censuisset. Quo accepto responso, Brutus ad aduersam fluminis ripam progressus, inclamato Cæsaris nomine, recitatoq; clara voce, vt exaudiri posset, Senatusconsulto quo Galliam acceperat, professus se ad Antonium persequendum sufficere, ne transito flumine prouinciam suam Cæsar intraret, denunciauit. Hinc Cæsar Bononiam ad Panſam profectus, ea quæ gesta erant, scriptis ad Senatum litteris nunciauit. Quibus Romam perlatis, censente Cicerone, primum ex s. c. vestis mutata est: decretæq; ob profligatū Antonium sexaginta dierum supplicationes: bonisq; publicatis quotquot cum eo militassent hostes iudicati. Hirtij autem & Panſæ Consulū corpora publica sepultura honorata sunt: factique iam tum Patres alienioribus à Cæsare animis, quod vel primos eius successus suspectos haberent, ipsumq; veluti legitimum dominationis Cæsarianæ successorem odisse inciperent, honores Cæsari debitos vnà cum triumpho D. Bruto decreuerunt: collaudatisq; militibus Brutianis, præmiisq; quæ Cæsarianis debebantur, in ipsos collatis, imperium soli Bruto bellumq; contra Antonium conficiendum decernunt: additis insuper quum aliis tum ipsius etiam Panſæ legionibus, votisq; pro victoria ipsius publicè nuncupatis: simulque Lepidum, Plancum & Asinium, quos etiamnum sibi fidos existimabant, Antonio per litteras vnà cum Bruto bellum inferre iubent. Quotquot autem Cæsaris inimicos credebāt, eos vel muneribus vel prouinciis concessis honorarūt. E quibus Sex. Pompeium classi atque oræ maritimæ, administrandæq; rei nauali præfecerunt. M. verò Bruto Macedoniam, Cassio Syriam & bellum contra Dolabellam decreuerunt. Ceterum quum exercitum, maximè legiones veteranas quas Cæsar à Panſa moribundo acceperat, Cæsari adimere non auderent, quod militum erga Cæsarem studia perspecta haberent, astutia quadam vsi, distracta mutua inter ipsos concordia, inutiles Cæsari reddere conati sunt. Præteritis enim quibusdam ex his & neglectis, alios collaudatos honoribus & præmiis prosequuti sunt. Quæ tamè decreti calumnia, quum nec Cæsarem nec milites ipsos lateret, quod non tam ad paucorum quàm ad vniuersorum ignominiam pertinere videretur, militum in Cæsarem studia etiam magis accendit. Cæsar autem quanquàm Senatus in se iniuriis offensus, dissimulata tamen in præsens indignatione, triumphum ob rem feliciter gestam à Senatu petiit. Sed Senatus quum maiora quàm pro ætate postulare videretur, negato triumpho, ne nihil ei tribuere videretur, ornamenta Consularia ipsi decreuit, simul etiam ius & locum sententiæ inter Consulares dicendæ. Quæ quum à Cæsare tanquàm longè infra ipsius merita negligerentur, additum est, vt proximè Prætor, deinde & Consul crearetur. Quibus omnibus quum sibi necdum satisfactum Cæsar existimaret, sciretq; non tam ex animo quàm metu militum, quorum propensa in se voluntas Senatū minimè latebat, hæc ita decreta: præterea & hoc molestissimè ferens, quod propter immaturam ætatem quasi per contemptum puer subinde vocaretur, in armis votorum summam sibi collocandam censuit. Vtque maius robur sibi adiungeret, Antonio quoquo modo clàm reconciliari studuit. Primum enim si quos ex ipsius ducibus aut militibus captiuos habebat, eos vel in suorum numerum allegebat, vel ad Antonium redire permittebat, vt per hos Antonius Cæsaris in se animū cognosceret. Postea etiam internuntiorū in hoc opera vsus, expositisq; per litteras Lepido Asinioq; Senatus in se cōtumeliis, eosdem in speciem Senatui quidem parere hortatur, ceterum sui Antonijq; exemplo motos securitati propriæ consulere: ac potius dūm licet vel cum Antonio cōspirare, se enim non defuturum. Quumq; lege annali solutus ad Consulatū petitionem admitteretur, pro triumpho, cuius repulsam proximè passus fuerat, ad Consulatū aspirans, vt Consul in locum interfectorum crearetur, tum per alios tum per Ciceronem obnixè elaborabat. Quod eo maiori studio Cicero Senatui persuadere conatus est, quod speraret se ipsi collegā adiun-

D. BRUTVS
IMPERA-
TOR.

SEX. POMP.
PRÆFECT.
CLASSI ET
ORAE MARI-
TIMÆ.

gendum, ut ipsi Cæsar pollicitus fuerat. Sed quum Cicero homo alioqui ambitiosissimus A
 Senatum in hoc minimè falleret, metuerentque plerique ne Cæsar Consulatum adeptus
 eadem patris vlceretur, dilatis in aliud tempus propter varias causationes comitiis,
 Cæsar Consul creatus non est. Interim Antonius superatis Alpibus, connuente ni-
 mirum Culeone, qui à Lepido custodiæ Alpium præpositus erat, in Galliam descendit, &
 iuxta flumen ubi Lepidus castra habebat, in aduersa ripa castra fecit, missisq; crebris vltro
 citroque nuntiis quanquam Lepido primùm detrectante, propensis tamen vtrinq; in re-
 conciliationem militum animis, ita ut iunctis ponte fluminis ripis quotidiana etiam con-
 temptis Tribunorum imperiis colloquia inter ipsos fierent, ipsiq; adeò Lepidi militibus
 instantibus, Antoniumq; intra vallum inscio Lepido receptum deducuntibus, tandem fa-
 ctum est, ut Lepidus & Antonius in gratiam redirent. Atque ex eo tempore imperij qui-
 dem titulus & nomen penes Lepidum fuit, summam tamen rerum Antonius administra-
 bat. Quod postquam Romæ intellectum, maxima est insequuta rerum atque animorum B
 commutatio. Et Senatus quidem Cæsarem hætenus contemprui habitum metuens, ne is
 quoque Antonio se & Lepido iungeret, missis clam ad Brutum & Cassium in Græciam
 duobus ex suo ordine, Cæsarem (quem Antonij societatem affectasse etiamnum ignora-
 bat) interim pari cum Decimo potestate bellum contra Antonium administrare iubet: Le-
 pidumq; sicut paulò antè Antonium, hostem iudicat. Cæsar itaque simulans se ad bellum
 Antonio inferendum proficisci, videns Senatum prolatis identidem comitijs vota sua &
 expectationem de cōsulatu frustrari, adactis prius sacramento militibus, ipsos contra nul-
 lum exercitum qui sub Cæsare meruisset arma sumpturos, quadringentos è suis cum Tri-
 bunis aliquot & Centurionibus in urbem ad Senatum mittit, qui tum pecuniam sibi ini-
 tio belli contra Antonium decreti promissam (quinquies scilicet mille sestertia) tum con-
 sulatum Cæsari peterent: Ceterum quum Legati acceptis iniquioribus à Senatu respon-
 sis ad Cæsarem reuenterentur, milites indignati haud prius destitère, quam Cæsari persua-
 derent, ut quamprimum ad urbem adducerentur: se vel priuatis comitijs etiam inuito Sena-
 tu ipsum Consulem esse creaturos. Ita Cæsar motis castris, traiectoq; Rubicone, octo
 legiones propius urbem admouet, monitis interim Antonio & Lepido ut & ipsi quampri-
 mum accederent. Hinc omnia in vrbe plena pauoris & tumultus: consternatoq; præ ce-
 teris Senatu, Legati statim ad Cæsarem missi sunt, qui Cæsari etiam absenti consulatum,
 legionibus autem amplius donatiuum nomine Senatus offerrent. Sed postquam duæ le-
 giones ex Africa accitæ in portum applicuisse nuntiatae sunt, sumpta fiducia abolitoque
 priore decreto, auctore Cicerone, qui à primo aduentus Cæsaris die hætenus latuerat,
 mutatum est Senatusconsultum, & saga pro togis sumpta sunt: distributisq; tum in Iani-
 culo, tum per alias vrbis regiones prædijs, constitutoq; etiam vi Cæsarem repellere, vrbis
 custodia Prætoribus mandata est: militibusq; Cæsarianis interdictum ne propius urbem D
 accederent, sed vltra. XCIII. milia passuum ab ea abessent. Cæsar autem postquā mutam
 in contrariam Senatus sententiam intellexit, dimissis à se non sine pudore legatis, præmis-
 sisque equitibus suis plebem bono animo esse iussit: occupatoq; quicquid circa collem
 Quirinalem esset, alia iterum in vrbe successit animorum mutatio: ita ut nō tantum pro-
 miscua plebeiorum multitudo, sed & maior Senatorum pars portis effusa obuiamq; pro-
 gressa, aduenientem exciperet: salutatumq; nullo non officiorum genere prosequeretur,
 & in urbem deduceret: ipsaq; adeò tres legiones, quæ ad vrbis custodiam admittæ erant,
 ad ipsum transirent. Ad hunc modum occupata sine certamine vrbe, exercituq; in campū
 Martium adducto, habitis per duos proconsules, qui in id à Prætoribus creati erant, co-
 mitiis, Cæsar vixdum viginti natus annos cum Q. Pædio cohædere Consul creatus est.
 Consul itaque iam factus, militum in se studiis, quos sibi mirè addictos habebat, fretus: pri-
 mum

A mūm Dolabellam, qui hostis à Senatu iudicatus fuerat, lege lata absoluit. Mox & ad vlciscendam patris cædem conuersus, ne non tam iure quàm vi agere videretur, aliam quoq; legem tulit, de quæstione habenda in eos per quos Cæsar occisus fuerat: dictoq; per Præconem omnibus die, constitutisq; etiam in absentes iudiciis, accusati condemnatiq; sunt quamplurimi: quidam ex his non tam socij quàm conscij facinoris: damnatisq; aqua & igni interdictum est, bonaq; ipsorum publicata. Postulati hac lege M. & D. Bruti, C. Cassius, P. Seruius Casca, & ipse quoq; Sex. Pompeius, non tam quod particeps & conscius cædis, quàm quod hostis fuerat. Accusatoribus autem præmia constituta ex bonis damnatorum, honoresq; & magistratus concessi, præterea vacatio à militia pro se & liberis nepotibusq; ipsorum. Ab hoc Cæsar quum intelligeret M. Brutum & Cassium decem & septem, siue vt Appianus scribit, viginti legiones habere, quum se solum aduersus tantos non sufficere intelligeret, serio de Antonio sibi adiungendo cogitare cœpit: Senatuq; per Pedium collegam persuasit, vt antequàm factionum odia fierent immedicabilia, cum Lepido & Antonio in gratiam rediretur. Ita Senatusconsultum quo Lepidus & Antonius eorumq; exercitus hostes iudicati fuerant, induceretur antiquareturq;: litteræq; pacificæ ac beneuolæ tam à Senatu quàm à Cæsare ad Antonium mitterentur, & vicissim ab Antonio rescriberetur. Antonio itaq; Brutum persequuturo, statim se cum duabus legionib. iunxit Asinius Pollio, qui Hispaniâ prouinciam habebat. Accessit mox & Munatius Plancus, qui Galliæ Cisalpinæ cum tribus legionib. præerat, Bruti partes paulò antè sequutus: copiasq; vterq; suas Antonio tradidit. Hinc Brutus se desertū videns, quanquàm decem adhuc penes se legiones haberet, quòd tamen quattuor ex his veteranæ ex inedia Mutinensi etiā num laboraret, reliquæ verò tyronum essent, ad Brutum in Macedoniâ cum suis legionib. infueto & pedestri itinere, (scilicet traiecto Rheno per Germaniâ & Illyricum, quòd propter Cæsaris metum solitis vti itineribus prohiberetur) proficisci cōstituerat. sed deterritis primò insolita & ignota itineris difficultate tyronibus qui præmissi fuerant, atq; hinc ab ipso deficientib., mox insequutis etiā quattuor veteranis legionib., postea & ab omnibus, etiam quos ad corporis custodiâ adhibuerat, destitutus est, decem tantum exceptis: sumptoque habitu Gallico & sermone vsus Gallico, relicto viarum dispendio, Aquileiam petiit. Sed captus in itinere à latronibus, deductusq; ad Caponum Sequanum, qui illi regioni præerat, primò humaniter exceptus, sed postea Antonio ab eodem proditus est: submissisq; ab Antonio percussoribus interfecto caput præcisum atque ad Antonium delatum: Bruto ad hunc modum interempto, paceq; inter Cæsarem & Antonium confecta, locum congressui & colloquio deligi placuit ad confluens inter Perusiam & Bononiam: præmissoque Lepido qui locum ipsum & ne quid insidiarum lateret inspiceret, Cæsar & Antonius singuli cum quinque hinc inde legionibus, vti pactum fuerat, eò conuenire: relictoq; comitatu & amicis extra insulam, tres soli in insulam transeuntes, media ferè insula loco omnibus conspicuo, confidentes, protractoque in biduum ferè de summa Reipub. & diuisione imperij colloquio, iunctis tandem dextris sub specie tollendæ ciuilis dissensionis ordinandæq; Reipub., feralis funestissimique fœderis est inita societas, nouusq; atque hactenus inauditus Reipub. constituendæ consulari potestate triumuiratus, quem tres illi pari & æquali inter se imperio in quinquennium administrarent: additumq; vt Cæsar deposito consulari P. Ventidium sibi substitueret, vrbanosq; Magistratus annuos in proximum quinquennium designarent: factaq; prouinciarum diuisione conuenit, vt vniuersa Gallia tam Cisalpina quàm Transalpina, excepta Narbonensi, Antonio cederet: Narbonensis autem cum Hispania Lepido: Cæsar autem cum Africa Sardiniam, ceterasq; insulas circumiectas obtineret. Nam de Asia & transmarinis prouinciis, quòd eas Brutus & Cassius occuparent, non est actum: bellum autem contra Brutū & Cassium

TRIUMVIRA
TVS REIPV.
CONSTITV-
ENDÆ IN
QVINQVEN-
NIUM INI-
TVS.

LEPIDVS
COS. DE-
SIG. ITER.

PROSCRI-
PTIO.

vt Cæsar & Antonius administrarent : ad vr̄bis autem custodiam, vt̄ Lepidus Consul in
annum insequentem pro D. Bruto designatus, cum tribus legionibus relinqueretur. Et ne
ad bellum longinquum profecturis domi ab aduersariis aut æmulis potentiz ipsorum pe-
riculum esset, placuit ipsos prius è medio tolli, reuocarique, quanquam repugnante ali-
quandiu & pro Ciceronis salute obnixius decertante Cæsare, pessimum Syllanæ proscri-
ptionis exemplum. Quæ quum ipsi inter se iuramento sanxissent, conuocatis militibus
quos testes & conscios esse volebant, Cæsar pro officio suo utpote Consul, pro concione
omnia de scripto recitauit, solo proscriptionis exemplo suppresso : habitaque commoda
pro ratione temporis ad milites oratione, præter alia victoriæ præmia & donatiua, colo-
niæ. XVIII. vr̄bium Italicarum ipsis promissæ, prædiaque ipsarum tam vr̄bana quàm ru-
stica, non secus ac bello ab hostibus capta, diuidenda attribuendaque. Orationem se-
quuta alacris militum acclamatio, mutuaq; dextris iunctis more militari salutatio. Per
hæc tempora dira atque horrenda tam in vr̄be quàm in agro portenta & prodigia calami-
tates instantes haud obscure denunciauere. His itaque sic constitutis, primò Cæsar,
postea reliqui duo, singuli interiectis diebus, cum sua quisque prætoria cohorte & vna
legione vr̄bem ingressi, nihil prius habuere, quàm vt quæ ipsi constituissent, latis legibus
opera Tribunorum plebis (iurprimis autem P. Titij) sancirentur. Et postquam pro ipso-
rum in vr̄bem aduentu Dijs sacrificatum, initium statim dominationis à proscriptione &
cædibus, propositis duabus tabulis, quarum vna Senatores, altera promiscuam reliquorum
omnis generis hominum turbam contineret : In quibus descripti fuere, non solum cum
quibus iusta intercedebat odiorum aut inimicitiarum causa, sed & hi qui leuius offen-
dissent, vel qui amicorum inimici essent, aut etiam ipsorum inimicorū necessarij vel ami-
ci : vel denique si qui propter potentiam & præcipuam in Rep. dignitatem aut gratiam
suspecti essent : imò & qui opibus & diuitijs antecellere credebantur, nullam aliam ob
causam aut offensam, quàm quòd bona ipsorum publicata ad bellorum impensas & præ-
mia militibus persoluenda, multum conferre posse intelligerent. Quibusdam etiam vel
sola domus splendidior exitio fuit. Hinc nec quibusdam ex infima plebe, nec pluribus mu-
lieribus, imò ne impuberibus quibusdam parcitum : proditaque etiam coniunctissimorum
salute, homicidia homicidiis, & parricidia parricidiis permutata & compensata sunt : ne-
gante scilicet vno Triumuirorum proscriptionem & cædem amici aut necessarij qui col-
legæ inimicus esset, nisi vicissim is alium aliquem è suis concederet. Sic Antonius L. Cæ-
sarem auunculum suum Cæsari proscribendum permisit, vt ipse in locum eius Ciceronem
acciperet : & Lepidus similiter fratrem suum Paullum impiè trucidandum proposuit.
Feruntque Senatorum quidem primùm. CXXX., postea. C L., equitum verò bis mille no-
mina in hæc tabulas relata, diuersisque passim vr̄bis regionibus proposita, additis subin-
de alijs vel recenter damnatis, vel per errorem fortè aut studio antequam proscriberentur
occisis : constitutoque indici iuxta atque inæfectori præmio in singula capita, ingenuo
quidem vicens quinis milibus festertium, seruis autem cum libertate & iure ciuitatis de-
nis milibus : capitibusq; occisorum, vt numerus constaret, ad Triumuiros referri iussis, pœ-
na quoque ex aduerso iis qui proscriptum exciperent, occultarent, aut apud se inquiri ve-
tarent, proposita est. Hinc omnia primò in vr̄be plena cædibus & tumultu, discurrentibus
& noctu & interdiu per loca sacra & profana, publica & priuata, hinc percussorib., & dum
proscriptos persequuntur, vel abditissima quæq; & secretissima scrutantib. & inuestiganti-
bus : illinc miserando cum fletu & vlulatu miseræ plebeculæ omnis generis & sexus proscri-
ptorū latebras quærentiū turba. Nec dissimilis fuit rerum facies tam in agris quàm in alijs
omnib. per vniuersam ferè Italiam vr̄bibus & municipiis : passim enim vel fuga vel cædes. E
proscriptis autè qui se præsentī exitio eximere poterant, non pauci ad Brutū & Cassium in

- A** Græciam, alij in Africam ad Cornificium fuga se recepêre. Certissimum autem vti & breuissimum plurimis fuit perfugium Sicilia ad Sex. Pompeium, cuius tunc singularis fuit in miseros ciues pietas: dum non solum classe haud procul Italia in statione constituta, triremibusq; oras legere iussis fugientes nauibus exciperet, vestibusq; & alijs rebus necessarijs iuaret: sed & dimissis Romam & ad alias passim vrbes præconibus omnes ad se proscriptos inuitans, tutum cunctis hospitium, pecunias & quæuis necessaria, imò honores & præfecturas offerret: præmiaq; ijs qui aliquem è proscriptis seruasset, duplicaturum se promitteret. E Triumuiris autem nemo crudeliùs Antonio ac citra omnem misericordiam proscriptionem exercuit: cuius tanta fuit immanitas, vt etiam inter epulas occisorum capita ad se deferri iuberet, eorumq; aspectu, tanquam iucundissimo spectaculo, afficeretur, & vix tandem exsatiaretur. Inter cetera nullum maiori cum voluptate quàm Ciceronis aspexit. quod & Fulvia vxor ipsius arreptum vtraque manu, diutiusq; in sinu
- B** super genua detentum, postquam ad satietatem intuita esset, tandem pluribus atq; amarulentis opprobrijs illudens & conspuens, crebris acus ictibus compunxit. Sed Lepidi minor fuit sæuitia, Cæsaris autem minima, qui etiam non paucis ignouit: tum quòd ipse vtpote nuper admodum ad Remp. accedens cum paucioribus simultatum atque inimicitiarum causas haberet, tum quòd natura minimè crudelis esset, paternaq; æmulator clementiæ. Hinc solis patris percussoribus contentus, plurimos è reliquis proscriptorum seruabat, grauitè etiam in eos statuens qui dominos atq; amicos prodidissent, vti vicissim in eos qui eosdem protexissent beneficis. Sub hæc temporà mortuo in magistratu Q. Pedio Cæsaris in consulatu collega, & Cæsare consulatum, quem tam impotenter paulò antè expetierat, abdicante, COSS. in eorum locum facti sunt C. Carrinas & P. Ventidius Bassus, deposita prætura quam tum fortè gerebat. Eodem tempore ex Hispania triumphauit Lepidus III VIR, vti & L. Munatius Plancus ex Gallia, qui Lugdunum oppidum in Gallia Narbonensi ad confluentis Araris & Rhodani cōdidit, deductis eò ciuibus Romanis, qui ab Allobrogibus quondam Vienna expulsi fuerant. Atque hæc ferè sunt, quæ in Italia à cæde Cæsaris gesta sunt. Brutus autem & Cassius, postquam sub specie procurandæ annonæ urbem egressi, quò tandem ea quæ in vrbe gererentur euaderent exspectantes, in Campania durante etiamnum prætura aliquandiu substitissent, finito magistratu in Græciam transiêre: ibique ab omnibus ferè ciuitatibus magno cum honore excepti, ab Atheniensibus etiam statuis æreis honorati sunt: quæ ipsis tanquam tyrannicidis, ob facinoris affinitatem iuxta Harmodium & Aristogitonem positæ fuêre. Ceterum postquam intellexêre res Cæsaris magna quotidie incrementa accipere, Creta & Cyrene siue Bythinia (quæ provinciæ in locum Syriæ & Macedoniæ ipsis decretæ fuerant) quòd minoris momenti viderentur contemptis, Syriam & Macedoniam quæ priùs concessæ, postea ademptæ fuerant, vt opulentiores copiosioresq; & bello quod imminere videbatur gerendo magis oportunas, inuadere constitutum habebant: pecuniasq; in id & militem quoquo modo poterant, comparabant. Et Cassium quidem Syriam petere placuit, Brutum verò Græciam & Macedoniam cum Illyrico proximo tenere. Brutus itaque vniuersa mox Græcia nullo ferè labore occupata, in Macedoniam transiens haud maiore negotio & hac potitus est: Q. quidem Hortensio qui eam hætenus tenuerat, & quòd iam successorem exspectaret discessum parabat, non solum faciliè cedente, sed & suis partibus accedente: C. verò Antonio, quem M. frater eò miserat, quiq; tum fortè eò aduenerat, Dyrrachiumq; cum Vatinio occupat, dum à suis desertus proditur, cum ipso Vatinio in suam potestatem redacto, exercitibusq; ipsorum adiunctis: ita tamen vt C. Antonium relictis prætorijs ornamentis in ocio viuere permetteret. Ad hunc modum Brutus recepta iam vniuersa Epyro & Macedonia cum finitimis plerisque prouincijs, lit-

C. CARRINAS
P. VENTIDIVS
COSS. SVFF.
LEPIDI EX
HISPAN.
TRIUMPHVS.
MUNACII
PLANGI EX
GALLIA
TRIUMP.
LUGDVNVM
CONDITVM.

M. BRUTVS
IMPERATOR.

M. BRUTVS
IMPERATOR.

BRUTINVS
MISMA.

C. CASSIVS
IMPERATOR.

teras hac de re Romam ad Senatum mittit : interim se & exercitum Senatui permit-
tens. Hinc collaudato imperium in omnes illas prouincias confirmatum est. Vnde in
spem adductus Brutus se Cæsarem quoque sibi deuincturum, qui & ipse Antonio æquẽ
inensus erat, scriptis & ad ipsum litteris, vti Antonium communem inimicum bello
persequi pergeret, & secum in gratiam rediret persuadere conatus est. Sed cognito
postea Cæsarem summa rerum penes se existente de vindicanda patris cæde consilia ce-
pisse, deposita reconciliationis spe, bellum etiam grauius sibi instare intellexit : seda-
taque seditione quam C. Antonius dum Brutianos ad defectionem sollicitat, in exercitu
ipsius mouerat, ipsoq; Antonio Apolloniæ inscijs militibus relicto, & C. cuidam Clodio
in custodiam tradito, cū validissima exercitus sui parte in interiorem Macedoniam, inde
in Asiam proficiscitur : & dum auxilia subinde quacunq; transibat, & pecunias contra-
hit, insidijs à L. Gellio Poplicola petitus est, alioqui sibi amicissimo : vti & frater ipsius
Gellij M. Messalla Cassio erat coniunctissimus : cui ipsi idem Gellius postea exitium mo-
litus est : sed indicio insidiarum à Poplicolæ matre Cassio facto, matri in præmium de-
tectarum insidiarum condonatus, à suis benefactoribus ad Cæsarem & Antonium defe-
cit. Submissis autem à M. Antonio qui Caium fratrem è custodia eriperent, C. Clo-
dus siue proprio consilio, siue iussu Bruti, Antonium interfici iussit. Brutus autem in-
tellectis M. Antonij conatibus, & cæde C. Antonij, nouos metuens tumultus, relicta A-
sia, Europam quamprimùm repetijt : receptaque ex itinere Bessorum regione Impera-
toris nomen accepit. confugienteque per id tempus ad ipsum Polemocratia Reguli cu-
iusdam vxore, quæ occiso ab hostibus marito, filium suum puerum, cui ab iisdem hosti-
bus metuebat, in fidem ipsius cum vniuerso thesauro tradidit : inuentaque eodem in the-
sauro maxima auri argentiq; copia, pecuniam ex ea signauit, propria imagine numis-
mati impressa, additoque cum duobus pugionibus pileo, in argumentum libertatis sua
& Cassij opera Reipublicæ restitutæ Cæsare interfecto. Et hæc quidem à Bruto gesta
sunt. Cassius autem cessante Dolabella, rebusque alibi gerendis intento, prior in
Syriam venerat : sumptisque imperatorijs insignibus legiones veteranas, quæ olim sub
Cæsare meruerant, ibi inuentas (quarum alijs Sex. Iulius à Cæsare decedente ibi relictus
cum Cecilio Basso præerat, alijs L. Staius Murcus, quibusdam etiam M. Minutius Cris-
pus) sacramento suo adegit : receptaq; vniuersa Syria in Iudæam transgressus, eademque
minimo negotio à se occupata, litteras & is ad Cæsarem de reditu in gratiam & recon-
ciliatione, & ad Senatum de rebus à se gestis, vti Brutus iam antea fecerat, mittit : acce-
ptisque iisdem quæ Brutus de Cæsare nuntijs, imperium ipsi vti & prius Bruto à Senatu
confirmatum est, bellumque contra Dolabellam, qui ob Trebonium Smyrnæ cæsum ho-
stis iudicatus fuerat, decretum. Dolabella autem intellecto iam antè Senatusconsulto
contra se facto, dilato Syriæ adeundæ proposito, in Asia remanere constituerat : qua occu-
pata & classe per L. Figulum à Rhodijs, Lycijs, Pamphilijs, Cilicibusque mercede con-
ducta atque apparatu bellico instructa, eaque per L. Figulum in Syriam præmissa, ipse ter-
restri itinere in Ciliciam transiens, Tarsum Cæsari bellis superioribus fidam vltro se de-
dentem recepit : pulsisque præsidij Cassianis quæ AEgis erant, Syriam inuasit. Sed ab
Antiochia depulsus, Laodiceam in peninsula sitam occupauit, Laodicensibus, qui &
ipsi quoque Cæsaris rebus fauerant, deditione sponte facta, se ipsius fidei permittentibus.
Dumque à Laodicea cum classe Aradum trajicere parat, Cassio è Palestina reuertenti
obuiam cum exercitu factus, naualique prælio superatus, Laodiceam refugere coactus
est. Vbi à Cassio obsessus aliquandiu, sæpiusque à terra oppugnatus, alioque prælio na-
uali semel atque iterum commisso, primò quidem dubio Marte, altero infelicer, tan-
dem obstructis à L. Statio Murco, qui classi Cassianæ præerat, portus faucibus, nec mi-
nus

- A** nūs arctè à Cassio terra circumfessus, subuectione rerum necessariarum vtrunque interdu-
sus, facta eruptione iterum in oppidum compulsus, pleniq; è suis Centurionib. per munera
corruptis, qui minoribus portis apertis Cassium admiserant, videns se à suis destitutum, ne
vuius in hostium manus veniret, satelliti se ferendum præbuit. Alij propriis manibus con-
cidisse tradunt, & M. Octauium legatum ipsius, item Marsum sibi manus intulisse. Sic
Cassius Laodicea in potestatem redacta atque direpta, exercituq; Dolabellæ sacramento
suo adacto, Cleopatraz offensus propter auxilia sibi ab ipsa denegata & Dolabellæ præsti-
ta, tum quòd intelligeret eam comparata magna classe constituisse ad Cæsarem & Anto-
nium nauigare, AEgyptum milite vacuam propter legionum cum Alieno discessum pe-
tere constituerat: facillè se eam occupaturam sperans. Sed Brutus intellecto de Trium-
uiratu inter Cæsarem, Antonium, & Lepidum inito, constituisseque Cæsarem & Anto-
nium ad bellum sibi inferendum mare traicere, Cassium alia meditantem crebris litteris
- B** ad se reuocare non cessabat. Quare Cassius rebus omnibus posthabitis, depositoque AE-
gypti potiundæ proposito, ad Brutum in Asiam quamprimùm properauit: ipsoque Smyr-
næ inuento, & inita etiam arctiore societate, consilioque super his quæ in posterum agen-
da viderentur habito, primò quidem statim Macedoniam petere placuit: ceterùm quòd
existimarent Triumuiros rebus vrbanis, atque alijs in Italia constituendis multùm tempo-
ris impensuros, obitis interim tum per se tum per legatos prouincijs, copias, auxilia, & no-
uas societates contrahere constituunt. Quumque reliquis ferè omnibus in partes acceden-
tibus, soli Rhodij, Lycij, & Ariobarzanes societatem detrectarent, hos ante omnia vel ar-
mis debellandos, vel alia quauis ratione sibi adiungendos constituere. Et Cassius quidem
in Rhodios missus est, apud quos litteris Græcis & disciplinis aliquando operam dederat,
simulq; Ariobarzanes debellandi negotium ipsi datum. E quibus Ariobarzanem quidem
per equites suos, quos in Cappadociam miserat, repentè oppressum captumq; occidi ius-
sit, immensa pecuniæ copia reliquoque apparatu inde ad se relato: Rhodij autem tum
- C** ad Myndum tum ad Rhodum ipsam opera Statij Murci prælio nauali superatis, Archilao
(quo dum ibi ageret præceptore vsus fuerat) frustra pro ciuib. suis deprecante, Rho-
dum ipsam terra marique aliquandiu oppugnatam, tandem per prodicionem, vti credi-
tur, cepit: coactaque ingenti præda L. Varo ibi præsidio relicto, Statio autem Murco
cum legione vna, sagittarijs, & sexaginta nauium classe circa Ténarum Peloponnesi pro-
montorium in statione manere, & Cleopatram cum maxima classe, magnoque apparatu
ad Cæsarem & Antonium nauigare parantem obseruare, & si posset intercipere iussu,
reliquas Asiæ prouincias & ciuitates obiens, decem annorum tributa imperabat, & sine
remissione exigebat. Brutus autem in Lycios profectus, primùm profligato Lycio-
rum exercitu sibi obuio, castrisque ipsorum potitus, atque alijs pluribus oppidis statim
in potestatem acceptis, Xanthum oppugnare aggreditur: factaque ab oppidanis per
- D** noctem excursionem, atque incendio operibus machinisque suis quibus oppidum oppu-
gnabat iniecto, ipse quoque Brutus non minimum vitæ suæ discrimen adiit. Sed Brutiani
facto in Xanthos etiam per medias flammæ impetu, ijsq; in oppidum repulsis, simul cum
ipsis irrumpunt. Hinc Xanthij urbem suam captam videntes intra ædes quisque suas con-
fugientes, quanquam Bruto condiciones pacis offerente, omnibus suis & charissimis qui-
busque coniunctissimisque, qui vel vtrò iugulum præbebant, contrucidatis, atque in ro-
gos compositis, flammaque subiecta, & ipsi tandem proprijs manibus iugulati concidere:
centum tantùm & quinquaginta mulierculis, quibus percussor defuerat, præter manci-
pia, vt quidam tradidere, reliquis. Ab his Pataram aggressus, dubitantibus primò oppi-
danis, sed postea Xanthiorum exemplo & Bruti dementia permotis, deditionemque fa-
cientibus, & hac potitus est: Myra quoque interim per Lentulum in potestatem redacta.

RHODVS
CAPTA.XANTHVS
CAPTA.PATARA ET
MYRA RE-
CEPTA.

Post quæ vniuersa mox Lyciorum gens missis legatis Bruti se fidei permittens, imperata A
deinceps se obituros nuntiant. His rebus gestis Brutus iussa classe Abydum versus cur-
sum dirigere, eodem terrestri itinere vniuersas copias duxit: constituens ibi Cassium ope-
riri, vt simul traiecto Hellesponto in Europam & Macedoniam transirent. Qui postquam
& ipse cum suis copiis aduenit, mutuis hinc inde salutationibus excepti, vterque à suo ex-
ercitu Imperator appellatus est: institutoq; remotis arbitris colloquio, depositis quas ex
amicorum aliorumq; hinc inde calumniis & delationibus contra se inuicem conceperant
sinistris suspicionibus, in Macedoniam festinare constituunt. Iam enim C. Norbanus &
Ceditius Saxa à Cæsare & Antonio præmissi, occupato vniuerso eo qui à mari ad Pan-
gæum vsque montem est tractu, superatisq; propter compendium Turpilorum Salapæo-
rumq; montibus & saltibus, ad Philippos castra posuerant. Murcus autem postquam in-
tellexit Cleopatram vi tempestatis non sine naufragio in Laconicam esse reiectam, ne tan-
ta cum classe inutilis esset, traiecto mari Ionio insulam Brundusio obiectam occupare fe-
stinat: transitum in Macedoniam exercitusq; & cōmeatum subuectionem Antonio Cæ-
sariq; vti sperabat, interclusurus. Cæsar autem & Antonius cognito Brutum &
Cassium rebus contra Rhodios & Lycios gerendis intentos, diutiusq; id bellum protra-
ctum iri suspicati, nec proinde sibi festinandum, Norbano & Saxa præmissis, ipsi se matu-
rè & in tempore subsequuturos credebant. Et Cæsar quidem cōstituerat Sex. Pompeium
iam Italiæ oras infestantem prius debellare, ipsiq; cum classe occursum Rhegium petie-
rat. Antonius autem Brundusij consistebat, bello simul & nauigationi necessaria compa-
rans & expediens, interim & cum Murco naualibus subinde prælijs cōtendens. Ceterum
postquam Brutus & Cassius longiori vsi circuitu, superatis duce Rascupolide Regio apud
Thracas sanguine orto, maximis itinerum locorumque angustijs & difficultatibus, & ipsi
Philippos peruenissent: quumq; castra locis editis octodecim à Philipporum oppido sta-
dijs inter se diuisa, valloq; & fossa contra se munita vno tamen ambitu comprehensa me-
tati, Norbano & Ceditio quod viribus impares essent, pugnam detrectantibus, quotidia-
nis incursionibus & equestribus prælijs negocium facerent, atque hinc Norbanus &
Ceditius Antonium cum Cæsare quamprimùm accedere hortarentur, Antonius vicissim
Cæsarem relicto Sexto & Sicilia ad se properare iussit. Qui vbi Brundisium aduenit le-
gionibus aliquot ad Italiæ præsidium relictis, maiori tamen parte in naues imposita, vento
vsi secundo nequicquam obstitente Murco in Macedoniam traicere: ita tamen vt Mur-
cus accedente sibi post Cæsaris & Antonij discessum Domitio Ahenobarbo cum alia le-
gione, sagittariis & quinquaginta nauibus, totum illum traiectum infestum teneret: vt nec
tyrones nec commeatus, nec alij apparatus ex Italia subuehi possent. Antonius autem Cæ-
sare propter aduersam valetudinem Dyrrachij relicto, Amphipoli quam Norbanus præsidio
munierat ex itinere occupata, relictoq; ibi Pinario, Philippos perueniens loco plano octo ab
hoste stadiis castra posuit: prælioq; semel infelicer commisso, postquam id Cæsar intel-
lexit, metuens ne se absente Antonius aut vinceret aut vinceretur, quanquam valetudine af-
fecta decimo post die se ad Antonium deferri iussit. Ceterum hic erat castrorum vtriusque
partis situs, vt Cæsar quidem & Antonius cum auatione & lignatione difficiliore vtpote
in loco plano & à flumine remoto, tum etiam cōmeatibus minùs explicatis vterentur: quod
obfesso tam à Sex. Pompeio quam à Murco & Ahenobarbo vniuerso mari quod Italiam &
Epyrum & Siciliam interiacebat, commeatus mari comportari non possent, neque iterum
ab AEgypto, quæ ipsa fame premebatur, aliqua spes esset: ideoq; quum à sola Macedonia
& Thessalia tantus aleretur exercitus, exhausta iam ferè Macedonia Thessalia non diu suf-
fectura videbatur. Brutus verò & Cassius locis editioribus confidentes propter vicinitatem
siluarum & fluminum tam Strymonis quam Gangetis, qui castra præterfluebat, maiores
ha-

A habebant aquationis lignationisq; commoditates. Tum etiam quod imminenti sibi à tergo mari AEgeo, portum Neapolitanum ipsamq; Thasum insulam centum stadiis à continenti distitam in sua potestate haberent, commeatus facilè tam ex insula proxima veluti horreo quodam, quàm vniuersa Asia nullo impedimento subministrabantur. Quæ res vti Bruto Cassioq; bellum ducendi occasione dabat, sperantibus scilicet hostem etiam sine sanguine vel sola commeatum inopia atque annonæ difficultate fatigatū in potestatem venturum: ita Cæsarem & Antonium maioribus aliquantò instructos copiis, vt rei sunt tanti prælio quamprimū cōmitterent incitabat, metuentes ne si bellum in longum protrahi contingeret, ipsi commeatibus destituerentur: simul etiam Sex. Pompeius, vti iam Sicilia, ita & Italia per ocium occupata, mari transmissa, Bruto se Cassioq; iungeret. Quapropter pluribus diuersisq; operibus & munitionibus hinc inde contra se inuicem effectis, præliisq; aliquot equestribus per velitationem commuissis, Cæsare quidem & Antonio omnes prælij occasiones captantibus, Bruto verò & Cassio propter eas quæ dictæ sunt rationes detrectantibus, imprimis autem Cassio infaustis quibusdam ostentis & præfagiis deterrito, milites tandem vltiorem moram non ferentes, seq; hostibus qui castris operibusq; tantum non insultabant contemptui esse indignantes, ni ad prælium educantur, se vel discessuros, vel etiam inuitis Imperatoribus pugnam capessituros minitabantur: ita vt quidam iam defectionem pararent, alij non expectato imperio ad pugnam prorumperent. Qua militum alacritate ita vt retineri non possent perspecta, partim etiam metu defectionis, Brutus & Cassius signum pugnae quanquam inuiti proponunt: ordinibusq; instructis, suos vtrique pars hinc inde ad pugnam educit. Brutianis LIBERTAS pro tessera fuit: & dextrū quidem cornu Brutus ducebat, in quo & Messalla erat: alterū Cassius. Ex aduerso autem Cassio Antonius se opposuerat, Bruto Cæsar: qui quamuis per aduersam valetudinem minùs firmus esset, infausto tamen Arterij medici in somnio territus, quo castra ipsius capi visa fuerant, castris excesserat: lecticaq; elatus, quantum valetudo patiebatur ducis munia obibat. Vbi ad manus ventum, acriterq; aliquandiu seruatis ordinibus concertatum, adeò vt vtrique pars nec vinci nec vincere videretur, tandem conuulsis ordinib. distractisq; legionibus, dextra Bruti acies, impulsis atq; in fugam versis Cæsarianis, acrius instans eodem impetu, non sine magna cæde tam fugientium quàm eorum qui castris præsidio relictī erant, etiam ipsis Cæsaris castris potitur. Alia ex parte Antonius facta in Cassianos hætenus immotos impressione, aliisq; cum ipso Cassio in loca superiora compulsis, aliis fugam castra versus capeissentibus, magna celeritate insequutus, occisis iis qui ad custodiam castrorum remanserant, ipse vicissim vndique per portas & per vallum in Cassiana castra irrupit. Ita cum æquo vtrinque Marte certatum fuisset, vtrique se victos pariter & victores credidēre. Cassius autem qui in altiorum tumultum euaserat, vnde castra sua capta conspicerē poterat, de Bruto sollicitus Titinium euocatū qui de Bruti euentu cognosceret mittit. Is quum in itinere in equites quos Brutus vicissim ad Cassium mittebat incidisset, agnitus ab iis & non sine gaudio & amplexibus exceptus, vnà cum iis gressu composito ad Cassium reuertebatur. Quod vbi ex loco superiori Cassius vidit, existimans hostilem equitatum esse, qui capto Titinio ad se pergeret, in interius tabernaculum se recipiens, sagoq; caput obuoluens Pindaro liberto cervicem extensam feriendam præbuit: quanquam alij non inuento nec alibi postea conspecto Pindaro, ab iniussu vltro cæsum credidēre. Titinius autē reuersus, tabernaculumq; ingressus, nuntium scilicet de Bruti salute allaturus, conspecto Cassij capite, tarditatis pœnas à se exigens, ipse quoque in gladium incubuit. Brutus intellecto Cassij interitu, casum tanti viri non sine lachrymis deplorans, primum atque vltimum Romanorū subinde appellauit: corpusq; ipsum exornatum ne ex aspectu ipsius & luctu militum animi conciderent, clam in Thasum insulam per amicos honesto funere sepeliendum misit: transiensq; in Cassiana

CLADES PHILIPPENSIS.

castra, quodd cōmodiori oportunioreq; loco quā sua sita viderentur, Cassianos ad se rece
 pto verbis & donatio conſolatus eſt: interim & milites increpans, quodd non exſpectato
 imperio ad prælium prouolaſſent. Feruntq; quidam Lacedemonē & Theſſalonicā in præ-
 dam militibus pollicitū, ſi proximo prælio victores reuerti contigiſſent. Conſtituto tamen
 iuſto prælio de cetero abſtinere, quodd aduerſarios neceſſitatibus etiamnū conſictari non
 ignoraret, ſuos ſubinde caſtris educens, quæcunq; per occaſionem poterat nonnunquam
 etiam nocte damna intulit: inter cetera ſumine auerſo hoſtium caſtra inundatione reple-
 uit. Quo die prælium in campis Philippicis cōmitti contigit, eodem & Ionio in mari
 naues onerariæ, quæ duce Domitio Caluino cum triremib. aliquot duas legiones, è quibus
 altera Martia, & Prætoriam decem milium cohortem, alæq; equitum quattuor, atq; aliam
 ſelectorū multitudinem à Brunduſio Cæſari vehebant, à Murco & Ahenobarbo cum cen-
 tum triginta nauibus occurrentibus, partim captæ, partim diſſipatæ & in fugam diſiectæ
 ſunt, quibuſdam ex his etiam quinq; dierum obſidionem tollerantibus, famemq; interim
 velis rudentibusq; manducatis ſolantibus, picemq; madidam lingentibus. Quæ ubi Cæſar
 & Antonius intellexere, quum aliundè auxilia non exſpectarent, maximaq; rerum neceſſa-
 riarum inopia, aliisq; difficultatibus & incōmoditatibus ingruente iam hieme premeren-
 tur, antequam & ad Brutum eius cladis nunciuſ perferretur, prælio de ſumma rerum expe-
 riri conſtituunt: copiisq; in aciem productis, Brutum detrectantem & in propoſito perti-
 naciūſ perſiſtentem, cōiutiis & cauillis ad præliū prouocare, & quoquo modo irritare non
 deſinūt: donec tandem Brutus partim victuſ ſuorū conuiſiis & importunis ſagitationibus,
 iſiſis potiſſimū ordinum ductoribus Tribunisq; & Centurionibus alacritatem militum, vti
 certiffimū victoriæ auguriuſ extollentibus, nec eo tempore negligendam inculcantibus,
 partim etiam maiorem defectionem metuens, maximè ab his qui olim ſub Cæſare milita-
 rant, (iam enim pleriq; ab ipſo ad Cæſarem tranſierant) quanquā inuituſ ipſe quoq; ſuos
 ante munitiones in aciem produxit, ſedulò monēs ne longiūſ à tumulto quodam proximo,
 quem præſidio munierat, progredierentur: quodd & receptuſ eſſet facilior, & hoſtem è loco
 ſuperiori impeterent. Dum igitur vtriq; hi quidem fame ſtimulante, illi verò iuſto pudore
 incitati, pari animorū contentione ad prælium ſe comparant, ſub horam diei nonam Sole
 iam inclinante aquilæ fortè duæ medio ferè inter vtroſq; ſpacio inter ſe concertauere. In
 quam rem quum vtraq; acies animis oculisq; intentæ, etiam dilato cōcurſu ſummoq; cum
 ſilentio, tanquam auguriū captantēſ, euentū illiuſ certaminis exſpectarent, tandem aquila
 quæ à parte Brutianorū pugnabat, victa ceſſit & fugit: ſtatimq; à Cæſarianis facta concla-
 matione ſigna illata ſunt: concurſumq; pariter & à Brutianis, ſed minori cum alacritate,
 maximè equitum. Ita poſtquā aliquandiu primò eminūſ poſtea cominūſ vario euentu pu-
 gnatum, occiſis hinc inde non paucis, Caſſianisq; primūſ in fugam verſis, poſtea vniuerſa
 Bruti acies victa ceſſit: portaq; caſtrorū à Cæſarianis vti imperatum erat occupata, hi ad
 mare, illi ad montes, alij verò aliò diffugere, perſequentibus Cæſarianis, ita tamē vt à cæde
 abſtinerent, contenti iterum cōeundi facultatē Brutianis ademiffē. Brutuſ ipſe tranſmiſſo
 ſumine quodam per noctē in tumultuſ quendam munitūſ, arboribuſq; denſis cōſituſ cum
 amicis centurionibuſq; aliquot ſe recepit: cognitoq; occupatiſ ab hoſte caſtris, factaq; ma-
 iorem partem ſuorum deditione, paruam aut nullam ſalutiſ ſpem eſſe reliquam, quanquā
 amicis hortantibuſ vt aut fugeret, aut pacem expeteret, reiectiſ amicorū conſiliis vt ſe in-
 digniſ, ne viuūſ in manuſ hoſtium veniret, Stratonē Epyrotam AEgeatem rhetorē amicū
 ſuum & familiarem rogauit, vt manuſ ſibi morienti cōmodaret: læuoq; brachio in caput
 reiecto, quo pectuſ nudaret, dextra mucronē gladij, quem Strato oculiſ auerſiſ ne morien-
 tem amicuſ videret ſubiiciebat, ſub mammilla ſiniſtra, ea parte qua cor palpitāt, admo-
 uit: corpūſque impellens tranſfixuſ expirauit. Antoniuſ corpore potituſ, purpurea inuolutum
 veſte

A veste cremari iussit: reliquiasq; & cineres matri ipsius Seruiliæ & Portiæ vxori Romā misit. Dion scribit caput tantum Romā missum: obortaq; in traiectu tempestate in mare proiectū. Exercitus autem Brutianus intellecto Imperatoris sui casu, missis ad Cæsarem & Antonium legatis, veniaq; impetrata inter ipsos diuisus est. Ex illustriorib. autem & primi nominis viris qui Brutū sequuti fuerant, quidam dimicantes cecidē: alij seipsos interimere: pauci verò Cæsaris aut Antonij se fidei permiscere: nonnulli capti postea interfecti sunt: pleriq; etiam mari se committentes ad Sex. profugere. Cæsar autem & Antonius sublati è medio potentissimis aduersariis, sacris pro tanta victoria operati, actisq; militi gratiis, quum Lepidus tanquam parum fidus, partibus apud ipsos criminatus in suspitionē venisset, neglecto præteritoq; Lepido, occupatisq; prouinciis quas ipsi iam antea adsignauerant, nouam inter se partitionē faciunt: ita vt Hispania & Numidia Cæsari, Gallia atq; Africa Antonio cederet: ea tamen lege, vt si postea Lepidum per calumniam accusatū constaret, pro Gallia Narbonensi Hispaniaq; ademptis Africā acciperet. De Sicilia autē, deq; Sardinia, & transmarinis prouinciis nihil inter ipsos actū: quod hæc quidem necdum pacatæ essent, illas verò Sex. Pompeius occuparet. Hac imperij diuisione facta, placuit vt Antonius ad reliqua quæ in Asia aliisq; transmarinis prouinciis restabant bella conficienda, tum ad cogendas pecunias & tributa indicenda, vnde militibus præmia persoluerentur, relinqueretur. Cæsar autē in Italiam reuerteretur, Lepidum si quid ille moliretur oppressurus, bellumq; cōtra Sex. Pompeiū gesturus, & militibus veteranis in colonias deductis, agros assignaturus. Quibus sic cōstitutis, Antonius quidem in Asiā proficisci constituit, Cæsar in Italiā iter auertit: correptusq; difficili & periculoso dum mare traiecit morbo, Brundisij subsistere coactus, Romæ aliquandiu decessisse creditus est: restitutus tamen aliquatō post P. Seruilio & L. Antonio (qui ob singularem pietatem in Marcum fratrem Pietas cognominatus fuerat) consulatū gerentibus,

C ad urbē reuersus est, cognitoq; Lepidū siue metu sui siue timiditate quadā & ignauia rebus nouis abstinere: proinde quū falsū apud se delatū crederet, sua sententia absoluit, Africamq; vti cōuenerat, restituit. Hinc milites in colonias deducere, agrorumq; assignationē & diuisionē facere paranti, maximæ statim se obiecere difficultates, auctoribus potissimū Fulvia Antonij coniuge socru ipsius, inquieti acrisq; ac plusquā virilis animi femina, & L. Antonio Consule: postulantibus scilicet vt vel in Antonij aduentū differretur coloniarum deductio agrorumq; diuisio, vel saltem Antonianos milites ipsi Antonij nomine deducerent, contrā quā ab ipso Antonio cōcessum fuerat. Ita vt L. Antonius concitatis & in partes receptis populis, quorū agri militibus diuidendi erant, bello Cæsare laceffere pararet, Fulvia ubiq; præsentē, nec consilio tantum, sed & manu cœpta promouente: adeo vt occupato Preneste oppido gladio accincta inter armatos versans, nō solum militis, sed & Imperatoris munera vsurparet: ipsosq; Cæsarianos milites pecunia ad defectionem vel ad seditionē sollicitaret. Missisq; sæpius vltro citroq; legatis, quum res obfistente semper Fulvia cōponi nullo modo posset, in manifestū tandem bellum erupit: ita vt Cæsar in Nursinos & Fontinates exercitū duceret, Antonius autē pulso Lepido, qui cum duabus legionib. à Cæsare vrbi præsidio relictus fuerat, urbem ipsam occuparet: Imperatorq; à populo salutaretur. Accedentibusq; mox cum suis copiis Asinio quoq; & Ventidio ducibus Antonianis, difficillimum atrocissimumq; bellum impendere videbatur, ni Cæsar L. Antoniū in Galliam proficiscentem intra Perusiam cōpulsum, frustra; sæpius erumpere conantem, tandem fame compressum deditionē facere cōgisset. Cæsar itaq; bello citra sanguinem cōfecto, mortuoq; fortē Caleno, qui cum legionib. aliquot Galliam nomine Antonij tenuerat, quum de Antonij in se animo propter ea quæ proximè cōtra Fuluiā & L. Antoniū gesta erant, dubitaret, Caleni legiones ad se traducit: Galliamq; ipsam Antonij prouinciā occupat, simul & Hispaniā. Romamq; reuersus, Lepidum in Africam cum sex legionibus Antonianis sibi suspectis ire iubet: (Africam

P. SERVILIUS
L. ANTONIUS
CONSS.

BELLVM PE-
RVSINVM.

cam autem Sestius hætenus tenuerat, pulsus inde Cornificio & D. Lælio: sed is Lepido accedenti haud grauatim cessit) L. autem Antonium cum Peduceio & Luceio legatis Cæsar in Hispaniâ mittit. Antonius interim dum in Asiam cum viuerfo exercitu proficiscitur, Græciam transiens L. Censorinû eidem præficit. Ephesumq; veniens, ab occurrentib. sibi Baccharum habitu & gestu mulieribus, à pueris verò & viris in Panes & Satyros transformatis exceptus est: vrbeq; ipsa hedera & thyrsis passim exornata, Dionysius ab omnibus appellatus & salutatus. Hinc Ciliciam ingressus est, quò Cleopatram prius euocarât, exoptulaturus cum ea de auxiliis Cassio præstitis. Ceterum conspecta Cleopatra, permotusq; tum cultu eius lugubri, tum sermonis & morû venustate captus, non solum iustissimas Cleopatraz se purgantis excusationes, vt quæ non tantum Cassium non iuuisset, sed Dolabellæ insuper quattuor legiones submisisset, classemq; instructissimâ ad ipsum adducere parata fuisset, æquis auribus admisit: sed & in ipsam iuueniliter statim exarsit, ita vt deinceps omnia quasi ex Cleopatraz præscripto ageret: pecunias interim per vniuersam Asiam partim per se contrahens, partim per alios: exactis acerbissimè etiam plurium annorû tributis, & ditionibus, libertatibus, immunitatibusq;, atq; aliis passim tam publicis quàm priuatorû bonis diuenditis; quò scilicet suppeteret, vnde pecuniâ militibus promissam præstaret, quòd singulis quinq; drachmarû milia pollicitus fuerat. Cleopatra autem in Aegyptû præmissa, postquam Asiam vniuersam proximasq; regiones circumiisset, indictis passim grauissimis tributis, instante iam hieme Planco in Asia, Decidio Saxa in Syria relicto, ipse quoq; Alexandriam apud Cleopatraz hiematurus se contulit. Vbi dum Antonius oblitus suæ dignitatis depositisq; vnâ cum imperij insignibus, curis & cogitationib. tanto imperio dignis, sumptaq; pro patrio habitu stola quadrangula calciamentoq; Græcanico, otio luxuiq; deditus, amoribusq; inseruiens, conuiuissq; non sine maxima prodigalitate in plures dies & noctes continuatis, tempus cum Cleopatra turpiter terit, Parthi duce Labieno & Pacoro Orodus Parthorum regis filio Syriam inuadunt, Phœnicem subigunt, Saxaque quem Antonius ibi decedens reliquerat superato & profligato Apanixam per deditionem capiunt: post hæc & Antiochiam à Saxa desertam. Saxaque qui in Ciliciam fugerat à Labieno persequente occiso, Pacorus vniuersam mox Syriam sola Tyro excepta occupat. Hinc in Palestinam transiens, & hanc sui iuris facit. Parte alia Labienus qui ad Saxam persequendum in Syriam profectus fuerat, Ciliciam vniuersam, omnesque Asiæ ciuitates in continenti sitas, præter Stratoniceam nullo ferè negocio ac sine bello subigit, præter Mylissam & Alabanda, quæ per vim in potestatem venère. Hinc Labienus contractis vndique pecuniis, maximaq; præda etiam è templis alijsq; locis sacris ditatus, Parthorû se Imperatorem appellari voluit. Quæ vbi Antonio sunt nuntiata, vix tandem à Cleopatraz amplexibus diuulsus, imminente iam vere, Alexandria Tyrum proficiscitur, tanquam suppetias contra Parthos laturus. Ceterum intellecto proxima quæque in Parthorum potestatem venisse, acceptisque eodem tempore à Fuluiâ vxore (quæ statim à Perusia capta Puteolos vnâ cum liberis fugiens, inde Brundisium perueniens, Athenas nauigarat) litteris, quibus & de Perusina obsidionis euentu certior fiebat, & ab vxore non sine lamentis reuocabatur, per mare Cyprium & Rhodium Asiam præteruectus Athenas adnauigauit: vbi præter vxorem etiam Iuliam matrem repperit, quam in Siciliam confugientem Sextus eò miserat, quò Antonij gratiam & studium sibi contra Cæsarem conciliaret. Instituto igitur cum vxore & matre colloquio, intellectisque plenè iis quæ in Italia gesta erant, victus tum Fuluiæ Cæsari infestissimæ persuasionebus, tum Iuliæ matris pro Sex. Pompeio deprecationibus, accedentibus etiam L. Libone Pompeij socero & Saturnino cum aliis quibusdam quos Pompeius cum Iulia ad Antonium miserat Pompeio recôciliatus vnâ cum illo bellum Cæsari inferre constituit. Digressusque Athenis, Fuluiamque malè affectam

BELLVM
PARTHI-
CVM DV-
CE LABI-
ENO.

LABIENVS
PARTHO-
RVM IMPE-
RATOR.

BELLVM IN-
TER ANTO-
NIVM ET
CÆSAREM.

A Sycione relinquens, ipse cum ducentis nauibus Corcyra soluens, Brundisium appulit. Ceterum Brundisinas portas ipsi praeculentibus, Brundisium statim vallo & fossa à reliqua continenti intercludit: relictaque ad obsidionem expugnationemque parte exercitus, parte alia ad loca maximè oportuna in illa ora occupanda missa, Sipontem capit: & Pompeium Sicilia excitum quamprimum Italiam inuadere, littoraque opposita infestare hortatur: qui missò cum duabus legionibus in Sardiniam, quā Cæsar tum tenebat, Mena liberto, ipse Thurios & Consentiam obsidere pergit. Cæsar autem, qui, ut suprà dictum est, sub id ferè tempus è Gallia redierat, intellectis ijs quæ ab Antonio gerebantur, P. Seruiliū Rullum ad Brundisium tuendum, Agrippam verò ad Sipontem tuendam mittit. Neque interim cessatum ab utroque, quin sedulo oppida & colonias & veteranos quoquo modo sollicitarent, & in suas quisque partes pertrahere studerent. Quæ dum utrinque pari contentione fiunt, suspensis hinc inde & ducum & militum animis, cōmodum nuntiatur Fuluiam Sycione decessisse. Face itaque belli iam exardescantis per mortem Fulviæ extincta, non prius aut ab amicis alterutrius (inter quos & ipsa Iulia mater Antonij erat) aut à militibus ipsis cessatum est, quàm Cæsar & Antonius depositis armis in gratiam redirent. Quæ pax ut aliquo arctiori affinitatis vinculo confirmaretur, Octavia Cæsaris soror natu maior, non tamen eadem matre genita, mortuo non ita pridem Marcello marito, postulantibus pacis auctoribus atque applaudente felixque, ac faustum acclamante vniuerso exercitu, à Cæsare Antonio despondetur. Factaque tertia imperij diuisione conuenit, ut Cæsar Sardiniam, Dalmatiam, Italiā, & Galliam obtineret: reliquas verò trans Ionium mare prouincias Antonius: termino utriusque ditionis constituto Codropoli, quod est oppidum in intimo Adriatico sinu. Ut scilicet quicquid continentis siue insularum ab eo oppido versus orientem usque, ad Euphratem interiaceret, Antonio cederet: versus occidentem usque, ad Oceanū Cæsar imperaret: addito tamē ut utriusque delectus in Italia habere liberum esset.

C Et Sexto Pompeio communi hoste declarato, bellum contra ipsum Cæsar suscepit, Parthicum verò Antonius. Quibus rebus ita constitutis, deducuntur militibus ouantes, propter eam pacem inter se factam, urbem ingressi sunt: ibique nuptiæ Antonij cum Octavia celebratae, decretoque Senatus confirmatae. Et quanquam plebs propter Cæsaris & Antonij in gratiam reditum, metu noui belli ciuilis liberata, primum quidem gauderet, postea tamen multò etiam magis indignabatur, Pompeium non esse in fœdus receptum; quando non minora vrbi mala ab illo, quàm ab Antonij & Cæsaris dissidio vrbi impendere intelligerent, quòd is intellecta Antonij & Cæsaris reconciliatione, relicta Italia in Siciliam quidem se recepisset, nihilominus oras & littora per suos crebris populationibus infestaret, occupataque Sicilia, Corsica, & Sardinia, totoque adeò mari quod Italiam circumaluit, consueta frumentationes intercluderet: ita ut dum neque ex Africa, neque ex occidente cōmeatus aut frumenta subuehi possent, vrbs in summa annonæ caritate etiam fame premeretur. Hinc plebs non prius etiam seditiosius tumultuari destitit, disiectis Antonij & Cæsaris statuis, magistratusque & Cæsare ipsum in publicū prodeuntē lapidibus incessens, quàm Cæsarem & Antonium compellerent, ut ad pacem etiam cum Pompeio faciendam vrbe excederent. Baias itaque profecti sunt, institutoque apud Misenum promontorium cū Pompeio colloquio, ipsis quidem in continenti consistentibus, Pompeio verò ex aduerso in aggere circumfluuo, in hoc ipsum aggesto, praesente hinc vniuerso exercitu, illinc tota classe, certis conditionibus, quas antè per internuntios depacti fuerant, pax inter ipsos conuenit. Et postquam dextras iunxissent, conuiuissque sese mutuis excepissent, postridieque eius diei Consules in quadriennium designassent, inter hos Antonium, Cæsarem, & Pompeium, hunc quidem in vnum annum & primum, illos verò etiam in duos utrumque annos iterum & tertium. His ita transactis, Pompeius quidem in Siciliam, Cæsar verò & Anto-

PAX INTER
CAESAREM
ET ANTONIUM.

IMPERII
DIVISIO.

CAESARIS
ET ANTONII
OVATIO.

PAX CVM
SEX. POMPEIO
FACTA.
ANTONIUS
COS. DES.
ITER. ET
TERT.

nus ad urbem reuersi, faustis acclamationibus atque incredibili omnium ordinum lætitia excepti sunt. Vbi postquam aliquandiu in ocio summa inter se concordia egissent, Cæsare in Galliam nonnihil turbatam profecturo, Antonius abducta secum Octauia ad bellum Parthicum in Asiam discessit: approbatis prius à Senatu omnibus actis ipsius, simulq; ijs quæ ipse deinceps acturus vel decreturus esset. Qua autoritate fretus, pleraque suo arbitratu postea constituit: inter cetera Reges aliquot, vti Darium Pharnacis filium, Mithridatis nepotem Ponti, Idumeorum verò Samaritarumq; Herodem, atque alios aliarum gentium. Instante autem sub discessum ipsius hieme, exercitu in diuersa hiberna distributo, ipse Athenis hiemare constituit: vbi non secus quàm Alexandriæ prius fecerat, relicto imperatorio cultu palliatus & cothurnatus priuato prorsus habitu paucis admodum comitatus, fortè vno atque altero amico & famulo, professores & alios recitatores auditurus in publicum subinde procedebat: sæpiusq; conuiuia Græcorum more agitabat: solennibusq; epulis & festis magna cum Octauix voluptate intererat: constitutusq; Atheniensium gymnasiarcha, inter ceteros honores etiam Bacchum ab Atheniensibus se alterum appellari passus est: desponsaq; sibi tanquam Baccho ab Atheniensibus Minerua, cum dote HS quadragies matrimonium approbavit. Interim P. Ventidius, quem Antonius contra Parthos præmiserat, dum ipse in Græcia otiosus hæret, Labienum ex Asia versus Syriam refugere coëgit: fugientemq; vsque ad Taurum montem consequutus, vltius progredi prohibuit: Parthorumq; exercitum haud multò post superuenientem similiter in fugam conuersum, vsq; ad Ciliciam persequutus est: captoq; Labieno, qui in Cilicia aliquandiu laturat, Ciliciam vniuersam recepit. Hinc ad Amanum montem conuersus, per cuius angustias (quæ Amani portæ dicuntur) ex Cilicia in Syriam transitus est, Pharnabatem Orodus Regis præfectum Pacori legatum eum transitum custodientem ex improviso aggressus, quanquam numero longè impar, cæsa cum magna Parthorum manu ipso Pharnabate, Syriam à Parthis desertam præter Aradum insulam, vniuersam citra prælium recepit. Post hanc & Palestinam recuperauit, fugiente præ metu Antigono, quem mox vti & Antiochum & Malchum Nabatheorum Regem, propter auxilia Pacoro præstita, magna pecuniarum summa multauit. Ob quæ quidem, quòd Antonij auspicijs gesta erant, Antonius ipse à Senatu laudatus, supplicationesq; ipsi decretæ sunt. Antonius autem hoc nuntio Athenis accepto, epulum Græcis dedit, ludosq; publicos instituit. Per hæc tempora Antonio etiamnum Athenis agente, Pompeius rupto pacis fœdere iterum maria infestabat, misso insuper in Italiam Menecrate liberto, qui pleraq; Campaniæ loca popularetur & deuastaret, caussatus quòd Cæsar quidem Mænam libertum suum ad se fugientem classemq; & exercitum tradentem recepisset, monitusq; ad se remittere recusaret: Antonius verò Peloponnesum & Achaiam prouinciam sibi nuper in fœdere concessam, vexaret. Hinc Cæsar Antonium & Lepidum quamprimùm accedere iubet: sed Lepido cunctante & diffidente, Antonius quamprimùm Athenis Brundisium nauigauit: sed non inuento ibi Cæsare, siue prodigio territus, quòd lupo prætorium ipsius ingressus aliquot ex militibus ipsius dilaniasset, siue alia quauis de causa, bellum Parthicum caussatus, iterum in Græciam abnauigauit. Hinc Cæsar coniecturam fecit se ab Antonio contra pacta deferi: & Pompeius sparsis rumoribus Cæsaris causam Antonio minimè probari, maiori etiam studio in id bellum incubuit: ipseq; in Italiam trajiciens, cuncta hostili animo gessit, rem interim naualem Menecrati & Apollophani libertis suis committens. Cæsar autem ab utroq; collega destitutus, opera potissimum Caluissij Sabini & Mænæ liberti, qui nuper à Pompeio profugerat, usus est: prælijsq; aliquot mari infelicitè commissis, accepta etiam non leui propter tempestatem maximam subito exortam clade, qua plus quàm dimidia nauium pars perierat, effecit vt Pompeius verè Neptuni filius crederetur, tanquàm Neptuno à partibus ipsius stante

P. VENTIDI
CON-
TRAPARTHOS
RES
GESTAE.

BELLVM
SICVLVM
CVMSEX.
POMPEIO

A stante, & pro ipso contra Cæsarem decertante. Quod quū & ipse Pompeius ita videri vellet, pro purpureo paludamento ceruleo deinceps vti cœpit: & tanquam Neptuno sacrificans, equos & viros viuos in fretum coniecit. Cæsar autem subductis quæ restabant nanibus, ad nouam classem comparandam, aliosq; apparatus, in Campaniam recessit: missoq; Mæcenate Antonium iterum ad propulsandum communem hostem & belli societatem euocat. Vere itaq; ineunte Antonius cum trecentis nauibus Tarentum accessit: vbi obortis nouis inter ipsos suspicionibus, ita vt Cæsar ad ipsum accedere recusaret, Antonius autem in Syriam reuerti pararet, Octauia ad Cæsarem profecta ipsi persuasit, vt in colloquium cum Antonio veniret: sic post mutuas exostulationes, denuò inter se reconciliati sunt. Quumq; Antonius necessario sibi ad bellum Parthicū proficiscendum caussaretur, bello Pompeiano se interesse posse negauit, nisi Cæsar mallet id in annum sequentē differri, naues tamen & reliquum apparatus lubenter traditurum. Ita Cæsar acceptis ab

B Antonio cxx. nauibus, ipsi vicissim viginti legionariorum milia ex Italia missurum pollicitus est. Et exeunte iam primo Triumviratus quinquennio, in aliud quinquennium sibi eandem potestatem prorogarunt: Pompeioq; hoste iudicato, consularum & auguratum nuper inter ceteras pacis condiciones concessum, adimerunt. Quibus ita constitutis, Antonius ad bellum Parthicum in Syriam vnā cum Octauia profectus est: sed hanc mox à Corcyra remisit. Inde per Asiam in Syriam profectus, misso in Aegyptum Fonteio Capi tone, pro Octauia ablegata Cleopatrá accerlit, venientemq; ad se magna cū beneuolentia magnificoq; apparatu exceptam, Phœnicia, Cœlesyria, Cypro, magna etiam Ciliciæ parte, eaq; Iudææ parte quæ Balsamum profert, tota deniq; Arabia quæ ad Oceanum pertinet & Nabatheorum dicitur, donat: liberisq; suis, quos vno partū geminos Cleopatra ipsi ediderat, quorū vni Alexandro, alteri Cleopatrz nomen erat, Solis & Lunæ cognomina addidit. Vixdum aut digressō Antonio quū Mænashomo dubiæ fidei, iterū à Cæsare ad Pompeium transisset, bellum statim aduersus Pompeium instauratū est: præfectoq; classi loco Mænæ M. Agrippa, Cæsar à Lepido quanquā inuito impetrauit, vt & ipse sua cum classe Siciliam inuaderet. Sed is amisso cū tempestate tum prælio magno nauum suarū numero, ad Lilybæum appellens, ibiq; diutiùs cōsistens, à rebus gerendis abstinuit. Hinc apud Cæsarem in suspicionem veniens, occulta cum Pompeio iniisse consilia creditus est: statimq; obortum inter ipsos dissidium: indignāte Lepido, quòd Cæsar se qui parem haberet potestātē, nō vti collega æquato imperio, sed quasi legato tantūm vti vellet, atque hinc ad Pompeiū clam inclinante. Quod Cæsar impræsentiarum dissimulandum ratus, quia videlicet Lepidum clandestinum quā apertum hostem habere mallet, antequam & hinc Pompeianis rebus aliquid roboris accederet, aut Pompeius pecunia & cōmeatibus quibus destituebatur, instrueretur, quamprimū prælio decertare cōstituit. Omnibus igitur ad prælium expeditis, Pompeium prope Messanā etiamnum imparatū terra simul & mari aggreditur: ita

D vt Cæsar ipse pedestres copias duceret, M. aut Agrippa mari rem gereret: & post longam & dubiam hinc inde dimicationem, Pompeiani terra mariq; profligati, fugientes Messanā & alia loca petiēre: ipse verò Pompeius amissa classe & Demochare classis præfecto mortuo, alijsq; plurimis ad Cæsarem profugientibus, rebus iam desperatis, filia atq; amicis cū pecunijs & reliquis rebus preciosioribus in naues (quæ. xvii. duntaxat ex vniuersa classe reliquæ erant) impositis, noctis tenebris adiutus, nemine insequente, ad Antonium fugit: sperans scilicet quòd matrem ipsi incolumē remisisset, inuicē & ab ipso in gratiam recipiendum. Lepidus interim admotis propiùs Messanā copijs (quò & M. Agrippa à Cæsare submissus haud multò post aduenerat) Plemmio, qui cum octo legionib. statim post Pompeij discessum eò venerat, in fidem recepto, militibusq; eius cum salute etiam direptione vrbs cōcessa, quanquā reclamante & inuito Agrippa, qui Cæsare expectandum censebat:

TRIUMVIRATVS REIPVB. CONSTITVENDAE ITERVM INITVS. POMPEIVS HOSTIS IVDICATVS.

auctusq; accessione Pompeianorū vsque ad numerum viginti legionum, occupataq; Mes-
 sana, etiam de vniuersa Sicilia retinenda cogitauit: vt quæ sibi iure deberetur, quod prior
 in eam descendisset, pluresq; eius ciuitates in fidem recepisset. Sed Cæsar hoc intellecto
 postridie accedens, facillè milites à direptione abstinere, ipsum autem Lepidum vrbe exce-
 dere, collemq; proximum castris suis occupare compulit. Ortaq; primum inter ipsos per
 internuntios disceptatione, non sine multis expositulationibus, Lepido quidem de Cæsaris
 in se iniuriis prouinciisq; sibi ademptis conquerente, Siciliamq; suā potissimum opera re-
 ceptam sibi vendicante, Cæsare verò nihil aut pauca ad hæc respondente. Qui postquam
 quosdam è Lepidianis maximè è Pompeianis qui pridie ad ipsum transferant corrupisset,
 cum equitibus vsque ad vallum castrorum Lepidi progressus, castraq; ipsa cum paucis in-
 gressus, & milites alloquutus, obrestatusq; se inuitum ad bellum protrahi, postea cum vni-
 uersis accedens copiis, castra Lepidi obsedit: cōmissioq; leui prælio, deficientibus primum
 ad ipsum Pompeianis, reliqui quoque Lepidi milites metuentes ne & ipsi in potestatem
 redigerentur, paulatim alij post alios, Lepido nequicquā obsistente & fidem ipsorū implo-
 rante, ad Cæsarem defecere, parati etiam Lepidum interficere ni Cæsar vetuisset. Ita Lepi-
 dus ab omnibus desertus, pullatus ad Cæsarem procedens, se genibus ipsius submisit. Sed
 Cæsar assurgens, dextra porrecta subleuatum, supplicem sibi fieri passus non est: imperioq;
 adempto, relicto tamen Pontificatu Maximo, ad urbem redire iussit. Sextus autem
 à Messana fugiens, in Lesbum insulam delatus, Mytilenæ (vbi olim patre Pompeio aduer-
 sus C. Cæsarem bellum gerente cum matre egerat) substitit: quumq; se fidei Antonij per-
 mittere decreuisset, legatosq; in id ad Antonium misisset, intellecto postea infelici rerum
 Antonianarum aduersus Medos successu, ad occupandam continentem Lesbo obiectam
 animum adiiciens, nauesq; & classiarios interim comparans, Parthis etiam se iungere stu-
 duit: missisq; clām ad Thraciæ Ponti- reges & Dynastas legatis, suam contra Antonium
 operam, vt prius Labienus, obtulit. Quibus Pompeij conatibus ad Antonium perlatis,
 quanquam prius Pompeiū in amicitiam recipere decreuisset, M. Titium qui prius à Pom-
 peio ad ipsum defecerat, cum classe contra Pompeium proficisci iubet, cum mandato, vt
 siquidem classē & se dedere vellet, Pompeium honorificè ad se deduceret: sin ininūs,
 ipsum bello persequeretur & quoquo modo opprimeret. Titius igitur Pompeium adhuc
 Nicomediæ imparatum deprehendens, pacem iterum ab Antonio per legatos petentem,
 ita tamē vt nec se nec classē tradere paratus esset, posteaq; in Mediterranea Bithyniæ
 se recipientem, Armeniamque petentem, Mindaij circumuentum & in potestatem reda-
 ctum, postea per litteras ab Antonio iussus interfici curauit: quanquam Antonium ipsum
 postea eius pœnituisse ferunt. Cæsar autē intellecta Pompeij cæde, factis ob id ludis eque-
 stribus, Antonio currum apud rostra & statuam in templo Concordiæ posuit. Atque hæc
 quidem in Sicilia & alibi contra Pompeium gesta sunt. Pacorus autem Orodis Par-
 thorum regis filius Ventidio rebus in Syria nuper à Parthis recepta cōstituendis intento,
 Antonioq; Alexandriæ luxui & amoribus dedito, cum valido exercitu iterū Syriam inuase-
 rat. Sed Ventidius maturè cum legionibus, quā Parthus minimè putabat occurrēs, in agro
 Cyrrhestico Parthos castra sua edito loco posita aggredi ausos, facta subito eruptione nō
 sine maxima strage concidit: ipsoq; Pacoro duce cæso profligatos partim in Mediam &
 Mesopotamiam vnde venerant, partim in Comagenem ad Antiochū celeri se fuga reci-
 pere compulit: capiteq; Pacori per omnes Syriæ ciuitates circumlato, Syriam vniuersam,
 quæ Pacorū propter summam eius iustitiam & clementiam vnice obseruabat, euentumq;
 eius belli sollicitè expectabat, mox pacatā reddidit: receptisq; quæ defecerant ciuitatibus,
 in Antiochum conuersus, & hunc intra Samosata cōpulsus oppugnare aggressus est: de-
 ditionemq; facere, & pacem mille talentis redimere paratū, Antonij propediem adfuturi
 ad-

IMPERIVM
 LEPIDO AB-
 ROGATVM.

SEX. POM-
 PEII CÆ-
 DES.

BELLVM
 PARTHI-
 CVM.

A aduentū expectare, aut legatos ad ipsum de pace mittere iussit: ne solus scilicet sibi omnium rerum gestarum gloriam usurpare velle videretur: quod sciret Antonium rebus à se feliciter gestis iam tum inuidere. Postquam autem Antonius post dies haud multos superuenit, quum res à Ventidio suis auspiciis gestas haud satis æquo animo ferret, quod gloriam non in solidum suam fore intelligeret, Ventidium in ordinem redactum abrogato imperio exercitum sibi tradere iubet: eiusq; opera & tunc temporis & postea uti reculauit. Hinc ad Antiochum cōuersus, quum nec oblatas pacis aut deditōis conditiones admitteret, nec rursus versa in fortitudinē desperatione diutius obsessum sæpiusq; oppugnatū in potestatem redigere posset, victus tædio, vidensq; tempus frustra consumi, suspicatusq; milites ob affectum iniuria Ventidiū animis in se esse alienioribus, acceptis pro M. talentis quæ prius offerebantur. CCC. tantū, & duobus duntaxat obsidibus, pacem Antiocho dedit: solutaq; obsidione, & constitutis vtcunq; rebus Syriacis, Athenas reuersus est. Decretoq; tam sibi quàm

B Ventidio, ob res cōtra Parthos gestas, triumpho & supplicationib., quanquā indignatus honores sibi cum Ventidio cōmunicatos, Ventidiū tamen collaudatū ad triumphū in urbem remisit: qui & solus & primus hactenus de Parthis triumphauit. Nec multo post Antonius quoq; Romā venit. Per id tempus C. Sosius Syriæ Ciliciæq; ab Antonio præfectus Aradios, qui soli se Ventidio opposuerāt, fame & longa obsidione pressos in potestatem redexit: Antigōnumq;, qui præsidium Romanorum interfecerat, prælio superatum, Hierosolimisq; quod confugerat obsessum, tandem in ipso templo vi expugnatum, viuum cepit: confirmatoq; Herodi Iudæorum regno, quod ipsi Antonius concesserat, Antigōnum cruci affixum virgisq; cæsum, demum securi percussit. P. quoque Canidius Crassus circa Armeniæ fines ab Antonio relictus, superatis diuersis prælijs Pharnabazo Hiberorum, & Zibere Albanorum Regibus, ad Caucasum vsque monte in Romana protulit arma. Interea Antonio Romæ diutius hærente, ita ut sub finem demum anni in Syriam reuerteretur, Phraates alter Orodis filius, cæso in prælio à Ventidio fratre suo Pacoro, acceptoq; à patre regno, sublatis è medio per dolum fratribus, quos ex Antiochi filia Orodes susceperat, ipsum quoq; Orodem patrem ob tantum scelus meritò sibi offensum, interimere nō dubitauit: simul & quoscunq; ex nobilissimis aliquando auctoritate apud patrem valuisse, aut nunc etiam plurimum posse intelligebat. Hinc plurimi & præcipui crudelitatem hominis metuentes, ipso relicto alij aliò fugiebant: ex his aliquot ad Antonium, in quibus fuit Monefes quidam. Quo recepto Antonius quum is se ducem belli fore, facileq; bonam Parthiæ partem occupaturum polliceretur, adiunctis sibi Pharnabazo & Zibere Regibus, paulò antè à Canidio subactis, expeditionem contra Phraatem parabat. Ceterum Phraates defectione suorum potissimum autem Monefis turbatus, missis ad Monesem legatis, data fide ad se reuerti iubet. Quod quanquam Antonius haud satis æquo animo ferret, spe tamen pacis recipiendorumq; pro Monefe ciuium Rom. & signorum sub Crasso amissorum, Monesem redire permittit: simul etiam legatos mittit, qui si signa & captiui redderentur, pacem cum Partho conficiant. Ipse interim validissimis instructus copijs, Cleopatra, quæ tum fortè aderat, Alexandriam remissa, ad bellum se comparabat: speransq; Regem propter spem pacis securius agentem ex improviso posse opprimi, ad Euphratem vsq; processit. Verum postquam Euphratem valido teneri præsidio intellexit, ab Artanasse maioris Armeniæ Rege sibi confederato accitus, monitusq; Medo ad auxilia Parthis præstanda longius profecto, Mediam faciliè posse inuadi, auerso itinere, relictoq; post se cum impedimentis, machinis, & bona exercitus parte, Statio Oppiano, & se quamprimùm subsequi iusso, ipse magnis itineribus ad Phraaspa vsque regiam Medorum urbem, in qua erat vxor Regis cum quatuor liberis, peruenit: oppidumq; obsidione cinctum statim oppugnare cœpit. Quæ quū Medum & Parthum minimè laterent, obuiam progressi, fatigatumq; ex itinere de impro-

VENTIDII
DE PARTHIS
TRIUMPHVS.

C. SOSII RES
GESTAE.

uiso adorti, vniuersis ad vnū casis, solo Polemone Ponti rege capto, omnibus impedimen- **A**
tis machinisq; bellicis potiuntur. Quod vbi Artanasdes Armeniæ Rex intellexit, quasi re
desperata, cum suis se copiis subtrahens in Armeniā quamprimum reuersus est. Antonius
autem à Stadianis celeriter accitus, ad suppetias suis ferendas relicta Phraasporū obsidione
profectus, quum præter cadauera nihil inuenisset, postremū barbarorum magna celeritate
se recipientiū agmen insequutus, cōmisso prælio, nullaq; ferè edita strage, quòd ab Arme-
nio desertus esset, ad Phraasporum obsidionem reuertitur. Ceterū quum machinis desti-
tutus sæpius oppugnando nihil proficeret, diuersis cladibus à Parthis qui haud procul aber-
rant illatis, absumptisq; omnibus quæ circa urbem erant cōmeatibus, dum suos longius fru-
mentatū mittere cogitur, subornatis à Phraate, qui inter frumentationē Romanis immixti
familiariusq; compellantes, Antonium in spem pacis facillè impetrandæ adducerent, missis
iterum de pace legatis, signa & captiuos, vt prius, repetit. Parthus autem signorū & capti- **B**
uorum mentione reiecta, si Antonius exercitum abducat, & Medorum finibus excedat, pa-
cem se concessurum respondit. Quo responso Antonius securior iam factus obsidionē sol-
uit: & dum pacis cōpositionem exspectans ad iter se profectionemq; comparat, Medi eru-
ptione facta, machinis operibusq; negligentius tanquā pace iam facta custoditis flammis
iniiciunt, aggeresq; & vallum disturbant. Parthi alia ex parte Antonianos aliud agentes
adorti, cladem non paruam intulere. Antonius ergo se deceptū videns, quum sibi non esse
vlterius de pace cogitandum videret, duce Mardo quodam, instituto per montes & angu-
stiora loca itinere, ne exercitum suum armis grauem per loca plana & patentia Parthis sa-
gittariis obiceret, copias suas in Armeniam reduxit: ita tamen vt magnis interim confli-
ctatus itinerum difficultatibus aliisq; incommodis, tum propter cōmeatum & aquæ alio-
rumq; per loca auia & deserta inopiam, tum propter crebra vario euentu prælia, occurren-
tibus sibi subinde Parthis, cum quibus octies decies ex itinere dimicasse traditur, desidera- **C**
tis è suis amplius viginti quattuor milibus, post septem & viginti demum dies in Armeniā
peruenerit. Vbi dissimulato suo in Artanasdem animo, quòd se ab ipso desertum indigna-
retur, ultionemq; iam animo concepisset, quia tamen & pecunia & aliis rebus necessariis
destitutus, humanitatē atq; hospitium Artanasdis sibi perquam necessaria intelligeret, ho-
minem blandè ac benignè alloquutus, tandem impetrauit vt sibi cum exercitu in regno
ipsius hibernare liceret, quòd primo vere alteram in Medos expeditionē suscipere consti-
tuisset. Ceterū postquam aliquandiu in Armenia subsistens, suos à proximis incōmodis
& molestiis nonnihil refecisset, hieme necdum exacta, Cleopatraz desiderium non ferens,
quòd propius ad ipsam accēderet, per hiemen & niues exercitum in Phœniciam reduxit: lo-
coq; medio inter Berytū & Sidonem ad mare confedit, Cleopatram quam eò venire iusse-
rat exspectans, & subinde ad littus procurrens, num fortè illam aduentantē videret: donec
illa vestem militarem quamplurimā & pecuniam militibus Antonianis distribuendam ad- **D**
ferens, tandem aduenit. Pecuniam tamē ab Antonio subministratā, sed Cleopatraz ab ipso
imputatam, quò militibus gratiorē redderet, quidam prodidēre. Pecuniis itaq; quas Cleo-
patra attulerat, in milites distributis, centenis scilicet quadragenis in singulos sestertiis,
aliisq; rebus constitutis, Antonius cum Cleopatra in AEGYPTIū reuertitur. Per id tem-
pus orta inter Phraatem Parthum & Medum de præda & spoliis diuidendis contentione,
Medus metuens ne à Partho regno exueretur, Polemonem nuper à se captum cum legatis
ad Antoniū mittit: & si bellum Parthis inferre velit, suam ad id operam & auxilium polli-
cetur. Antonius itaq; acceptis iis quæ offerebantur cōditionibus, paceq; cum Medo facta,
promittit se ad Araxem flumen quod Mediā ab Armenia diuidit, suo cum exercitu ven-
turum, coniunctisq; copiis Parthum inuasurum. Interim quum Artanasdis desertoris
perfidiā sibi quoquo modo vindicandam cōstituisset, quò minore id molestia conficeret,
com-

A comprehensumq; interficeret, primū tanquā amico & benē de se merito gratias pro accēptis ab eo beneficiis repensurus, in Aegyptū ad se accedere hortatur. Qui cum verbis Antonij parum fidens aliud caussatus non veniret, Antonius sperans dum per Armeniam in Parthos exercitum ducit, se faciliē incautū oppressurum: tanquam ad bellum Parthicū ex AEgypto in Syriam proficiscitur. Verū intellecto hand multo post Octāuiam aduentare, litteras ad Octāuiam mittit, significans se ad bellum Parthicū proficisci, proinde ipsam vel Athenis subsistere, vel si ita videatur, domum reuerti iubet. Octāuia quanquam faciliē suspi-
B caretur, non tam propter Parthicā expeditionem, quā Cleopatram se remitti, munera tamen & dona, quæ plurima & splendidissima Roma secū attulerat, (in quibus præter vestem, pecunias & iumenta, duo erant selectorū militum milia) Antonio misit. Quidam crediderunt Octāuiam à fratre Cæsare missam fuisse ad Antonium, aliquam scilicet iusti belli occasionem captante: quod non ignarus amorū & consuetudinis Antonij & Cleopatraz, certō sibi persuaderet illam aut non admittendam, aut si admitteretur negligendam, præ-
C lata ipsi pellice. Cleopatra autē si quando aliās tum certē Antonij se amore incensam simu- lans, nihil intentatū relinquebat, nihilq; sibi ad questus, blanditias & illecebras reliquū faciebat, quō & Octāuiā ab Antonio arceret, & Antoniū à Parthica expeditione retraheret: ita vt Antonius relicto omni apparatu, neglectaq; tam oportuna rei gerendæ occasione, in Aegyptū reuersus bellum Parthicū in tempus aliquod distulerit. Postea tamē profectus, vindictæ quam in Artavasdem Armeniū conceperat memor, ad aliam doli rationem conuer-
D sus, & simulans se filiam ipsius filio suo Alexandro in vxorē expetere, missis semel atq; iterum legatis, Artavasdem ad se pertrahere conatus est. Qui quum sæpius euocatus non veniret, quod sibi malē conscius Antonio non satis fideret, Antonius subito Artaxata pro-
C gressus, vbi regiam suam habebat Armenius, non prius destitit, quā partim minis partim pollicitationib. sociorumq; persuasionibus, scriptis pariter & factis amicū se simulans, regē ad colloquiū in sua castra pertraxit: vbi cōprehensum per totū regnū & vniuersa castella circumducens, thesauros regio sibi monstrare cōpulit. Verū postquā hi qui gazæ & the-
C sauris præerant, Artaxā filiorū Artavasdæ maximū Regem cōstituisent, iniectis Artavasdæ argenteis catenis, victoq; in prælio Artaxa & ad Parthos fuga dilapso, vniuersam breui Ar-
D meniam partim vi partim deditione subegit: impetrataq; à rege Medo Iotape filia in con- iugem filio suo Alexandro, & exercitu suo in Armenia relicto (quo postea adiutus Medus Parthū & Artaxam in se irruentes superauit) cum magna præda in Aegyptū reuersus est: Artavasdemq; cum vxore & liberis captiuos ducens, in gratiā Cleopatraz Alexandriā more Romano triumphans ingressus est. Ipsumq; regem Artavasdē postea aureis oneratū cathe-
D nis, adductumq; ad Cleopatraz in media populi corona in argenteo tribunali sella aureā se- dentem, supplicē ipsi fieri voluit: datoq; populo Alexandrino epulo & visceratione, vti Ro-
D mæ post triumphos fieri consuevit, assidentibusq; sibi Cleopatra & liberis ipsius habita ad populū cōcione, Cleopatraz Reginam Regum, Ptolomæū autem Cæsariōnē Regem Regū appellauit: Aegyptumq; his, & Cyprū, vti prius Cæsar, iterū addixit: suis autem ex Cleopa-
D tra liberis (quibus præter duos gemellos supra memoratos accessit tertius Ptolomæus di- ctus Philadelphus) Alexandro quidem Armeniā atq; alias trans Euphratē vsq; ad Indian regionem, non secus ac si iam & eas suæ ditionis fecisset, Cleopatraz Cyrenaicā, Ptolomæo verō Syriam, omnesq; cis Euphratē vsq; ad Hellepontū regiones attribuit: non dubitans etiam Romā hæc perscribere, postulans vt eadē Senatus decreto suo cōfirmaret: addiditq; paratū se Magistratu decedere, omniaq; Senatui & pop. Ro. permittere: quod speraret se hac ratione effecturū, vt Cæsar, qui ad urbem erat, prior arma deponere cogeretur: aut si id facere recusaret, in inuidiā adduceretur. Post hæc ad Araxem vsq; flumen progressus, quō & Medus è suo regno processerat, fœdere cū Rege inito, parteq; Armeniæ nuper occu-
patæ

ARMENIA
SVBACTAANTONII DE
ARTAVASDE
TRIUMPHVS

patæ concessa, filiam vicissim Iotapen filio suo desponsam, signaq; Statiano cæso perdita à Rege recipit, Polemonem verò Ponti Regem à Medo nuper captum, Armenia minore donat. Et hæc quidem sunt, quæ ab Antonio in Syria alijsq; transmarinis populi Romani prouincijs & finitimis regionibus hætenus gesta sunt.

Quum autem deuictis occisq; Sex. Pompeio, Lepido verò in priuatori ordinem redacto, Parthisq; ab vna parte, ab altera verò gentibus quæ contra Cæsarem bella mouerant perdomitis, penes Antonium & Cæsarem rerum omnium summa esset, omnibusq; vtcunq; vbiq; pacatis nullum aliunde grauius bellum imminere videretur, bellum subito ciuile inter Antonium & Cæsarem exarsit: cuius hæc ferè exstitere causæ & initia.

Cæsar offensus Antonij in Octauiam sorore iniurijs, Antonium apud Senatum accusabat, quòd Aegyptum prouinciam sine sorte inuasisset: quòd Artabafda Rege Armeniæ per fraudem capto & in vincula coniecto, magnâ nomini Romano iniuriam & contumeliam conciliaffet: quòd præcipuas Po. Ro. prouincias, tum Cleopatraz & liberis ipsius, tum alijs pro arbitrio dedisset. Antonius vicissim obieciebat, quòd Lepido collegæ se inconsulto magistratû abrogasset, Lepidiq; & Sexti cum prouincijs, tum exercitus sua auctoritate sibi vendicasset: quòd naues quas ipsi comodato dederat, non restituisset: quòd vniuersos ferè per Italiam agros militibus suis nulla habita militum Antonianorum ratione diuisisset. hæc atq; alia tam apud Senatû quàm per litteras sibi mutuò exprobrabant, & vicissim se purgabant: Cæsar quidem coram per se, Antonius verò per litteras, legatos, aut internuntios, potissimum aut per C. Sositum alterum è Consulibus, qui Antonij causam magno studio atque contentione defendebat, & Cæsarem impugnabat, edictum etiam contra Cæsarem propositurus, ni Tribunus plebis vetuisset: qui & postea cum collega & plurimis Senatorum ad Antonium transijt, causatus non licere Consulib. liberè de Rep. agere, quòd Cæsar satellitio stipatus, amicisq; pugiones sub veste occultantibus comitatus in Senatum veniret. Pro quibus alij non pauci postea ab Antonio ad Cæsarem se cõtulere, & in his M. Titius & Munatius Plancus: habitoq; hinc inde Senatu, quum alter alterum criminari & accusare non cessaret, Antonius repudiata Octauia, prior bellum Cæsari denunciassè visus est. Inuento aut Romæ apud Vestales Antonij testamento, eoq; palam in Senatu recitato, quo inter cetera Cæsari non legitimum Cæsaris filium declarabat: relictisq; tam ipsius Cleopatraz, quàm suis ex Cleopatra liberis immensis inofficiosissimisq; legatis, Alexandriæ se comuni cum Cleopatra sepulchro cõdi petebat. factum est vt & ea quæ vulgò de ipso spargeretur, de imperio Alexandriam transfèrendo, deq; Roma ipsi Cleopatraz donanda, facile crederetur: animiq; ferè omnium, etiam eorum qui prius rebus ipsius studuerant, ab ipso alienarentur. Adempto igitur ipsi comuni Senatus decreto consulatu, reliqua etiam potestas abrogata est. Et quum Senatus propter amicos ipsum hostem iudicare non auderet, impunitate tamè & præmio ijs qui partes Antonij reliquissent proposito, sumptisq; sagis bellum Cleopatraz indictum est. Et postquàm magno vtrinq; studio delectus habiti, eaq; quæ ad bellum necessaria videbantur comparata, Antonius paratior & ab omnibus Cæsare instructior, primum cum Cleopatra Ephesum venit, quò copias maritimas omnes cõuenire iusserat. Et quanquàm à Domitio monitus Cleopatraz relinquere constituisset, victus tamen precibus & lachrymis ipsius Cleopatraz, Canidioq; quem Cleopatra subornarat, instante, collectis omnibus copijs, assumptaq; secum Cleopatra, Samum peruenit. Vbi postquam dies aliquot in summo luxu, nullisq; non interim voluptatib. indulgens peregrisset, Athenas venit. Commoratusq; & ibi aliquandiu, postea Corcyra perueniens, intellecto naues Cæsaris speculatorias apud montes Ceraunios in statione esse, suspicatus vniuersam Cæsaris classem eò cõuenisse, in Peloponnesum reuectus, omniq; exercitu suo in hiberna distributo, Patris hiemauit: magno Cæsaris cõmodo, qui ab omnib. imparatus, intellecta Antonij celeritate & copiarum magnitudine, magnoperè metuebat ne ante hiemem pugnare cogeretur.

BELLVM CI
VILE INTER
CAESAREM
ET ANTO-
NIVM.

CONSULA-
TVS ET IM-
PERIVM AN-
TONIO AB-
ROGATVM.

A retur. Omnibus igitur per oclū cōparatis, Cæsar vere inito Brundisio soluens, Actium, ubi maior Antonianarū nauū pars in statione erat, vniuersas copias ducit: copijsq; pedestrib. ad Ceraunios montes expositis, occupataq; Corcyra præsidio destituta, & nauibus ibi in statione constitutis, Actium inde cū vniuersa classe prouectus, nemine nec ad pugnam nec ad colloquiū exeunte, in aduersa sinus Ambracij parte loco sublimi, vnde & Actium ipsum & mare subiectum & sinus interior despici poterant (quo loco postea Cæsar Nicopolim condidit) castra posuit. Antonius autē quem suprà Patris hiemasse relatum est, postquam Cæsarem Actium peruenisse intellexit, & ipse quamprimū eō contendit: castraque haud procul à Cæsare constituit: cōmissisq; ibi leuibus aliquot terra mariq; prælijs, suis ferē semper inferioribns, & præter Leucadem insulam plerisq; etiam Peloponnesi vrbibus à M. Agrippa receptis, plurimisq; quotidie cōfederatis Regibus à se ad Cæsarem transeuntibus, castra in oppositam sinus partem transtulit. Vbi dum se commeatibus interclusum videt, periculūq; esse, ne si diutiūs bellum trahatur sui fame premantur, variantibus sententijs super eo quod faciendum videretur, quanquam Canidio & alijs quāmplurimis suadentib. vt Antonius remissa in Ægyptum Cleopatra, mariq; cedens, exercitu & bello in Thraciam vel Macedoniam translato, terrestri potiūs prælio, quo Cæsarem longē superare videbatur, rem committeret, vicit tamen Cleopatraz sententia, quæ vel iam de fuga cogitans (quā sibi mari quā terra faciliorem paratioremq; sciebat) nauali prælio concurrendum, aut quod tutiūs videbatur, dispositis per loca oportuna præsidijs in Ægyptum recurrendum inculcabat. Antonius igitur quum maior classiariorum pars per hiberna dispersa nondum aduenisset, plurimisq; occisis, non pauciores ad Cæsarem transfussent, reliquis omnibus nauibus flamma studio iniecta concrematis, sexaginta optimas ex omni numero elegit: quas velis etiam secum assumptis, impositisq; viginti milibus militum sagittariorumque duobus milibus, ad fugam pariter & prælium instruxit: è quibus præter paucas triremes, reliquæ omnes maiores erant, à quaternis scilicet vsq; ad denos remorum ordines, omnesq; turritæ: vt tanquam de muro ex iis depugnaretur. Dextrū quidem classis cornu cum Antonio Gellius Poplicola ducebat, sinistrum M. Octavius, mediam verò aciem Celius. Gubernatoribus autem præceperat Antonius, vt paulatim progressi, in ipsis sinus faucibus & angustijs hostium impetum expectarent. Cæsar autem postquam Antonianos ad pugnam paratos in acie consistere cognouit, educta & sua classe dum videt hostem immotum tanquam in anchoris consistere, octo ferē à statione hostium stadijs ipse quoque suos continuit: donec procedentib. primò Antonianis, qui magnitudine & firmitate nauium suarum confisi vltiorem moram non ferebant, Cæsarianis quoque propiūs accedentibus atque impetu inuectis, res ad prælium deuenit. Ita vt dum tres quattuorue aut plures Cæsaris naues singulas Antonianarum, quæ vastitate sua arcium potiūs quā nauium speciem præbebant, oppugnantes circumfistunt, non tam mari quā terra circa oppidum aliquod prælium committi videretur. Et postquam inclinante in neutram partem victoria, diu acriter pugnatū fuisset, tandem turbata media Antonij acie, Cleopatra, quæ post eas naues quæ pugnam capebant hætenus in anchoris steterat, inter spem metumq; dubia, quum aduersum magis prælij euentum metueret, quā felicem speraret, dato signo, passis velis, directoque versus Peloponnesum cursu, etiam non præmonito Antonio se cum suis in fugam dedit. Quos quū Antonius non tam metu periculi, quā acceptæ iam clade fugere crederet, ipse quoq; attonitus nec plura percunctatus, in quinquere mem insiliens, paucis comitantibus, deserta classe Cleopatraz fugientē insequutus est. Reliqui Imperatoris sui fuga cōsternati, abiectoque omni vltiūs dimicandi proposito, proiectisq; omnibus quæ cursum remorari possent, ipsi se quoq; ad fugam expediunt. Quos quū Cæsariani velis destituti assequi non possent, eos qui nondum euaserant eminūs cominusq; oppugnando aliquandiu remorati, quū propter

PUGNA
NAVALIS
ACTIACA.

niclem nauium expugnari posse diffiderent, mutato consilio, faces, iacula ignita, atq; ollas carbonib. piceq; & sulphure plenas coniecere. Hinc quum statim flamma apprehendisset, deficiente aqua incendio restinguendo idonea, bona Antonianarum nauium pars incendio mediis in fluctibus misere periit. Cleopatra autem postquam Antonium subsequi intellexit, signo statim e naui sua sublato ad quod ille cursum teneret, postea ad se delatum in nauem suam recepit. Ceterum quidam tradidere, Antonium siue pudore, siue ira, capite in utramq; manum demisso per triduum in prora nauis consedis, ita ut Cleopatram ne aspiceret quidem, neq; se ab ea in faciem conspici pateretur: donec tertio post die ad Tenarum promontorium appellentes, opera mulierum quae Cleopatram comitabantur in colloquium reducti, simul & cenarent & cubarent. Antonius intellecto ibi classem quidem amissam, verum terrestres copias quibus Canidius praeerat sibi saluas, litteris ad Canidium missis iubet eum per Macedoniam in Asiam exercitum ducere: dimissaq; a se quanquam inuitum admodum in Aegyptum Cleopatra, amicis quoq; nauem multo auro & argento plenam largitus, hos quoq; quae quisq; poterat salutem querere hortatur, Theophilo cuidam qui Corintho praeerat eosdem commendans, ut donec veniam a Caesare impetrassent, tutum ipsis perfugium aut latebras praestaret. Ipse vero praemissis quibusdam e suis ad Pinarium Scarpum qui Africam cum exercitu obtinebat, sperans se ab ipso recipiendum, Paretonium postea appulit. Plutarchus auctor est, Cleopatram cum Antonio Paretonium profectam, & a Paretonio demum in Alexandria remissam. Dion autem tradit Cleopatram veritam ne tanta clades nouis apud suos tumultibus causam praeretur, simulata victoria prorsusq; nauium coronatis non sine cantionibus & tibiarum concentu Alexandria inuectam. Ceterum quum Pinarius Antonium recipere recusaret, occisis etiam quos Antonius ad ipsum miserat, Antonius primo de morte sibi consiscenda cogitasse traditur: sed ab amicis prohibitus, ipse quoq; Alexandria se ad Cleopatram contulit: quae tum forte Isthmum illum trecentorum ferè stadiorum, qui mare Aegyptium & sinum Arabicum interiacet, perfodere parabat, classe scilicet in mare rubrum cum vniuerso thesauro & valida suorum manu traducta, bellum & seruitutem fugiens, nouas per ignotas regiones sedes quaesitura. Sed intellecto Antonij aduentu relicto opere iam incepto, sat habuit portus & littora dispositis munire praesidiis. Antonius autem domo quadam in mari ipso iuxta Pharum aedificata, quam Timoniam appellauit, constituerat exemplo Timonis illius Atheniensis, qui vniuersum genus humanum perosus fuerat, omni hominum consuetudine deinceps abstinere: quod se ab amicis desertum & proditum causaretur, proinde posthac fidem nulli habiturum. Ceterum postquam Antonius copias etiam terrestres deletas intellexit, & regem Herodem quondam sibi fidum & amicum cum plurimis aliis ad Caesarem defecisse, ipsumq; Caesarem expeditionem contra se parare, e domo illa Timonia Alexandria reuersus, abiecta cum spe salutis omni simul cura & sollicitudine, voluptatibus conuiuibusq; & luxui deinceps cum Cleopatra totum se deditit: quod vitae genus ipsi Comorientes appellarunt. Amicisq; in caetum illum suum Comorientium receptis, conuiuia & commensationes in orbe continuato circuitu cum ipsis celebrabant. Interim contractis undiq; copiis tam terrestribus quam navalibus, auxiliisq; populorum regumq; vicinorum imploratis, Antyllum Antonij ex Fulvia, & Caesarionem Cleopatrae ex Caesare filios emancipatos toga virili donarunt: qui si quid ipsis humanitus accidisset, rei summam praestarent. Et ne quicquam intentum relinqueret, legatione insuper etiam saepius ad Caesarem missa, Cleopatra quidem regnum sibi cum filiis relinqui petiit, Antonius autem vitam priuam Athenis: constituentes nihilominus si non impetraret, aut alia necessitas urgeret, in Hispaniam, Galliam, aut etiam ad mare Rubrum fugam facere, omnibus etiam in eum euentum comparatis & adornatis. Sed Caesar nunc reiectis Antonij postulatis, nunc nullo responso dato, Cleopatrae palam quidem interminabatur propter Antonium, sed clam omnia pollicebatur, si illa Antonium interfici curaret, vel regno quamprimum expelleret, misso etiam Thyrsio quodam liberto qui eloquentia plu


A plurimùm valebat: & quò Cleopatraz faciliùs quaz vellet persuaderet, pecunijsq; & reliquo rerum preciosissimarũ thesauro quoquo modo potiretur, se quoq; amore ipsius captum simulabat. Antonius autem quũ nihil se à Cæsare impetraturum intelligeret, quamvis misso inter ceteros etiam cũ magno auri pondere Anthyllo filio suo, intellecto Cornelium Gallum accepto à Scarpo exercitu Paretonium occupasse, sperans se Gallum, quem iam olim propter cõmunem militiam beneuolum sibi credebat, faciliè pecunijs & pollicitationib. ad se traducturũ, Paretonium adnauigauit: sed prohibitus milites alloqui, acceptoq; & terra & mari incõmodo, nuntioq; de Pelusio à Cæsare capto ad se perlato, Alexandriam repetit. Cæsar enim Antonio iam digresso, nõ tam vi quàm proditione Cleopatraz (quaz Cæsarem sibi quoquo modo demereri studebat) Pelusiũ tradente Seleuco haud inuita Cleopatra receperat: inde exercitu propiũs Alexandriã admoto, castra in Hippodromo posuerat. Sed Antonius superueniens, quũ equitatũ Cæsaris etiamnũ ex itinere fatigatũ fudisset, sumpta hinc fiducia etiam pedestri certamine postea cõcurrere ausus, victus ad classem confugit: quòd cõstituisset, aut pralio nauali de summa rerũ contendere, aut in Hispaniã se recipere. Sed Cleopatra consiliorũ Antonij conscia, Cæsari & in hoc gratificari studens, effecit, vt naues ad Cæsare transfugerent. Quod Antonius è tumulo conspiciatus, amens in vrbem se prorupit, clamitãs à Cleopatra se proditũ illis, quibus in ipsius gratiã hostẽ se fecerat. Vnde Cleopatra Antonij indignationẽ & furorẽ metuens, in monumentũ siue Mausolãũ, quod illa sibi iuxta Isidis templũ sumptuosissimè exadificarat, cum Eunuchis & duabus ancillis se abdidit: demissisq; cataactis claustrisq; obfirmatis ad Antoniũ mittit, qui nunciarẽt ipsam sibi manus intulisse: sperans scilicet, vt quidam tradidẽre, Antoniũ intellecta morte ipsius, sibi quoq; mortẽ esse consciturũ. Nec falsa est sua opinione. Antonius enim accepto statim mortis ipsius nuntio, in cubiculũ irrumpẽs, deposito thorace, Erotẽ seruũ, qui sibi pridem hoc officij si quãdo res postulare pollicitus fuerat, promissa exequi, & se interficere iubet. Sed quum is ferro in propria viscera adactis, ad pedes domini moribundus procidisset, Antonius rapto itidem ferro ventrẽ sibi percussit, seq; in lectũ demisit. Quumq; exorto hinc per vrbẽ tumultu Cleopatra è monumenti fastigio despiciens id quod acciderat intellexisset, populusq; conspecta Cleopatra quam mortuam credebat altiũs inclamasset, Antonius intellecta causa tanti clamoris quòd Cleopatra etiamnum viueret (quod & Diomedes à Cleopatra missus haud multò post nunciauit) per eos qui tum aderant proprio rogatu ad monumentũ delatus est. Sed quũ Cleopatra fores aperire vel nollet vel nõ posset, funibus & cathenis per fenestrã ab ipsa Cleopatra & duabus illis mulierib. in sublime attractus, atq; intra Mausolãũ receptus, potu vini hausto, postquã Cleopatraz vt sibi rebusq; suis consulere, & ex iis qui Cæsari aderat Proculeio potissimũ fideret monuisset, inter muliebres eiulatus & lamentationes Cleopatraz haud multò post exspirauit. Cleopatra autem mortuo iam Antonio, quũ se Cæsari nondũ credere auderet, sepulchro adhuc se cõtinebat: ceterũ ea quaz acciderat ipsi quamprimũ nunciari curauit: sperans se non vitã solũ, sed & regnũ iis quas immensas penes se habebat opibus redempturã: constitutũ interim habẽs, si regnũ ipsi relinquere Cæsar recusaret, admotis sibi, vt ferunt, aspidibus, quas in id secũ habebat, iniectoq; thesauris suis igne, quem & ipsum in illum euentũ secũ intulerat, simul sibi vitã quam nullã potius q̃ priuatã malebat, eripere: & Cæsare pecuniarũ exspectatione frustrari. Cæsar econtrã quum hoc vnũ in votis haberet, vt thesauro eius omni integro & ipsa viuã potiretur, quò eam in triumphũ duceret, Proculeiũ cum mandatis ad Cleopatraz mittit, iubens eam ad se adducere si quã fieri posset. Qui quum non admissus in monumentum pro foribus Cæsaris mandata exponeret, iubens Cleopatraz optima quazq; de Cæsare sperare, seq; & sua omnia Cæsari permittere, re infecta ad Cæsarem reuersus est. Postea submisso alio, qui vti prius Proculeius fecerat, sermonem pro foribus cum Cleopatra protraheret,

PELVSIUM
A CAESARE
RECEPTVM.

ANTONII
MORS.

Proculeius subsequutus admotis scalis, per eam fenestrā qua Antonius receptus fuerat, cū A
 Epaphrodito liberto monumentū ingressus est. Quem altera mulierū quæ intus erat con-
 spicata, quū subito exclamasset, Infelix Cleopatra viua caperis: Cleopatra exterrita arrepto
 cultro seipsam interfectura erat, ni Proculeius eam in tempore continuisset. Ferro igitur
 adempto, omnibusq; iis quibus sibi mortem inferre posset procul remotis, vesteq; insuper
 excussa, num quid sub ea occultaret veneni, Proculeius Cleopatram cum Epaphrodito, cui
 ipsius custodia à Cæsare cōmissa fuerat, dies aliquot dum Antonij corpus regio & patrio
 more condiret, ibi manere permisit: hoc enim Cæsar ipsi cōcesserat, pluribus tam regibus
 quàm priuatis corpus Antonij ad sepulturā poscentibus. Postea autem in regiam traducta,
 permittente adeoq; hortante Cæsare, cultu & comitatu solito vti non destitit. Quumq;
 vt sibi Cæsarem alloqui liceret petiisset, Cæsar vti pollicitus fuerat, post dies aliquot acce-
 dens, inuenit in conclauī ornatissimo in lectulo decumbentem, veste indutam abiecta &
 quæ luctū testaretur, affixisq; & iuxta positis pluribus Iulij Cæsaris imaginibus, plurimas B
 etiam Cæsaris ad se litteras, & quasdam ex his amatorie scriptas sinu tenentē. Quumq; in
 sella preciosissima quæ iuxta lectū posita fuerat, consedisset, & Cleopatram lectulo exilien-
 tem sibiq; ad genua procidentem in lecto assidere iussisset, instituta prolixiori cum regina
 oratione, illa nunc se purgante, causamq; errorū in necessitatem & Antoniū reiiciente,
 nunc ad preces & verba ad cōmiserationē mouendam cōposita recurrente: Cæsar ea quæ
 sibi videbatur redarguens & refellens, interim etiam de thesauris percunctans, auriq; & ar-
 genti rationes exigens, tandemq; reginā bono animo esse iubens, vt nihil mali passuram,
 imò maiora quàm speraret accepturā, ab ea discessit. Cleopatra dolens Cæsarem, neq; se
 familiariùs aspexisse, neq; iterū de amore vllum verbum fecisse, quū tamē se à Cæsare amari
 crederet, quum omnino mori in animum induxisset, verita ne arctiùs custodita & obserua-
 ta ea quæ animo conceperat exequi prohiberetur, simulat se & vitæ longioris, & Romæ C
 adeundæ visendæq; cupidam. Cuius rei quum ferè iam & Cæsari, & iis qui ipsam obserua-
 bant fidem fecisset, minùs attentè custodita est: impetratoq; à Cæsare, vt sibi Antonio pa-
 rentare liceret, sepulchrum ingreditur: ibiq; persolutis Antonio inferiis, iussu sibi balneo
 apparari, lota vestemq; omnium elegantissimā cultumq; regium induta prandiū sumpsit.
 A prandio tabellas obsignatas ad Cæsarem mittens, quibus cōmuni se cum Antonio sepul-
 chro recondi postulabat, easdem tanquā aliud continentes Epaphrodito deferendas tra-
 didit, vt sic eum à se remoueret: quo digresso, reliquis etiam à se dimissis ianuā sepulchri
 clausit. Cæsar perlectis tabellis, id quod euenerat suspicatus, mittit qui inspicerent quid
 gestum esset. Qui valuis apertis introgressi, inueniunt Cleopatram aureo in lecto, & cultu
 regio exanimem iacentem: ex mulieribus autem vnā ad pedes dominæ mortuā, alterā
 semianimem diadema capiti reginæ adaptantem: huic Charimo nomē erat: quam quum
 quidam inclamās interrogasset, Pulchra ne sunt hæc Charimum? Pulcherrima respōdit, &
 tot Regū prolem decentia: simul expirauit. Mortis genus aut ratio in incerto est, nisi quòd D
 apparentibus in brachio dnabus puncturis siue notis exiguis, verisimile videbatur, eam ad-
 mota brachio aspide interiisse: maximè quòd aspidem eo ipso die à quodam qui rure ve-
 nerat, inter flores & fructus vt custodes fallerentur illatā ferunt: alij verò aliter periisse exi-
 stimant. Mortua est autē annos nata triginta nouem. Antonium verò quidam annos quin-
 quaginta sex, alij tres & quinquaginta vixisse tradunt. Cæsar autem disiectis omnib. Anto-
 nij statuis, acceptis, vt Plutarchus auctor est, ab Archiuio quodam Cleopatræ amico mille
 talentis, reginæ statuas intactas reliquit. Et quanquam mortem ipsius ægrè admodum
 ferret, propter ereptum sibi vnicum ferè triumphī sui decus, miratus tamen
 mulieris constantiam ac fortitudinem, regio funere ipsam
 cum Antonio sepiliri iussit.

C. IVLII CAESARIS DICTATORIS GENEALOGIA.



PARS FASTORVM MAGISTRATVVM
ET TRIVMPHORVM ROMANORVM
AB ANNO VRB. COND. DCLXVII.
VSQVE AD ANNVM DCCXXII.

- VII L. CORNELIVS L. F. L. N. CINNA II C. MARIVS C. F. /. NEPOS VII
IN MAG. MORT. EST IN EIVS LOC. FACT. E.
L. VALERIVS L. F. L. N. FLACCVS II
CENS. L. MARCIVS Q. F. Q. N. PHILIPPVS. M. PERPERNA M. F. /. NEPOS LVS. FE. LXVII
VIII L. CORNELIVS L. F. L. N. CINNA III CN. PAPIRIVS C. F. C. N. CARBO
IX CN. PAPIRIVS CN. F. CN. N. CARBO II L. CORNELIVS L. F. L. N. CINNA IIII
SOLVS CONSVLATVM GESSIT. QVVM ABDICASSET OCCISVS EST.
DCLXX. L. CORNELIVS L. F. L. N. SCIPIO ASIATICVS C. NORBANVS /. F. /. N. FLACCVS
I C. MARIVS C. F. C. NEPOS CN. PAPIRIVS CN. F. C. N. CARBO III
IN MAG. OCCISVS EST IN MAG. OCCISVS EST.
L. CORNELIVS L. F. P. N. SVLLA FELIX DICTAT. REI PVBL. CONSTITVEND. CAVSSA
L. VALERIVS L. F. L. N. FLACCVS MAG. EQ.

VIII PRAETORES FACTI

- II M. TVLLIVS M. F. A. N. DECVLA CN. CORNELIVS L. F. L. N. DOLABELLA,

L. CORNELIVS L. F. P. N. SVLLA FELIX,

DICT.

EX GRAECIA ASIA PONTO

ET REGE MITHRADATE

PER BIDVVM

IIII ET III K. FEBRVAR.

CN. POMPEIVS CN. F. SEX. N. MAGNVS

PRO PR.

DE HIARBA MAVRITANIAE REGE

EX AFRICA

PRIMVS EQVES ROMANVS

//////////

- III L. CORNELIVS L. F. P. N. SVLLA FELIX II Q. CAECILIVS Q. F. L. N. METELLVS PIVS

L. LICINIVS P. F. /. N. MVRENA

PRO PR.

DE REGE MITHRADATE

EX PONTO

//////////

- IIII P. SERVILIVS C. F. M. N. VATIA AP. CLAVDIVS AP. F. AP. N. PVLCHER

QVI POSTEA ISAVRICVS APPELLATVS EST

- V M. AIMILIVS Q. F. M. N. LEPIDVS Q. LVTATIVS Q. F. Q. N. CATVLVS

- VI D. IVNIVS D. F. M. N. BRVTVS MAM. AIMILIVS MAM. F. M. N. LEPIDVS LIVIANVS.

CN. CORNELIVS L. F. L. N. DOLABELLA

PRO COS.

EX MACEDONIA

///. //

- VII CN. OCTAVIVS M. F. CN. NEPOS C. SCRIBONIVS C. F. /. N. CVRIO

- VIII L. OCTAVIVS CN. F. CN. NEPOS C. AVRELIVS M. F. /. N. COTTA

- IX L. LICINIVS L. F. L. N. LVCVLLVS M. AVRELIVS M. F. /. N. COTTA

P. SERVILIVS C. F. M. N. VATIA ISAVRICVS

II PRO COS.

DE ISAVREIS EX CILICIA

//////////

DCLXXX M. TERENTIVS M. F. / N. VARRO LVCVLLVS C. CASSIVS L. F. / N. VARVS.

BELLVM SERVILE SPARTACINVM.

I L. GELLIVS L. F. / N. POPLICOLA CN. CORNELIVS CN. F. / N. LENTVL. CLODIAN.
C. SCRIBONIVS C. F. / N. CVRIO

PRO COS.

DE THRACIBVS DARDANEIS

EX MACEDONIA

////////

II CN. AVFIDIVS CN. F. / N. ORESTES P. CORNELIVS P. F. P. N. LENTVL. SVRA

M. TERENTIVS M. F. / N. VARR. LVCVLLVS

PRO COS.

DE THRACIBVS DARDANEIS

ET BESSEIS

EX MACEDONIA

////////

M. LICINIVS P. F. M. N. CRASSVS

PRO PR.

DE SERVEIS GLADIATORIBVS FVGITIVIS

ET GRANICO SPARTACO QVE DVCIBVS

////////

Q. CAECILIVS Q. F. L. N. METELLVS PIVS

PRO COS.

EX HISPANIA

III KAL. IANVAR.

CN. POMPEIVS CN. F. SEX. N. MAGNVS II

PRO COS.

EX HISPANIA

PRID. K. IANVAR.

III CN. POMPEIVS CN. F. SEX. N. MAGNVS M. LICINIVS P. F. M. N. CRASSVS (LXIII)
CENS. CN. CORNELIVS CN. F. / N. LENTVL. CLODIAN. L. GELLIVS L. F. / N. POPLICOLA L. F.IIII Q. HORTENSIVS L. F. / N. NEPOS Q. CAECILIVS L. F. Q. N. METELLVS
QVI POSTEA CRETICVS APPELL. E.

M. PVPIVS M. F. / N. PISO FRVGI

CALPVARNIANVS PRO COS.

EX HISPANIA

////////

V L. CAECILIVS L. F. Q. N. METELLVS Q. MARCIVS Q. F. / N. REX
IN MAG. MORT. EST SOLVS CONSVLATVM GESSIT

BELLVM CRETICVM.

VI C. CALPVARNIVS L. F. / N. PISO FRVGI MV. ACILIVS MV. F. MV. N. GLABRIO

BELLVM PIRATICVM.

VII MV. AIMILIVS / F. / N. LEPIDVS L. VOLCATIVS Q. F. / N. TVLLVS

VIII P. CORNELIVS SER. F. P. N. SVLLA P. AVTRONIVS L. F. / N. PAETVS

AMBITVS DAMNATI

NON INIERVNT

INEORVM LOCVM FACTI SVNT

L. AVRELIVS M. F. / N. COTTA L. MANLIVS L. F. / N. TORQVATVS

CENS. Q. LVTATIVS Q. F. Q. N. CATVLVS M. LICINIVS P. F. M. N. CRASSVS

DISSENSIONE INTER SE ORTA

ABDICARVNT

PARS FASTORVM MAGISTRATVVM

IX L. IVLIVS L. F. L. N. CAESAR C. MARCIVS C. F. C. N. FIGVLVS
 CENS. L. AVRELIVS M. F. / . N. COTTA Q. CAECILIVS Q. F. L. N. METELLVS PIVS
 ABDICAVIT IN MAG. MORT. EST
 DCXC M. TVLLIVS M. F. M. N. CICERO C. ANTONIVS M. F. / . NEPOS

L. LICINIVS L. F. L. N. LYCVLLVS
 PRO COS.

EX PONTO CAPPADOCIA ARMENIA
 DE REGIBVS MITHRADATE
 ET TIGRANE
 //

I D. IVNIVS M. F. / . N. SILANVS L. LICINIVS L. F. / . N. MVRENA

Q. CAECILIVS L. F. Q. N. METELLVS
 CRETICVS PRO COS.
 EX CRETA INSVLA
 KAL. IVN.

II M. PVPIVS M. F. / . N. PISO FRVGI CALPVARNIAN. M. VALERIVS M. F. M. N. MESSALLA NIGER
 CENS. P. SERVILIVS C. F. M. N. VATIA ISAVRICVS MAM. AIMILIVS MAM. F. M. N. LEPIDVS LIVIAN.
 (L. F. LXX)
 CN. POMPEIVS CN. F. SEX. N. MAGNVS III
 PRO COS.

EX ASIA PONTO CRETA CILICIA PAPHLAGONIA
 CAPPADOCIA SYRIA IVDAEA ALBANIA IBERIA
 ARMENIA PIRATEIS
 DE REGIBVS MITHRADATE ET TIGRANE
 PER BIDVVM
 III PRIDIE KAL. OCTOBR.

III L. AFRANIVS A. F. / . NEPOS Q. CAECILIVS Q. F. Q. N. METELLVS CELEP
 IIII C. IVLIVS C. F. C. N. CAESAR M. CALPVARNIVS L. F. / . N. BIBVLVS

BELLVM GALLICVM TRANSALPINVM.

V L. CALPVARNIVS L. F. L. N. PISO CAESONIN. A. GABINIVS A. F. / . NEPOS
 VI P. CORNELIVS P. F. / . N. LENTVLVS SPINTER Q. CAECILIVS Q. F. Q. N. METELLVS NEPOS
 VII CN. CORNELIVS P. F. P. N. LENTVL. MARCELLIN. L. MARCIVS L. F. Q. N. PHILIPPVS
 VIII CN. POMPEIVS CN. F. SEX. N. MAGNVS PIVS II M. LICINIVS P. F. M. N. CRASSVS II

BELLVM PARTHICVM.

CENS. M. VALERIVS M. F. M. N. MESSALLA NIGER M. CALPVARNIVS L. F. / . N. BIBVLVS L. F. LXX.
 IX L. DOMITIVS CN. F. CN. N. AHENOBAREVS AP. CLAVDIVS AP. F. AP. N. PVLCHER

C. PONTINIVS A. F. / . NEPOS
 PRO PR.
 DE ALLOBROGIBVS
 EX GALLIA
 PRID. KAL. NOVEMBR.

DCC CN. DOMITIVS M. F. M. N. CALVINVS M. VALERIVS C. F. / . N. MESSALLA
 I CN. POMPEIVS CN. F. SEX. N. MAGN. PIVS III Q. CAECILIVS Q. F. Q. N. METELLVS PIVS SCIPIO
 PRIMVS SINE CONLEGA EX A. D. V. K. MART. EX K. SEXTIL.
 II SER. SVLPICIVS Q. F. / . N. RVFVS M. CLAVDIVS M. F. M. N. MARCELLVS

L. CORNELIVS P. F. / . N. LENTVLVS SPINTER
 PRO COS.
 EX CILICIA
 //

III L. AIMILIVS M. F. / . N. PAVLLVS C. CLAVDIVS C. F. M. N. MARCELLVS (LXXI
 CENS. AP. CLAVDIVS AP. F. AP. N. PVLCHER L. CALPVARNIVS L. F. L. N. PISO CAESONIN. L. F.
 IIII C. CLAVDIVS M. F. M. N. MARCELLVS L. CORNELIVS P. F. / . N. LENTVLVS CRVS

ET TRIUMPHORVM ROMANORVM.
BELLVM CIVILE CAESARIS
ET POMPEII.

201

C. IVLIVS C. F. C. N. CAESAR DICT.
SINE MAG EQ. COMITIOR. HABEND. ET FERIAR LATINAR CAUS.

V C. IVLIVS C. F. C. N. CAESAR II P. SERVILIUS P. F. C. N. VATIA ISAVRICVS

HOC ANNO EX A. D. XIII KAL. SEXTIL.

VICTO AD PHARSALVM CN. POMPEIO MAGNO

C. IVLIVS C. F. C. N. CAESAR

CVM ANNO DICTATVRA TRIBVNICIAM POTESTATEM
IN PERPETVVM ACCEPIT.

EX A. D. ///// K. NOVEMBER.

C. IVLIVS C. F. C. N. CAESAR DICT. II IMPER. CONSTITVEND. CAVSSA
M. ANTONIVS M. F. M. NEPOS MAG. EQ.

VI Q. FVIVS Q. F. C. N. CALENVS P. VATINIUS P. F. / . NEPOS EX ///// EMBR.

M. AIMILIVS M. F. Q. N. LEPIDVS
PRO PR.

EX HISPANIA CITERIORE

/// /////

X PRAETORES IN SEQVENTEM
ANNVM DESIGNATI

VII C. IVLIVS C. F. C. N. CAESAR III M. AIMILIVS M. F. Q. N. LEPIDVS

HIC ANNVS QVINDECIM MENSIVM FVIT.

HOC ANNO AFRICA RECEPTA

C. IVLIVS C. F. C. N. CAESAR

DIKTATOR IN DECENNIVM ET PRAEFECTVS MORIBVS
CENSORIA POTESTATE IN TRIENNIVM
CREATVS EST

EX A. D. ///// SEXTIL.

C. IVLIVS C. F. C. N. CAESAR DICT. III IMPER. CONSTITVEND. CAVSSA
M. AIMILIVS M. F. Q. N. LEPIDVS MAG. EQ.

C. IVLIVS C. F. C. N. CAESAR

DICT. III COS. III

DE GALLEIS ET GERMANEIS

/// /////BR.

C. IVLIVS C. F. C. N. CAESAR II

DICT. III COS. III

EX AEGYPTO DE REGE PTOLEMAIO

/// /////BR.

C. IVLIVS C. F. C. N. CAESAR III

DICT. III COS. III

DE PHARNACE PONTI REGE EX ASIA

/// /////BR.

C. IVLIVS C. F. C. N. CAESAR IIII

DICT. III COS. III

EX AFRICA DE REGE IVBA

/// /////BR.

C. IVLIVS C. F. C. N. CAESAR

PRAEFECTVS MORIBVS CENSORIA POTESTATE
SINE CONLEGA CENSVM VICATIM EGIT,
LVSTRVM NON FECIT

Cc

EX

PARS FASTORVM MAGISTRATVVM

EX ////////// QVINTIL.

VIII C. IVLIVS C. F. C. N. CAESAR IIII SINE CONLEGA. DICTATVRAE HONORE
CONTENTVS //// /// OCTOBR. ABDICAVIT

EX A. D. ////////// SEXTIL.

C. IVLIVS C. F. C. N. CAESAR DICT. IIII IMPER. CONSTITVEND. CAVSSA
M. ANTONIVS M. F. M. NEPOS MAG. EQ. II

/// OCTOBR. ABDIC. IN EIVS LOC. FACT. EST

M. AIMILIVS M. F. Q. N. LEPIDVS MAG. EQ. II

C. IVLIVS C. F. C. N. CAESAR V

DICT. IIII COS. IIII

EX HISPANIA

/// //// OCTOBR.

EODEM ANNO EX /// OCTOBR.

COSS. SVFPECTI ET HONORARII PRIMVM CREARI COEPTI

Q. FABIVS Q. F. Q. N. MAXIMVS C. TREBONIVS C. F. / N. ASPER

XIIII PRAETORES FACTI

Q. FABIVS Q. F. Q. N. MAXIMVS
COS.

EX HISPANIA

III IDVS OCTOBR.

HOC ANNO HISPANIA RECEPTA

OB OMNIA BELLA CIVILIA CONFECTA ET SINGVLAREM
IN CIVIS CLEMENTIAM

C. IVLIVS C. F. C. N. CAESAR

LIBERATOR PARENS PATRIAE ET DICTATOR PERPETVVS
APPELLATVS EST PRIMVS Q. IMPERATORIS PRAENOMEN ACCEPIT.

Q. PEDIIVS M. F. / N. NEPOS

PRO COS.

EX HISPANIA

IDIVS OCTOBR.

C. CANINIIVS C. F. C. N. REBILVS EX PRID. KAL. IANVAR.

IX C. IVLIVS C. F. C. N. CAESAR V M. ANTONIVS M. F. M. NEPOS

XVI PRAETORES FACTI

AEDILES CERIALES PRIMVM CREARI
COEPTI

C. IVLIVS C. F. C. N. CAESAR DICT. PERP. IMPER. CONSTIT. CAVSSA
C. OCTAVIVS C. F. C. NEPOS QVI

POSTEA C. IVLIVS CAESAR APPEL. EST MAG. EQ.

VT QVM M. LEPIDVS PALVDATVS EXISSET INIRET

CN. DOMITIVS M. F. M. N. CALVINVS MAG. EQ.

IN INSEQUENTEM ANNV M DESIGNATVS ERAT NON INIIT

C. IVLIVS C. F. C. N. CAESAR VI

DICT. PERP. COS. V

OVANS EX MONTE ALBANO

VII K. FEBR.

EODEM ANNO IDIVS MART.

C. IVLIVS C. F. C. N. CAESAR

A BRVTO ET CASSIO CVM CONIVRATIS IN CVRIA OCCISVS EST

IN EIVS LOCVM COS. FACTVS EST

ET TRIUMPHORVM ROMANORVM.

203

P. CORNELIVS P. F. / . N. DOLABELLA

BELLVM CIVILE MVTINENSE.

DCCX C. VIBIVS C. F. C. N. PANSA. A. HIRTIVS A. F. / . NEPOS
IN MAG. OCCIS. E. IN EIVS L. F. E. IN PROELIO OCCIS. E. IN EIVS L. F. E.
C. IVLIVS C. F. C. N. CAESAR OCTAVIAN. Q. PEDIVS M. F. / . NEPOS
QVI POSTEA IMP. CAESAR AVGVSTVS IN MAGISTRAT. MORTVVS EST
APPEL. EST ABDIC. IN EIVS L. F. E. IN EIVS LOCVM FACTVS EST
C. ALBIVS C. F. / . N. CARRINAS P. VENTIDIVS P. F. / . N. BASSVS
IDEM QVI PRAETOR ERAT

EODEM ANNO EX A. D. V. KAL. DECEMBER.

AD PRIDIE KAL. IANVAR. SEXTAS

TRIVMVIRI REI PVBLICAE CONSTITVENDAE

REMPVBLICAM TENVERVNT

M. AIMILIVS M. F. Q. N. LEPIDVS
M. ANTONIVS M. F. M. NEPOS III VIRI REI PVBLIC. CONSTIT.
C. IVLIVS C. F. C. N. CAESAR OCTAVIAN.

L. MVNATIVS L. F. L. N. PLANCVS

PRO COS.

EX GALLIA

IIII KAL. IANVAR.

M. AIMILIVS M. F. Q. N. LEPIDVS II

III VIR R. P. C. PRO COS.

EX HISPANIA

PRIDIE KAL. IANVAR.

I M. AIMILIVS M. F. Q. N. LEPIDVS
M. ANTONIVS M. F. M. NEPOS III VIRI REI PVBLIC. CONSTIT.
C. IVLIVS DIVI F. C. N. CAESAR OCTAVIAN.

BELLVM CIVILE PHILIPPENSE

CVM BRVTO, CASSIO, ET CONIVRATIS

EODEM ANNO

A. POSTVMIVS A. F. A. N. ALBINVS BRVTVS

IN SEQVENTEM ANNVM DESIGNAT. ERAT

LEGE PEDIA DAMNATVS NON INIIT

IN EIVS LOCVM FACTVS EST

M. AIMILIVS M. F. Q. N. LEPIDVS II L. MVNATIVS L. F. L. N. PLANCVS

CENS. L. ANTONIVS M. F. M. N. PIETAS P. SVLPICIVS P. F. / . N. QVIRINVS L. N. F.

P. VATINIVS P. F. / . NEPOS

PRO COS.

DE ILLYRICO

PRID. KAL. IANVAR.

II M. AIMILIVS M. F. Q. N. LEPIDVS
M. ANTONIVS M. F. M. NEPOS III VIRI REI PVBLIC. CONSTIT.
C. IVLIVS DIVI F. C. N. CAESAR OCTAVIAN.

EODEM ANNO

P. SERVILIVS P. F. C. N. VATIA ISAVRICVS L. ANTONIVS M. F. M. N. PIETAS

BELLVM CIVILE PERVSINVM.

L. ANTONIVS M. F. M. N. PIETAS

COS.

Cc ij

EX

EX ALPIBVS

K. IANVAR.

III M. AIMILIVS M. F. Q. N. LEPIDVS
 M. ANTONIVS M. F. M. NEPOS III VIRI REI PVBLIC. CONSTIT.
 C. IVLIVS DIVI F. C. N. CAESAR OCTAVIAN.

EODEM ANNO

CN. DOMITIVS M. F. M. N. CALVINVS II C. ASINIVS CN. F. / N. POLLIO
 ABDIC. IN EIVS LOC. FACT. EST ABDIC. IN EIVS LOC. FACT. EST
 EX KAL. DECEMBR.

L. CORNELIVS P. F. / N. BALBVS P. CANIDIVS P. F. / N. CRASSVS

C. IVLIVS DIVI F. C. N. CAESAR OCTAVIAN.

III VIR R. P. C.

OVANS QVOD PACEM CVM M. ANTONIO FECIT

/////

M. ANTONIVS M. F. M. NEPOS

III VIR R. P. C.

OVANS QVOD PACEM CVM C. CAESARE FECIT

/////

IIII M. AIMILIVS M. F. Q. N. LEPIDVS
 M. ANTONIVS M. F. M. NEPOS III VIRI REI PVBLIC. CONSTIT.
 C. IVLIVS DIVI F. C. N. CAESAR OCTAVIAN.

EODEM ANNO

L. MARCIVS L. F. / N. CENSORINVS C. CALVISIVS C. F. / N. SABINVS

L. MARCIVS L. F. C. N. CENSORINVS

COS.

EX MACEDONIA

K. IANVAR.

HOC ANNO

TRIVMVIRORVM REI PVBLICAE CONSTITVENDAE

ACTA A SENATV POPVLOQVE ROMANO

RATA ESSE IVSSA SVNT

EX ////

Q. SALVIVS / F. / N. RVFVS

C. ASINIVS CN. F. / N. POLLIO

PRO COS.

EX PARTHINEIS

VII KAL. NOVEMBR.

V M. AIMILIVS M. F. Q. N. LEPIDVS
 M. ANTONIVS M. F. M. NEPOS III VIRI REI PVBLIC. CONSTIT.
 QVI HOC ANNO IMP. ANTONIVS APPEL. E.
 C. IVLIVS DIVI F. C. N. CAESAR OCTAVIAN.

EODEM ANNO

AP. CLAVDIVS C. F. AP. N. PVLCHER C. NORBANVS C. F. / N. FLACCVS

EX ////

SEX. TAEDIVS / F. / N. AFER

ANTEQVAM INIRET MORTVVS EST

P. VENTIDIVS P. F. / N. NEPOS

PRO COS.

EX TAVRO MONTE ET PARTHEIS

V K. DECEMBR.

- VI M. AIMILIVS M. F. Q. N. LEPIDVS II
M. ANTONIVS M. F. M. NEPOS II III VIRI REI PVBLIC. CONSTIT.
C. IVLIVS DIVI F. C. N. CAESAR OCTAVIAN. II AD PRID. KAL. IANVAR. QVINTAS
QVI IN HOC HONORE IMP. CAESAR APPELL. EST

BELLVM CIVILE SICVLVM

CVM SEX. POMPEIO CN. F.

EODEM ANNO

- | | |
|--------------------------------------|------------------------------------|
| M. VIPSANIVS L. F. / . N. AGRIPPA | L. CANINIVS L. F. / . N. GALLVS |
| EX /// // | T. STATILIVS T. F. / . N. TAVRVS |
| VII L. GELLIVS L. F. L. N. POPLICOLA | M. COCCEIVS M. F. / . N. NERVA |
| ABDIC. IN EIVS LOC. FACT. EST | ABDIC. IN EIVS LOC. FACT. EST |
| L. MVNATIVS L. F. L. N. PLANCVS II | P. SVLPICIVS P. F. / . N. QVIRINVS |

HOC ANNO

M. AIMILIVS M. F. Q. N. LEPIDVS III VIR R. P. C. II.

COACTVS A CONLEGA IMP. CAESARE DIVI F. OCTAVIANO ABDIC.

CN. DOMITIVS M. F. M. N. CALVINVS

PRO COS.

EX HISPANIA

XVI. KAL. SEXTIL.

IMP. CAESAR DIVI F. C. N. OCTAVIAN. II

III VIR R. P. C. II

OVANS EX SICILIA

IDIB. NOVEMBER.

- VIII L. CORNIFICIVS L. F. / . NEPOS SEX. POMPEIVS SEX. F. / . NEPOS
IX IMP. ANTONIVS M. F. M. NEPOS II L. SCRIBONIVS L. F. / . N. LIBO
KAL. IANVAR. ABDIC. IN EIVS L. F. E.
L. SEMPRONIVS L. F. L. N. ATRATINVS

BELLVM ILLVRICVM.

BELLVM MARSICVM.

T. STATILIVS T. F. / . N. TAVRVS

PRO COS.

EX AFRICA

PRIDIE KAL. IVL.

- | | |
|-------------|--------------------------------------|
| EX K. IVLIS | PAVLLVS AIMILIVS L. F. M. N. LEPIDVS |
| EX K. IVLIS | C. NENMIVS C. F. / . NEPOS |

C. SOSIVS C. F. T. NEPOS

PRO COS.

EX IVDAFA

III NON. SEPTEMBER.

C. NORBANVS C. F. / . N. FLACCVS

PRO COS.

EX HISPANIA

IIII IDVS OCTOBER.

- | | |
|---------------|---|
| EX K. NOVEMB. | M. HERENNIVS / . F. / . NEPOS |
| | SEX. POMPEIVS CN. F. CN. N. MAGNVS PIVS |
| | IN SEQVENTIEM ANNVM DESIGN. ERAT |
| | ANTEQ. INIRET HOSTIS IVDICAT. OCCIS. E. |
| | IN EIVS LOC. FACT. EST |

DCCXX IMP. CAESAR DIVI F. C. N. OCTAVIAN. II L. VOLCATIVS L. F. / N. TVLLVS
 KAL. IANVAR. ABDIC. IN EIVS L. F. E.
 L. AVTRONIVS P. F. L. N. PAETVS

EX K. MAIS	L. FLAVIVS C. F. / . N. SAEVINVS
EX K. IVLIS	M ^o . ACILIVS / . F. / . NEPOS
EX K. IVLIS	C. FONTEIVS C. F. / . N. CAPITO
EX K. SEPTEMB.	L. VINICIVS / . F. / . NEPOS
EX K. OCTOBR.	L. LAENONIVS / . F. / . NEPOS
I CN. DOMITIVS L. F. CN. N. AHENOBARE.	C. SOSIVS C. F. T. NEPOS
EX K. IVLIS	PAVLLVS AIMILIVS M. F. Q. N. LEPIDVS
EX K. IVLIS	L. CORNELIVS / . F. / . NEPOS
EX K. NOVEMB.	N. VALERIVS M. F. M. N. MESSALLA

CN. DOMITIVS L. F. CN. N. AHENOBARE.

PRO COS.

EX HISPANIA

/////// ///

IMP. ANTONIVS M. F. M. NEPOS III
 IN SEQVENTEM ANNVN DESIGNAT. ERAT
 HOSTIS IVDICATVS NON INIIT
 IN EIVS LOCVM FACTVS EST

II IMP. CAESAR DIVI F. C. N. OCTAVIAN. III M. VALERIVS M. F. M. N. MESSALLA CORVINVS

BELLVM CIVILE AD ACTIVM

EX K. MAIS M. TITIVS M. F. / . N. RVFVS

HOC ANNO EX A. D. IIII NONAS SEPTEMBR.

VICTO AD ACTIVM M. ANTONIO M. F.

QVI IIIVIR R. P. C. FVERAT

IMP. CAESAR DIVI F. C. N. OCTAVIANVS

REM PVBLICAM SOLVS TENVIT

H V B E R T I G O L T Z I I

IN ALIQVOT FASTORVM PRAECEDENTIVM LOCOS

ANIMADVERSIONES.



VONIAM in hac Fastorum Consularium parte non per omnia aliorum Fastos sequuti sumus, sed pleraq; in iis à nobis addita sunt, alia verò transposita, aut alio quouis modo immutata, ne non tam probabili aliqua ratione, quàm temeritate quadam aut studio ab aliis dissentiendi, id à nobis factum videri possit, operæ precium me facturum credidi, si in quibus à Fastis hætenus publicatis recessimus, sigillatim consilij mei rationes atq; auctoritates exponerem,

ANNVS VRB. COND. DCCV.

*De annua Cæsaris dictatura & Tribunitia potestate ei decreta,
& victoriæ Pharsalicæ tempore.*

Hoc anno quo Cæsar. I I. cum P. Serulio consulatum gessit, perlata Romam cæde Pompeij, confirmatoq; victoriæ Pharsalicæ nuntio, tradidit Dion inter ceteros honores, secundam Dictaturam eamq; annuam Cæsari fuisse decretam: Consulatum item in quinquennium, & Tribunitiam potestatem in perpetuum ipsi concessam: sed recusato quinquennalis consulatus honore reliqua duo admisisse. Quæ quum præter exemplum concessa, prima extiterint futuræ Cæsaris monarchiæ quasi rudimenta siue tyrocinia, haud alienum putavi à præsentī instituto, si & hoc ipsum in Fastos referretur, quanquā ab aliis præteritum. Interim hîc mihi Lector monendus est, diem. XIII. Kal. Sextiles, qui hîc adscriptus est, non ad tempus honorum Cæsari decretorum referri debere, qui seriùs aliquantò decreti sunt, sed ad victoriani Pharsalicæ. vt scilicet intelligas, eo anno victo ad. XIII. Kal. Sextiles ad Pharsalum Pompeio, eos honores Cæsari decretos. Additusq; est is dies ex Calendario maritimo perantiquo, quod Romæ in ædibus Cardinalis Maphæi seruari & spectari solet, quodq; eo die victoriam Cæsaris celebrat: quam ex rerum à Cæsare gestarum serie, non est verisimile fuisse aliam, quàm Pharsalicam: quæ vti prima fuit, quam contra ciues obtinuit, ita vel potissima & præ ceteris memorabilis. Nec multum ab hoc abhorret, quod Plutarchus in Bruto scribit, pugnam Pharsalicam media ferè ætate commissam, caloremq; tum fuisse intensissimum: qualis nimirum exorto caniculæ sidere esse solet. Idem auctor & alibi tradit, Pompeium tempore messis ad Pharsalum fuisse superatum. Et certè si minùs dies ipse, tempus tamen victoriæ Pharsalicæ alia quoq; ratione intelligi potest. Nam quum ipse Cæsar lib. iij. belli ciuilis scribat, se in Græciam traiecisse prid. Non. Ianuarias: Iterum eodem pòst libro addat, plures menses transisse, & præcipitasse iam hiemem, antequam Antonius cum reliquo exercitu Brundisio ad Cæsarem venisset, hinc colligitur tres menses vel duos vt quàm minimùm effluxisse, Ianuarium videlicet Februarium & Martium, antequam Antonius in Epyrum traiceret: ex quo primùm tempore, scilicet post Antonij traiectionem, Cæsar circa Dyrrachium rem contra Pompeiũ gerere cæpit. His adde quod scribit Suetonius in Cæsare: Cæsarem in Macedoniam transgressum, Pompeium per quattuor penè menses, maximis obsessum operibus ad extremum prælio Pharsalico fudisse. Nunc si quattuor hos menses, siue tres cum dimidio, iungas priorib. illis tribus siue duobus cum dimidio, qui iam præterierant à tempore quo Cæsar in Epyrum venit, antequàm Antonius reliquum exercitũ traiceret, inuenies septem menses: eritq; mensis Quintilis septimus, quo mense Calendarium antiquũ victoriã Cæsaris celebrat, qua in re eò prolixiores fuimus, quòd nec diem nec tempus ipsum tam insignis victoriæ apud vllum idoneũ scriptorẽ hætenus legisse memini.

De secunda Cæsaris dictatura.

Sicuti Fasti Capitolini videntur annum sequentem. DCCVI. cum ipsa secunda Cæsaris dictatura inchoare, ducta scilicet linea inter secundum Consulatū & hanc Dictaturam, ita & quicumq; eos supplerunt, vel commentati sunt, idem constituunt anni illius & secundæ dictaturæ initiū. Sed nos auctores probatæ fidei, Dionem imprimis sequuti, maluimus secundam dictaturam collocare sub hoc anno DCCV. tanquam iam tum decretam & gerî ceptam: ita tamen ut quum ea annua fuerit, non negem pro maiori parte gestam anno sequenti, scilicet DCCVI. In hanc sententiam me pertraxere, primū ipsa Dionis verba, qui scribit: Populum Romanum audita Pompeij morte, statim inter ceteros honores, annuam ipsi dictaturam decreuisse, eamq; Cæsarem statim iniisse, etiamnum extra Italiam existentem. Tum id quod Plutarchus in Antonio tradit: Cæsarem post Pharsalicā pugnam Dictatorem fuisse factum. Ceterū idem Plutarchus in eo quod de M. Antonio subiicit hallucinari videtur: addit enim, quum Cæsar Pompeium persequi instituisset; Antonium à Cæsare cum Tribunatu in urbem remisisse, eamq; potestatem si præsens sit Dictator, secundam esse: si absens, primam ac fermè solam: hæc enim de potestate Magistrî equitum potiùs intelligenda videntur. Nam Cæsarem in secunda sua dictatura Magistrum equitum habuisse Antonium constat. Et Cicero ipse Philipp. II. auctor est, M. Antonium Cæsare ignaro quum ille Alexandriæ esset, beneficio auunculi Magistrum equitum esse constitutum. Hinc Dion tradit, quum ipso anni sequentis initio omnium ferè Magistratuum in vrbe solitudo esset, atq; hinc omnia plena tumultu, M. Antonium Magistrum equitum cum veste purpurea & sex lictoribus in publicum progressum & comitiis interfuisse. Superioribus accedit, quod Dion scribit, Cæsarem quum de Ptolomæi & Cleopatrx causa cognosceret, quod fuit primo statim ipsius ad Alexandriam accessu, dictaturam gessisse. Alexandriam autem peruenisse traditur triduo post interfectum Pompeium, ipsis scilicet primis mensis Octobris diebus. Nam Pompeium quidam pridie, alij postridie eius diei casum prodidère, quo de Mithridate olim triumpharat, qui fuit pridie Kal. Octob. Cæsarem autem tam maturè secundam hanc dictaturam iniisse, non expectatis Kal. Ianuariis, minùs mirum videbitur, si consideremus Dictatorem quouis anni tempore creari solitum, eumq; Magistratum utpote extraordinarium non Kalendis Ianuariis, aut alio aliquo certo & statò die aut tempore, ut Consulatus & alios plerosq; Magistratus iniri solitū, sed quando cunq; res hoc exigeret, aut ex vsu Reipub. videretur. Vti autem dies ipse, quo Cæsar hanc Dictaturā iniit, incertus est, ita sub Id. Nouemb. iniisse probabile, intercedentibus scilicet à primo eius ad Alexandriam appulsu ad Id. Nouemb. quadraginta diebus, quod tempus sufficere potuisse videtur, cursui & recursui Alexandria Romam, & rursus Roma Alexandriam conficiendo, nuntiisq; vltro citroq; perferendis: maximè quando in tanto negotio cessatū haud sit verisimile, sed omnia quammaxima celeritate hinc inde constituta, & vltro citroq; perlata.

A N N. DCCVI.

In aliorum Fastis hic annus ascribitur secundæ Cæsaris Dictaturæ, cuius Dictaturæ initium quum à me in annum præcedentem reiectum sit, annum Consulibus adscripsi, ut in superioribus annis factitatū est. quanquam hi Consules ferò admodum, & sub exitum ipsius anni creati sunt, post Cæsaris à bello Alexandrino & Pontico in urbem reditū. Nam quum inter ceteros honores & prærogatiuas, qui Cæsari post victoriam Pharsalicam decreti fuerant, etiam ius comitorum omnium ferè Magistratuum ipsi concessum fuisset, dilatis in aduentum ipsius comitiis, seriùs hi coss. creati fuere. Cæsarem autem seriùs ad urbem rediisse, vel hinc intelligi potest, quod tradit Appianus: Rebus ad Alexandriā & in AEgypto geren-

gerendis, haud minus quàm nouem menses impendisse : quos si ab eo tempore quo Cæsar Alexandriam appulit (quod fuit sub initium mensis Octobris) computare incipias, inuenies Cæsarem sub mensem demùm Quintilem bello Alexandrino ceterisque rebus in AEgypto constituendis finem imposuisse. Nunc quum bello Pontico aduersus Pharnacem, ceterisque; postea rebus, atq; ipsi itineri conficiundo, plures menses impensos esse certū sit, vix est, vt ante mensem Nouembrem Cæsar Romam redire potuerit. Quin & Plutarchus testatur, Pharnace deuicto sub exitum istius anni, quo secundum Dictator fuit, Romam reuersum. Quòd tamen non minùs mensis quàm dies initi Consulatus istius anni in incerto sit, locum vacuum relinquentes, hoc solùm adscripsimus E M B R. siue Nouember mensis ille fuerit, siue December.

De decem Prætoribus designatis.

Istud ex Dione addidimus, qui tradit Cæsarem post suum ad urbem reditum, quò pluribus gratiam referret, in insequentem annum decem Prætores designasse : simulq; numerum eorum qui sacris præessent, auxisse. Pomponius tamen I. C. cap. II. de origine iuris, auctor est : Sullanis temporibus decem Prætores creatos, adiectis ab ipso Sulla quattuor, supra numerum sex, qui prius creari solebant.

A N N. DCCVII.

Hic adscripsimus hunc annum quindecim mensium fuisse, quòd & Suetonius scriptum reliquit. Nam quum Fasti vitio & incuria Pontificum ita corrupti & turbati essent, vt feriæ confusis temporibus in contrarias anni partes caderent, Cæsar eos correxit : annumq; qui hætenus CCCLV. tantum dierum fuerat, ad rationem cursus solaris accomodans, sublato mense intercalari, qui ex antiquo Numæ instituto quarto quoquo anno intercalabatur, deinceps sexaginta quinque diebus constare voluit, additis in singulos annos decem diebus : & pro mense illo intercalari, quarto quoque anno diem vnum intercalari iussit, vbi mensis antea solebat : scilicet ante quinq; nouissimos Februarij dies, idq; bissextum voluit appellari, quia bis diceretur. VI. Kal. Martias, scilicet XXIII. & XXV. die mensis Februarij. Et quò ex Kalendis Ianuariis proximis temporum ratio deinceps congrueret, quò anno hæc constituebat, inter Nouembrem & Decembrem duos alios menses interiecit : ita vt quum fortè in eundem annum mensis quoque intercalaris incidisset, hic annus quindecim mensium esset. Et secundum hæc intelligi debet quod dicit Cicero libro Famil. VI. in epistola ad Q. Ligarium, II. vbi scribit se venisse ad Cæsarem ad. II. Kalendas intercalares priores.

De Dictatura Cæsaris decennali, & Præfectura morum.

Auctor est Dion, Scipione & Iuba rege debellatis, Africaq; subacta, Cæsarem inter ceteros honores Dictatorem in decennium creatum, & Præfectum moribus in triennium, quod Censoris nomen infra dignitatem eius, & haud satis honorificum videretur. Hinc & Cicero in Epist. alicubi Præfectum moribus eum appellat. Tranquillus etiam inter ceteros honores ipsi concessos Præfecturam morum enumerat.

De tertia Cæsaris Dictatura.

Tertiam hanc Dictaturam alij sequenti primùm anno collocant, Fastos Capitolinos in hoc sequuti, qui ducta inter tertium Cæsaris Consulatum & hanc Dictaturam linea, videtur annū istius Dictaturæ initæ ab anno tertij Consulatus Cæsaris distinguere adduntq; Dionē, Tranquillum, & ipsum Hircium qui putarit Cæsarem vtrumq; Magistratū Dictaturam & Consulatum hoc anno tertium gessisse, à Fastis dissentire, proinde falli & errare. Sed ego (quod cum pace & saluo ipsorum honore dixerim) tum aliis rationibus permotus, tum potissi-

mum antiquorum numismatū auctoritate, quam non inferiorem, imò vel potiorem existimo, quàm sit Fastorum Capitolinorum vel aliorum; aliter censeo. nimirum Cæsarem tertiam Dictaturam cum tertio Consulatu simul & eodem anno gessisse. Nec proinde labi Dionem aut reliquos suprà scriptos, vtpote qui cum nummis consentiant: licet ipsis cum Capitolinis tabulis minùs conueniat. Et Dion quidem de tertio hoc Consulatu & Dictatura, ipso libri. XLIII. initio sic habet: Sequenti anno Cæsar Dictaturam Consulatumq; tertio vtrumque Magistratum, collegaq; Lepido gessit. Idem postea eodem libro, in oratione quam Cæsar statim post suum ex Africa aduentum, post Dictaturam decennalem aliosq; honores sibi decretos in Senatu habuit, inducit Cæsarem sic loquentem: Se in omnibus quæ Reipub. caussa agenda forent, Consulem & Dictatorem: in lødendo quopiam priuati loco futurum. Eodem postea libro dicit, Lepidum Magistrum Equitum, Cæsarem bello Hispanico aduersus Pompeij liberos (quod sequenti demum anno gestū est) intentum, conuocato eius rei gratia populo, Consulem illius anni creasse: quem titulum Magistri Equitum Lepidus anno præcedenti Consul, sibi contra maiorum instituta sumpserat. Et hæc Dion de tertia Cæsaris Dictatura & tertio Consulatu. Suetonij verò de iisdem Magistratib. verba hæc sunt: Tertium & quartum Consulatum titulo tenuis gessit, contentus Dictaturæ potestate cum Consulatibus simul decretæ. Hircius autem libro de bello Hispaniensi tradit, Cæsarem Africa recepta, quum expeditionem in Hispanias aduersus Pompeios iuuenes pararet, Dictatorem fuisse tertium, designatum. IIII. Receptam autem Africam ipso Cæsare. III. & M. Lepido COSS. in confesso est. Horum sententiæ accedere videtur & Eutropius in epitome, dum ait, Cæsarem Pharnace deuicto Romam regressum tertium se Dictatorem & Consulem fecisse cum M. AEmilio Lepido. Ex quibus verbis satis constat, quæ fuerit illorum auctorum, Dionis nimirum, Suetonij, Hircij & Eutropij sententia, Cæsarem videlicet eodem anno, quo tertium Consul fuit, simul & tertiam suam Dictaturam gessisse. Quos yti minimè falli crediderim, ita neque eos à vero aberrare puto, qui tradunt Cæsarem tertiam suam Dictaturam anno sequenti cum quarto Consulatu gessisse. Ceterum si qui in ea sunt opinione, vt putent Cæsarem cum tertio Consulatu statim & tertiam iniisse Dictaturam tanquam simul cum Cōsulatu decretam, (quod Suetonius & Eutropius sensisse videntur) hos nō minùs errare existimo, quàm eos qui putant Cæsarem tertiam Dictaturam quarti ipsius Consulatus anno, qui est. DCCVIII. proximè sequens, primum iniisse: quæ videtur fuisse Fastorum Capitolinorum sententia, aliorumq; doctissimorum virorum, qui eos hætenus vel supplerunt, vel commentati sunt. Sed ego vt aliter sentirem, præter cetera effecere numismata aliquot antiqua, è quibus primum quod in Capite. IX. numismatum Iulianorum primum locum obtinet, ab vno latere habet caput Cereris cum litteris DICT. ITER. COS. TERT. in parte verò auersa, quæ proximè sequitur in eadem tabula, sunt insignia Auguralia Pontificaliaque & litteræ AVGV. PONT. MAX. Ex aliis verò vnum est, cuius caput est inter capita Cæsaris loco. XXIX. cum his litteris CAESAR. IMP. QVART. pars verò auersa Capite nono loco. XVII. nihil præter has litteras continens AVGV. PONT. MAX. COS. QVART. DICT. QVART. Alterum verò cuius caput siue pars aduersa spectatur inter capita Cæsaris loco. XXXIII. cum litteris CAESAR. AVGV. IMP. QVINT. COS. QVAR. pars auersa Capite nono loco. XIII. cū Tripode & signis Pontificalib. & litteris DICT. QVAR. PARENS PATRIAE. E quibus nummis primo in quo legitur DICT. ITER. COS. TERT. docemur Cæsarem non quidem simul Dictatorem iterum fuisse, & Consulem tertium, quando secunda illa Dictatura, quæ annua fuerat Cæsari post victoriam Pharsalicam decreta, anno præcedenti quo Q. Calenus, P. Vatinius COSS. fuerant, iam expirauerat, sed tertium Consulatum,

quem

quem Kalendis Ianuariis ex more inierat, aliquandiu gessisse antequam tertium Dictator fieret. Quandoquidem tertia Dictatura post victoriam demum Africanam ipsi decreta fuit, idque in decennium: ita ut primis aliquot tertij Consulatus mensibus, non nisi titulum secundæ Dictaturæ, quam anno præcedenti gesserat, usurpare potuerit. Reliqui duo nummi, in quibus notatur COS. QVAR. DICT. QVART. clarè ostendunt, Cæsarem durante etiamnum quarto Consulatu quartam quoque Dictaturam gessisse: scilicet ab eo tempore, quo tertiæ Dictaturæ annus (qui primus fuit decennalis Dictaturæ Cæsari post victoriam Africanam decretæ) expirauerat: nec proinde potuisse Cæsarem tertiam illam Dictaturam eo anno iniisse, quæ incidente in eundem annum quarta Dictatura, annua non fuisset. Neque iterum videri potest, quarta hæc Dictatura ipso statim illius anni initio inita: nam quando ex primo illo nummo satis apparet, tertiam Dictaturam non fuisse initam, nisi post aliquot anni tertij Consulatus menses, necesse est, tantum temporis ex quarti istius Consulatus anno decidi ad implendum annum tertij istius Dictaturæ spacium, quantum præcedenti anno seriùs initæ deerat. Quando igitur ex his quæ iam dicta sunt planum est, tertiam hanc Cæsaris Dictaturam neque cum ipso statim tertio Consulatu, neque iterum ipso quarti Consulatus anni principio initam, quartamque Cæsaris Dictaturam in quarti Consulatus annum incidisse, relinquitur, ut extraordinarium tertiæ Dictaturæ Magistratum medio aliquo tertij Consulatus anni tempore inierit Cæsar: quam anno sequenti eo tempore quo præcedenti anno inita fuerat finitam, quarta exceperit Dictatura. Et quemadmodum tertia illa Dictatura diuersas duorum annorum partes occuparat, posteriorem scilicet tertij Consulatus & priorem quarti Consulatus, sic etiam necesse est, in eundem Consulatum scilicet quartum duas incidisse Dictaturas: ita ut Cæsar in titulis suis scribere potuerit, CONSVL TERTIVM. DICTATOR TERTIVM. & rursus DICTATOR. III. COS. IIII. iterum sic COS. IIII. DICT. IIII. uti in non vno nummo antiquo videre est. Rectè proinde tradit Dion, Cæsarem hoc anno Consulatum & Dictaturam tertio vtrumque Magistratum collega Lepido gessisse: non tamen ob id intelligere videtur, simul & eodem tempore vtrumque Magistratum iniisse: quod vel ex eo colligi potest, quod idem Dion postea scribit, M. Lepidum iam antea Consulem contra maiorum instituta postea etiam Magistrum Equitum titulum sibi sumpsisse: scilicet Cæsare tertiam iam Dictaturam sibi post victoriam Africanam decretam ineunte. Nec perperam Hircius scribit, Cæsarem Africa recepta, quum bellum aduersus Pompeij liberos in Hispaniam adornaret, tertio Dictatorem fuisse. Id enim fuit sub exitum anni DCCVII. quo tertium consulatum vnà cum Lepido gerebat: quo tempore ipsum tertiam iam iniisse Dictaturam credendum est, ut postea docebimus. Ceterum quod idem Hircius dicit, tum Dictatorem designatum. IIII. id ita accipiendum, non quod peculiariter in eum annum designatus fuerit, sicut Consules designari solebant, sed quod concessa sibi decennali Dictatura, in decem quodammodo annos proximos designatus videretur. Quod autem Suetonius dicit tertiam Dictaturam simul cum tertio consulatu Cæsari decretam: & Eutropius, Cæsarem post victum Pharnacen Romam reuersum, tertio se Dictatorem & Consulem fecisse, & inde in Africam profectum, quam sit à veritate alienum, ex iis quæ suprà adnotauimus faciliè est intelligere: maximè quum certum sit, tertiam illam Dictaturam post victoriam demum Africanam Cæsari decretam: quanquam Consulem fuisse tertium anteq̃ in Africam traiceret, non est dubium. Nec magis verum videtur, quod idem tradit Suetonius, Cæsare in tres vltimos tertij huius cōsulatus menses alios duos sibi substituisse: cum nec in Fastis id reperiatur, nec alius quisquā id scriptum reliquerit. Nec verisimile est Dionem qui singula vel exactissimè persequutus est, id fuisse omissum. Hæc eò fufius aliquantò & fortassis non sine fastidio deduximus, quod videam viros hac

tempestate doctissimos, omnisq; rei antiquariæ peritissimos, non satis sese his difficultatibus explicuisse: quod non tam imperitia ipsorum aut incuria accidisse existimo, quam quod religiose veriti sunt, Fastorum antiquorum, quos ipsi interpolandos susceperant, auctoritati in aliquo derogare. Quod ad diem tertie Dictaturæ initæ attinet, ut is incertus est, ita tempus vel mensem non improbabilibus coniecturis assequi possumus. Nam quum scribat Hircius in bello Africano, Casarem Africa recepta Idibus Iuniis Uticæ classem conscendisse, & tertio post die Caraleis in Sardiniam peruenisse. Item ante diem. III. Kal. Quintil. nauem ascendisse, & à Caralibus per tempestates vnderigesimo die, hoc est, circa. VI. Kal. Sextiles Romam venisse: præterea quum dubium non sit, honores ipsi propter victoriam Africanam decretos, inter quos fuit & decennalis hæc Dictatura, ipsi quam primum munitos, vel ante ipsius ex Africa discessum, quod satis ostendit Dion, dum dicit, Casarem animo tum ob rerum à se gestarum splendorem, tum ob Senatusconsulta de se facta elato, Sardinia Romam petiisse: non est etiam dubitandum, quin Casar ut primum ad urbem venit, Dictaturam inierit, siue id fuerit ante Kal. Sextiles, siue ipso statim mensis Sextilis initio: quod & ipsum Dion satis testatur, dum inducit Casarem in orationem quam statim post suum ad urbem reditum in Senatu habuit, dicentem, Se in omnibus quæ Reipub. causa agenda forent Consulem & Dictatorem, in lædendo priuati loco futurum. Hinc supra ipsam Dictaturam adscripsimus *SEX TIL.* quod tam ad finem mensis Quintilis, quam ipsius Sextilis initium referri potest: diem ipsum in vacuo reliquimus.

De quattuor Caesaris triumphis.

Hi quattuor Caesaris triumphi à Sigonio viro doctissimo tertie Caesaris Dictaturæ præponuntur. De his etiam sic Eutropius: Post annum inde Casar Romam cum quattuor triumphis ingressus. Sed nos tum propter eas rationes, quas ex iis quæ proximè adnotauimus facile est intelligere, tum quod Dion diligentissimus obseruator scribit, Casarem post orationem tam in Senatu quam ad populum de suo imperio, honoribusq; sibi decretis habitam, ceteris omnibus rebus magnificè adornatis uti par erat tot tantisq; victoriis partis, quattuor continuis diebus singulos triumphos duxisse: quattuor hos triumphos tertie Dictaturæ subiecit. Suetonius autem dicit actos quidem eodem mense, sed interiectis diebus.

De Censu à Casare acto.

Onuphrius Panuinus vir non minus eruditus quam sagax omnis antiquitatis lustrator & obseruator, putat Censum à Casare anno sequenti, quarto scilicet ipsius Consulatu actum. Carolus autem Sigonius, & noster Pygius hoc anno: quorum opinioni quum & Dion & Appianus accedere videantur, maluimus & nos recensionem populi à Casare factam hoc loco constituere. Dion enim tradit factam statim post triumphos ante professionem ipsius in Hispaniam, quod & Appianus prodidit.

A N N. DCCVIII.

De quarto Caesaris Consulatu.

De quarto Caesaris Consulatu sic habet Eutropius: Post annum inde Romam Casar cum quattuor triumphis ingressus, quarto Dictator & Consul creatus, disposito reparatoq; Reipub. statu continuo in Hispaniam contra Pompeij filios profectus est. Appianus item sic: Casariam quartum Consul expeditionem contra iuniorem Pompeium fecit in Hispaniam. Plutarchus autem in Casare dicit, Casarem quarto Consulem designatum, aduersus Pompeij liberos expeditionem fecisse. Ceterum quum Dion apertè tradat, Casarem Consulatum hunc serius & sub exitum demum anni inisse, finito iam bello Hispani-

nienſi, falſo ſcriptum reliquit Eutropius, ſtatim poſt triumphos quartum Dictatorem & Conſulem designatum. Similiter Plutarchus & Appianus quartum Conſulem, hoc eſt, imito iam conſulatu eam expeditionem feciſſe. Quanquam alioqui verum ſit, eo anno quo quartum conſulatum geſſit, Pompeij liberos in Hiſpania viciffe. Dionis autem de quarto Cæſaris conſulatu verba ſerè hæc ſunt, primum in indice qui libro præfigitur: Caius Iulius Cæſar Dictator IIII. A Emilio Lepido Magiſtro Equitum, & Conſul IIII. ſolus. Tum in ipſo hiftoriæ contextu: Eo autem tempore (*ſcilicet quo relicta Corduba ad Arreguam obſidendam ſe conuertit, quæ poſtea .xi. Kal. Martias in dedicationem venit*) Cæſar Dictaturam gerebat, (*nimirum tertiam, ut ego interpretor*) & ſub exitum demum anni Conſul (*ſcilicet quartum*) creatus fuit, conuocato eius rei gratia populo per Lepidum, qui tum Magiſter Equitum erat. Item poſtea de eodem quarto conſulatu: Conſulatum continuo (*ſcilicet poſtquam intellexit ſe Conſulem ſine collega opera Lepidi ſui Magiſtri Equitum creatum*) etiam antequam urbem intraret, occepit, non autem toto anno geſſit. Sed poſtquam in urbem venit, eo ſe abdicauit, Conſulesq; fecit Q. Fabium ac C. Trebonium: Fabioq; extrema Magiſtratus die mortuo, in reſiduas horas C. Caninium Rebilum ſubſtituit. Hæc in re dupliciter præuaricatum eſt à Cæſare contra inſtituta maiorum, quod conſulatus non toto anno, nec reliquo anni tempore (*ſcilicet antequam Conſulatum iniſſet*) geſtus eſt. Sed ipſe viuis ac nequè legibus patriæ, neque edicto quodam iuſſus eo ſe abdicauit, aliumq; ſubrogauiſſe. Hæc Dion. Nos itaque manifeſtam Dionis ſententiam ſequuti, adſcripſimus Cæſarem conſulatum quartum iniſſe ſub menſem Quintilem, coniecturis uſi non tam neceſſariis, quam probabilibus. Nequè enim videri poteſt, diu ante illud tempus iniſſe, quum dicat Dion, ſub exitum demum anni Conſulem creatum: menſis autem Quintilis quum ſeptimus ſit, haud abſurdè dicetur annus tum ad exitum tendere. Nequè iterum multo poſt illud tempus, quum vel ipſo menſe Aprili Cæſar bello Hiſpanico finem impoſuerit & victoria Cæſaris Hiſpanica Romam nunciata fuerit pridie Parilium, hoc eſt, .xii. Kal. Maias: quæ intellecta, veriſimile eſt conſulatum illum ſtatim Cæſari decretum, populo per Lepidum Magiſtrum Equitum eius rei gratia conuocato. Dicit etiam Dion conſulatum ſtatim iniſſe, antequam urbem intraret. Addidimus in hæc quarti conſulatus tabella, Dictaturæ honore contentum ſub menſem Octobrem abdicaffe, quod præter Dionem & Suetonius prodidit. Dion enim, eo quem ſuprà adduximus loco, ſic habet: Conſulatum non toto anno geſſit, ſed poſtquam in urbem venit, eo ſe abdicauit: Conſulesq; fecit Q. Fabium ac C. Trebonium. Veniſſe autem in urbem menſe Octobri refert Patèrculus. Suetonius verò auctor eſt, Cæſarem Dictaturæ honore contentum, in ternos nouiſſimos quarti conſulatus menſes, binos Conſules ſibi ſubſtituiſſe. Hinc ſuffectum & trimeſtre Conſulem vocat Fabium, qui alter ſubſtitutorum fuit. ita Cæſar haud multo amplius quam duos menſes aut tres ad ſummum hunc conſulatum geſſit.

De quarta Cæſaris Dictatura & Magiſtris Equitum.

Ex iis quæ ſuprà ad tertiam Cæſaris Dictaturam verboſius aliquantò commentati ſumus, intelligi poteſt, quare quartam hanc Dictaturam hoc loco ſtatuiamus. Nam quum annum tertie Dictaturæ præcedentis primum fuiſſe in conſeſſo ſit eius decennij, in quod Cæſari annua Dictatura decreta fuerat, quumq; tam ex ipſis nummis antiquis, quam ſcriptorum antiquorum teſtimoniis oſtenderimus, Cæſarem tertiam Dictaturam ſub menſem Sextilem anni præcedentis quò & III. COS. fuit iniſſe, neceſſe eſt ut tertiam illam Dictaturam eodem tempore huius anni quo IIII. COS. fuit finitam, ſtatim exceperit quarta Dictatura, ſub eundem ſcilicet menſem Sextilem: ita ut Cæſar ſimul & eodem anno IIII. COS. & IIII. Dictator fuerit: uti videre eſt ex ipſis illis duobus nummis, qui ſuprà in con-

firmationē huius nostræ sententiæ adducti sunt. Hinc rectē Dion in indice lib. XLIII. præfixo, Cæsarem. IIII. Dictatorem &. IIII. Cōsulem simul prodit. quod & Eutropius sensisse videtur, dum dicit: Cæsarem cum quattuor triumphis ingressum. IIII. Dictatorem & Cōsulem fuisse creatum. Fasti tamen Capitolini & qui eos sequuti sunt, quartam hanc Cæsaris Dictaturā cum anno sequenti quo Cæsar. v. C. O. S. fuit cum M. Antonio incipiunt. Sed apud me potior fuit tam numismatū quàm antiquorū scriptorū auctoritas, quam hīc sequi maluimus: & hæc de quarta Cæsaris Dictatura. Quod ad Magistrū Equitum attinet, Fasti tam Capitolini quàm Colotiani produnt, Magistrū Equitum hoc anno Cæsari fuisse M. Æmiliū Lepidum: in qua sententia & ipse Dion fuisse videtur: nam in indice cuius suprà sæpe meminimus, sic habet: C. Iulius Cæsar Dictator. IIII. A Emilio Lepido Magistro Equitum. Quanquā tamen in ipso historiæ cōtextu aliter videatur sensisse, scilicet primū quidem M. Antonium sibi Magistrū equitum assumpsisse, & postea in eius locum M. Lepidum substituisse, quod Antonius consulatū anni sequentis gesturus esset. Appianus autē sic disertē tradit: Cæsar acceptis ceteris honoribus, absq; decennali consulatu, in annum sequentem designauit Consules, seipsum & M. Antoniū suum Magistrū equitum, Lepidū iussu in Antonij dignitatē succedere, qui tum per amicos administrabat Hispaniā prouinciā. Cicero quoq; Philipp. II. videtur Antonio obuiocere, quod quum Magister equitū esset, Cæsari ex Hispania redeunti occurrerit, consulatum in proximū annum rogaturus, vt ipse loquitur. Et verba quidem Ciceronis hæc sunt: Ex omnibus omniū flagitiis nullum turpius vidi, nullum audiui, quàm quod qui Magister equitū fuisse tibi viderere, in proximum annum consulatum peteres, vel potiùs rogares. Item paulò pōst: Cæsari ex Hispania redeunti obuiam longissimè processisse, *scilicet Consulatum in proximū annum petiturus*. Mox etiam de eodem Antonio: His igitur rebus (inquit) præclare cōmendatus iussus est renunciari Consul. & quidem cum ipso, *scilicet Cæsare*. His cū Ciceronis & potissimū Dionis & Appiani verbis adductus, tum etiā quod assumpto sibi in præcedenti tertia Dictatura Magistro equitum M. Lepido, verisimile non sit eundem eam dignitatē in bienniū cōtinuasse, maximè cū ea prius ex antiquo instituto semestris esse tantū soleret, quumq; Lepidum Galliæ Narbonensi & Hispaniæ citeriori iam præfecisset, facili mihi persuadeo Cæsarem in quarta hac Dictatura non Lepidum, sed M. Antoniū sibi Magistrū equitum adsciuisse: quem & ipsum Cæsar plurini faciebat, cuiq; pro ipsius in se meritis & studio, non minus quàm alij cuiquā gratiam referre & satisfacere studebat. Ceterū postquā M. Antonius Consul in insequentē annū designatus, eum Magistratū deposuisset, credendum est, M. Lepidum iterū in eius locum esse factū. quod & hīc adnotauimus: Sed quia videntur Fasti Dictaturam Cæsaris cum anno demū sequenti incipere, M. Lepidum Magistrum equitum constituunt, qui iam in locum Antonij tum Consulis successerat.

De triumpho Cæsaris ex Hispania.

Hunc Cæsaris ex Hispania triumphū præposuimus Consulib. suffectis, quod credendū sit Cæsare prius cum triumpho Romā ingressum q̄ deposito consulatu alios sibi substituerit.

De Consulibus suffectis siue honorariis &. XIII. Prætoribus primū creatis.

Hīc ex Dione annotauimus Cōsules suffectos siue honorarios &. XIII. Prætores hoc anno primū creatos. addit Dion & quadraginta Quæstores esse factos: quod eò à Cæsare factū tradit, quod aliā nō haberet rationē præstandi ea quæ promiserat. Vt igitur suppeteret materia vnde pluribus gratificaretur & satisfaceret, fidemq; plurib. obstrictā q̄ vt per se soluendo esset liberare, non solum sacerdotiorū numerū auxit, sed & alios honores multiplicauit.

De honoribus Cæsari post victoriam Hispaniensem decretis.

Appianus, Dion, & alij qui honores Cæsari post victoriam Hispaniensem decretos enumerāt, inter primos recensent, quod P A R E N S P A T R I A E appellatus sit: quo titulo

& aliis plerisque in nummis insignitur, præter illum qui in Fastis nostris hoc loco adpictus est: ut illo qui inter capita Cæsaris. *xxxj.* loco conspicitur, in quo legitur, CAERAR PAREN S PATRIAE: tum illo qui Capite nono. *xij.* locum obtinet, primus scilicet tabulae secundae illius Capituli, qui sic habet: DICT. QVART. PARENS PATRIAE. Præterea & hoc addunt quod LIBERATOR sit dictus, eoq; nomine in Fastos relatus: quod apud Dionem est: quod IMPERATORIS prænomen primus acceperit. deniq; quod DICTATOR PERPETVVS & Consul in decenniū creatus sit.

De Caninio Rebilo C O S. suffecto.

Hunc Caninij consulatū, quem extremo anni die in paucas tantum horas gessit, hic in fine ipsius anni subtexuimus. Quæ de hoc consulatu tum apud Ciceronem, tum apud alios scriptores leguntur, diligenter adnotarunt Sigonius & Onuphrius.

A N N. D C C I X.

Quia supra in iis quæ ad quartam Cæsaris Dictaturam commentati sumus, tum ex antiquis numismatibus, tum ex ipsis auctoribus ostendimus, Cæsarem eam Dictaturam iniisse quarto suo consulatu, nos hic annorum numerū quinto Cæsaris consulatui adscripsimus; Dictaturæ initio in annum præcedentem reiecto.

De. XII. Prætoribus & Aedilibus Cærialibus primū creatis.

Ex Dione hic adscripsimus hoc anno Prætores sedecim, & Aediles Cæriales primū creati cœptos. Nam quum quattuor prius tantum creari soliti essent; iique plebei, duo scilicet Aediles plebis, duo item Curules, Cæsar duos ex Patriciis adiecit: quos quia annonæ & rei frumentariæ præessent, Cæriales vocavit. De Aedilibus Cærialib. à Cæsare adiectis tradit & Pomponius I. C. de origine iuris. cap. II. Sedecim tamē Prætores scribit ab Augusto primū cōstitutos: quod ego puto intelligi debere, quod occiso eodem hoc anno Cæsare, vocatisq; in dubiū eius actionib. & decretis, Augustus postea ut & alia pleraq; à Cæsare sancita, hos quoq; *xvj* Prætores cōfirmarit. hinc Iurisconsultū prodidisse ab Augusto primū cōstitutos.

De perpetua Cæsaris Dictatura.

Dion tradit Cæsarem hoc anno Dictatorem fuisse. v. conlega adsumpto M. Antonio: quod ego miror. Nam ut maximè verum sit Cæsarem quartam Dictaturā iniisse & gessisse anno præcedenti, quum tamen sub mensem demū Sextilem eam inierit, ut supra à nobis demonstratum est, eaq; non minus quàm præcedentes annua esse debuerit, cumq; Cæsar interfectus sit Idibus Martiis, hoc est, menses duos cum dimidio post quintum consulatū initum, & tres ut quàm minimū menses ante finitū quartæ dictaturæ annū, quintæ Dictaturæ titulo uti nullo modo potuit. Quare putarim in exemplari Dionis incuria librariorū mendum irrepisse, & perperam pro *Consul* scriptū *Dictator*, maximè cum dicat, cum collega M. Antonio. Certum est enim Magistrū equitū non dici conlegam Dictatoris, sed conlegas tantum appellari eos, qui æquali potestate simul funguntur, ut Consulum, Prætorū, Aediliū, Censorum, alter alteri conlega est. Magister autem equitū secundus potius à Dictatore, ipsiusq; quasi vicarius. idq; eò magis suspicor, quod index sæpius nominatus ponat Cæsarem Dictatorem cum M. Lepido Magistro equitum: Consulem autem. v. cum M. Antonio. Cuius consulatus in ipso contextu nulla alioqui fit mentio, nisi in fine ipsius libri, ubi dicit, Cæsarem Dolabellam pro se Consulem esse iussisse, Antonio cōsulatum ad finem eius anni gesturo, quum tamen prius nusquam dixerit, Consulem eo anno cum Cæsare fuisse creatum aut designatū. Quare hic legendum existimo, Cæsarem anno sequente C O S. v. fuisse, adsumpto conlega M. Antonio: quum certum sit M. Antonium hoc anno non fuisse Magistrū equitum. Rectius Fasti Capitolini & Colotiani produnt, Cæsarem Dictatorem IIII. cum M. Lepido Magistro equitum. Nam quanquā verum sit, Cæsarem eam Dictaturam hoc anno non iniisse, certum est tamen eam nondum fuisse absolutam, imò ne iis quidem quibus

quibus Cæsar interfectus est, Idib. Martiis. Quamobrem nos quinto huic Cæsaris Consulatu Dictaturam Cæsaris Perpetuam subiecimus, antiquorū scilicet numismatū auctoritatem sequuti, quibus Cæsar non semel COS. V. DICTATOR PERPETVVS appellatur. Veluti primum duobus illis qui inter capita Cæsaris loco xxxiiij. & xxxvj. expressi sunt, quorum vni sic inscribitur CAESAR AVGV. IMP. SEXT. COS. QVINT. & parti ipsius auersæ quæ est Cap. ix. loco. xxij. inscriptū est, PONT. MAX. DIC. PERP. Alteri verò sic, CAESAR COS. QVINT. DICT. PERP. Deinde in duobus aliis qui sunt eodem Cap. ix. loco. xx. &. xxiiij. sic legitur, CAES. AVGV. PONT. MAX. COS. V. DIC. PERP. & C. CAESAR COS. QVINT. IMP. SEX. DIC. PERP. Nam quum vt suprà à nobis relatum est, & Appianus tradidit, Cæsari sub finem anni præcedentis ex Hispania Romā reuerso, confectis iam omnibus bellis ciuilibus, præter alios honores Dictatura Perpetua cum Consulatu in decēnium decreta esset, delatis ad se ab vniuerso Senatu præeuntibus COSS. Q. scilicet Fabio & C. Trebonio (quos sibi suffecerat) honorificentissimis Senatus decretis, præter Cōsulatū in decennium reliquos honores admisit: seq; in annum sequentē cum M. Antonio COS. V. designauit: relictoq; cum quarto Consulatu quartæ Dictaturæ titulo, quanquā nondum absoluto quartæ illius Dictaturæ anno, & reuera adhuc. IIII. Dictator, statim tamen cum ipso quinto Consulatu Dictatoris Perpetui titulo vt cœpit: sicut innummiā me adducti planum faciunt. Magistros autem Equitū duos adscripsimus, tum ex Fastorum Capitulinorū, tum ex Dionis sententia, tradentis, Cæsare qui duobus annis quibus se Parthici belli causa ab futurum credebatur, Dictaturā gesturus erat, hoc scilicet præsentī & sequenti, in locum M. Antonij qui Consulatū toto eo anno gesturus erat, & M. Lepidi cui paludato in Galliam Narbonensem & Hispaniā citeriorem prouincias sibi à Cæsare decretas proficiscendū erat, duos alios Magistros Equitū suffecisse: Octauium scilicet nepotem ex sorore in annum præsentem, vt cum M. Lepidis paludatus exisset, iniret: alterum Domitium Caluinum in insequentem annum, qui Octauio succederet. Sed is interfecto Cæsare non iniit.

De ouatione Cæsaris.

Quia ex Fastis Capitulinis certū est, Cæsarem ouantem ex Albano monte urbem inuectū VII. Id. Februar. inito iam quinto Consulatu, sumptoq; iam Perpetui Dictatoris titulo, vt iam ostendimus, scripsi Cæsarem Dictatorem perpetuū & COS. V. ouasse. Ceterum quum auctor Fastorum Capitulinorū videatur maiorem rationem habuisse Dictaturarū Cæsaris quàm Consulatum, neglecto Cōsulatu solum adscripsit, Dictatorē quartum ouasse: quod putauit sufficere ad intelligendū quo anno ouarit, maximè quum videatur omnes Cæsaris Dictaturas cum ipso anni initio incipere, quanq̃ alioquin verū sit Cæsare etiam nū IIII. Dictatorē ouasse, quod nondū finitus erat quartæ Dictaturæ annus, vt superius annotauimus.

De cade Cæsaris.

Quia in superiorib. ferè omnibus Fastorum consulatib. adscriptū videmus, si quando quis in Magistratu aut mortuus, aut occisus est, visum est & hīc cædem Cæsaris proponere, quod ea non magis q̃ alterius alicuius Consulis aut Magistratus mors videbatur prætereunda. Et hæc quidem erant, quæ ad hos Fastorū locos mihi videbantur adnotanda. Ceterū quia ratio Consulatuū Dictaturarumq; Cæsaris videtur intricatior, antequā manum de tabula tollam, placuit seriem atq; ordinem Consulatum Dictaturarumq; Cæsaris, sicuti ego existimo eam se habere, hīc subiicere, sumpto à prima eius Dictatura initio.

Anno itaq; DCCIII. Cæsar à M. Lepido Prætore absens DICTATOR sine Magistro Equitum creatus est, comitiorū habendorū, & feriarum Latinarū causa: quam Dictaturā postq̃ Romā venit, statim iniit: habitisq; comitiis, designatisq; in insequentē annū COSS. se ipso & P. Seruilio Isaurico, vndecimo postquam inierat die Dictatura se abdicauit.

Anno igitur sequenti DCCV. qui vndecimus fuit post primū ipsius consulatū, CAESAR COS. ITERVM fuit, cum P. Isaurico. Eodemq; anno postq; Pompeiū apud Pharsalū vicisset, intellecta Romæ cæde Pompeij DICTATOR ITERVM in annum integrū creatus est, quam Dictaturā ipse ante finem illius anni extrā Italiā adhuc rebus circa Alexandriam gerendis intentus iniiit, assumpto Magistro Equitum M. Antonio.

Anno DCCVI. Cæsar secundā illā Dictaturā gessit, quam anno præcedēti inierat, vsq; ad annū Dictaturæ completū: & sub exitū ipsius anni à bello Alexandrino & Pontico Romā reuersus, habitis comitiis COSS. creauit, in reliquū anni tempus Q. Fufium Calenum & P. Vatinius: in sequentem autem annum se III. & M. Lepidum designauit.

Anno itaq; DCCVII. CAESAR III. cum M. Lepido Consul fuit: eodemq; anno Africa recepta Dictator in decenniū creatus, sub mensem Sextilem Romā ex Africa reuersus, tertiam Dictaturam iniiit, assumpto sibi Magistro Equitum M. AEmilio Lepido, & sub finem eiusdem anni in Hispaniam aduersus Pompeij liberos profectus est.

Anno DCCVIII. Cæsar post victoriā Hispaniensem opera Lepidi sui Magistri Equitum COS. IIII. sine conlega creatus est: quem consulatū seriū, & maiori anni parte iam exacta iniiit: eodemq; anno sub mensem Sextilem finito iam tertiæ Dictaturæ anno, Dictaturā quartā iniiit, M. Antonio Magistro Equitū sibi adsumpto: reuersusq; Romam ex Hispania mense Octobri, Dictaturæ honore cōtentus, Consulatu se abdicauit, suffectis in locū suū Q. Fabio Maximo & C. Trebonio Aspro. Quumq; in insequentem annū se v. & M. Antonium COS. designasset, Lepidū in locum M. Antonij Magistrū Equitū esse iussit: defunctoq; extremo anni die Q. Fabio altero COS. C. Caniniū in reliquas anni horas cōsulatū gerere permisit: eodemq; hoc anno post victoriā Hispaniensem DICTATOR PERPETVVS creatus est.

Anno DCCIX. Cæsar v. & M. Antonius COS. fuere: eodemq; anno Cæsar Dictatoris Perpetui titulo cum ipso statim consulatu vti cœpit. Cumq; eo anno in Parthos proficisci cogitaret, M. Antonio Consulatū in totum annū gesturo, & quod M. Lepido in Galliam Narbonensem & Hispaniā citeriorem prouinciās sibi à Cæsare decretas proficiscendū esset,

C. Octaviū in locum Lepidi sibi Magistrū Equitū in hunc annū adsciuit: in insequentem autem annum Cn. Domitium Caluinum Magistrum Equitum designauit. P. autem Dolabellam sibi in Consulatum substituit.

NOTARVM ET LITTERARVM SINGVLARIUM, dictionumq; contractius & per compendium tam in ipsis nummis q̃ adiuncta Fastorum parte scriptarum explicatio.

A. Aulus.	AP.F.AP.N. Appij filius Appij nepos.	C.F.C.N. Caij filius Caij nepos
A.A.A. F.F. Auro, Argēto, Aere, flando, ferundo.	A.P. Antonij Prætoris. Antonio cap.x. Num. primo.	C.F.M.N. Caij fili⁹ Marci nepos
ABDIC. Abdicauit.	A.P.F. Auro, siue Argento publico feriundo.	CAECIL. NIGR. Cæcilio Nigro
AED.CVR. Aedilis Curulis.	AR. AR.	CAEP. Cæpio.
Æ. AET.	APXIEP.MET. ἀρχιεπισκοπος	CAES. Cæsar.
A. F. Auli filius.	AV. AV.	CASSI. Cassius.
A.F.A.N. Auli filius Auli Nepos	AVL. AVL.	CENS. Censores.
ALEXANDR. AEGYPT.	AVG. AVG. Augur. Augusta.	GEST. Gestianus.
Alexandria Aegypti.	AYTOK. AYTOKPA. αὐτοκρατορ	C.I.V. Colonia Iulia Valētia, siue Victoria. Cæsare cap. iij. N. xij.
AN. AN.	A.XL. In Antonio cap. xj. Num. j.	CLOVI. Clouius.
AN. ANO. ANON. Antonius	AT. AT.	CN. Cneus. (pos
ANT. AVG. Antonius Augur.	B. ἀντιπρόεδρος	CN.F. CN.N. Cnei fili⁹ Cnei ne
AN.XV.PR.H.O.C.S. Annorū quindecim prætextatus hostē occidit, ciuem seruauit. Vel, Hoste occiso ciuem seruauit.	BRVT. Brūtus.	CN.F. SEX.N. Cnei fil. Sexti nep.
Lepido capite. v. Nummo primo.	BER. Berytus.	COHORT. PRAET.
AP. Appius.	C. Caius.	Cohortis Prætoris.
	C.F. Caij filius.	COL.IVL.BER. Colonia Iulia Berytus.
		COL. IVL. COR. Colonia Iul-

lia Corinthus.	L. F. Lucij filius.	PROQ. Proquæstor vel pro quæstore.
COR. Corinthus.	L.F.C.N. Lucij filius Caij nepos.	PROQ. P. Proquæstor prætorius, vel Prætoris.
COS. Consul.	L.F.L.N. Lucij filius Lucii nepos.	P.V.A. Prætorij vrbani Antoniani. <i>Anton. cap. viij. N. ij. & xj. xij.</i>
COS. DES. Consul designatus.	L.F.P.N. Lucij filius Publii nepos.	Q. Quintus vel Quæstor.
D. Decimus.	L.F.Q. N. Lucij fili ⁹ Quinti nep.	Q.F. Quinti filius.
D.F.M.N. Decimi filius Marci ne	L. F. vel LVST. FEC. Lustrum fecit vel fecerunt.	Q.F.L.N. Quinti fili ⁹ Lucij nep.
DAC. Dacicus.	(pos	Q.F.M.N. Quinti filius Marci nepos.
DES. Designatus.	LEG. Legatus, vel Legio.	Q.F.Q.N. Quinti filius Quinti nepos.
DIC. DICT. Dictator.	LEG. PRI. Legio prima.	Q.DES. Quæstor designatus.
DOMIT. Domitius.	LEN ⁹ VS. Lentulus.	Q.P. Quæstor prætorius, siue prætoris.
EID. MR. Eidus vel Idus Mar	LEP. LEPI. LEPID. Lepidus.	Q. PROCOS. Quæstor prætoris.
E. ET.	(tia. L. GELL. Lucius Gellius.	Q. VAR. QVART. Quartum.
EX.A.D. Ex ante diem.	VL. LV.	QVIN. QVINT. QVIN ⁹ Quintum.
EXERCIT. EXERCITVM.	M. Marcus.	REF. Refecta.
Exercituum.	M. F. Marci filius.	REG. Regni vel Regis.
EX.S.C. Ex Senatusconsulto.	M.F.M.N. Marci filius Marci nep.	<i>Lepido cap. iij. Num. iij. & vj.</i>
F. Filius.	M.F.Q.N. Marci filius Quinti ne	R. G. C. Rei gerundæ causâ.
F. F. Flando, feriundo.	AN. Manius.	(pos.
FLAV. Flavius.	W. F. Manii filius.	R.P. C. Reipublicæ cõstituendæ.
G. Gaius.	W.F. W. N. Manij filius Manij	RM. RVM.
G. Γερων.	M. MA.	(nep.
G. γαιος.	MAG.EQ. Magister Equitum.	SAL. Salus.
GERMAN. Germanus.	MAM. Mamercus.	S.C. Senatusconsulto.
GER. Germanicus.	MAM.F.M.N. Mamerci fili ⁹ Mar	SER. Seruius.
GELLI. Gellius,	MR. MAR.	(ci nep.
HIRTI. Hirtius.	MP. MP.	SER.F. P.N. Seruij filius Publij
H.O. Hoste occidit, siue hoste oc	MP ⁹ I. Munatius.	SEST. Sestius.
ID.IDIB. Idus. Idibus.	(ciso. MVSSIDI. Mulfidius.	(nepos
II. Secundum.	N. Numerius.	SEX. Sextus.
III. Tertium.	N. NA vel AN.	SEX.F. SEX.N. Sexti filius Sex
IIII. Quartum.	NE. NE.	ti nepos.
IMP.R.P.C. Imperator Reipub.	N. NT.	SEX.SEXT. Sextum.
constituendæ.	O. occidit, vel occiso.	SPINT. Spinter.
IMP.CONST.CAVSS. Imperij	OCCIS. occisus.	T. Titus.
constituendi causâ.	OPT. optimo.	TA. TA.
IN M. M. E. IN E. L. F. E. vel	P. Publius.	TE. TE.
IN MAG. MORT. EST IN E	P.F. Publii filius.	TER. TERT. Tertium.
IVS LOC.FACT. EST. In Ma	P.F.M.N. Publij filius Marci nep.	T. F. Titi filius.
gistratû mortuus est, in eius lo	P.F.P.N. Publij filius Publij nep.	T.F.L.N. Titi filius Lucij nepos
cum factus est.	PAR. Parthia vel Parthica.	TI. Tiberius.
IOV. OPT. MAX. SACR. Ioui	PAUL. Paullione. <i>Casare cap. vj.</i>	ΘΩ. forsan ΘΕΩ. <i>Casare cap. x.</i>
Optimo Maximo sacrum.	Num. ij.	V. Quintum.
II VIR. Duumvir.	P. CI. Prætor Ciliciæ forsan.	(Num. ij.
III VIR. Triumvir.	<i>Antonio cap. pr. Num. 26. & 31.</i>	VA. VA.
IIIV. R.P.C. vel IIIVIR R.P.C.	PERP. Perpetuo.	VENTIDI. Ventidius.
Triumvir Reipub. cõstituendæ.	PHIL. Philippi vel Philippenfis.	VIC. AVG. Victoria Augustæ,
IIIVIR A.A.A.F.F. Triumvir au	PLAET.CEST. Plætori ⁹ Cestian ⁹	vel Augusti.
ro, argêto, ære flando, feriundo.	P.M. vel PONT MAX. Pontifex	VL. VL.
IIIVIR. Quattuoruir siue	P.P. Pater patriæ.	(Maximus.
Quattuoruir.	PR. Prætor.	VR. VR.
IIIVIR.A.A.A.F.F. Quattuoruir	PRAEF. Præfectus.	WM. VM.
auro, argêto, ære flando, feriûdo.	PR. VRB. vel PRAEF. VRB.	X. Decimum.
IIIVIR A. P.F. Quattuoruir ar	Præfectus vrbi.	XIV. Decima quarta.
gento, siue, auro publicè feriûdo.	PRID. Pridie.	XIIX. Decima octaua.
IV. Quartum.	PROCOS. Procõsul v ⁹ Procõsule	XXIV. Vigesima quarta.
IVL. Iulia.	PROPR. Propriëtor vel p prætore.	XXIIX. Vigesima octaua.
K. KAL. Kalendis vel Kalendas.	PR. A. Prætoria Antonij.	
L. Lucius.	<i>Anton. cap. x. Num. x.</i>	DIC.

Græcarum quæ in nummis passim leguntur
interpretatio.

In Cæsare Cap. primo.

Γ. ΙΟΥΛΙΟΥ ΚΑΙΣΑΡΟΣ ΑΥΤΟΚΡΑΤΩΡΟΣ. C. Iulij Cæsaris Impera-
toris. *Nummo. vij.*

ΚΑΙΣΑΡ ΑΥΤΟΚΡΑΤΩΡ. Cæsar Imperator. *Nummo. ix.*

Γ. ΚΑΙΣΑΡ ΑΥΤΟΚΡΑΤΩΡ ΑΡΧΙΕΡ. ΜΕΓ. C. Cæsar Imperator
Pontifex Maximus. *Num. xij. & xv.*

Γ. ΚΑΙΣΑΡ ΑΥΤΟΚΡΑΤΩΡ ΟΥΠΑΤΟΣ Β. C. Cæsar Imperator
Consul iterum. *Num. xx.*

ΓΑΙΟΣ ΙΟΥΛΙΟΣ ΚΑΙΣΑΡ ΑΥΤΟΚΡΑΤΩΡ ΔΟΤΚΤΑΤΩΡ Β.
Caius Iulius Cæsar Imperator Dictator iterum. *Num. xxij.*

Γ. ΙΟΥΛΙΟΣ ΚΑΙΣΑΡ ΟΥΠΑΤΟΣ ΤΡΙΤΟΝ. C. Iulius Cæsar
Consul tertium. *Num. xxij.*

Γ. ΙΟΥΛΙΟΥ ΚΑΙΣΑΡΟΣ ΑΥΤΟΚΡΑΤΩΡΟΣ ΔΟΤΚΤΑΤΩΡΟΣ
C. Iulij Cæsaris Imperatoris Dictatoris. *Num. xxij.*

Γ. ΙΟΥΛΙΟΣ ΚΑΙΣΑΡ ΘΕΟΣ. C. Iulius Cæsar Deus, siue Diuus. *Num. lix.*

Cap. II.

ΙΑΙΩΝ ΒΙΣ ΝΕΩΚΟΡΩΝ. Iliensium nouo hominū cœtu secundò frequēta-
torum. vel deductis nouis colonis secundò frequentatorū. ΒΙΣ *pro* ΔΙΣ. & ΚΟΡΟΣ
inter cetera hominum cœtum siue multitudinem significat. *Num. iij.*

Cap. IIII.

ΚΟΙΝΟΝ. ΑΛΕΞΑΝΔΡΕΩΝ. Commune siue Communitas Alexandrinorum.

ΘΕΣΣΑΛΟΝΙΚΕΩΝ. Thessalonicensium. *Num. ij.* (*Num. pri.*)

ΠΟΥΒΛΙΟΣ ΣΟΥΛΠΙΚΙΟΣ ΡΟΥΦΟΣ. Publius Sulpicius Rufus. *Num. iij.*

Cap. V.

ΚΟΥΙΝΤ. ΚΙΚΕΡΩΝ. Quintus Cicero. *Num. xj.*

Cap. IX.

ΑΡΧΙΕΡ. ΜΕΓ. ΟΙΩΝΙΣΤΗΣ. Pontifex Maximus Augur. *Num. xv.*

In Lepido Cap. pri.

Μ. ΛΕΠΙΔΟΣ ΑΥΤΟΚΡΑΤΩΡ ΤΡΙΩΝΑΝΔΡΩΝ. M. Lepidus
Imperator Triumuir. *Num. ij.*

Μ. ΛΕΠΙΔΟΣ ΑΡΧΙΕΡΕΥΣ ΜΕΓΑΣ. M. Lepidus Pontifex Maximus. *Num. v.*

Cap. V.

ΤΡΙΩΝΑΝΔΡΩΝ. Triumuir. *Num. xj.*

Cap. VI.

ΚΟΙΝΟΝΙΑ ΑΛΕΞΑΝΔΡΙΝΩΝ. Communitas Alexandrinorum. *Num. iij.*

Cap. VII.

Μ. ΛΕΠΙΔΟΣ ΤΡΙΩΝΑΝΔΡΩΝ ΑΥΤΟΚΡΑΤΩΡ ΑΡΧΙΕΡ. ΜΕΓΑΣ.

M. Lepidus Triumuir Imperator Pontifex Maximus. *Num. v. & vij.*

In Antonio. Cap. pri.

Μ. ΑΝΤΩΝΙΟΣ ΑΥΤΟΚΡΑΤΩΡ Γ. M. Antonius Imperator tertium. *Num. xvij.*

ΑΝΤΩΝΙΟΣ ΑΥΤΟΚΡΑΤΩΡ ΤΡΙΩΝΑΝΔΡΩΝ. Antonius Imperator
Triumuir. *Num. xx.*

Μ. ΑΝΤΩΝΙΟΣ ΑΥΤΟΚΡΑΤΩΡ ΟΙΩΝΙΣΤΗΣ ΤΡΙΩΝΑΝΔΡΩΝ.

M. Antonius Imperator Augur Triumvir. *Num. xxv. xxvij. xxxiij. & .xliij.*

Μ. ΑΝΤΩΝΙΟΣ ΑΥΤΟΚΡΑΤΩΡ ΤΡΙΤΟΝ ΤΡΙΩΝΑΝΔΡΩΝ.

M. Antonius Imperator tertium Triumvir. *Num. xxxvj.*

ΑΝΤΩΝΙΟΥ ΑΤΤ. ΚΑΙ ΚΛΕΟΠΑΤΡΑΣ ΒΑΣΙΛΙΣΣΗΣ.

Antonij Imperatoris & Cleopatraz Regina. *Num. xl.*

ΑΝΤΩΝΙΟΣ. ΡΩΜΗΣ. Antonius. Romæ. *Num. xliij.*

Μ. ΑΝΤ. ΑΡΜΕΝΙΑΣ ΚΑΤΑΔΟΥΛΩΣΗΣ.

M. Antonius Armenia deuicta. *Num. lvj.*

Cap. IIII.

ΕΦΕΣΙΩΝ ΝΕΟΚΟΡΩΝ. Ephesiorum nouo hominum cœtu, vel deductis
nouis colonis frequentatorum. *Num. viij.*

Cap. V.

ΑΝΤΩΝΙΟΣ. ΡΟΔΙΩΝ. Antonius. Rhodiorum. *Num. vij. & ix.*

Cap. VII.

ΚΟΙΝΟΝ. ΠΡΟΤΗΣ ΤΡΙΠΟΛΙΤΩΝ.

Communitas prima Tripolitanorum. *Num. pri.*

ΚΟΙΝΟΝΙΑ ΤΡΙΠΟΛΙΤΩΝ. Communitas Tripolitanorum. *Num. añ.*

Cap. X.

ΒΑΣΙΛΙΣΣΑ ΚΛΕΟΠΑΤΡΑ ΑΡΜΕΝ // // // //.

Regina Cleopatra Armen // // // // *Nummo. iij.*

ΒΑΣΙΛΙΣΣΗΣ ΚΛΕΟΠΑΤΡΑΣ. Regina Cleopatraz. *Num. vj.*

ΒΑΣΙΛΙΣΣΑ ΚΛΕΟΠΑΤΡΑ ΟΣΣΑΝ ΣΩΤΗΡΑ. Regina Cleopatra
omnium *sue* vniuersi feruatric. ΟΣΣΑΝ *quasi dicas* ΟΣΣΑ ΑΝ. *Num. vij.*

ΒΑΣΙΛΙΣΣΗΣ ΚΛΕΟΠΑΤΡΑΣ ΟΣΣΑΝ ΣΩΤΗΡΑΣ. Regina Cleo-
patraz omnium *sue* vniuersi feruatricis. *Num. ix.*

ΝΙΚΟΠ. ΗΡΩΔΗΣ. Nicopolis. Herodes. *Num. xij.*

Cap. XI.

ΚΑΙΣΑΡΕΩΝ. Cæsarensium. *Num. ij. & .xj.*

ΚΑΙΣΑΡΕΑΣ ΜΗΤΡΟΠΟΛΕΩΣ. Cæsarex Metropolis. *Num. iij.*

ΑΥΤΟΚ. ΑΝΤΩΝΙΟΣ ΟΙΩΝΙΣΤΗΣ ΤΡΙΩΝΑΝΔΡΩΝ.

Imperator Antonius Augur Triumvir. *Nummo. vj.*

TITV-

TITVLI CAESARIS, LEPIDI, ET ANTONII,

qui diuersis in nummis sparsi & diuisi leguntur.

Caesaris.

CAESAR. *Cap. pr. Num. 2. & alijs.*

CAESAR IMPERATOR. *Cap. pr. Num. pr. 3. 6. & alijs.*

ΚΑΙΣΑΡ ΑΥΤΟΚΡΑΤΩΡ. *Cap. pr. Num. 9.*

C. CAESAR IMPERATOR. *Cap. pr. Num. 12.*

Γ. ΙΟΥΛΙΟΣ ΚΑΙΣΑΡ ΑΥΤΟΚΡΑΤΩΡ. *Cap. pr. Num. 7.*

CAESAR IMPERATOR PONTIFEX MAXIMVS. *Cap. pr. Num. 14.*

Γ. ΚΑΙΣΑΡ ΑΥΤΟΚΡΑΤΩΡ ΑΡΧΙΕΡΕΥΣ ΜΕΓΑΣ. *Cap. pr. Num. 13. & 15.*

C. CAESAR C. F. IMPERATOR ITERVM. *Cap. 3. Num. 7. & 10.*

CAESAR IMP. TERTIVM. *Cap. 5. Num. 4.*

CAESAR DICTATOR. *Cap. pr. Num. 16. 17. 18. & alijs.*

Γ. ΙΟΥΛΙΟΣ ΚΑΙΣΑΡ ΑΥΤΟΚΡΑΤΩΡ ΔΟΥΚΤΑΤΩΡ. *Cap. pr. Num. 24.*

C. CAESAR IMPERATOR CONSVL ITERVM. *Cap. 4. Num. 8.*

Γ. ΚΑΙΣΑΡ ΑΥΤΟΚΡΑΤΩΡ ΟΥΠΑΤΟΣ Β. *Ca. pr. Num. 20.*

ΓΑΙΟΣ ΙΟΥΛΙΟΣ ΚΑΙΣΑΡ ΑΥΤΟΚΡΑΤΩΡ ΔΟΥΚΤΑΤΩΡ Β. *Ca. pr. Num. 21.*

CAESAR DICTATOR ITERVM. *Cap. 3. Num. 12.*

Γ. ΙΟΥΛΙΟΣ ΚΑΙΣΑΡ ΟΥΠΑΤΟΣ ΤΡΙΤΟΝ. *Cap. pr. Num. 23.*

C. CAESAR COS. TERTIVM. *Cap. pr. Num. 26.*

CONSVL TERTIVM DICTATOR ITERVM AVGV RPONT.

MAX. *Cap. 9. Num. 1. & 2.*

C. CAESAR DICTATOR TERTIVM. *Cap. 5. Num. 2. Cap. 9. Num. 10.*

CAESAR DICTATOR TERTIVM PONT. MAX. *Cap. pr. Num. 25.*

CAESAR AVGV RPONT. MAX. *Cap. pr. Num. 27.*

CAESAR IMP. AVGV RPONT. MAX. *Cap. 9. Num. 6.*

ΚΑΙΣΑΡ ΑΥΤΟΚΡΑΤΩΡ ΟΙΩΝΙΣΤΗΣ ΑΡΧΙΕΡΕΥΣ ΜΕΓΑΣ.

Cap. pr. Num. 9. & Cap. 9. Num. 15.

CAESAR PONT. MAX. DICT. TERTIVM. *Ca. pr. Num. 28.*

CAESAR IMP. QVARTVM. *Cap. pr. Num. 29. Cap. 9. Num. 12.*

CAESAR IMP. IIII. DICT. III. *Cap. 5. Num. 10. & 8.*

CAESAR DICT. QVART. *Cap. pr. Num. 32.*

CAESAR IMP. QVART. AVGV RPONT. MAX. COS. QVART.

DICT. QVARTVM. *Cap. pr. Num. 29. & Cap. 9. Num. 17.*

CAESAR PARENS PATRIAE. *Cap. pr. Nu. 31.*

C. CAESAR PARENS PATRIAE. *Cap. 10. Num. 3.*

CAESAR AVGV RIMP. QVINTVM COS. QVART. DICT.

QVART. PARENS PATRIAE. *Ca. pr. Nu. 33. & Cap. 9. Num. 13.*

CAESAR DICTATOR PERPETVO. *Cap. pr. Num. 35. 38. & 41.*

C. CAESAR DICT. PERPETVO. *Ca. pr. Nu. 37.*

CAESAR COS. QVINT. DICT. PERPETVO. *Cap. pr. Num. 36.*

CAESAR AVGV RIMP. SEXTVM COS. QVINT. PONT. MAX.

DICT. PERPETVO. *Cap. pr. Num. 34. & Cap. 9. Num. 22.*

C. CAESAR COS. QVINT. IMP. SEXT. DICT. PERPETVO. *Ca. 9. Nu. 24.*

CAESAR AVGV RPONT. MAX. COS. V. DICT. PERPETVO. *Ca. 9. Nu. 20.*

DIVVS IVLIVS. *Cap. pr. in fine pluribus locis.*

Γ. ΙΟΥΛΙΟΣ ΚΑΙΣΑΡ ΘΕΟΣ. *Cap. pr. Num. 59.*

Lepidi.

M. AIMILIVS M. F. Q. N. LEPIDVS PRAEFECTVS VRBIS. *Ca. 2. Nu. 5.*

M. AIMILIVS M. F. Q. N. PROPRAETOR. *Cap. 5. Num. 5.*

LEPIDVS. *pluribus locis.*

M. LEPIDVS IMPERATOR. *Cap. pr. Num. pr.*

LEPIDVS IMP. PONT. MAX. *Cap. 4. Num. 2.*

M. LEPIDVS TRIVMVIR REIPUBLICAE CONSTITVENDAE.

Cap. pr. Num. 3. & 4.

M. LEPIDVS PONT. MAX. III VIR R. P. C. *Cap. pr. Num. 6. 7. 9. & Cap. 7. Num. 11.*
 M. ΛΕΠΙΔΟΣ ΑΡΧΙΕΡΕΥΣ ΜΕΓΑΣ ΤΡΙΩΝΑΝΔΡΩΝ. *Cap. pr. Nu. 5. & Ca. 5. Nu. 11.*
 M. LEPIDVS IMP. PONT. MAX. III VIR R. P. C. *Cap. pri. Num. 8. & 12.*
 M. ΛΕΠΙΔΟΣ ΤΡΙΩΝΑΝΔΡΩΝ ΑΥΤΟΚΡΑΤΩΡ ΑΡΧΙΕΡΕΥΣ ΜΕ-

ΓΑΣ. *Cap. 7. Num. 5. & 7.*

M. ΛΕΠΙΔΟΣ ΑΥΤΟΚΡΑΤΩΡ ΤΡΙΩΝΑΝΔΡΩΝ. *Cap. pr. Num. 2.*

M. LEPIDVS IMP. ITERVM. *Cap. 6. Num. 9.*

(*& 17.*

M. LEPIDVS IMP. ITER. PONT. MAX. III VIR R. P. C. *Cap. pr. Nu. 15. 16.*

M. LEPID. IMP. ITER. PROCOS. III VIR R. P. C. *Cap. 5. Num. 8. & 7.*

M. LEPIDVS PONT. MAX. III VIR R. P. C. COS. ITER. *Cap. pri. Num. 18.*

M. LEPIDVS PONT. MAX. IMP. ITER. COS. ITER. III VIR R. P. C.

Cap. pr. Num. 20. & Cap. 7. Num. 9.

M. LEPIDVS PONT. MAX. III VIR ITER. R. P. C. *Cap. pr. Num. 19.*

LEPIDVS P. M. IMP. ITER. III VIR ITER. R. P. C. *Cap. 7. Num. 8.*

M. LEPIDVS PONT. MAX. *Cap. pr. Num. 22. 24.*

LEPIDVS PONT. MAX. *Num. 23.*

Antonij.

M. ANTONIVS. *Cap. 2. Num. pr. & alijs pluribus.*

ANTONIVS IMP. *Cap. pr. Num. 7. Cap. 2. Num. 8. & alijs.*

M. ANTONIVS IMP. *Cap. pr. Num. 1. 2. 3. & alijs.*

ANTONIVS IMP. AVGV. *Cap. 3. Num. 5.*

M. ANTONIVS IMPERATOR REIPUBLICÆ CONSTITVENDÆ.

Cap. pr. Num. 9. 10. 11. 12.

M. ANTONIVS III VIR R. P. C. *Cap. pr. Num. 18. 21. & alijs.*

M. ANTONIVS IMP. III VIR R. P. C. *Cap. pr. Num. 19. 22. 24. Cap. 5. Num. pr.*

ΑΝΤΩΝΙΟΣ ΑΥΤΟΚ. ΤΡΙΩΝΑΝΔΡΩΝ. *Cap. pr. Num. 20.*

ANT. AVGV. IMP. III VIR R. P. C. *Cap. pr. Num. 28.*

M. ANTONIVS IMP. AVGV. III VIR R. P. C. *Cap. pr. Num. 26. 29. 30. & alijs.*

M. ΑΝΤΩΝΙΟΣ ΑΥΤΟΚΡΑΤΩΡ ΟΙΩΝΙΣΤΗΣ ΤΡΙΩΝΑΝΔΡΩΝ.

Cap. pr. Num. 25. 27. & 42.

M. ANTONIVS IMP. ITERVM. *Cap. pr. Num. 13.*

M. ANTONIVS IMPER. III. *Cap. pr. Num. 15. & 16.*

M. ΑΝΤΩΝΙΟΣ ΑΥΤΟΚΡΑΤΩΡ Γ. *Cap. pr. Num. 17.*

M. ΑΝΤΩΝΙΟΣ ΑΥΤΟΚΡΑΤΩΡ ΤΡΙΤΟΝ ΤΡΙΩΝΑΝΔΡΩΝ. *Cap. pr.*

ANTONIVS AVGV. IMP. III. *Cap. 6. Num. 4.*

(*Num. 36.*

ANTONIVS AVGV. IMPERATOR TERTIVM COS. DESIGNA-

TVS ITERVM ET TERTIVM III VIR R. P. C. *Cap. pr. Num. 46.*

ANTONIVS AVGV. COS. DES. ITER. ET TER. IMP. TERTIO

III VIR R. P. C. *Cap. pr. Num. 37. & Cap. 7. Num. 4.*

M. ANTONIVS IMP. COS. DESIG. ITER. ET TER. III VIR R. P. C.

Cap. pr. Num. 38. 43. & 45. Cap. eod. Num. 41. & Cap. 7. Num. 7. & alijs.

M. ANT. IMP. AVG. COS. DES. ITER. ET TER. III VIR R. P. C. *Ca. pr. Nu. 39.*

M. ANTON. M. F. M. N. AVG. IMP. TER. COS. DESIG. ITER. ET TER.

III VIR R. P. C. *Cap. 4. Num. 12. & 5. Cap. 5. Num. 6. & 3.*

M. ANTONIVS M. F. M. N. AVGV. IMP. TER. III VIR R. P. C. COS.

DESIG. ITER. ET TERT. *Cap. 5. Num. 8. & 10.*

ANTONIVS AVGV. IMP. III. COS. DES. III. III VIR R. P. C. *Ca. pr.*

IMP. ANTONIVS. *Cap. pr. Num. 5. 7.*

(*Num. 48.*

ΑΥΤΟΚ. ΑΝΤΩΝΙΟΣ ΟΙΩΝΙΣΤΗΣ ΤΡΙΩΝΑΝΔΡΩΝ. *Cap. 11. Num. 6.*

IMP. ANT. AVGV. III VIR R. P. C. IMP. III. *Ca. pr. Nu. 50. & Ca. 7. Nu. 6. 10. 12.*

IMP. ANTONIVS AVGV. III VIR ITER. R. P. C. *Cap. pr. Num. 52. 54.*

55. & 57. & Cap. 4. Num. 3.

IMP. ANTONIVS AVG. COS. ITER. DES. TER. III VIR ITER.

R. P. C. IMP. TERTIO. *Cap. pr. Num. 49. & Cap. 7. Num. 10. & 12.*

IMP. ANTON. AVGV. COS. DES. III. IMP. III. *Cap. 6. Num. 6.*

IMP. ANTON. AVG. IMP. III. COS. DES. III. III VIR II. R. P. C.

Cap. pr. Num. 51.

PARTES AVERSAE NUMISMATVM QVAE 223
hoc opere continentur suis quæque capitibus attributæ.

In Cæsare.

Caput Primum his litteris inscriptum, CAESAR IMP.

A parte auersa siue posteriori, Venus victrix, & litteræ, M. METTIVS. Cap. 2. Nummo. 13.

Cap. II. CAESAR.

Caput M. Antonij, M. ANTON. IMP. Cap. 8. Num. 4.

III. CAESAR IMP.

Nomen Triumviri monetalis decussatim descriptum. L. LIVINEIVS. C. F.

REGVLVS III VIR A. A. A. F. F. Cap. 7. Num. 10.

IIII. CAESAR.

Vexillum, Aquila, Aratrum, Decempeda siue pertica agri mensoria,

TI. SEMPRONIVS GRACCVS. Q. DES. Cap. 6. Num. 4.

V. nullis inscriptum litteris quàm s. C.

Huic capiti plura & diuersa subiiciuntur symbola, & primum Cæsar togatus ramulum tenens in sella sedens, cui Victoria à tergo lauream imponit capiti.

CAESAR IMP. TER. Cap. 5. Num. 4.

Item illud quod proximè præcedenti Cap. IIII. subiicitur, Vexillum, Aquila, Aratrum, Decempeda. TI. SEMPRONIVS GRACCVS Q. DES. Cap. 6. Num. 4.

Tertiò, Sacerdos agens iugum bouum sulcum aratro ducens. TI. SEMP. GRACC. Q. DES. Cap. 6. Num. 9.

Quartò, Gubernaculum, Orbis, Cornucopiæ, Caduceus & albogalerus, siue pileus flaminis. L. MVSSIDIVS LONGVS. Cap. 9. Num. 16. & 18.

VI. CAESAR IMP.

Venus Genetrix. P. SEPVLLIVS MACER. Cap. 2. Num. 21.

VII. Γ. ΙΟΤΑΙΟΤ ΚΑΙΣΑΡΟΣ ΑΤΤΟΚΡΑΤΩΡΟΣ.

Elephas cum litteris peregrinis incognitis siue Punicis ut quibusdā videtur. Cap. 2. Num. 4.

VIII. nullis inscriptum litteris.

Venus Galeam & Clypeum tenens astans aræ cum aquila signo militari.

CAESAR DIC. PERP. Cap. 2. Num. 12.

Venus Fœlix caduceum tenens. L. FLAMINIVS. IIII VIR. Cap. 2. Num. 23.

Vexillum, Aquila, Aratrum, Decempeda. TI. SEMPRONIVS GRACCVS Q. DESIG. Cap. 6. Num. 6.

Sacerdos agens iugum bouum & sulcū aratro ducens. C. CAESAR IMP. TI. SEMP. GRAC. Q. DES. EX S. C. Cap. 6. Num. 7.

Nomen III uiri monetalis decussatim scriptum. L. FLAMINIVS T. F. L. N.

IIII VIR A. A. A. F. F. Cap. 7. Num. 3.

Vitulus. Q. VOCONIVS VITVLVS Q. DESIGN. Cap. 8. Num. pr.

Gubernaculum, Orbis, Cornucopiæ, Caduceus, Pileus flauinis.

L. MVSSIDIVS LONGVS. Cap. 9. Num. 16.

Lituus, Patella, Capeduncula, CAES. AVG. PONT. MAX. COS. V.

DIC. PERP. Cap. 9. Num. 20.

IX. ΚΑΙΣΑΡ ΑΤΤΟΚΡΑΤΩΡ.

Tripus. ΟΙΩΝΙΣΤΗΣ ΑΡΧΙΕΡ. ΜΕΓ. Cap. 9. Num. 15.

X. sine litteris.

Taurus. L. LIVINEIVS REGVLVS. Cap. 8. Num. 10.

XI. CAESAR IMPER.

Venus victrix. M. METTIVS. Cap. 2. Num. 15.

XII.

XII. C. CAERAR IMP.

Venus victrix. P. SEPVLLIVS MACER. *Cap. 2. Num. 14.*Venus Genetrix sedens. L. BVCA. *Cap. 2. Num. 20.*

Nomen IIIviri monetalis decussatim descriptum. L. AEMILIVS Q. F. BVCA.

IIII VIR A. A. A. F. F. *Cap. 7. Num. pr.*

XIII. Γ. ΚΑΙΣΑΡ ΑΥΤΟΚΡΑΤΩΡ ΑΡΧΙΕΡ. ΜΕΓ.

Vexillum, Aquila, & Signum cohortis. ΚΟΤΙΝΤ. ΚΙΚΕΡΩΝ Γ. // // // // // *Cap. 5. Nu. 2*

XIIII. CAESAR IMP. P. M.

Venus victrix. L. AEMILIVS BVCA. *Cap. 2. Num. 16.*Venus Genetrix sedens. L. BVCA. *Cap. 2. Num. 20.*

XV. Γ. ΚΑΙΣΑΡ ΑΥΤΟΚ. ΑΡΧΙΕΡ. ΜΕΓ.

Victoria insistentis proræ nauis. ΚΟΙΝΟΝ ΑΛΕΞΑΝΔΡΕΩΝ. *Cap. 4. Num. pr.*

XVI. CAESAR DIC.

Caput M. Antonij. M. ANTON. IMP. *Cap. 8. Num. 4.*Alterum caput Antonij. M. ANTON. IMP. R. P. C. *Cap. eod. Num. 9.*

XVII. CAESAR DICTATOR.

Nomen IIIviri monetalis decussatim descriptum. L. AEMILIVS Q. F. BVCA.

IIII VIR A. A. A. F. F. *Cap. 7. Num. pr.*

XVIII. C. CAESAR DICTATOR.

Taurus. L. LIVINEIVS REGVLVS. *Cap. 8. Num. 10.*

Gubernaculum, Orbis, Cornucopiæ, Caduceus, Albogalerus, siue Pileus Flaminis.

L. MVSSIDIVS LONGVS. *Cap. 9. Num. 18.*

XIX. Siné litteris.

Crocodilus. AEGYPTO CAPTA. *Cap. 4. Num. 4.*

XX. Γ. ΚΑΙΣΑΡ ΑΥΤΟΚΡΑΤΩΡ ΟΥΠΑΤΟΣ Β.

Laurea. ΘΕΣΣΑΛΟΝΙΚΕΩΝ. *Cap. 4. Num. 2.*

XXI. Nullis inscriptum litteris.

Crocodilus. AEGYPTO CAPTA. *Cap. 4. Num. 6.*

Insignia Pontificalia, Aspergillum, Culter victimarius, Capeduncula, Securis,

Albogalerus. CAESAR IMP. AVGV P. M. *Cap. 9. Num. 6.*

XXII. Γ. ΙΟΥΛΙΟΣ ΚΑΙΣΑΡ ΑΥΤΟΚΡΑΤΩΡ ΔΟΥΚΤΑΤΩΡ Β.

Cæsaris sedentis habitu diuino simulachrum. ΘΩ. *Cap. 10. Num. 2.*

XXIII. Γ. ΙΟΥΛΙΟΣ ΚΑΙΣΑΡ ΟΥΠΑΤΟΣ ΤΡΙΤΟΝ.

Duo habitu militari in prora nauis consistentes, tenentes signa militaria.

ΠΟΤΒΑΙΟΣ ΣΟΓΑΠΙΚΙΟΣ ΡΟΥΦΟΣ. *Cap. 4. Num. 3.*

XXIIII. Γ. ΙΟΥΛΙΟΥ ΚΑΙΣΑΡΟΣ ΑΥΤΟΚΡΑΤΩΡΟΣ ΔΟΥΚΤΑΤΩΡΟΣ.

Aeneas Palladium gestans & patrem Anchisen, ante ipsum Iulus siue Ascanius.

ΙΑΙΩΝ ΒΙΣ ΝΕΩΚΟΡΩΝ. *Cap. 2. Num. 3.*

XXV. CAESAR DICT. TERT. PONT. MAX.

Gubernaculum, Orbis, Cornucopiæ, Caduceus, Pileus Flaminis.

L. MVSSIDIVS LONGVS. *Cap. 9. Num. 16. & 18.*

XXVI. C. CAESAR COS. TERT.

Lituus, Vrna, Securis. A. HIRTIVS PR. *Cap. 9. Num. 14.*

XXVII. CAESAR AVGV PONT. MAX.

Capeduncula, Securis, Vrnula, Lituus, Patella. P. CLODIVS M. F. PR. *Ca. 9. Nu. 23*

XXVIII.

XXVIII. CAESAR P. M. DIC. TER.

Nomen iuiri monetalis decussatim descriptum. Q. TVLLIVS M. F. CICERO.

IIIVIR. A. A. A. F. F. Cap. 7. Num. 8.

Caput Lepidi. M. LEPIDVS IMPER. Cap. 8. Num. 7.

XXIX. CAESAR IMP. QVART.

AVGV R PONT. MAX. COS. QVAR. DIC. QVAR. Cap. 9. N. 17.

XXX. Velatum nec vllis inscriptum litteris.

Sella cui impositæ sunt binæ laureæ inter quas vrnula. C. CAESAR COS.

QVINT. IMP. SEX. DIC. PERP. Cap. 9. N. 24.

XXXI. CAESAR PARENS PATRIAE.

Nomen iuiri monetalis decussatim scriptum. C. COSSVTIVS MARIDI-

ANVS IIIVIR A. A. A. F. F. Cap. 7. Num. 5.

XXXII. CAESAR DICT. QVART.

Pallas siue Bellona in bigis. M. METTIVS. Cap. 5. Num. pr.

L. MVNATI. PLANCVS PRAEF. VRE. Cap. 8. Num. 5.

Bos coronatus immolandus ad aram. IOV. OPT. MAX. SACR. Cap. 9. N. 8.

XXXIII. CAESAR AVGV R IMP. QVIN. COS. QVAR.

Capeduncula, Securis, Tripus, Vrnula. DICT. QVART. PARENS PATRIAE.

Cap. 9. Num. 13.

XXXIIII. CAESAR AVGV R IMP. SEXT. COS. QVINT.

Sella cui imposita est laurea, & fasces hinc inde. PONT. MAX. DIC. PERP. Cap. 9. N. 22.

XXXV. CAESAR DICT. PERPETVO.

Venus victrix. C. MARIDIANVS. Cap. 2. Num. 24.

XXXVI. CAESAR COS. QVINT. DICT. PERP.

Venus Genetrix. M. METTIVS. Cap. 2. N. 13.

XXXVII. C. CAESAR DICT. PERPETVO.

Venus assistens aræ galeam & hastam tenens. C. COSSVTIVS MARIDIANVS. Cap. 2. N. 10.

Cæsar Togatus in sella confidens cui Victoria coronam à tergo capiti admouet.

Ex s. c. Cap. 5. Num. 6.

XXXVIII. CAESAR DICT. PERP.

Venus Genetrix sedens. L. BVCA. Cap. 2. Num. 20.

XXXIX. CAESAR DICT. PERPETVO.

Venus infidens clypeo orbe pedibus subiecto. P. SEPVLLIVS MACER. Cap. 2. Num. 17.

Venus victrix stans. P. SEPVLLIVS MACER. Cap. 2. N. 19. & 22.

Nomen iuiri monetalis decussatim descriptum. L. MVSSIDIVS LONGVS

IIIVIR A. A. A. F. F. Cap. 7. Num. 12.

Caduceus & Fascis decussata, securis, orbis, & dextræ iunctæ. L. BVCA. Cap. 9. N. 19. & 21.

XLI. CAESAR DICT. PERPETVO.

Venus Genetrix. L. BVCA. Cap. 2. N. 18.

Dextræ iunctæ, fascis & Caduceus decussata, Orbis & Securis. L. BVCA. Cap. 9. Num. 21.

XLIII. DIVI IVLI.

Venus victrix. L. AEMILIVS BVCA. Cap. 2. N. 16. & L. BVCA. N. 18.

Cæsar triumphans in quadrigis elephantum. Cap. 5. Num. 3.

Vitulus. Q. VOCONIVS VITVLVS. Cap. 8. Num. 3.

XLIIII. DIVO IVLIO.

Cæsar sedens ante aram Martis Victoriolam palma sinistra tenens. *Cap.2. Num.8.*
 Templum Iulij cum simulachro ipsius. P. LENTVLVS MARCELLIN.
 AED. CVR. *Cap.10. Num.pr.*

XLV. DIVI IVLI.

Vitulus. Q. VOCONIVS VITVLVS Q. DESIGN. S. C. *Cap.8. Num.pr.*

XLVI. DIVVS IVLIVS.

Venus victrix. P. SEPVLLIVS MACER. *Cap.2. Num.14.*
 L. MVNATI. PLANCVS PRAEF. VRB. *Cap.8. Num.5.*

XLVII. DIVO IVLIO.

Vitulus. Q. VOCONIVS VITVLVS. *Cap.8. Num.3.*

XLVIII. DIVVS IVLIVS.

Cæsar sedens ante aram Martis victoriam palma sinistra tenens. *Cap.2. Num.8.*

XLIX. Capita Cæsaribus & Augusti aduersa.

DIVOS IVLIVS. DIVI F.

Crocodylus. AEGYPTO CAPTA. *Cap.4. Num.4.*
 M. AGRIPPA L. F. COS. DES. *Cap.10. Num.7. &*
 M. AGRIPPA COS. DESIG. *Num.9.*

L. nullis inscriptum litteris cum astro supra verticem.

Caput M. Antonij. M. ANTON. IMPER. III. *Cap.8. Num.6. &*
 M. ANTO. IMP. R. P. C. *Num.9.*

LI. Capita Cæsaribus & Augusti aduersa.

DIVI IVLI. IMP. CAESAR DIVI F.

Navis turrita. C. I. V. *Cap.4. Num.12.*

LII. DIVOS IVLIVS.

Sydus Iulium siue Cometes. *Cap.10. Num.6.*

LIII. DIVO IVLIO.

Venus victrix. P. SEPVLLIVS MACER. *Cap.2. Num.19.*

LIIII. DIVI IVLI.

Nomen IIVIRI monetalis. L. MVSSIDIVS T. F. LONGVS. IIIIVIR
 A. A. A. F. F. *Cap.7 Num.12.*

LV. DIVVS IVLIVS.

Crocodylus. AEGYPTO CAPTA. *Cap.4. N.4. & 6.*
 Cometes. *Cap.10. N.5.*

LVI. nullis inscriptum litteris cum astro supra verticem.

Venus victrix. P. SEPVLLIVS MACER. *Cap.2. Num.14.*

Cometes. DIVI IVLI. *Cap.10. Num.8.*

LVII. DIVVS IVLIVS.

Victoria cum caduceo in dextra & serpente ante pedes. IMP. CAES. TRAIAN.
 AVG. GER. DAC. P. P. REST. *Cap.10. Num.11.*

LVIII. Capita Cæsaribus & Augusti aduersa.

DIVI IVLI IMP. CAESAR DIVI F.

Prora navis. *Cap.4. Num.10.*

LIX. Γ. ΙΟΤΑΙΟΣ ΚΑΙΣΑΡ ΘΕΟΣ.

Stella. *Cap.10. Num.4.*

LX. Capita Cæsaribus & Augusti aduersa. DIVI IVLI. IMP. CAESAR DIVI F.

Prora navis. *Cap.4. Num.10.*

In Lepido.

Caput primum. M. LEPIDVS IMPER.

Concordia. C. VIBIVS VARVS IIIIVIR A. P. F. Cap. 2. Num. 3.

Caput Iulij Cæsaris. CAESAR P. M. DIC. TER. Cap. 2. Num. 11.

Statua Lepidi equestris. S. C. Cap. 5. Num. 10.

II. M. ΛΕΠΙΔΟΣ ΑΤΤΟΚΡΑΤΩΡ ΤΡΙΩΝΑΝΔΡΩΝ.

Caput fœminæ turritum. ΚΟΙΝΟΝΙΑ ΑΛΕΞΑΝΔΡΕΩΝ. Cap. 6. Num. 3.

III. M. LEPIDVS. IIIIVIR R. P. C.

Mars hastam dextra, gladium siue Parazonium sinistra tenens. M. MVSSIDIVS.

T. F. LONGVS IIIIVIR A. P. F. Cap. 2. Num. 10.

Caput Augusti. C. CAESAR IMP. IIIIVIR R. P. C. Cap. 3. Num. 7.

IIII. M. LEPIDVS IIIIVIR R. P. C.

Caput Augusti. C. CAESAR IMP. IIIIVIR R. P. C. Cap. 3. Num. 7.

V. M. ΛΕΠΙΔΟΣ ΑΡΧΙΕΡΕΥΣ ΜΕΓΑΣ.

Nauis siue Triremis siue alia. ΤΡΙΩΝΑΝΔΡΩΝ. Cap. 5. Num. 11.

VI. LEPIDVS PONT. MAX. IIIIVIR R. P. C.

Statua Lepidi equestris togata. Ex. S. C. Cap. 5. Num. 12.

VII. LEPIDVS PONT. MAX. IIIIVIR. R. P. C.

Caput Augusti. CAESAR IMP. IIIIVIR. R. P. C. Cap. 3. Num. 9.

VIII. LEPIDVS IMP. PONT. MAX. IIIIVIR R. P. C.

Tria signa militaria. Ex S. C. Cap. 5. Num. 9.

IX. LEPIDVS PONT. MAX. IIIIVIR R. P. C.

Caput Augusti. CAESAR IMP. IIIIVIR. R. P. C. Cap. 3. Num. 9.

X. M. LEPIDVS PONT. MAX. IIIIVIR R. P. C.

Dextræ iunctæ caduceū tenentes. L. MVSSIDIVS T. F. LONGVS IIIIVIR A. P. F.

XI. nullis inscriptum litteris.

(Cap. 5. N. 12.)

Concordia. C. VIBIVS VARVS. Cap. 2. Num. pr.

Vrnula, Lituus, Capeduncula, Culter victimarius. M. LEPIDVS PONT. MAX.

IIIIVIR R. P. C. Cap. 7. Num. 11.

XII. M. LEPIDVS IMP. PONT. MAX. IIIIVIR. R. P. C.

Caput Antonij. M. ANTONIVS IMP. AVGV. IIIIVIR. R. P. C. Cap. 3. N. 4.

XIII. M. LEPIDVS. PONT. MAX. IIIIVIR R. P. C.

Caput Antonij. M. ANT. IMP. AVG. IIIIVIR R. P. C. L. GELL. Q. P. Cap. 3. N. 6.

Caput Augusti. CAESAR IMP. PONT. IIIIVIR R. P. C. Cap. 4. N. pr.

& C. CAESAR IMP. PONT. IIIIVIR R. P. C. Cap. eod. N. 3.

XIIII. nullis inscriptum litteris, & velatum.

Equi duo decurrentes. P. SEPVLLIVS MACER. Cap. 2. Num. 8.

Lepidus habitu Pontificali astans Tripodi. P. SEPVLLIVS MACER. Cap. 7. Num. 26.

XV. M. LEPIDVS IMP. ITER. PONT. MAX. IIIIVIR R. P. C.

Mars. P. CLODIVS M. F. Cap. 2. Num. 12.

Lituus, Tripus, Capeduncula. Ex S. C. Cap. 7. Num. pr.

XVI. M. LEPIDVS IMP. ITER. PONT. MAX. IIIIVIR R. P. C.

Equi duo decurrentes. P. SEPVLLIVS MACER. Cap. 2. Num. 8.

Statua Lepidi Equestris loricata & paludata. SALVS PROVINCIARVM

AFRICAE S. C. Cap. 6. Num. 2.

XVII. LEPIDVS IMP. ITER. PONT. MAX. IIIIVIR R. P. C.

Vesta. L. REGVLVS IIIIVIR A. P. F. Cap. 7. Num. 6.

XVIII. M. LEPIDVS PONT. MAX. IIIIVIR R. P. C. COS. ITER.
Concordia. C. VIBIVS VARVS. *Cap. 2. Num. pr.*

XIX. M. LEPIDVS PONT. MAX. IIIIVIR ITER. R. P. C.
Dextræ iunctæ caduceum tenentes. SAL. GENERIS HVMANI. *Cap. 3. N. pr.*
Caput M. Antonij. IMP. ANTONIVS AVGV. IIIIVIR ITER. R. P. C. *Cap. 4. N. 5. & 8.*
Caput Augusti. IMP. CAESAR DIVI F. IIIIVIR ITER. R. P. C. *Cap. 4. N. 10.*
& IMP. CAESAR DIVI F. PONT. IIIIVIR ITER. R. P. C. *Cap. eod. N. 12.*

XX. M. LEPIDVS PONT. MAX. IMP. ITER.
Sella cui fulgur incumbit siue Puluinar Iouis. COS. ITER. IIIIVIR. R. P. C. *Cap. 7. N. 9.*

XXI. LEPIDVS PONT. MAX. IIIIVIR ITER. R. P. C.
Tripus inter duos fasces. P. SEPVLLIVS MACER. *Cap. 7. Num. 3.*

XXII. M. LEPIDVS PONT. MAX.
Caput Iulij Cæsaris. DIVVS IVLIVS. *Cap. 3. Num. 8.*

XXIII. LEPIDVS PONT. MAX.
Caput Iulij Cæsaris. DIVVS IVLIVS. *Cap. 3. Num. 8.*

XXIIII. M. LEPIDVS PONT. MAX.
Caput Iulij Cæsaris. DIVVS IVLIVS. *Cap. 3. Num. 5.*
Lepidus habitu Pontificali Tripodi astans. P. SEPVLLIVS MACER. *Cap. 7. N. 2.*

In Antonio.

Caput Primum. M. ANTONI. IMP.
Caput Augusti. C. CAESAR IMP. *Cap. 4. Num. 11.*
II. M. ANTON. IMP.
Caput Iulij Cæsaris. CAESAR. *Cap. 2. Num. 4.* & CAESAR DIC. *Cap. eod. N. 6.*

III. M. ANTONIVS IMP.
Caput cum quinque spicis in vertice. CAESAR D. F. *Cap. 4. Num. 2.*
IIII. IMP.

Caput Solis radiatum. M. ANTONIVS IIIIVIR R. P. C. *Cap. 5. N. 12.*
V. ANTONIVS. IMP.

Tria signa militaria. IIIIVIR R. P. C. *Cap. 8. Num. 4.*
VI. IMP.

Aquila fulmini insistent. C. SOSIVS. *Cap. 5. N. 2.*
VII. ANTONIVS IMP.

Caput Augusti. C. CAESAR IMP. *Cap. 4. Num. 11.*
VIII. Capita Antonij & Augusti auersa. IMP. DIVI F.
Prora nauis. *Cap. 7. Num. 11.*

IX. ANTON. IMP. R. P. C.
Caput Iulij Cæsaris. DIVO IVLIO. *Cap. 2. Num. 9.*

X. M. ANTONIVS IMP. R. P. C.
Caput Iulij Cæsaris. DIVO IVLIO. *Cap. 2. Num. 9.*

XI. M. ANTO. IMP. R. P. C.
Caput Iulij Cæsaris. CAESAR DIC. *Cap. 2. N. 6. & iterum N. 7. nullis inscriptis litteris.*

XII. M. ANTONIVS IMP. R. P. C.
Cornucopiae. L. MVSSIDIVS LONGVS. *Cap. 6. Num. 11.*

XIII. M. ANT. IMP. ITER.
Duo Togati in substructione rotunda siue septis consistentes sortes ex urnis educentes.
L. MVSSIDIVS T. F. LONGVS IIIIVIR A. P. F. *Cap. 6. Num. 2.*

XIIII. nullis inscriptum litteris.

Caduceus. ANTONIVS IMP. Cap. 2. Num. 8.

Caduceus inter geminū Cornucopiæ. M. ANT. IMP. IIIVIR. R. P. C. Cap. 2. N. 10.

Capeduncula, Culter victimarius, Lituus, Vrnula, Patella.

IMP. ANT. AVG. IIIV. ITER. R. P. C. Cap. 4. Num. 3.

Caput Solis radiatum. M. ANTON. IMP. IIIVIR R. P. C. Cap. 5. Num. pr.

IMP. ANTON. AVGV COS. DES. III. IMP. IIII. Cap. 6. Num. 6.

XV. M. ANTON. IMPER. III.

Caput Iulij Cæsaris. Cap. 2. Num. 7.

XVI. M. ANTONI. IMPER. III.

Caput Iulij Cæsaris. CAESAR. Cap. 2. Num. 4.

XVII. M. ANTONΙΩΣ ΑΥΤΟΚΡΑΤΩΡ. Γ.

Caput Cleopatraz. ΚΛΕΟΠΑΤΡΑΣ ΙΙΙΙΙΙΙΙ ΒΑΣΙΛΙΣΣΗΣ. Ca. 10. Num. 6

XVIII. M. ANTONIVS IIIVIR R. P. C.

Caput Diui Iulij. DIVO IVLIO. Cap. 2. Num. 9.

Mars. L. MVSSIDIVS T. F. LONGVS IIIVIR A. P. F. Cap. 6. Num. 1.

Cornucopiæ. L. MVSSIDIVS LONGVS. Cap. 6. Num. II.

XIX. ANTONIVS IMP. IIIVIR R. P. C.

Antonij, Augusti, & Lepidi Triumvirorum capita. IIIVIR C. MARIVS PR. Q.

Pietatis simulachrum. PIETAS COS. Cap. 6. Num. 7. (Cap. 2. Num. 5.)

XX. ΑΝΤΩΝΙΟΣ ΑΥΤΟΚ. ΤΡΙΩΝΑΝΔΡΩΝ.

Figura capite turrato cū Cornucopiæ & clauo gubernaculi. ΚΑΙΣΑΡΕΩΝ. Ca. II. N. 2.

XXI. M. ANTONIVS IIIVIR. R. P. C.

Mars. P. CLODIVS M. F. Cap. 6. Num. 3.

XXII. ANTONIVS IMP. IIIVIR. R. P. C.

Pietatis simulachrum. PIETAS COS. Cap. 6. Num. 7.

XXIII. M. ANTONIVS IMP. IIIVIR R. P. C.

Caput Augusti. C. CAESAR IMP. IIIVIR R. P. C. Cap. 3. Num. 2.

XXIIII. ANT. IMP. IIIVIR R. P. C.

Concordiæ simulachrum. CONCORDIA PRAETORIANORVM P. V. A.

Cap. 8. Num. II.

Prora naus. CN. DOMIT. AHENOBARBVVS IMP. Cap. 10. Num. 8.

XXV. Μ. ΑΝΤΩΝΙΟΣ ΑΥΤΟΚΡΑΤΩΡ ΟΙΩ-

ΝΙΣΤΗΣ ΤΡΙΩΝΑΝΔΡΩΝ.

Caput Cleopatraz. ΒΑΣΙΛΙΣΣΗΣ ΚΛΕΟΠΑΤΡΑΣ ΟΣΣΑΝ ΣΩΤΗ-

ΡΑΣ. Cap. 10. Num. 9.

XXVI. M. ANT. IMP. AVG. IIIVIR R. P. C.

M. BARBAT. P. CI.

Caput Augusti. CAESAR IMP. PONT. COS. IIIVIR R. P. C. Ca. 3. Nu. 7. &

CAESAR IMP. PONT. IIIVIR R. P. C. Cap. eod. Num. 9.

XXVII. ΑΝΤΩΝΙΟΣ ΑΥΤΟΚΡΑΤ. ΟΙΩ-

ΝΙΣΤΗΣ ΤΡΙΩΝΑΝΔΡΩΝ.

Caput Sarapidis siue Ofiridis. ΡΟΔΙΩΝ. Cap. 5. Num. 9.

XXVIII. ANT. AVG. IMP. IIIVIR R. P. C.

Pietatis simulachrum. PIETAS COS. Cap. 6. Num. 9.

XXIX. M. ANT. IMP. AVG. IIIVIR R. P. C. A. NERVA PROQ. P.

Caput Augusti. C. CAESAR IMP. IIIVIR R. P. C. Cap. 3. Num. 2.

Caput L. Antonij. L. ANTONIVS COS. *Cap. 6. Num. 5.*

XXX. M. ANTONIVS IMP. AVGVRIIVIR R. P. C.

Caput Lepidi. M. LEPIDVS IMP. PONT. MAX. IIIIVIR R. P. C. *Ca. 3. N. 4.*

Caput Augusti. CAESAR IMP. PONT. IIIIVIR R. P. C. *Cap. 3. Num. 9.*

XXXI. ANT. IMP. AVG. IIIIVIR R. P. C. M. BARBA. P. CL.

Caput Augusti. C. CAESAR IMP. IIIIVIR R. P. C. *Cap. 3. Num. 2.*

XXXII. ANT. IMP. AVGVRIIVIR R. P. C. L. GELL. Q. P.

Caput Augusti. CAESAR IMP. PONT. IIIIVIR R. P. C. *Cap. 3. Num. 11.*

XXXIII. M. ANT. IMP. AVG. IIIIVIR R. P. C. M. BARBAT. Q. P.

Caput Augusti. CAESAR IMP. PONT. IIIIVIR R. P. C. *Cap. 3. Num. 11.*

Caput L. Antonij. L. ANTONIVS COS. *Cap. 6. Num. 5.*

XXXIIII. M. ANTONIOΣ ΑΥΤΟΚΡ. ΟΙΩ-
ΝΙΣΤΗΣ ΤΡΙΩΝΑΝΔΡΩΝ.

Tripus. ΕΦΕΣΙΩΝ ΝΕΩΚΟΡΩΝ. *Cap. 4. Num. 8.*

XXXV. M. ANT. IMP. AVG. IIIIVIR R. P. C. L. GELL. Q. P.

Caput Lepidi. M. LEPIDVS PONT. MAX. IIIIVIR R. P. C. *Cap. 3. Num. 6.*

Caput Augusti. CAESAR IMP. PONT. IIIIVIR R. P. C. *Cap. 3. Num. 9.*

XXXVI. M. ANTONIOΣ ΑΥΤΟΚΡΑΤΩΡ ΤΡΙ-
ΤΩΝ ΤΡΙΩΝΑΝΔΡΩΝ.

Caput Cleopatraz. ΒΑΣΙΛΙΣΣΑ ΚΛΕΟΠΑΤΡΑ ΟΣΣΑΝ ΣΟΤΗΡΑ. *Ca. 10. N. 7.*

XXXVII. ANTONIVS AVGVRIOS. DES. ITER. ET TER.

M. SILANVS AVG. Q. PROCOS. *Cap. 6. Num. 8.*

Thiara Parthica cum arcu & sagitta. IMP. TERTIO IIIIVIR R. P. C. *Cap. 7. Num. 4.*

XXXVIII. Antonij & Cleopatraz capita aduersa. ANTON. IMP. COS.

DESIG. ITER. ET TER. IIIIVIR R. P. C.

Navis Antonij Prætoria, siue Triremis, siue alia maior. L. GELL. L. F. POPLICOLA.

M. OCTAVI. Q. ////////// PRAETORI. ANT. *Cap. 10. Num. 3.*

Dux naues. M. BARBAT. PROPR. PR. A. *Cap. 10. Num. 10.*

XXXIX. M. ANT. IMP. AVG. COS. DES. ITER. ET TER. IIIIVIR R. P. C.

Dextræ iunctæ signū militare nauale tenentes. CONCORD. EXERCIT. *Ca. 8. Num. 5.*

XL. Capita Antonij & Cleopatraz. ΑΝΤΩΝΙΟΥ ΑΥΤ. ΚΑΙ
ΚΛΕΟΠΑΤΡΑΣ ΒΑΣΙΛΙΣΣΗΣ.

Victoria insistens proræ navis. ΚΟΙΝΟΝ. ΠΡΩΤΗΣ ΤΡΙΠΟΛΙΤΩΝ. *Ca. 7. N. pr.*

& iterum, ΚΟΙΝΟΝΙΑ ΤΡΙΠΟΛΙΤΩΝ. *Cap. eod. Num. 3.*

XLI. M. ANTONIVS IMP. COS. DESIG. ITER. ET TER.

Ara rotunda inter duos angues. IIIIVIR R. P. C. *Cap. 7. Num. 7.*

XLII. Capita Antonij & Cleopatraz. Μ. ΑΝΤΩΝΙΟΣ ΑΥΤΟΚΡΑ-
ΟΙΩΝΙΣΤΗΣ ΤΡΙΩΝΑΝΔΡΩΝ.

Dux navium proræ, alteri insitit Victoria. ΝΙΚΟΠ. ΗΡΩΔΗΣ. *Cap. 10. N. 12.*

XLIII. Capita M. Antonij & Cleopatraz. Μ. ΑΝΤΩΝ. IMP. COS.
DESIG. ITER. ET TER. IIIIVIR R. P. C.

Navis Antonij Prætoria. P. CANIDIVS CRASSVS LEG. A. P. *Cap. 10. N. pr.*

XLIIII. Capita Antonij & Cleopatraz. ΑΝΤΩΝΙΟΣ. ΡΩΜΗΣ.

Caput Caesarionis Caesaris ex Cleopatra filij. ////////// ΚΑΙΣΑΡΩΣ. ////////// *Ca. 10. Num. 12.*

XLV. Capita Antonij & Cleopatraz. ANT. IMP. COS. DESIG.
ITER. ET TER. IIIIV. R. P. C.

Nauis Antonij Prætoria. P. CANIDIUS CRASSVS LEG. A. P. *Cap. 10. Num. pr.*
 Duæ naues. M. BARBAT. PROPR. P. R. A. *Cap. 10. Num. 10.*

XLVI. ANT. AVG. IMP. TER. COS. DES. ITER.
 ET TER. IIIIVIR R. P. C.

Tria signa militaria. CONCORDIA EXERCITVVM. *Cap. 8. Num. 6.*

XLVII. Capita Antonij & Cleopatraz. M. ANTONIVS IMP.
 COS. DESIG. ITER. ET TER.

Simulachrum muliebre insiftens aræ rotundæ inter duos angues. IIIIVIR. R. P. C.
Cap. 7. Num. 9.

XLVIII. ANTON. AVG. IMP. III. COS.
 DES. III. IIIIVIR R. P. C.

ANTONIVS AVG. IMP. III. *Cap. 6. Num. 4.*

Victoria. PAR. *Cap. 7. Num. 2.*

XLIX. IMP. ANTON. AVG. COS. ITER. DES.
 TER. IIIIV. ITER R. P. C.

Trophæum. IMP. TER. *Cap. 7. Num. 10. & 12.*

L. IMP. ANT. AVGV R. P. C.

Victoria in bigis. P. VENTIDI. P. F. PR. COS. *Cap. 7. Num. 5.*

Thiara Parthica cum arcu & sagitta. IMP. TER. *Cap. 7. Num. 6.*

Trophæum. IMP. TER. *Cap. 7. Num. 10. & 12.*

LI. IMP. ANTON. AVG. IMP. IIII. COS.
 DES. IIII. IIIIVIR II. R. P. C.

Palma arbor in corona hederacea. ALEXANDR. AEGYPT. *Cap. 10. Num. 5.*

LII. IMP. ANTONIVS AVGV R. P. C.

Caput Lepidi. M. LEPIDVS PONT. MAX. IIIIVIR ITER. R. P. C. *Ca. 4. N. 4*

Victoria. PAR. *Cap. 7. Num. 2.*

LIII. ANTONI. ARMENIA DEVICTA.

Caput Cleopatraz. CLEOPATRAE REGINAE REGVM FILIORVM
 REGVM. *Cap. 10. Num. 2.*

LIIII. IMP. ANTONIVS AVGV R. P. C.

Caput Augusti. IMP. CAESAR DIVI F. IIIIVIR ITER. R. P. C. *Cap. 4. Nu. 7*

LV. IMP. ANTONIVS AVGV R. P. C.

Caput Lepidi. LEPIDVS PONT. MAX. IIIIVIR ITER. R. P. C. *Cap. 4. Num. 6*

Caput Augusti. IMP. CAESAR DIVI F. IIIIVIR ITER. R. P. C. *Ca. 4. Num. 7*
 & iterum, IMP. CAESAR DIVI F. PONT. IIIIVIR ITER, R. P. C. *Ca. eod. Nu. 9*

LVI. M. ANT. ARMENIAS KATAΔΟΥΛΩΣ. //

Caput Cleopatraz. ΚΛΕΟΠΑΤΡΑ ΑΡΜΕΝ. // ΒΑΣΙΛΙΣΣΑ. *Cap. 10. N. 4*

LVII. IMP. ANTONIVS AVG. IIIIVIR ITER. R. P. C.

Victoria Trophæo affans. *Cap. 7. Num. 8.*

LIX. Caput Antonij in medio Laureæ coronæ nullis inscriptum litteris.

Mulier capite turrita Cornucopiæ & ramum dextra tenens. ΚΑΙΣΑΡΕΩΝ.
Cap. 11. Num. 11.

AD LECTOREM.

Quia inter numismata Caesaris, quæ præsens tibi liber exhibet, quædam aliter à nobis atq. ab Ænea Vico in primo illo ipsius Imperatoriorum numismatum libro sunt expressa, ne quis ignorantia quadam aut incuria id putet esse factum, potius q. studio aut certo iudicio, quod scilicet in ipsis archetypis illa ita spe Ælentur, visum est eos nummos hæc subijcere, qui à nobis fidelius aliquantò quàm ab Ænea redditi sunt. Quod eo magis animo, quàm aliena carpendi libidine à me fieri, candide Lector, credas velim. Interim Ænea nostri errores non tam inscitia aut negligentia imputans, quàm eundem facile excusans: quod in nummos vetustatis iniuria detritos, mutilatos, aut alioqui minus integros ipsum incidisse mihi perquam lubenter persuadeo.

Primum Capite primo, loco. xxvj. est facies Caesaris capite velato, siue toga in caput adducta, qui est habitus Pontificum & Sacerdotum peculiaris, prominente supra frontem laurea cum hac inscriptione: C. CAESAR COS. TER. vti in quàmplurimis aureis huius notæ nummis à me diligenter obseruatum est, è quibus vnus etiam nū Brugis est apud M. Laurinum. Æneas verò hoc caput inter partes auersas Tabula tertia Nummo quinto expressit: non quidem vt Casarem ipsum referret, sed infantem aut foeminam capite obuoluto, & in titulo qui caput ambit, pro COS. TER. manifesto errore scripsit COS. ITER. additq. in suis ad illum nummum commentariis caput illud esse Pietatis.

Iterum eodem capite, loco. xxxj. est caput Caesaris prorsus simile præcedenti, sic inscriptum, vti & in omnibus alijs quos vnquam videre mihi contigit, CAESAR PARENS PATRIAE. Æneas autem Tabula prima loco quinto, quo idem caput constituit, sic: CAESAR PATER PATRIAE.

Deinde Capite tertio, loco quarto, est caput Veneris Genetricis cum Cupidinis alati icuncula ad ceruicem, vti & in pluribus Caesaris nummis spectatur. Pro quo Æneas Ta. 3. nu. 7. substituit caput quidem ferè simile, verum pro Cupidine alato, solam alam ceruici appinxit, additq. in cõment. suis esse caput Victoriæ.

Postea Capite quarto, loco vndecimo, exprimitur Neptunus Siculus, peculiare Sicilia symbolum dextra tenens, dextro item pede prora nauis insistent, quo gestu & in plurimis passim aliorum Imperatorum nummis conspicitur. Æneas verò expressit muliebre simulachrum, subiungens in commentarijs esse Siciliæ prouinciæ imaginem.

Præterea Capite sexto, nummo secundo & elegantissimo, in quo spectatur Bellerophon contra Chimeram monstrum depugnans inscripta sunt nomina Duumvirorum, à quibus sub Casare Corinthus colonia deducta fuit, in hunc modum: Q. CAECIL. NIGR. C. HEIO PAUL. II VIR. Hoc est: Q. Cæcilio Nigro. C. Heio Paullione Duumviris. Pro quibus Æneas, primam loco Q. litera substituit infantem nudum brachijs extensis in aëre suspensum: pro reliquis elementis, nescio quæ rararum vestigia, ex quibus nihil certi colligi potest. Hic nummus est apud M. Laurinum.

Item Capite sexto nummus sextus inter cetera nobis exhibet Decempedam, siue agri mensuram peticā decem pedum notis quibusdam siue punctis singulos pedes à se exactè distinguentibus. Sed Æneas pro Decempeda substituit nescio quem baculum nodosum tanquam clauam: additq. in commentarijs suis, sceptrum illud esse, quo præter Deos, etiam Reges, & Imperatores, & Consules, exercituumq. Præfecti, & Prætores vti soliti sint. Quod ego nondum in authoribus obseruaui.

Rursus eodem capite loco. xj. est alter nummus colonie Corinthi cum Bellerophonte similis superiori, sic inscriptus, COL. IUL. COR. hoc est: Colonia Iulia Corinthus. Vti ego exactè & ex vno antiquo nummo descripsi. Æneas autem sic scripsit, COL. L. IUL. COR. inserta perperam L. littera, & interpretatur: Colonia Latinorum Iulia Corinthus. Cui errori causam præbuit scabrities quadam & asperitas, quam nummus ille quem Æneas imitatus est, eo fortè loco quo L. inseruit ex æruginе contraxerat: vti in eo ipso archetypo, mihi ante annos aliquot cum Venetijs essem, à Clarissimo Doctissimoq. Andrea Lauredano Patricio Veneto cum alijs aliquot nummis minimè vulgaribus donato, manifestò deprehendi, dum me vnà cum M. Laurino, cui illa Ænea interpretatio minus satisfaciebat, & L. illud insertum suspectum erat, nummum ipsum curiosius inspiciente, adnota leuiter cultelli cuspide scabrities illa æruginosa dissiliit. Quæ nobis dudum intuentibus, quum C. potius quàm L. littera figuram referre videretur, effecit, vt aliquandiu legendum censeremus, Colonia Caij Iulij Corinthus. donec tandem dissiliente, vt iam dixi, asperitate illa, apparuit primitus nihil fuisse scriptum, quàm COL. IUL. COR.

Postremò Capite .ix. nummo primo est caput Cereris cui inscripsimus, vti & in meo & in omnibus antiquis huius notæ numismatibus legitur: COS. TERT.

DICT. ITER. pro quo Æneas perperam scripsit:

COS. TERT. DICT. TERT.

2883

CV

